

JOH. COMBACHII,  
METAPHY-  
SICORUM,

LIBRI DUO  
VNIVERSAM PRIMÆ

*Philosophiæ doctrinam theorematibus  
brevissimis comprehendentes, & Com-  
mentariis necessariis illustrantes: stu-  
diosis ejus disciplinæ perquam utiles  
& fructuosi.*

EDITIO QUARTA


Prioribus editionibus auctior  
& castigatior.

*Additus est cuilibet libro in fine In-  
dex rerum & verborum locuples.*



OXONIÆ,  
Excudebat W. Hall, Impensis  
Ric. Davis. Anno 1662.







# ALMÆ STUDIORUM MATRIS.

*Antiquissimæ & laudatissimæ Academiæ &  
Universitatis Oxoniensis Proceribus*

Magnificis, Amplissimis, Reverendis,  
Clarissimis & Excellentissimis Viris,

INSIGNISSIMO DN. VICECAN-  
cellario, omniumque Artium & facultatum  
Doctoribus, Professoribus & Magistris,  
Collegiorum & Aularum Rectoribus,  
Præsidibus, Custodibus & Præse-  
ctis, Dominis & fautoribus  
suis omni observantia  
colendis



## SALUTEM ET BENEDICTIONEM

Ultra præclare à Regibus & ma-  
joribus vestris, viri Magnifici &  
Excellentissimi, in laudatissima  
vestra Academia instituta, à vo-  
bis conservata & aucta cernun-  
tur : quæ quoties animo mecum  
revolvo, summopere admiror eorum magnifi-  
centiam, liberalitatem & prudentiam, quorum  
sumptibus, labore, ope, & industria tam lauda-  
bile opus extructum, in hanc celebrem formam  
excrevit, ut splendore & magnificentia cum  
omnibus Academiis vestra certare possit. Nihil  
de Collegiorum & Aularum structuris dicam,  
tam nobili opere erectis, ut non Scholas &  
Gymnasia, sed Regum & Principum palatia  
spectare

## D E D I C A T I O.

Spectare videatur , qui eas oculis lustraverit :  
 quas pyramidum etiam tantopere decantata-  
 rum molibus præfero, quæ illa prodigorum ho-  
 minum vana opera in mortuorum , credit , mo-  
 numentum gravissimo subditorum onere fue-  
 rint extructæ : hæc ædificia tot nobilibus inge-  
 niis excolendis magno Ecclesiæ & Reipub. li-  
 terariæ bono destinata , uberrimum sui fructum  
 reliquerint. Nihil de maxima studiosorum fre-  
 quentia, quam singularem Academiæ felici-  
 tatem existimare solemus : hanc ad tria mil-  
 lia excrevisse meo tempore constans sermo fuit.  
 In qua frequentia id præcipue memorabile ,  
 quod singulari Patronorum favore & benefi-  
 centia, Socii Collegiorum magno numero gra-  
 vibus sumptibus liberaliter ali & haberi pos-  
 sint ; raro certè beneficio , quo qui fruuntur,  
 in eodem Collegio septuaginta quandoque nu-  
 merantur. Accedit huc insignis illa & cele-  
 berrima Bibliotheca , maxima Thomæ Bodleii  
 equitis cura , magnisque sumptibus cæpta , in  
 quam inferuntur , quotquot de novo in lucem  
 prodeunt libri , eximium studiorum subsidium ;  
 ut in promptu habeant magnorum virorum  
 meditationes , quicunque Artium & discipli-  
 narum cura ducuntur. Quæ singula & multa  
 alia ita comparata sunt , ut si de iis pro merito  
 dicerem , Epistolæ modum excederem : singula  
 certè eximium decus Academiæ vestræ pepere-  
 runt. Unum est , quod hæc omnia superat,  
 quoque maximam celebritatem & famam  
 consequuti estis : Virorum doctissimorum  
 multitudo , qui apud vos superioribus &  
 hodierno seculo vixerunt & docuerunt. No-  
 ta est Rogerii Baconis ; Scoti, Ockami, Burlæi,  
 aliorumque plurimorum inter Scholasticos in-  
 genio.

# DEDICATIO.

geniorum subtilitas, tanta certè, ut si Thomam & forsan Bonaventuram excipias, nullus sit, qui in comparationem cum his venire possit. In vestra Academia hi omnes sunt nati & educati. Hinc Wicleffi doctrina in Bohemiam translata, à Johanne Hussò approbata, tyrannidis Pontificiæ crudelitatem & superbiam arguere primum, & è densissimis tenebris aliquã lucem proferre cœpit. Hic Petrus Martyr insignis ille Theologus nobilem Disputationem cum Pontificiis habuit, eorumq; errores solide confutavit. Hic docuit gravissimus Theologus Johannes Rainoldus, vir quẽ sequutura secula admirabuntur, ob rerum tum Theologicarum, tum profanarum exactam notitiam. Testis esse poterit doctissimus liber de Apocryphis scriptus. Audivi apud vos publicè Theologiam docentem virum multiplici lectione insignem Thomam Hollandum, qui non in theoria modò, sed & in praxi candorem veri Theologi spirabat. Et hoc tu munere, mi Prideauxi, in Regia Professione ornanda magna laude nunc fungeris: de quo plurimum mihi gratulor ob necessitudinem eam, quæ inter nos semper fuit. In infinitum numerus cresceret, si singulos numerarem, qui nominis immortalitatem inter vos sunt adepti. Qui vestros confessus & conventus vidit, testari poterit, quanta iis insit dignitas & amplitudo: ut quod de Romanorum Senatu olim dicebatur, eum Regum & principum confessum repræsentare, de vestris verè dici possit, conventum priscorum Theologorum, quales Augustini & Hieronymi fuerunt tempore, canicie, pietate & sapientia venerandorum, in iis apparere. Quæ tamen dignitas tanta cum humanitate mixta est, ut magno favore

## DEDICATIO.

& benevolentia , maximis etiam beneficiis  
vobis me publicè privatimque affectum esse  
gratissimo animo lubens testor. Et hæc causa  
est, cur vobis, viri Magnifici & Excellentissimi  
cum Typographus distractis exemplaribus al-  
teram Metaphysicæ meæ editionem urgeret , ad  
meam observantiam & qualemcunque gratitu-  
dinem testandam inscribere eam voluerim : ro-  
go vero , ut hoc meum institutum ex sincero  
erga vos animo & affectu profectum benevole  
probare dignemini. Deum Opt. Max. precor,  
ut vos vestramque Academiam magno Eccle-  
siæ, Regni vestri, & Republicæ Christianæ bo-  
no incolumem & florentem diutissimè conser-  
vare velit. Dabam Marburgi Calend. Martii  
anno à nato Christo M.D.C.XX.

*V. V. Magnif. Amplif. Excell.*

*Observantissimus*

JOH. COMBACHIIUS.

REVI



REVERENDO ET CLA-  
RISSIMO VIRO,

DN. JOHANNI PRIDEAUXIO

SS. Theologiae Doctori, & Exoniensis Colle-  
gii in Celeberrima Oxoniensi Academia Re-  
ctori dignissimo, Dn. & amico suo plurimum  
honorando.

JOHANNES COMBACHIUS  
S. P. D.

**Q**Uum annis superioribus studiose juventu-  
tis informanda gratia inter alia exercitia  
Metaphysicum quoddam Tyrocinium hoc  
officium à me esslagitantibus praescriberem, adeo  
non videbar scopum quem meditabar assequutus,  
ut librà me neglectus manibus prorsus excideret :  
is tamen cura eorum, qui à me distante excepe-  
rant, asservatus, postliminio superioribus mensibus  
ad me rediit. Ac tametsi nec nunc dignum magis  
judicarem, qui ederetur : agnoscebam enim facil-  
nullà ex parte eum respondere dignitati discipli-  
nae nobilissimae. Certè tamen causae fuere, quibus  
adductus praelo eum subjeci. Hunc libellum nunc  
editum clarissime Vir, ad te mitto, non quod tuum  
examen & censuram sustinere possit : levior enim  
est, quam qui grave iudicium ferat. Sed ut testis  
sit ejus amicitiae & necessitudinis, quam con-  
traximus firmissimam, quum una nobis esse li-  
ceret, nunquam, ut spero, intermorituram. Et ut  
testetur nondam mihi excidisse memoriam vestri  
regni : quod quum sit aliis rebus plurimis floren-

## D E D I C A T I O

tissimum, tum vero jucundissima mihi semper est  
 recordatio earum rerum, quæ in vestra Acade-  
 mia vel vidi, vel quæ mihi aliàs obtigere. Est ea  
 ob adificiorum splendorem & magnificentiam,  
 & virorum clarissimorum, qui à tot retrò seculis  
 in ea vixere & docuere multitudinem nobilissi-  
 ma. Tu enim Prideauxi nôsti, quàm gratum  
 mihi fuerit vobiscum vivere, vel ob hoc unum,  
 quòd Baconem, Scotum, Oecamum, Burlzum,  
 aliosque plurimos omni ævo celeberrimos viros  
 habueritis. Et est insigne vestræ Academiæ de-  
 cus Bibliotheca instructissima nobile Equitis no-  
 bilissimi Tho. Bodleii monumentum: in qua nescio  
 utrum priùs admirari debeam, librorum copiam  
 & multitudinem an vero Bodleii in ea instruen-  
 da magnificentiam. Multa alia taceo, quæ  
 nunc ut præteream, faciliùs adducor, quòd nec  
 ea pro dignitate à me dici posse arbitror, & fu-  
 sùs de his à me dictum memini, quum in Schola  
 vestra Theologica publicas quasdam prælectiones  
 de mentibus separatis instituerem. Quo ipso tem-  
 pore tantum Academiæ vestræ erga me affectum  
 & benevolentiam nullo meo merito sensi, ut per-  
 petua observantia eam jure prosequerer, si præ-  
 ter hoc unum nullum ejus in me extaret benefi-  
 cium. Verùm sine ingratitude nota præterire  
 nequeo, quæ & quàm multa singuli privatim in  
 me collocarint. Certè eam favorem & amorem  
 sum expertus, ut nesciam an in peregrinum ma-  
 jor conferri possit. Inprimis v. Reverendissimus  
 in Christo Pater Ioh. Kinge, nunc Episcopus Lon-  
 dinensis, id temporis Academiæ Vicecancellarius,  
 vir omni pietate, omnique virtutum genere cu-  
 mulatissimus, et clarissimus Vir Georgius Ryvius  
 S.S. Theologix Doctor, et Collegii Mariani cu-  
 stos singulari gravitate conspicuus, nostræ gentis  
aman-

## D E D I C A T I O

amantissimus, & cui demortuo nunc succedis  
 Prideauxi Reverendus Pater Thomas Hollandus  
 SS. Theologiae Doctor, et Professor Regius vir  
 multiplicis lectionis: et cui tu nunc praes univer-  
 sum Exoniense Collegium: potissimum verò vir  
 rara pietatis Guilielmus Helme Collegii Subre-  
 ctor, amicus meus dilectissimus, tanta mihi exhi-  
 buere beneficia, humanitatem amorem favorem,  
 et benevolentiam, ut iis quidem gratiam me de-  
 bere fateri possim, referre haud facile possim. Est  
 et suavissima semper recordatio ejus conversatio-  
 nis, quae mihi tecum et cum amborum amico A-  
 damo Reutero Iuris Licentiatò intercessit: tam  
 frequens et facilis, ut inter fratres esse videretur.  
 Hic liber in memoriam tibi revocabit, quae inter  
 nos dicta et gesta sunt saepius. Gratus sit scio:  
 si vel maxime sine Gratiis veniat, quod amicitiae  
 nostrae testem et tesseram appellarim, et probabis  
 librum, quia ab amico profectus est, si vel maxi-  
 me ea quae libro inscripta sunt improbaberis. Nec  
 enim hoc peto: non in eo amicitiae nostrae funda-  
 mentum situm est, ut alterius quisque opiniones  
 vel probemus, vel improbemus, dummodo cui-  
 que nostrum scopus propositus is sit, ut et verita-  
 tem uterque sectari desideret, & usui publico in-  
 servire studeat. Est enim in memoria recenti quod  
 in trito est:

Diversum sentire duos de rebus iisdem,

Incolumi licuit semper amicitia.

Et notum est illud Arist. I. Moral.

Ἀμφοῖν ὄντοι φίλοι ὅσιον προτιμᾶν  
 τὴν ἀλήθειαν. Vale. Dabam Marpurgi, Idi-  
 bus Martii, Anno 1613.





πρεσβυτηρις

ERASMI JUNIORIS

BARONIS STARHEMBERGII

Academiae Marpurgensis pro

tempore (1613) REC-

TORIS

A D

*Excellentissimum juxta ac Doctis-*  
*simum Virum,*

DN. M. JOHANNEM COMBACHIUM

Philosophiae in Illustr. Academia

Marburg. Professore Ordinari.

**H**unc ut commendem librum tua suadet  
JANE.

Doctrina insignis, cognita rite mihi.  
Nunc magis hanc noscet, Gallus, Germanus, et  
Anglus,

Atque alii, quorum nomina magna vigent.  
Ipseque doctorum liber hic celebrabitur ore,  
Qui solus sophiae culmina prima tenet.

Eximii liber est fructus, praeclaraque multa

Is docet: authorem laudat et ipse suum.

Nam dum per librum instruitur studiosa juven-

tus,

Summa hinc exstruitur lausque decusque tibi.

Hoc

*Hoc mecum agnoscit meritoque Academia nostra,  
Proque opere hoc multum debet & ipsa tibi.*

*Sed quid plura loquar? tantum hæc doctissime*

COMBACH.

*Addo, quod voti est summa caputque mei  
Vive valeque diu, Christo servire, scholisque  
Ut prodesse queas: vive valeque diu.*

## Epigramma

### CAROLI BARONIS DE KAUNICZ

*In Metaphysicam viri Clarissimi, Philosophi  
acutissimi, Domini*

JOANNIS COMBACHII.

**D**octrinæ esse genus de Re quo tractat ut est  
Res,

*Vnanimi cætus comprobatur ore & opor,*

*Nam datur a primis qui tendit ad ordo secunda,*

*Hinc doctrina datur quæ quoque prima docet:*

*Quam cultis plures illustra vèrè libellus,*

*Et cujus vires explicuere satis.*

*At velut est artis, si quis brevis esse labore,*

*Complecti & paucis plurima verba sciat,*

*Sic tuus excellit per multos arte libellus*

*Fontes Combachi quod brevitate docet.*

*Nec tamen ut mædo doctus seu res seu verba revolvam;*

*Vili doctrina cedit & arte gravi.*

*Perge igitur dapibus similes his promere plures,*

*Ingenii cupidus ex locuplete penu;*

*Incluta sic tibi met paries præconia famæ;*

*Proque labore tuo præmia digna feres.*

EPIG

EPIGRAMMA  
AD RECTOREM,  
SUBRECTOREM,  
& Socios Collegii Exon.  
OXONI.

**A**nglia longè alijs felicior Insula cunctis  
Est, Amphitrite quas secat Orbe fretis  
Oxonium reliquis illustrius Urbibus unum est,  
Anglia Londinum quas modo præter habet.  
Exoniense præit Collegia cætera fama,  
Quæ multa Oxonium & splendida cuncta  
tenet.

Arte super Socios Prideauxius eminet omnes,  
Rectoris virtus cui titulum alta dedit.  
Germanæ columen Prideauxius ille iuventæ est,  
Extera quæ studii lustrat amore loca :  
Teutonum & hospicium vere Exoniense thea-  
trum est.

Oxonium est Musis aula dicata sacris.  
Albion & nivea ora effert, & candida corda,  
Germanos fratres gens, velut orta, fovet.  
Expertus loquor, & mecum Combachius ipse,  
Qui libro in scripto te, Prideauxe, colit.  
Ortu, opibusque potens, nuda mihi voce Petrus  
Par Baro, laus vestra est, & petra firma  
Scholæ.

Exnobi Benefactor erat Pater, ipse Patronus  
Est petra virtutum Filius Exonici.  
Nomine vos solo me sic coluistis amatum,  
Ac si essem illustri hoc sanguine natus ego.

Gratia

*Gratia tanta viris, stat apud me gratia facti,  
Si potero & vestris grata referre, feram.*

*Helme, Hakwil, Vilvain, Prideauxi ô vivite a-  
mici,*

*Sit Willingbro Magdala fausta meo.*

*Barkerus Doctor, Warnerus in Arte Professor  
Clarus, Monstrellus salveat artis honos.*

*Ansa salutandi meus est Combachius alter,  
Qui parili affectis vosque Scholamque colit.*

*Hastiacis vestrum dicetur nomen Athenis,  
Sive his Combachius, sive Petreus adest.*

*Nec mihi vera Soror dilecta tacebitur, ipsa  
Dulce mihi hospitium, sed breve amica dedit.*

*Floreat Oxonia, ac Cantabrigia artibus æquis,  
Nobile Marpurgum flore perenne micet.*

**Henricus Petreus Phil. & Med. D.  
& Prof. P. Ord. & ejuld. Fac.  
p. t. Decanus in Academia  
Marpurgensi.**

# M. G V O L F G A N G U S

Lorisea Orator, & Poës.

Professor Cassel.

In effigiem Dn. Iohannis Combachii S.S.  
Theol. & Phil. Profess.

## I.

**G**loria Cattorum, nostrique columna Lycei,  
Ingens ingenio, dexteritate potens.  
Tunc sophus potius dici merearis, acutus  
Quam mihi Theologus, res dubitare jubet.

## II.

Quicquid Aristoteles, Plato, Duns, tenuere pa-  
tresque,  
Ingenii princeps Combachius obtinet unus.

## III.

Germani, Galli, Belgæ, Angli, Italique Ioannis  
Combachii ingenium (quis neget ista?) stupent.  
Hunc audire virum quoque si contingeret illis;  
Scirem Combachium nullibi habere parem.

## IIII.

Effigiem cestræ exsculptam cernere gestis,  
Cujus fama cluet, dum polus ipse ruet;  
Ingenii princeps, Cattorum fama deinceps;  
An satis arridet, quem bene quisque videt?

INDEX

# INDEX CAPITUM

## LIBRI PRIMII.

- C**aput I. De Definitione et Subiecto Metaphysica.  
Cap. II. De Ente et Essentia.  
Cap. III. De Principiis Metaphysica.  
Cap. IV. De passionibus seu affectionibus Entis in genere.  
Cap. V. De Vno.  
Cap. VI. De Vero.  
Cap. VII. De Bonis  
Cap. VIII. De divisione Entis ut equivoci in equivocata.  
Cap. IX. De divisionibus Entis à mediis intrinsicis et passionibus desumptis: et in specie de Potentia et Actu.  
Cap. X. De Abstractione.  
Cap. XI. Quid sit Ens increatum et creatum.  
Cap. XII. De divisione Entis à se, et ab alio.  
Cap. XIII. De Necessario et Contingenti, 156.  
Cap. XIV. De infinito et Finito, item illocali et locali.  
Cap. XV. De Independenti et Dependenti.  
Cap. XVI. De Absoluto.  
Cap. XVII. De incorruptibili et Corruptibili.  
Cap. XVIII. De Principio et Principiato.  
Cap. XIX. De Causis et Effectis.  
Cap. XX. De Ordine Terminorum divisionis.  
Cap. XXI. De Universali et Singulari.  
Cap. XXII. De Identitate et Distinctione.  
Cap. XXIII. De Simplici et Composito.  
Cap. XXIV. De Toto et partibus.  
Cap. XXV. De Naturali et Artificiali.

Cap.

*Cap. XXVI. De Perfecto et imperfecto.*  
*Cap. XXVII. De Completo et incompleto.*  
*Cap. XXVIII. De Substantia.*  
*Cap. XXIX. De Accidente.*

L I B R I I I.

*Cap. I. De separatis secundum essentiam, et in  
specie de Deo.*  
*Cap. II. De Angelis.*  
*Cap. III. De Anima humana.*



JOAN.

or  
sal  
tem  
que  
per  
que



JOAN. COMBACHII  
WETTERANI  
METAPHYSICORUM  
LIBER PRIMUS.

Caput I.

De D. finitione & Subjeſto Metaphyſicæ.

Theorema primum.

**M**etaphyſica eſt ſcientia, quæ ſpeculatur Ens prout Ens eſt, & quæ ei per ſe inſunt.

2. Ejus conſideratio duplex eſt: *absoluta*, & *reſpectiva* ſeu *ordinata* ad ſcientias alias particulares.

3. *Absolutè* conſiderata pars alia eſt *Univerſalis*, alia *Particularis*.

4. *Univerſalis* pars ea eſt, quæ agit de Ente, quatenus Ens eſt, ſecundum conceptum indifferentiæ.

5. *Particularis* ea, quæ docet naturam Entis quatenus Ens, ſecundum conceptum ſeparatorum per eſſentiam, cujuſmodi ſunt Deus, Angeli, aliæque intelligentiæ, &c.

6. Conſideratio *reſpectiva* eſt ordo doctrine  
B Meta.



Metaphysicæ ad disciplinas particulares, quoad eorum principia et subiecta.

7. Hoc sensu Alpharabius lib. de divisione scientiarum, ut annotavit Vincentius Spec. doctr. l. 17. c. 57. eam in tres partes dividit: quarum prima inquirat de essentiis, et de rebus, quæ accidunt eis, secundum quod sunt essentiæ. Secunda agat de principiis speculativarum particularium. Tertia verò de essentiis, quæ non sunt corpora, nec in corporibus. Quam eandem sententiam amplectitur Aver. in epit. Metaph. tract. 1. sub initium.

8. Consideratio Universalis absoluta consistit in quatuor: Subiecto, principiis, affectionibus et divisionibus.

9. Subiectum Metaphysicæ consideratur vel adæquatum, vel inadæquatum.

10. Subiectum Metaphysicæ adæquatum est vel ex opinione, vel è rei veritate.

11. Subiectum adæquatum ex opinione, vero subiecto vel est latius, vel strictius.

12. Subiectum latius, quod longius sese diffundit atque natura veri subiecti patitur.

13. Estque vel Intelligibile vel Ens, ut in latissima significatione accipitur.

14. Intelligibile definiunt, omne quod intellectu percipi ac comprehendere potest, prout sese extendit ad nihil et aliquid.

15. Minus id quidem propriè. 1. Intelligibile potius denotat modum circa subiectum, quam subiectum; formalitas enim veri denotatur ex ordine ad intellectum. 2. nihil ea entia rationis indirectè sub rationem subiecti veniunt, directè enim in scientia reali subiectum illud dicimus, quod sua natura potest terminare actum intellectus

lectus. 3. & docet Zimara in quæst. de primo cognito ex Arist. & Aver. 9. Metaph. t. cap. 20. intelligibile ne quidem ad Ens reale in universum se extendere, nedum ad nihil feratur: intelligibilitas, inquit, est passio primò & per se competens Enti in actu, quatenus ens actu, non autem est passio primò competens Enti, in quantum Ens est.

16. Ens latissimè acceptum duas speciales significationes sub se complectitur, ut docet Thom. in opusc. de ente & essent. & 1. p. q. 43. art. 2.

1. Prout dividitur per decem prædicamenta. 2. ut significat veritatem propositionis, cuius nota est verbum EST, ut: homo est cæcus. Et ita idem de eo iudicium est quod de intelligibili: cui æquè latè patet. Vide Aver. in destr. disp. Met. 5. pag. 176. & Sueffanum in comment. destr. pag. 181.

17. Et idem sentimus de Ente, ut distinguitur in Ens reale & Ens rationis. Placet enim sententia Fr. Suarez. disp. Metaph. 4. s. 8. n. 4. Proprium subjectum Metaphysicæ non est Ens, ut abstrahit ab Ente reali & rationis, sed Ens reale tantum.

18. Subjectum ex opinione strictius est quintuplex: 1. Deus. 2. Substantia separata. 3. Substantia in communi. 4. Ens creatum. 5. Causa.

19. Non benè: nihil enim horum adæquatè participat subjecti conditiones. Vide Fons. 4. Metaph. c. 1. q. 1.

20. Subjectum adæquatam è rei veritate est Ens quatenus Ens, reale illud. Ens, rem consideratam dicit: quatenus Ens, considerandi modum, ut excludantur alii conceptus, qui non conveniunt per modum Entis. Vide Zab. de nat. scient. const. c. 3.

21. Itaque Ens quatenus Ens non accipitur hoc loco reduplicative, comprehenderet enim omne Entis genus : sed specificativè, ut denotetur, quæ ratione Ens intelligatur esse Metaphysicæ subiectum ab aliis disciplinis diversum.

22. Subiectum inadxquatum duplex est : vel primum, vel non primum.

23. Subiectum primum est, vel primitate attributionis, vel primitate perfectionis & intentionis. (Nam subiectum primum primitate adæquationis idem est cum subiecto adæquato.)

24. Subiectum primum primitate attributionis est, cui secundum prius tribuuntur scientiæ attributa, (si sc. subiectum fuerit analogum, nam si subiectum fuerit univocum locum non habet : ) eoque mediante minus principali analogato conveniunt.

25. Hoc modo subiectum primum primitate attributionis est Substantia, cui Ens ejusque passionibus secundum prius conveniunt, accidenti secundum posterius.

26. Primum primitate perfectionis & intentionis est, quod in ea disciplina est præstantius. Hoc modo subiectum primum in Metaph. est Deus : unde respectu ejus Theologia dicitur apud Arist. 6. Metaph. t. c. 2. & 11. Metaph. Sum. 3. c. 1.

27. Subiectum non primum dicitur, quod quoque modo in disciplina docetur : quo modo singulæ etiam partes, & affectiones singulæ intersubiecta numerari possunt. Et hæc de subiecto genere : in specie nunc subiecti Metaphysici natura explicanda.

## COMMENTARIUS.

**M**etaphysicæ doctrinam tradituri, quatuor eam partibus absolvemus: subjecto, principiis, affectionibus & divisionibus. Statuendo subjectum Ens quatenus Ens cum Aristot. 4. Metaph. c. 1. Principia tam complexa, cujusmodi est, Impossibile esse idem esse & non esse, & similia; quam incomplexa, non quidem propriè dicta, sed tamen quæ rationem reddere possint insequentium, tradendo. Affectiones tres, cujusmodi communiter sunt unum, bonum, verum, docendo. Et quatuor divisionum genera: 1. secundum nomen. 2. secundum affectiones disjunctas, è simplicibus deductas. 3. secundum modos, tam intrinsecos, quàm extrinsecos. & 4. secundum quidditates, proponendo.

Quantum ad subjectum attinet, sciendum, quòd subjectum hîc intelligamus, non quod quoquo modo in scientia traditur, ita enim quævis pars Metaphysicam doctrinam integrans pro subjecto haberi posset: sed quod primum est & adæquatum. Triplex enim vulgò subjectum primum ponunt: Primum primitate perfectionis, primum primitate attributionis, & primum primitate adæquationis.

Perfectione primum, cujusmodi in Metaphysicis Deus est: juxta quod Aristot. 6. Metaphys. text. 2. Theologiam à perfectissimo subjecto vocat.

Attributione primum, cujusmodi substantia est: secundum quod primò & de se entia substantiæ dicuntur; alia verò, ut sunt verba Arist. 4. Metaph. t. c. 2. quoniam substantiæ passiones, quædam quoniam viæ ad substan-

tiam,, aut corruptiones, aut privationes, aut quantitates, aut effectiva, aut generativa substantiæ.

Primum verò adæquatum subjectum quodnam sit, dubitatur ex eo potissimum, quia nemo, ut puto, interpretum omnium attigit, quid sit hoc, quod Aristot. vocat Ens quatenus Ens. Communiter enim usurpatur pro universalissimo in prædicando, quod de omnibus dicatur, ut de ipso nihil. Quod licet ex parte verum sit, quod nulla reliquarum disciplinarum ascendat ad suprema illa genera, quæ transcendentia vocantur, sed quævis earum sese contineat intra particulares limites, de parte aliqua Entis agendo: universaliter tamen verum non est, eò quod non tantùm ea, quæ abstracta sunt re & ratione à materia secundum indifferentiam, ut vocant, transcendentia nimirum sed & ea, quæ secundum essentiam sunt abstracta & separata, Metaphysicæ considerationis sunt. Nec enim verum, quod quidam è recentioribus tradunt, esse doctrinam eam, quæ de mentibus & intelligentiis agit, distinctam aliquam disciplinam ab eà, quæ de transcendentibus est. Præterquam enim quod Arist. utrumque unius abstractionis genus (quod Scholastici re & ratione à materia vocant) in una scientia seu doctrina Metaphysica tractavit, nusquam tradidit, diversum subjectum facere doctrinam de separatis, ab ea quæ est de transcendentibus. Contrarium potius docuit, quando à potiori hac disciplinæ parte Theologiam disciplinam tertiam distinctam à Naturali & Mathematica nominavit, quæ nulla alia est, quàm præsens hæc doctrina, in abstractis secundum indifferentiam  
& se.

& secundum essentiam absoluta. Itaque nos per subjectum Metaphysicæ, quod Aristoteli est Ens quatenus Ens, nihil intelligimus aliud, quam hoc ipsum, in quo idem est Quod esse & Quo esse, seu quorum esse nihil aliud est, quam eorum essentia. Eam enim quando consideramus non cognoscimus aliter, nisi hoc ipso, quo præcisè sunt, hoc est, quæ sunt entia; & hoc ipso tam transcendens, quam separata entia inter se conveniunt. Nam & illa & hæc habent unum simplicem & præcisum entis gradum, quo tantum sunt hoc, & non aliud. Ut non immerito Zab. in libr. de ordine intell. c. 14. dixerit. Non est secunda Metaphysica in duas partes: quia si ipsam rerum naturam spectemus, quatenus nobis consideranda & cognoscenda proponuntur, oportuit de abjunctis à materia per essentiam, & de abjunctis à materia per indifferentiam, non duas esse disciplinas, sed unam & eandem.

E dictis nobis clara erit Metaphysicæ definitio, quæ est. Metaphysica est scientia Entis quatenus Ens est. Scientia non ut à sapientia contradistinguitur, ac separatam quandam habitum facit ab aliis habitibus intellectualibus diversum: sed prout sumitur pro collectione multorum pertinentium ad notitiam unius, vel multorum determinatum ordinem habentium: ita enim simul & scientia esse potest, & sapientia Metaphysica. Scientia, quatenus in definitionibus, divisionibus & collectionibus rerum ad contemplationem tantum ordinatarum, versatur. Sapientia verò, quoad universaliter omnium in se notitiam complectitur, & eorum quidem, ut sunt maxime difficilia,

nec facilia scitu homini , quoad certa est , ac causas docere & reddere valet ; non quæ aliorum gratia eligenda sunt , sed quæ gratia sui ipsius docet : nulli disciplinarum subministrat , sed præcipit , & ut paucis dicam , scientia est capite prædita , scientiarum reliquarum domina & regina , ut hæc attributa sapientiæ apud Aristot. 1. Metaph. c. 2. tribuuntur , & Metaphysicæ doctrinæ propria statuuntur. Entis verò quatenus Ens scientia esse ex eo dicitur : quia ratio generica communis Metaphysicæ cum disciplinis contemplativis restringenda per subjectum , quod hæc universaliter habet in Ente quatenus Ens est. Ut verò melius teneatur quid sit Ens quatenus Ens , sciendum , quod duo sunt rerum genera : alterum materiale , immateriale alterum. Materiale omne compositum ex pluribus est : corpus enim primò est materia & forma. Itaque in eo est aliud Esse & Quo esse : est enim , & est per alia , ex quibus est , causas scil. suis , è quibus componitur. Immateriale verò omne simplex est , & ea de causa per seipsum intrinsecè , & non per aliam entitatem , suam habet essentiam : in eo enim consistit ratio essentia simplicis , ut idem in eo Quod esse , & Quo esse. Inde ea si quidditative concipitur , non nisi in pura sua essentia , & ut Ens potest concipi , quia in se præter unam puram & simplicem essentiam habet nihil : eaque entia immaterialia omnia dicuntur à nobis concipi in ratione Entis quatenus Ens est : & alio nomine vocantur re & ratione abstracta à materia. Sunt verò hæc abstracta in duplici differentia posita : Quædam enim transcendentia sunt , quædam v. separata Entia.

Tran-

Transcendentia vocamus prædicata, quæ ad  
 certum genus limitari non possunt, sed ita ex-  
 cedunt cujusque generis latitudinem, ut & in  
 omnibus sint, & per omnia vagentur: quomo-  
 do Ens de se nec in substantiæ prædicamento  
 est, nec in quantitate, nec in qualitate, &c.  
 sed in quovis prædicamento est, pro rebus sub-  
 jectis, quibus attribuitur: ita ut Ens Arist. ju-  
 dicio (verba sunt doctissimi Monlorii 1. Prio-  
 rum cap. 28.) dicatur de substantia, non tan-  
 quam significans rationem diversam à ratione  
 substantiæ, sed ita ut significet eandem ratio-  
 nem substantiæ, immo vero propria ratio En-  
 tis sit ratio substantiæ: cum autem dicitur de  
 quantitate, significet ipsam rationem quanti-  
 tatis, & cum dicitur de qualitate, ipsam ratio-  
 nem qualitatis. Idem de cæteris transcendentibus  
 est judicium, Et hæc dicuntur immaterialia  
 seu abstracta à materia secundum indifferenti-  
 am: quia etsi eorum natura non repugnet esse  
 in rebus materialibus, in quibus etiam sunt, &  
 à quibus abstrahuntur, de se tamen materiam  
 non involvunt, quia iis non repugnat esse, si  
 vel maxime entia materialia non sunt, dum-  
 modo entia separata dentur. Entia vero sepa-  
 rata, quæ vocant abstracta secundum essentiam,  
 sunt entia quæ omnem materiam & corpulen-  
 tiam excludunt, alio nomine Spiritus vocan-  
 tur. Ac in utroque genere abstractorum pro-  
 pter simplicitatem non nisi Ens quatenus Ens  
 est concipimus: in illis quidem universaliter  
 abstractos ab omnibus inferioribus ultimos  
 conceptus; in his vero unum conceptum pro-  
 prium maxime simplicem. De quo duplici ge-  
 nere abstractorum inferius fusius agetur. Vide



Aug. Niphum Sness. ad Averr. de struct. disp. Metaph. 8. pag. 242. Oriuntur verò pro duplici rerum genere duæ Metaphysicæ partes, quarum altera de transcendentibus, altera de separatis entibus agit. Vide de subjecto Metaphysicæ fons. 4. Metaphys. cap. 1. q. 1.

Subjungam hinc duas quæstiones illustrationis gratia: prior est, an Metaphysica sit disciplina à disciplinis aliis, & in specie à Logica diversa? Altera est, an sit scientiarum omnium prima? Quoad 1. Non vide. ulla esse necessarium multiplicare disciplinarum numerum, quemadmodum eam opinionem defendit Antonius Mirandu<sup>1</sup>. de evers. sing. cest. lib. 13. sect. 6. & 7. Ratio potest reddi satis probabilis: Distinctio ea pendet vel a rebus, vel à mentis abstractione; at nec à rebus, nec ab abstractione mentis, nec potest dari alia distinctionis causa, nisi tantum quoad nos: non ergò diversæ videntur esse constituendæ disciplinæ. At quantum ad res attinet, ex sunt in duplici genere: alix sunt subordinatæ, alix verò inter se opponuntur. Ex rerum oppositione è specifica differentia diversitas disciplinarum non pendet: secus pro multitudinem generum & specierum oppositarum multiplicandæ essent disciplinæ. Subordinatæ verò quoniam realiter inter se non differunt, disciplinas realiter diversas conficere non possunt. Sed nec ab abstractione diversitas ea nasci potest: abstractio enim mentis opus est, mens verò res alias atque alias facere non potest. Nec ergò diversitas abstractionis disciplinas potest facere realiter inter se diversas.

In specie verò P. Ramus Metaphysicam omnem è medio sustulit, & eandem eam esse cum Logica

Logica iudicavit. Rationem potissimum solent  
 delumere ex universalitate disciplinae & subie-  
 cti, quatenus æque ac Logica circa Ens omne &  
 non Ens versatur & occupatur. Verum quoniam  
 & esse Metaphysicam & non eandem esse cum  
 aliis disciplinis, & in specie à Logica diversam,  
 tum communis Philosophorum consensus do-  
 cet, tum imprimis Aristotelis in 4. Metaph. t.  
 c. 1. ratio suadet, non docet eam è scientiarum  
 numero proscribere. Verba Aristotelis sunt: Est  
 scientia quædam, quæ speculatur Ens prout Ens  
 est, & quæ ei per se insunt. Hæc autem nulli ea-  
 rum quæ in parte dicuntur, eadem est, nullæ  
 namque cæterarum universaliter de Ente prout  
 Ens est, considerant, sed ejus aliquam partem  
 abscindentes, quod ei accidit speculantur. Ar-  
 gumentum hoc est: scibile in nulla particulari  
 scientia consideratum requirit scientiam à par-  
 ticularibus aliam: patet, scientia enim & scibi-  
 le habent se relativè, ut uno eorum posito, ne-  
 cessario ponatur & alterum. Et verò Ens quate-  
 nus Ens est scibile in nulla particulari scientia  
 consideratum. Patet: Entis enim universalissi-  
 mè sumpti dantur affectiones & divisiones: Sci-  
 bile ergo, sed ex affectiones & divisiones in  
 nulla particulari scientia traduntur, quia hæc  
 non nisi partem Entis tractandam sibi sumunt,  
 non verò Entis in universum sumpti: affectiones  
 & divisiones. Scientia ergo propria quædam  
 Entis, quatenus Ens est, seu Enti in universum  
 sumpto assignanda. Hæc nulla alia esse potest à  
 Metaphysica. Erit itaque Metaphysica distincta  
 & diversa ab aliis disciplinis.

Sed ad argumentum, quod antequam solva-  
 mus sciendum secundum Thom. opusc. 70.  
 quod

quod est super Boët. de Trin. q. 5. art. 1. quod quando habitus vel potentia secundum objecta distinguuntur, non distinguantur secundum quaslibet differentias objectorum, sed secundum illas, quæ sunt per se objectorum, in quantum sunt objecta: indeque dividuntur scientia speculativa per differentias speculabilium, in quantum sunt speculabilia. Speculabili autem, secundum quod est objectum speculativæ potentia, aliquid competit ex parte potentia intellectiva, & aliquid ex parte habitus scientia, quo intellectus perficitur. Ex parte quippe intellectus competit ei, ut sit immateriale, quia & ipse intellectus est immaterialis. Ex parte vero scientia, ut sit necessarium, & consequenter immobile, quia omne quod movetur, in quantum hujusmodi, potest esse & non esse. Sic igitur speculabili quod est objectum speculativæ scientia per se competit separatio & à materia & à motu, vel applicatio ad ea: & ideo secundum ordinem remotionis & à materia & à motu scientia speculativa distinguuntur. Quædam vero speculabilia dependent à materia secundum esse: & hæc distinguuntur, quia quædam dependent à materia secundum esse & intellectum, illa nimirum, in quorum definitione ponitur materia: ejusmodi sunt entia Physica, quæ semper sunt in materia, & definiuntur per materiam: hæc abstrahunt à materia signata seu singulari, & definiuntur per materiam communem. Quædam dependent à materia secundum esse seu existentiam, sed non secundum intellectum, seu definitionem: ejusmodi sunt entia mathematica, quæ existunt in materia, sed in eorum definitionibus non fit mentio

mentio materiæ, unde dicuntur abstrahere à materia sola ratione. Quædam specularabilia non dependent à materia secundum esse, quia sine materia esse possunt. Hæc dicuntur abstrahere à materia, re & ratione: sive nunquam sint in materia, ut Deus & Angeli, quæ dicuntur abstracta secundum essentiam: sive in quibusdam sint in materia, in quibusdam non, ut transcendentes, quæ dicuntur abstracta secundum indifferentiam. Et hæc abstracta à materia, re & ratione constituunt Metaphysicam. Hinc solvitur argumentum: non enim ex abstractione sola, quatenus est mentis operatio, nec ex rebus absolute vel secundum subordinationem vel secundum oppositionem consideratis scientiarum & disciplinarum diversitatem metimur: sed ex diversitate abstractionis & rei, quatenus constituunt diversum specularibile, hoc est, diversitatem secundum esse immateriale & immobile, seu necessarium. Ita enim diversitas abstractionis simul importat diversitatem modi sciendi, & consequenter scientiæ diversitatem. Quæ de re vide quæ inferius pluribus diximus cap. 10. comm. n. 26. Et hoc sensu Metaphysica ab aliis disciplinis quia differt, Metaphysicæ est speculari de ente ut ens est, ac quid est, & quæ ei insunt prout ens est 4. Met. t. c. 1. & 6. Met. t. c. 4. Seu prout ens est in universali & non secundum partem 11. Met. c. 3. seu de ente in quantum ens, & de omnibus generibus, donec perveniat ad subjecta artium particularium Aver. in Paraph. Metaph. tract. 1. vide Averr. epit. 2. poster. cap. 3.

Quantum ad Ratum attinet, dicendum Metaphy-

raphysicam & Logicam in quibusdam convenire, in aliis differre. Convenientia ratione universalitatis est: utraque enim in ambitu suo Ens in universum sumptum complectitur. Sed modus considerandi diversus est: Metaphysica entia universaliter considerat, ita ut ad particularia (saltem materialia) non descendat: indeque in Transcendentibus potissimum occupatur, particularium vero scientiarum objecta non considerat. Logica vero & ipsa universalissimis conceptibus Metaphysicis notiones suas applicat, sed non tantum: quippe quæ in particularium etiam scientiarum objectis definiendis, dividendis, demonstrandis, ordinandis versatur. Itaque Metaphysica tantum universaliter universalissime sumpta considerat: Logica universalia & particularia simul. Altera diversitas in eo est: Metaphysica est realis, Logica notionalis: hæc enim non considerat ens secundum quod ens est, sed secundum quod secundis notionibus subternitur. Illa vero res prout sunt in se speculatur. Et ita Averr. 7. Metaph. t. c. 2. comm. med. dixit: Metaphysicam & Logicam esse scientias affines: cum utraque sint communiter de ente, dicit Logica de ente rationis, Metaphysica de ente reali sit. Et ita, v. g. de definitione agit Logicus in 2. post. & pluribus in Topicis: agit etiam Metaphysicus in 7. Metaph. sed differenter tamen, quod de Logico & Mathematico dicit Averr. 7. Metaph. t. c. 42. comm. med. & explicat Antonius Pollus de monte Ilicino in Thes. tab. Arist. & Averr. lit. L. ¶. Logicus & Mathematicus: observa, inquit, quod Dialecticus tractat de definitione prout est instrumentum

tum ducens intellectum in cognitionem quidditatum rerum: Mathematicus considerat per accidens gratia quidditatis, quam per se considerat. Et post applicat generaliter ad Metaphysicam & Logicam: Latini, inquit dicerent, quod Metaphysicus doceat definitionem denominatam vel pro substrato: Logicus autem denominantem, & pro formali. Et quando Aristoteles 7. Top. c. 1. dicit: definitio quid sit ostendere, alterius esse negotii, quam Topici: Posius lit. D. ad hunc locum, obierva, inquit, quod Alexander vult, quod ad Metaphysicam pertineat hoc negotium, etiam Averr. 7. divinorum. Et in genere diversitatem annotavit Arist. 4. Metaph. t. c. 5. circa idem, inquit, genus Sophistica & Dialectica versatur cum Philosophia. Verum Philosophia ab hac quidem modo potestatis, ab illa vero electione viræ differt. Dialectica autem est tentativa, de quibus Philosophia est cognitiva: Sophistica vero apparens existens vero minime. Ad quem locum Averroes comm. med. ita scribit: Commune, inquit, est Logico, Sophistæ, & Metaphysico loqui de ente: differunt vero ad invicem: quoniam Metaphysicus considerat de eo sermone demonstrativo: Logicus vero sermone probabili: Sophista seemone apparente. Hæc pluribus Averroes in comment. Summa: Metaphysicus de ente agit absolute & in se considerato: Logicus relative in ordine ad notiones secundas, quæ ceu instrumenta enti applicantur ad nostram faciliorem comparandam. Sed hæc attigisse sufficiat: egere de his alii latius.

Quod 2. An Metaphysica sit omnium scientiarum prima? Metaphysicam esse posteriorem  
via

via doctrinae reliquis scientiis, sed priorem secundum naturam Averrois effatum est 6. Metaph. comm. 3. & 7. Met. comm. 39. Piccol. in introduct. scientiæ nat. c. 13. proponit triplicem modum considerandarum disciplinarum ratione ordinis & prioritatis. 1. ratione facilitatis. 2. ratione abstractionis. 3. ratione dignitatis. Secundum primum modum primam disciplinarum dicit esse Mathematicam: ratione abstractionis primam esse Physicam; ratione dignitatis Metaphysicam.

Videamus quid sit statuendum. Dubium non esse censeo, quoad facilitatem priores esse disciplinas eas, quæ sub sensum quadantenus cadunt, iis, quæ à sensu omnino abstrahunt. Hoc enim docuit Aristot. 1. post. t. c. 12. nobis illa priora & notiora appellando, quæ nostris sensibus magis objecta sunt. Verba sunt: Dicuntur priora & notiora duobus modis: Ut enim sunt alia, quæ sunt naturæ ordine priora, alia quæ nobis, ita plurimum inter se differunt, quæ omnino ac per se, notiora, & quæ nobis magis nota sunt. Ac nobis quidem illa priora & notiora appello, quæ nostris sensibus magis objecta sunt. Simpliciter autem ac per se ea, quæ sunt ab iis remotiora. Evidens vero faciliora esse, quæ sunt notiora seu priora quoad nos: faciliora ergo, quæ magis sensualia. Falsa ea, quæ sunt & existunt in materia. Non ergo prima quoad nos, seu ratione facilitatis Metaphysica est: sed vel Physica vel Mathematica. Quæ de re testatur Arist. qui Metaphysicæ difficultatem exposuit. 1. Metaph. t. cap. 8. dicens, quod in iis versetur, quæ cognitu difficillima sunt hominibus. Contra de Matheseos facilitate:

tate testatur 6. Ethic. c. 8. dicens: puerum fieri Mathematicum posse, sapientem autem ac naturalem non posse. Non itaque ratione facilitatis doctrina prima Metaphysica, sed Mathematica. 2. Metaphysica prima est, si spectetur primitas dignitatis. Hoc sæpissimè dixit Aristoteles, eam omnium scientiarum reginam, Architectonicam, honorabilissimam nominando. Sciendum vero secundum Judocum Isennacensem summ. Log. lib. 3. cap. 2. quod tribus modis una scientia dicitur dignior alia 1. ratione dignitatis objecti, quia circa dignius & nobilius objectum versatur. 2. ratione certitudinis, quia certior est alia. 3. ratione finis: quia nobiliorem & digniorem habet finem, non ordinatum ad ulteriorem, sed sui gratia quæsitum, ita ut cæteris præcipiat, & ad suum finem utatur. Omnes vero hi modi in Metaphysicam cadunt: ratione objecti in divinis versatur: ratione certitudinis in æternis & incorruptibilibus, rebus scilicet divinis: ratione finis, docente Arist. 1. Metaph. t. c. 8. qui propterea eam sapientiam dixit, quod gratia sui ipsius, & propter ipsum scire & non quæ aliorum gratia eligenda sunt, sciat & cognoscat. Hinc Arist. 11. Metaph. cap. 8. Metaphysica, inquit, est optimum scientiarum genus, circa namque honorabilissimum entium est. vide 1. Metaph. t. cap. 11. Dices incertum videri, quod multa confusè tantum, pauca distinctè in ea cognoscamus, multa etiam ignoremus. Hic respondendum, quod multis modis una scientia dicatur esse altera certior: 1. ex firmitate & immutabilitate rerum consideratarum sive objectorum: hoc sensu Metaphysica dicitur esse aliis certior, quia de æternis & sua natura in-

cor-



corruptibilibus agit. 2. ex majore certitudine & evidentia principiorum, ex quibus in illa scientia demonstratur 3. ex hoc, quod pauciores relinquit dubitationes, circa illa, quæ considerat. 4. ex hoc, quod facilius potest acquiri. 5. ex modo procedendi vel syllogizandi, quia evidentiorum modum syllogizandi observat. Et hi modi quatuor posteriores in alias etiam possunt cadere scientias, potissimum vero in Mathematicam. Sed primus modus certitudinis Metaphysicæ proprius est. 3. Prima dicitur esse Metaphysica simpliciter secundum naturam, & cognitionem maxime distinctam. Secundum naturam quidem ratione subjecti quoniam enim superiora sunt, natura priora suis inferioribus & vero Metaphysica in universalissimis versatur, eorum respectu prima dicitur esse secundum esse & naturam. Quoad cognitionem vero distinctam observanda est distinctio Pererii 3. Phys. cap. 5. quod perfecta & distincta cognitio sumatur duobus modis: vel absolute & omni ex parte, quæ tunc contingit, cum in re proposita cognita sunt, quæcunque possunt cognosci, & quocunque modo possunt. Vel non simpliciter perfecta, sed tantummodo secundum materiam subjectam, aut secundum eam rationem, quæ tractatur in aliqua scientia, ut dicatur perfecta vel Physice, vel Mathematicæ, vel Metaphysicæ, ita ut in tali scientia perfectior cognitio nec requiri debeat, nec possit inveniri. Posteriori sensu Metaphysica opus non est ad distinctam cognitionem acquirendam, sed res unaquæque cognoscitur distinctè & perfecte ex propriis principiis ejus scientiæ, in qua tractatur. Priori vero modo Metaphysica

physicā opus est, ut res unaquæque ex primis & summis principiis cognoscatur, quæ non nisi in Metaphysica traduntur. Et hoc sensu etiam primam dicimus esse Metaphysicam ad omnimode distinctam & perfectam cognitionem acquirendam. Alias vero in genere, & quidem secundum sensum posteriorem placet mihi sententia Ludovici Buccaferrex in lect. 1. Phys. Aristot. quando dicit: istum ordinem scientiarum inter se (Metaph. Phys. & Math.) non esse necessarium: non enim esse necessarium unam harum scientiarum prius addiscere, quam aliam, quia sunt scientiæ totales, & quælibet illarum potest addisci sine alia; (intellige juxta cognitionem distinctam & perfectam in certo genere.) Sed ordinem illum esse tantum commoditatis, ut scilicet ex una in aliam facile pervenire possimus. Quæ de re fusius egi in meis Physicis lib. 1. n. 2. in comment.

## CAPVT. II.

*De Ente & Essentia.*

**S**ubjectum Metaphysicæ ponitur vel proprie dictum seu directum, vel improprium seu indirectum.

2. Directum illud est, quod intellectum per se terminare potest: cuiusmodi est Ens quatenus Ens reale.

3. Indirectum est quod cognoscitur ex ordine ad subjectum proprie dictum: eiusmodi sunt Entia rationis, & Entia per accidens. Vide Arist. 6. Metaph.

4. Ens quatenus Ens consideratur vel in conceptu proprio, vel secundum ea quæ Enti per se insunt.

5. Entis

5. Entis conceptus proprius est vel actualis vel potentialis.

6. Conceptus actualis est, qui tribuitur Enti, ut quodammodo ab inferioribus distincto. Quum enim Ens analogum sit, non dicit naturam plane diversam à suis analogatis, nec ejus ratio sine inferioribus plene cognosci potest: distinguere tamen possumus conceptum ut superioris, & inferioris, quorum illi sine ordine ad contractionem consideratus actualis à nobis dicitur.

7. Actualis est vel objectivus, vel formalis.

8. Objectivus est res per formalem conceptum repræsentata: & est natura Entis, secundum quam quodque Ens denominatur. Vide Zimaram solut. contrad. Arist. & Averr. 4. Metaph. contrad. 3.

9. Ejus consideratur Vnitas, & Ratio.

10. Vnitas Entis describitur 4. Metaph. t. c. 2. his verbis: Ens multipliciter dicitur, verum ad unum, unamque quandam naturam, & non æquivocè.

11. Et hinc unitas Entis nec est univoca, quæ ex æquo inferioribus tribuatur, nec pure æquivoca, quæ secundum solum nomen conveniat: sed analogæ, ut loquuntur, analogia tamen quadam, quæ sit intrinseca omnibus analogatis.

12. Ideoque conceptui formali non respondet conceptus adequatus objectivus: nam ut conceptus formalis sit unus in intellectu, sufficit unitas secundum prius & posterius, non vero necessaria est una natura huic conceptui adequata.

13. Ratio vero est esse formale ipsius Entis quatenus Ens est.

14. Hæc à parte rei non potest esse diversa à princi-

principali analogato: analogi enim ratio principale analogatum est.

15. Et hinc adæquata ratio Entis à parte rei in substantia est: in accidente vero est secundum esse diminutum.

16. Et ita Essentia ratio una communis omnibus Entibus dari nequit: sed ea variat pro varietate subjectorum, quibus Essentia tribuitur.

17. Conceptus Entis formalis est forma intellectus representativa ipsius objecti intellegibilis: & est in Entis conceptu actuali abstractio ab omnibus suis inferioribus in quibus est.

18. Hoc modo concedimus Enti unitatem quandam diversam à suis inferioribus, ad quæ indifferenter sese habet, nihil eorum præcise dicendo.

19. Et ratione hujus indifferentiæ fit, ut dicendo Ens, non possimus inferre vel substantiam, vel accidens: alias à parte rei semper inferimus substantiam: nam accidens semper ante se requirit substantiam.

20. Et hic conceptus formalis Scoto imposuit ut in 1. Sent. d. 3. & 4. Metap. q. 1. Univocationem Enti tribueret. Quæ tamen sententia adeo falsa non est: nam secundum hanc præcisionem seu indifferentiam factam ab intellectu concedimus Enti univocationem quandam Transcendentalem, quæ secundum Pet. de Aquila in 1. d. 3. q. 1. art. 3. nihil aliud est, quam quædam indifferentia modi concipiendi, secundum quam conceptus superior non est præcisè aliquid suorum inferiorum. Nam hoc sensu Ens dicitur univocum, non quod sit res aliqua præter Deum & creaturas, verum quia habet conceptum, qui de se nec est conceptus Dei, nec creaturæ ut formaliter

maliter argumentando inferre non possim: est Ens, ergo Deus, potest enim esse creatura. Tamen si hoc materialiter sequatur: verum hoc sit, quia, à parte rei, creatura secundum prius ante se requirunt Deum.

21. Univocationem vero Prædicamentalem ei denegamus: hæc enim requirit unum conceptum à parte rei, qui non nisi generis ad suas species esse potest, hic enti convenire non potest. Ejus rei ratio elegans est apud Averr. in destr. disp. Metaph. 7. pag. 232. quia non habent unam naturam communem, quorum unum est causa alterius nam id quod est causa rei, est prius causato: & impossibile est, ut sit natura causæ & causati una genere, nisi in causis individualibus. Est enim in iis quæ sunt communia genere nihil primum, quod sit causa aliorum, sed omnia sunt in eodem gradu. Inter ea vero quæ sub ente collocantur, est dependentia, est causalitas, est ratio prioris & posterioris. Univocatio ergo esse non potest.

22. Conceptus entis potentialis est conceptus entis secundum quod contrahitur ad sua inferiora.

23. Contractio entis ad sua inferiora non est contractio ut generis ad species per differentias essentielles, quia ejusmodi differentias essentielles non habet cum genus non sit, ut docet Averr. in destr. disp. Met. 3. p. 108. & Augustinus Niphus in comment. destr. pag. 110. Sed est determinatio secundum certum essendi modum ut quod ens est vel per modum per se subsistentis, vel per modum inhaerentis in alio, quia de re subtiliter disputavit Franc. Suar disp. Metaph. 2. Et tantum de proprio entis conceptu.

## COMMENTARIUS.

**I**N transcendentibus primum quod est Ens non uno usurpatur modo, ut annotavit Th. in Opus. de Ente & essentia, ex Arist. & Aver. 5. Metaph. r. c. 14. Ens dupliciter dicitur: vno modo quod inquitur per decem genera: alio modo quod significat propositionum veritatem. Hosum autem differentia est, qua secundo modo potest dici Ens omne illud, de quo affirmativa propositio formari potest: sed primo modo potest dici Ens, nisi quod aliquid in re ponit. Inde Ens priori modo acceptum concretum est essentia; posteriori vero concretum entitatis. Latius enim patet entitas quam essentia, essentiam enim non nisi entibus reallibus tribuere solemus: entitas vero sua etiam entibus rationis, etiam negationibus, competit, quatenus per copulam est eum suo predicato iunguntur, ut non Ens est non Ens, sicut docet Gerhardus de Monte ad Thom. de Ent. & essent. tr. 1.

Cum vero, docente Fr. Suarez, disput. Metaph. 2. 1. 4. n. 5. non possit à nobis commode explicari quid sit essentia, nisi vel in ordine ad effectus, vel passionēs re. vel in ordine ad modum nostrum concipiendi & loquendi, ea de causa Thomas dicto superius loco eam explicare voluit per tria nomina idem secundum rem significantia; quod sit Natura. Forma & Quidditas, ut idem videre est apud Matth. Aquar. ad Phys. Ferrar. d. 3. de quidd. rer. nat. Proinde enim Essentia est operativa, eatenus bene Natura dicitur, ut docet disp. Metaph. 19. scilicet 1.

n. 4. Suar. Hoc sensu Thomas è Boet. in 1. de  
 dua. nat. 3. par. q. 2. ad 1. & quæstionum di-  
 sput. q. 1. de unione verbi art. 1. Naturam de-  
 finit, unamquamque rem informantem speci-  
 ficam differentiam, quæ scilicet complet defi-  
 nitionem speciei: at vero hoc essentia proprium  
 est. Prout vero edit passiones, Forma bene di-  
 citur: ad hoc enim subjecti principium ut pluri-  
 mum passiones reducere solemus utpote à quo  
 per emanationem, sine motu & conatu ullo,  
 proficiscuntur. Quanquam etiam formam di-  
 cere possumus essentiam, vel quia in compositis  
 à forma principalirei essentia pendet, vel si sit  
 forma totius, que totum in abstracto dicit, iis-  
 dem & forma & essentia partibus absolvitur,  
 Quoad vero nostrum concipiendi modum spe-  
 ctamus, eatenus bene dicitur quidditas. Est e-  
 nim quidditas nihil aliud, quam essentia per de-  
 finitionem expressa: & ita dicitur, quia defini-  
 tio rei essentiam in quæstione quid est explicat  
 distincte. Quando ergo rei definitionem con-  
 cipimus & proferimus, eadem opera essentiam  
 rei proponimus. Itaque essentia dicitur, secun-  
 dum quod per eam Ens habet esse, seu ut sunt  
 verba Zabarellæ è Themistio, quatenus est  
 Entis causa ut sit. Quidditas vero quatenus per  
 definitionem explicatur. Natura ut ad opera-  
 tionem ordinatur. Forma denique quatenus  
 constans & determinatum esse habet, & largi-  
 tur. Quanquam aliam etiam notare videntur  
 differentiam inter Essentiam & Quidditatem:  
 nam Antonius Posius à monte Ilicino ad Aver-  
 t. c. 34. ubi dicit: Materiam non esse partem  
 quidditatis, sed vehiculum deferens quiddita-  
 tem, citat Zimaram qui carpat Scotum &  
 Thomam

Thomam (sequutos Avicennam, qui 5. suæ  
 Metaphysices voluit, materiam esse partem  
 quidditatis) quod nesciverint distinguere inter  
 essentiam & quidditatem: esse enim materiam  
 essentia partem, non autem quidditatis. Vide-  
 tur vero ea reprehensio Zimaræ ex ipso Averr.  
 textu esse deprompta: nam is docet, æs esse par-  
 tem ipsius statua, sed non esse partem figuræ  
 ejus, quæ est ipsa forma. Et 3. de anima t. 9.  
 docet quidditatem & esse essentia in entibus  
 simplicibus esse idem: in compositis vero dif-  
 ferre. In specie vero 7. Metaph. t. c. 21. dicit.  
 quidditas hominis est homo uno modo, & non  
 est homo alio modo: & est forma hominis, &  
 non etiam homo, qui est congregatus ex ma-  
 teria & forma. Et hoc modo clara est sententia  
 Averr. quod non ab Essentia, sed à Quidditate  
 excludat materiam. Vide Zimaram in solut.  
 contrad. Arist. & Averr. super 7. Metaph. con-  
 trad. 16. Cajetanus tamen de ente & essen. qu.  
 4. art. 3. ad Thom. c. 2. aliter explicat textum  
 Arist. d. 7. Metaph. t. c. 34. quando enim Arist  
 dicit, materiam non esse partem quidditatis: is  
 responderet eo loco, Arist. non removere mate-  
 riam communem à quidditate, sed materiam  
 particularem, & eas partes, quæ per accidens se  
 habent ad speciei intellectum, ut manus & pe-  
 des v. g. ab hominis ratione: & has carnes &  
 hæc ossa. Qua de re quid statuendum judice-  
 mus, dicemus, quum hanc doctrinam fusius tra-  
 ctandum suscepimus: nunc brevitatis studio  
 rem in medio relinquimus. Vide varios modos  
 Esse & Quidditatis, è quibus hæc quæstio faci-  
 le deciditur apud Aug. Niphum Suesl. disp.  
 Metaph. 8. destruct. Averr. pag. 235. & quo-  
 modo differant aliquid esse de essentia & de  
 quid-



quidditate alicujus Zimaram solut. contrad. Arist. & Averr. 1. Metaph. contrad. 4.

Ut vero ad essentiam revertamur : hic essentia modus variat pro diversis subjectis in quibus est : alius enim est modus essentia increata, alius essentia creatae immaterialis, alius substantia materialis, alius vero accidentium. De essentia increata bene dicere possumus cum auctore libelli de causis proposit. 6. quod causa prima, superior sit omni narratione, & non deficient linguæ à narratione ejus, nisi propter narrationem esse ipsius : quoniam ipsa est super omnem causam, & non narratur nisi per causas secundas, quæ illuminatur à lumine causæ primæ. In quibus verbis duo præcipue continentur : alterum quod sit superior omni narratione : quoniam enim narratio rei ex ejus causis est, causa vero prima est ea, in qua status causarum est, causa scilicet sine causa, sit inde, ut eum distincta cujusque rei & accurata cognitio ex ejus causis pendeat, eam quidditative, ut vocant cognoscere non possumus, nec in intimam ejus penetrare essentiam. Sola hæc prima creata est, quæ & suam essentiam accurate habet cognitam, & quæ in ea sunt exacte comprehendit. Alterum est, quod narratur per causas secundas, ex eo enim habemus, quod non ignotus & incognitus nobis plane Deus sit. Quoniam enim causæ secundæ illuminantur à lumine causæ primæ, ex ipsius causis secundis devenimus aliquatenus in aliquod esse causæ primæ, juxta participatum illud esse, quod à causa prima in causis secundis est. Modus vero huius cognitionis per causas secundas elegantissimis verbis explicatur apud Scalig. exerc. 365. f. 7. Per motum inquit, cognoscimus  
ipsum

ipsum Deum, ergo quia non potuimus eum  
 pro motore agnoscere, nisi sit, secundaria intel-  
 lectione percepimus esse Deum, inde bonitas,  
 incommunicabilitas, unitas, immensitas, æ-  
 ternitas immutabilitas, simplicitas &c. Ve-  
 rum nihil horum puram Dei essentiam attin-  
 git: hoc tamen scimus, quod Deitas sit hæc es-  
 sentia, qua Deus est Deus, & qua Deitas sit for-  
 maliter infinita, nec possit ab ulla aliqua repati  
 vel contractionem, vel determinationem, nec  
 ab aliquo ulteriori actualitatem aliquam su-  
 scipere ut enim est apud Nic. de Orbellis in  
 1. dist. 3. q. 7. ipsa Deitas per relationem sive  
 proprietatem personalem non determinatur,  
 nec aliquo modo adjuvatur, quia hoc est im-  
 perfectionis et potentialitatis in natura creata:  
 Deitas vero cum de se sit hæc, sicut de se habet  
 ultimam unitatem, ita et actualitatem. Est igitur  
 proprietas personalis ita proprius actus personæ,  
 ut tamen non sit actus ipsius naturæ divinæ, ali-  
 quo modo perficiens seu informans eam. E qui-  
 bus clarum, quod essentia Dei sit summa sim-  
 plex, h. e. quod nec composita, nec ut ita loquar,  
 componibilis, sed seipsa sit simpliciter, à nullo  
 alio, nec intrinsece, nec extrinsece dependens.

Essentia creata simplex in immaterialitate  
 cum increato convenit: inde est essentia sim-  
 plex per carentiam cujuslibet compositionis in-  
 trinsece. Quod vero dicitur esse eam compo-  
 sitam ex actu & potentia, ex esse & essentia,  
 hoc simplicitati nihil derogat: potentia enim  
 ea intrinseca non est, sed extrinseca in ordine  
 ad efficientem. Actus vero denotat ipsam spe-  
 ciem juxta quam hæ intelligentiæ sunt hoc  
 quod sunt. Et compositio ex esse & essentia,  
 realis non est; sed quatenus nos præcise concipi-

primus vel quidditatem solam, vel quidditatem actu extra causas positam, hoc enim est Esse, Existere scilicet; illud vero essentia, Esse sc. in certa Entis specie.

Essentia vero creata materialis composita est: itaque complectitur materiam ac formam, secus ac substantia separata, quæ formam tantum. Unde in ea designari potest totum & pars, secus atque fit in separata substantia, quæ stat seipsa, nec nisi in ratione totius designari potest, ac partes, non admittit, è quibus vel componatur, vel in quas resolvatur. Et hoc dicit Thomas, in substantiis compositis esse materiam & formam, non vero posse alterum illorum tantum essentiam dici: est enim essentia illud, quod per definitionem rei signatur, definitio vero substantiarum materialium non tantum continet formam, sed etiam materiam, aliter enim definitiones materiales & Mathematicæ non differrent; qua de re egit Themistius in lib. de anima.

Ad accidentis essentiam intelligendam sciendum, quod quadrupliciter possit considerari accidens; vel concretivè, vel abstractivè, vel effectivè, vel inhasivè. Concretivè consideratur quatenus existit, existunt enim accidentia non nisi concreta, & ita facit aliquod esse accidentale in subjecto. Accidens enim forma est, quod si ergo in subiectum cadat, esse accidentale facit. Abstractivè consideratur in proprio genere, quæ est hoc distinctum à quovis alio: habet enim accidens essentiam, eamque revera distinctam à quavis substantia, vel accidente quovis alio, ac hæc est unius cujusque accidentis quidditas. Effectivè à substantia est, quatenus à substantia producitur idq; vel à partibus sub-

stantiæ;

stantiæ, quomodo quantitas à materia dependet, risibilitas & aliæ passionēs propriæ à forma; vel à tota substantia, quomodo attractio ferri à substantia tota magnetis esse videtur. Inhäsi-  
vè vero prout accidentis esse est inesse, naturaliter n. accidens non est, nisi insit in substantia.

Entia rationis si quam habent entitatem, ea ipsa entium realium essentiam æmulantur, ut vel ad eorum intentionem fiant, concipiendo Ens intentionis ad modum entis realis, vel ut è compositione enascantur, concipiendo montem aureum, qui & aurum & montem viderit, hinc per actum comparativum mentis fieri dicuntur Entia rationis, quia mens nostra ad similitudinem specierum realium Entia rationis format. E dictis quid de Ente & essentia sentiendum, clarum & manifestum esse potest.

Addam his duo; 1. An Enti unus quidam communis conceptus tribui possit? 2. An Deus Ens recte dicatur?

Quoad 1. Enti univocationem tribuit Scotus; quam sententiam non intelligimus de univocatione quadam prædicamentali, sed de Transcendentali, quemadmodum id ipsum è Pet de Aquila in 1. d. 3. q. 1. art. 3. cap. hujus theor. 20. superius exposuimus. Aliàs communior est sententia. ens in ordine ad Deum & creaturas & substantiam & accidens, non designare aliquem conceptum univocum distinctum à suis partibus subjectivis; sed tantum importare unum conceptum communem communitate analogiæ respectu decem prædicamentorum, qui dicitur secundum prius & posterius, quod dicit Zimara solut. contradist. Arist. & Aver. contrad. 3. de quo fusè egit Fonseca 4. Metaph. cap. 2. qu. 1. ut propterea  
opus

opus non sit pluribus hic inquirere: Vide de his analogis eleganter differentem Averr. de struct. disp. Metaph. 7. pag. 232. & ad eum August. Niphum Sueffanum.

Id tantum hoc loco docere visum est, an enti conveniat unus quidam conceptus vel formalis vel objectivus? Sententia nostra hæc est:

Conceptum objectivum à parte rei unum Enti non convenire: unum tamen formalem conceptum tribui posse. Ratio effari est hæc: Ens dicitur multipliciter, 4. Metaph. r. c. 2. ergo conceptum objectivum à parte rei unum non habet. Quod si enim conceptus objectivus, qui est à parte rei, unus esset, recte statueret Scotus univocationem, quia secundum eandem eam rationem, quæ Enti de se considerato à parte rei conveniret, suis inferioribus tribueretur. Univocatio enim nihil est aliud, quam idem nomen secundum eandem rationem & definitionem multis tribui. At vero Ens univocum quid respectu inferiorum non est: nec ergo à parte rei unitas conceptus objectivi Enti convenire potest. Conceptus vero formalis unus concedi potest: hic enim est à parte intellectus res similiter, & proportionaliter se habentes in modum unius concipientis. Quomodo sapientiam divinam & humanam toto genere inter se diversas similiter seu per modum unius concipit & considerat. Quod si regeras, omni conceptui formali respondere aliquem conceptum objectivum: & ita non posse se aliter habere objectivum & formalem conceptum. Respondeo: duobus modis intelligi posse conceptui formali respondere objectivum: vel adæquate vel inadæquate. Adæquatus conceptus est, ut hoc omne cognoscat intellectus, quod

quod est in rebus : Et hic consistit non nisi cum distincta & perfecta rei cognitione, quando scilicet intellectus concipit res prout sunt in se ipsis. Hinc id omne quod est in conceptu formali necesse est etiam esse in conceptu objectivo. Inadequatus enim is est, quando rem quidem non concipio falso, sed hoc ipsum quod vere de re cognosco & intelligo, confuse & imperfecte cognosco, vel secundum modum similitudinis, vel per sua accidentia, vel per suos effectus. Hic conceptus verus quidem est, sed non semper rem concipit prout est in se. Quomodo in sacris Deus nobis cognoscendus proponitur, inadequately saepe, ut quod habeat oculos, manus, brachia : quae quidem de Deo dicuntur, non falso sed per *analogiam* : quia Deum homo non potest cognoscere secundum propriam substantiam, sed in modum similitudinis. Hic conceptus inadequatus aliqua ex parte respondet rei : oculi enim Deo tribuuntur, non ratione organi, sed ratione effectus, quia omnia habet praesentia sibi & coram intuetur : manus & brachia habet ratione potentiae. Sed non in totum respondet rei prout est in se, verum prout à nobis secundum quandam similitudinem concipitur. Ita ergo potest esse conceptus formalis, quia aliquid conceptus objectivi ipsi respondet : sed non in totum adequatur, quia non concipit omne, quod est in re, nec simpliciter secundum eundem modum quo est in re, ut propterea ab unitate conceptus formalis ex unitate similitudinis cuiusdam nota, ad unitatem conceptus objectivi à parte rei recte argumentari non possimus.

Quoad 2. An Deus Ens recte dicatur : Ratio dubitandi est, quia Ens est quid concretum :  
con-

concretum vero omne cum quadam compositione videtur esse conjunctum. Sed Deus est naturæ simplicissimæ. Ens itaque dici non poterit. Et hinc authores quidam Deum essentiam potius quam ens dicere voluerunt. Et Deum esse quidem, sed non esse ens disputavit P. Scalichius Satyræ Phil. c. 10. Hinc. Sc. x. 65. f. 6. disputat, non recte extorsisse usum, ut sic (intellige concretive, quod sit omnipotens, omnisciens, misericors, pius, de Deo justus, &c.) loqueremur. Quare inquit, neq; ens est, sed essentia; neque bonus sed bonitas; neque sapiens, sed sapientia; neque omnipotens, sed omnipotentia. Quæ ita in ipso sunt, ut sint ipsum. Ita ille. Verum cum Scriptura passim concretivis ejusmodi locutionibus utatur, cur nos à Scripturæ phrasi, Spiritu Sancto sapientiores sc. abhorreamus? Ita in Apocalypsi, ne adducam alios locos innumeros, scriptum cap. i. v. 4. & 8. *ὁ ὢν καὶ ὁ ἦν καὶ ὁ ἐρχόμενος*, ὁ παντοκράτωρ. Et ne de Christo hæc dicta quis excipiat, Dominus ad Moysen ait: Ego sum, qui sum; ubi vox Qui concretivum quid designat; & extant concretivæ magno numero Exod. 34. v. 6. & 7. ut hinc facile intelligamus concretivas voces Deo non repugnare; Nec enim concretum semper infert compositionem à parte rei, sed quandoque tantum compositum significandi modum quoad nos; & hoc modo simul stant dicere esse quid concretum, inadæquato conceptu & significandi modo quoad nos, & actu simplicissimum. Necessariæ vero concretivæ locutiones sunt in modis loquendi de Deo; non enim usitata apud Theologos est hæc in abstracto, Deitas generat; sed hæc; Deus generat. Nec usitata hæc; Deitas est Pater; vel hæc; Pater

rer est Deitas. Sed hæc ; Pater est Deus. Nihil vero impedit, siue dicam, Deum concretivè dici, vel aliquid de Deo concretivè dici : quod si compositio infertur, utrinque inferenda : si dicam concretivam locutionem à parte subiecti non inferre compositionem, dicam nec inferri necessario à parte prædicati : eo quod de ratione concreti non est componere, secus enim omnis concreta locutio compositionē importaret. Quod de concretorum compositione diximus egregiè annotavit Gerh. de monte ad Tho. de ente & ess. in præem. Concreta, inquit, differenter sunt compositiora ipsis abstractis, quandoque enim solum sunt compositiora secundum nostrum modum concipiendi, sicut Deus dicitur compositior deitate. Quandoque etiam ex natura ipsius rei, & hoc gradatim : quia in separatis Angelus respectu angelitatis, & color respectu coloreitatis, non concernunt compositionem tantæ diversitatis, sicut humanitas respectu hominis, & album respectu albedinis.

C A P U T III.

*De Principiis Metaphysicæ.*

**E**A quæ Enti per se insunt, sunt vel principia, vel affectiones, vel primæ Entis divisiones.

2. Principia Metaphysicæ sunt principia per se nota, quibus passionēs Entis demonstrantur.

3. Hæc sunt duplicis generis : incomplexa alia, alia complexa.

4. Principia incomplexa duplici ratione intelligi possunt : vel ut propriæ dictæ causæ, vel ut rationes inferentes.

5. Principia ut propriæ dictæ causæ sunt principia ordinata ad producendos effectus rei



diversos, quomodo anima rationalis dicitur (secundum Th.) causa risibilitatis.

6. Et hoc modo principia in Metaphysicis dari nulla possunt: Ens enim non potest esse re diversum a quoquam eorum, quæ Entia esse denominantur.

7. Principia ut rationes inferentes dicuntur principia, secundum quæ inferri potest conceptus posterior à priori quodammodo originem ducens: quomodo ex infinitate infertur omnipræsentia Dei.

8. Eiusmodi principia in Metaphysicis sunt duplicis generis: vel enim sumuntur è ratione ipsius Entis, vel è ratione passionis ad passionem.

9. E ratione Entis desumitur genus principiorum quatenus ens concipitur, ut in signo seu momento primo, passionem verò in signo seu momento secundo, momentam verò primum est quodammodo ratio momenti secundi: & ita unum supponit rationem entis. Hoc modo definitio entis siqua daretur, esset medium demonstrandarum passionum.

10. Principia verò desumpta è ratione passionis ad passionem oriuntur ex ordine passionum ad invicem; est enim inter passionem quædam prior, & quædam posterior, prior verò ratio posterioris est: & ita Ens ut sit bonum, requirit veritatem.

11. Principia complexa dicuntur principia conferentia cognitionem, non essentiam.

12. Ea sunt vel prima, vel à primis dependentia.

13. Primum principium consideratur vel ex opinione, vel è rei veritate.

14. Ex opinione ponitur vel identicum, vel affirmativum.

15. Iden-

15. *Identicum est, quod ponit Antonius Andrex; Omne Ens est Ens.*

16. *Hoc principium primum esse non potest: quia identica non potest sumi ut demonstrationis medium: doctrinalis enim non est.*

17. *Affirmativum est, quod ponunt: Necesse est qualibet esse, vel non esse.*

18. *Hoc primum non est: notior enim contradictoris repugnantia, quam immedietas.*

19. *Principium primum rei veritate est, quod ponit Aristoteles: Impossibile est idem esse & non esse.*

20. *Est enim certissimum, notissimum, nec ex suppositione est: quae tria ad primum principium requirit Arist. 4. Metaph. t. c. 8.*

21. *Complectitur verò duo: Repugnantiam, et Immedietatem.*

22. *Repugnantia significatur per modum: Impossibile. Immediatio verò per divisionem Entis à non Ente.*

23. *A primo dependent omnia alia principia: quia omnium aliorum veritas ab hoc dependet.*

24. *Hinc virtute hoc principium omnes particulares etiam demonstrationes ingreditur, earumque veritatem jurat. Et tantum de primis principis.*

### COMMENTARIUS.

**D**UO principiorum genera à Philosophis ponuntur: Incomplexa & Complexa. Illa alio nomine vocantur principia essendi, eo quod non tantum illationem rei faciunt, ut à nobis cognosci res possit, sed & essentiam eius constituunt, producendo eam in esse. Complexa alias cognoscendi principia dicuntur:

tur : & in eo à principiis essendi differunt, quod ea & essentiam & rei illationem ponunt : hæc illationem tantum, non etiam essentiam, itaque cognoscere tantum faciunt. Utrumque principiorum genus in Metaphysicis locum habet, complexum & incomplexum. Ac complexum quidem ponitur primum ab Aristot. 4. Metaph. r. 9. quod idem simul Inesse & non Inesse, eidem & secundum idem impossibile est. In quo principio duo apprimè notanda sunt: alterum est repugnantia, alterum vero immediatio illa in hoc est Impossibile: hæc vero in his, non posse aliquid simul inesse & non inesse. Quorum posterius commune habet cum alio quodam principio, quod Javellus ponit: necesse est idem esse vel non esse: prius ut proprium sibi vendicat. Dicitur autem primum esse hoc principium duplici de causa: altera est, quia est è terminis universalissimis primis, altera vero quæ hinc sequitur, quia tanta est ejus potestas pro terminorum universalitate, ut virtute in omnes omnino demonstrationes ingrediatur. Unde & participat tres illas conditiones, quæ ab Arist. primo principio assignantur: quarum prima est, quod circa ipsum non contingat errare. 2. quod non sit ex hypothesi sumptum. Tertia, quod per demonstrationem non acquisitum. Primum quidem, quia notissimum est ratione terminorum: ut enim est apud subtilis. Duns in 1. dist. 3. ¶. quantum ad secundum articulum ut in multis; Certitudo principiorum inde est, quod termini principiorum per se notorum talem habent identitatem, ut alter evidenter alterum necessario includat, vel (quod nos addimus) alterum necessario removeat, & ideo intellectus componens illos

illos terminos, ex quo apprehendit eos, habet apud se necessariam causam conformitatis illius actus ad ipsos terminos, quorum est compositio: unde sequitur evidentia, quæ veritatem notam compositionis terminorum subinfert. Quoniam ergo, ut Thomæ sententia est, ex omnibus terminis primo se offert intellectui notio Entis, primo de se apprehenditur & cognoscitur Ens, removetur vero non Ens: unde evidentia & veritas ex cognitione utriusque termini, & remotione à se invicem oritur. Cum ergo evidentissimum & notissimum hoc principium sit, sequitur, quod circa ipsum errare non contingat. Non vero ex hypothese est: ut enim est apud Arist. 1. Post. r. c. 13. principiorum demonstrationis tria sunt genera, Dignitates, Positiones, & Petitiones: & sunt dignitates ejus naturæ, ut necesse sit omnes homines, qui discere quicquam velint, notitiam & informationem earum impressam, & ante captam habere sine doctrina. Positiones vero, quantum demonstratione aliqua stabiliri non possunt, non tamen necessario à discente præsciuntur, sed accipiendæ à docente sunt. Petitiones vero, nec veritatis notæ de se sunt, nec à docente acceptæ illico manifestæ, sed quæ melioris doctrinæ gratiâ supponuntur: unde & petitiones dicuntur quasi petantur ut eis fides adhibeatur. Posterius genus duplex pro primo principio haberi non potest, quoniam eorum veritas non esset notissima, sed ex hypothese sumpta doceens. Itaque in primo principiorum genere, quæ dignitates vocantur, principium notissimum sit, oportet, ita enim vocantur, quæ de se digna sunt, quæ fidem mereantur. Eiusmodi principium habemus hoc. Impossibile est, &c. non enim

enim tantum disputationis gratia, vel ex conditione assumitur, sed quia est notissimum omnibus, & apparet fidem ipsum mereri & dignitatem, & omnes propositiones ad hanc primam reduci. Per demonstrationem vero innotescere non potest: aut enim per directam: at non sunt priores termini, è quibus desumatur ejus concludendi medium: aut per deductionem ad impossibile, at primum impossibile in primis terminis hac propositione concluditur. Inde itaq; in omnibus demonstrationibus principium hoc virtute includitur; demonstrationem v. ipsum admittit nullam.

Incomplexa principia in duplici differentia sunt posita: quidam enim sunt causa suarum affectionum propria dicta, ideoque se differunt ab iis, quorum principia esse dicuntur: ita interpositio, verbi gratia, est causa re ab Eclypsi distincta. Quaedam vero se non distinguunt, sed tamen sunt rationes antecedentes, quibus ipsis ad consequentium notitiam devenire possumus: quo pacto Deitas est principium infinitatis, infinitas omnipresentie ratio est, quia hæc illa principia supponunt. Primum principiorum genus in res Metaphysicas generaliter cadere non potest: affectiones enim Metaphysicæ nec inter se, nec ab Ente se distinguuntur. Bene tamen posterius: Ens enim primum est ad omnes affectiones, à quo affectiones ordine quodam fiunt, ita ut posterior species priorem supponat, omnes vero ad ipsum Ens reducuntur, & ita tam inter se à se mutuo, quam ab ipso Ente cognitionem & rationem habeant; & ita incomplexorum principiorum ratio in Metaphysicis habetur.

## CAPUT IV.

De passionibus seu affectionibus  
Entis in genere.

**A**ffectiones Entis sunt attributa Entis cum ente convertibilia, in eo contenta unitivè quasi inferiora: ideoque eadem cum ente, & non nisi formaliter ab eo distincta.

2. Hoc enim proprium unitivè contentorum est: esse unum re, distinguì verò formaliter.

3. Ea verò habitudo harum affectionum est, ut de Ente non dicantur in Quid; sed sint cum ente immediatè connexa: & tamen si aliquantò deficiant à vera ratione affectionum de subiecto mediante causa demonstrabilium, easdem tamen vires proportionem quadam sustineant, quas sustinerent, si proprietates propriè dictæ essent.

4. Affectiones Entis sunt vel simplices vel disjunctæ. Scotus in 1. d. 8. q. 2.

5. Affectiones simplices sunt, quæ singulæ cum Ente reciprocantur.

6. Hujusmodi sunt tres: Unum, Bonum, Verum.

7. Falso enim numerantur inter affectiones: Res & Aliquid.

8. Nam Res enti est synonymum, & easdem cum eo habet ambiguitates apud Scotum, quod l. 3. art. 1. ubi tripliciter accipitur: 1. communissimè, ut distinguitur contra nihil, & entia rationis complectitur, quæ etiam res rationis dicuntur. 2. communiter, ut distinguitur contra modum rei. 3. strictissime, ut sit ens, cui primò convenit esse, ut substantia. Et hac ratione, quia à parte rei non habet conceptum ab ente diversum, affectio ejus esse non potest.

9. Aliquid verò tripliciter interpretatur: 1. vel enim dicunt aliquid esse, quod distingui-

tur contra nihil, & ita ab ente diversum non est.  
 2. vel aliquid dicunt esse, Aliud quid, & ita cum  
 Diverso idem est, & ad disiunctas affectiones re-  
 fertur. 3. uel denotat aliquod ens in particulari,  
 & ita è numero Transcendentium excluditur.  
 Vide Monlorium de Vniver. c. 7.

10. Affectiones disiunctæ dicuntur, quæ non  
 singulæ cum ente reciprocantur, sed cum disjunc-  
 ctione quadam, ut: omne Ens vel est actu vel  
 potentia.

11. Hæ dicuntur ab aliis non malè divisiones  
 Entis juxta passionēs, & modos Entis. Consti-  
 Sarnamus.

12. Ex considerantur vel Conjunctim, vel Dis-  
 junctim.

13. Conjunctim consideratæ quia universam  
 Entis latitudinem exhaustiunt, ut nullum ens  
 in particulari sit, quin sub alterutro membro  
 comprehendatur, non immeritò inter Transcen-  
 dentia numerantur.

14. Disjunctim verò consideratæ non exhau-  
 riunt universam latitudinem entis, nec cum en-  
 te reciprocantur: sed tamen & hoc modo, quia  
 ens ad certum genus Categorix non determinant,  
 Transcendentia vocari possunt.

15. Hæc de affectionibus in genere diximus:  
 de iisdem in specie nunc erit agendum.

#### COMMENTARIUS.

**E**T si in scientiis tria necessariò spectamus  
 juxta Arist. 1. Post. t. 56. Subjectum, princi-  
 pia, & passionēs: ad passionēs tamen potissi-  
 mùm attendimus, utpote quas de subjecto suo  
 demonstrare proprium manus scientiæ est. Pas-  
 siones verò seu affectiones vocamus habitudi-  
 nes à posteriori convenientes alicui naturæ per  
 rationem

rationem propriam, & non per rationem communem. Alio nomine proprietates eas dicimus. Sunt vero *ex* in duplici differentia constitutæ: quædam enim proprietates dicuntur, & quidem proprie, quæ perficiunt essentiam in esse secundo, quasi qualitates: ideoque extra rationem subjecti sui dicuntur: iisque competunt quatuor *ex* conditiones quæ à Fran. Suarez disp. Metaph. 3. sect. 1. n. 1. ponuntur: 1. ut sint aliquæ res. 2. ut distinguantur saltem è natura rei. 3. ut adæquare convenient. 4. & subjectum in intrinseca essendi ratione non includant. Quædam vero & quidem improprie, eo quod sunt contenta in aliquo unitive quasi inferiora, nec sunt res aliæ ab alio continente: ideoque non dicuntur esse extra rationem subjecti, sed id ipsum in sua essendi ratione includunt: affectiones tamen dicuntur, quoniam ad eorum modum concipiuntur & explicantur, quod fit, quoniam non sunt de essentia rei in primo naturæ momento consideratæ, sed sunt ipsa essentia, exrens sese ad momentum secundum. Quomodo voluntas & intellectus animæ potestates, passionibus ejusdem dicuntur, non quod dicant quid ab ipsa anima diversum, sunt enim perfectiones intrinsecæ in essentia præ suppositæ omni qualitati & quantitati, & ad genus qualitatis non pertinent, juxta Scotum in 1. distinct. 26. & Nicol de Orbell. in distinct. 3. quæst. 4. sed quoniam per modum passionis animæ tribuuntur.

Prius passionis genus circa Ens locum habere non potest: tum quia ens est de essentia cujuslibet, tum vero quia in quid de quolibet prædicatur: cum passio proprie dicta essentialiter à subjecto differat, & non nisi denominative de subjecto prædicetur, subjectum vero de passione non nisi per



per accidens. Posterius tamen passionis genus in Ens cadere subtilissime probavit Jo. Duns in 2. d. 15. q. 2. ¶ Sed quia hæc via. Adscribam verba ejus: quæcunque, inquit, habent aliquem ordinem inter se, ubi sunt distincta realiter, eundem habent ordinem, ubi sunt unitive contenta. Si ergo unum, verum, bonum essent realiter distincta ab Ente, essent passionēs entis: sequitur etiam quod unitive contenta in Ente habent eundem ordinem ad Ens, scilicet quod sint passionēs Entis.

Dices: Proprietates & affectiones subjecto solent addere aliquam novam perfectionem in subjecto non contentam. Ratio est: natura enim nihil agit frustra: affectiones ergo quando subjecto confert, eas confert, quæ in subjecto jam ante non sint: Secus enim frustra eas adderet. At vero Enti nihil potest superaddi: eo quod Ens in se potentia & virtute continet omnia: & in omnium rerum conceptibus ponitur, ut propterea nihil inveniri possit, in cuius esse non ingrediatur. Non itaque videntur affectiones ullæ Enti convenire. Respondendum. Duobus modis dici posse aliquid alteri superaddi: vel enim aliquid alteri superadditur, ut res aliqua, quæ novam quandam perfectionem subjecto superaddat, quæ in ipso subjecto non contineatur. Quomodo eruditio, scientia & alii habitus novam quandam perfectionem subjecto suo superaddunt, quæ in eo subjecto de se non sit. Et hoc modo Enti nihil novi superaddi potest, eo quod extra Ens nihil omnino est, quod ipsi accedere & adveniri possit. Alio modo potest dici aliquid superaddi, ut hoc quod eminenter & potestate quadam in aliquo confuse continetur, magis distincte evolvatur & explicetur. Quomodo in  
divinis

divinis omnia sunt unum quid simplex, & idem cum essentia: nihilominus attributa multa Deo tribuuntur quæ formaliter quidem in Deo multa non sunt, nihilominus quia eminenter ea Deo conveniunt, quando distincte Dei essentiam consideramus, dicimus eam esse infinitam, Deum esse infinitum, bonum, omnipotentem, &c. Et hoc modo statuimus omnia in Ente confuse quadantenus, vel ut rectius dicam eminenter contineri, quæ si singula distincte & explicate in Ente considerentur, possint quadam ratione dici Enti superaddi, ut conceptum non essentialiter, sed formaliter diversum.

Has Affectiones alii duplices faciunt, simplices alias, alias vero disjunctas. Et simplices dicunt, quæ singula cum Ente reciprocantur. Ac simplices numerant unum, bonum, verum, res, aliquid. Disjunctas vero omnes Entis divisiones, præter eam quæ est in decem rerum genera, ut sunt: actus, potentia; idem, diversum; universale singulare &c. Et omnino verum est, quod utrumque genus transcendentalem naturam participet, illud quidem sine disjunctione, hoc vero cum disjunctione: illud enim fertur supra omne ens, quatenus quilibet harum affectionum pro quolibet ente possibili supponere potest: hoc vero, quatenus alterutrum disjunctorum membrum necessario in omne ens possibile cadit. Posterius tamen genus commodius ad entis divisiones, quam affectiones deduci posse videtur, ut scilicet dicamus esse eas divisiones, vel ex affectionibus primi generis, vel ex modis entis deductas.

Ad prius vero affectionum genus quantum attinet, censemus in affectionibus tantum priora tria transcendentia esse numeranda, unum,  
bonum,

bonum, verum: hæc enim dicunt aliquid ab ipso ente vel ratione, vel (ut est Scoti sententia) è natura rei diversum. Res vero & aliquid nihil ab ente vel re, vel ratione distinctum inferre statui-  
mus: dicunt enim hæc ipsa vel aliquid cum ente synonymum, quod de nomine Res certum est; de Aliquid vero dicimus, quod vel cum Ente, vel cum diverso idem sit. Quod enim quidam dicunt, Rem ratam quandam & certam propriamque essentiam denotare, tantum abest, ut eam ob causam quid ab ente diversum dicamus, ut vel idem esse maxime hinc colligamus. Ponuntur siquidem Entis affectiones non prout ens indifferens est ad ens reale, & ens rationis, sed tantum prout certam quandam & ratam essentiam habet, quod non nisi in ens reale cadere potest. Ac ita statuendum, quod Ens & Res simpliciter identificantur. Aliquid vero duobus modis accipiunt: vel ut est aliqua res, seu ali-  
quod ens, ac ita non infert entis passionem, sed entis particularitatem: vel ut est aliquid, ut aliud quid, ac ita diversitatem denotat ab alio, quatenus scilicet est res ab alia distincta. Ac ne hoc quidem modo cum ente recurrere potest, sed idem est, quod ab alio diversum, & ita alteram entis divisionem constituit in Idem & Diversum. E dictis ergo clarum est, quod tantum tres entis affectiones merito ponamus.

Ac quia apud paucos reperitur, quid sit in aliquo unitive contineri, apponam id ipsum huc in fine hujus capitis, prout hoc traduxit Scotus è Dyony시오 5. cap. de div. nom. Continentia ergo unitiva tria requirit: 1. ut unitive contenta non sint idem simpliciter: cum enim inter ea, quæ sunt idem simpliciter, unio nulla intercedere possit, nec inter unitive contenta numerari

numerari possunt. Dicimus v. idem simpliciter, quod ita sibi ipsimet idem, ut nullam pluralitatem à parte rei admittat: cuiusmodi est unitas seu identitas simpliciter, & identitas formalis ea, de qua differit Scotus in 1, de ¶. sed hic restat ulterior difficultas. 2. Ut ne sint separata. Quum n. continentia non sit separatorum, sed unitorum, inter ea continentia unitiva non erit, quæ realiter manent separata. Intelligunt vero hic non ea tantum, quæ sunt separata actu, sed & quæ sunt invicem separabilia, cuiusmodi sunt ea fere, quæ realiter distinguuntur, nisi quid impediat. 3. Sed unitive contenta sint idem identitate reali, distincta tamen formaliter. Ea v. dicuntur idem identitate reali, quæ non possunt ita in re separari, ut unum sine alio existat. Formaliter vero distinguuntur, quorum est alietas formæ objectivæ, hoc est, quorum conceptus sunt diversi, qui tamen sese mutuo non excludant. Ea v. unitive contenta sunt in duplici differentia: quædam enim sunt in aliquo contenta q. superiora, quædam v. contenta in aliquo q. inferiora. Contenta ut superiora dicuntur ea, quæ sunt de natura & definitione continentis: ita in subordinatis superiora & inferiora sunt unitive contenta, ut ~~elementus~~, animal, homo. Contenta quasi inferiora sunt, quasi passiones & proprietates ita conjunctæ cum continente, ut ab eo non sint diversæ naturæ: ita sunt intellectus & voluntas respectu animæ rationalis, & unum, bonum, verum, respectu Entis. Et hæc de sententia Scoti ita differimus.

## CAPUT V.

## De Vno.

**A**ffectionum entis prima est Vnum.

2. Vnum est privatio divisibilitatis in se, communicabilitatis in alio.

3. Vnum consideratur vel in se, vel in ordine ad multitudinem.

4. Vnum in se consideratur, vel in genere, vel quoad gradus.

5. Vnum in genere consideratur in natura, & proprietatibus.

6. Natura unius consideratur, vel ut totalis, vel ut radicalis & præcisa.

7. Natura unius totalis, includit duos conceptus: conceptum scilicet subiecti, & conceptum proprium, secundum quem hæc affectio ab alia distinguitur.

8. Conceptus unius ratione subiecti est conceptus Entis: hic conceptus est intrinsecus omnibus affectionibus, excluso enim hoc conceptu, ne esset quidem Vnum, nedum affectio esse possit.

9. Conceptus vero huic affectioni proprius est, quem præcisum & radicalem secundo loco dicebamus.

10. Is concipitur vel quoad nos, vel quoad rem.

11. Quoad nos concipitur per modum privationis: hinc in definitione dicitur, quod Vnum sit privatio, non quod ita sit, sed quod ita à nobis concipiatur.

12. Quoad rem placet mihi sententia Avicennæ, ponentis conceptum Vnius distinctum formaliter ab ipso Ente, & eum positivum, 3. Met. super cap. 3. & ex eo Scotus in 4. Met. quæst. 2. ¶ quoniam ad primum: & refert hanc sententiam

Anto-

Antonius Posius de monte Ilirino.

13. Ratio eius rei: privatio nullam perfectionem ponit: unitas ponit, quia in quolibet perfectius est esse ipsam, quam non ipsam: & signum eius rei est, quod omnis divisio, cum reducatur ad unitatem, de se imperfectionem denotet, perfectionem vero quærat ex reductione ad unum. Vide Scotum l. cit.

14. Et hanc doctrinam eleganter complexus est, Scalig. exercitat. 65. f. 5. docens: Henricum privatione explicasse unitatis quidditatem ob defectum verborum. Esse enim unitatem quid positivum: ab hoc positivo oriri indivisibilitatem, hinc incommunicabilitatem: & quæ alia eo loco elegantissime docentur.

15. Proprietates unius sunt: Reciprocatio, & distinctio.

16. Reciprocatio est, quod de quocunque eorum dicitur, de eodem dicitur alterum: omne enim Ens est Unum, & omne Unum est Ens.

17. Distinctio est conceptus præcisus Unius ab ente, non includens præcise entitatem: ea distinctio non est pure conceptus rationis, sed ea quæ dicitur è natura rei formalis. Nam formalitas Entis non est præcise formalitas unius: ita enim essent Idem simpliciter. Impossibile: idem enim sibi ipsi simpliciter non potest esse & subjectum, & affectio.

18. Gradus unitatis considerantur secundum diversos divisionis & indivisibilitatis modos.

19. Unum ergo quoddam est & indivisum & indivisibile, quoddam indivisum, sed divisibile.

20. Illud dicimus, quod ob maximam sui simplicitatem partes non admittit.

21. Et est vel summe simplex, vel simpliciter

citur simplex. Vide Nicol. de Orbell. in 1. dist. 3. q. 1.

22. Summe simplex illud dicimus, quod nec est compositum, nec compositionem ingreditur, ut Deus, hanc dicimus Unitatem simplicis.

23. Simpliciter simplex illud dicitur, quod non est resolvable in alia, tamen si cum alio possit compositionem ingredi.

24. Estque duplex: vel secundum modum abstractionis, vel secundum modum designationis in composito.

25. Simpliciter simplex secundum modum abstractionis, quod habet maximam abstractionem, ut ulterius abstrahi non possit, quia est precise ipsum: cuiusmodi abstractione ultimata, (ut vocant) sunt ultimæ differentie, ut est apud Scotum in 3. dist. 22. quæst. unic. ¶ primum cum dicitur & in 1. d. 5. q. 1. ¶ hæc quoniam ad realitatem, & ex eo apud Nic. de Orbel. ibid. Hanc unitatem Scotus vocat unitatem formalem, Unitatem formalem stricte accipiendo in 1. d. 3. ¶ Sed hic restat ulterior difficultas,

26. Simpliciter simplex secundum modum designationis in composito est, quod in nullas sui partes divisibile, in quavis quantitatis parte designari potest: eiusmodi est unitas puncti.

27. Unum indivisum, sed divisibile est, cuius unitas non excludit sui partes.

28. Estque duplex: Unum per se, & Unum per accidens.

29. Unum per se illud dicimus, quod habet per se talem formam, qua est ens per se, ut describitur à Scoto in 2. dist. 12. quæst. 1. sect. dico igitur.

30. Estque vel unum numero, vel universale, Averr. trach. 3. Sum. Mera. p. 387. B.

31. *Vnum numero est vel positive, vel negative, ex Averr. 12. Met. t. c. 14. Zimara in sol. contr. Aver. 1. Ph. contr. 30.*

32. *Vnum numero positive, quod est Vnum per positionem proprietatis seu differentie numerice, ut Plato; quemadmodum describit Cajetanus de Ente & essen. cap. 3.*

33. *Estque vel continuum, vel individuum singulare.*

34. *Continuum vero dicimus, cujus termini per contactum unum quiddam sunt, & se continuant. Arist. 11. Metaph. cap. ult. hoc enim non per suam materiam, sed per suam formam seu differentiam numericam esse continuum, docet Aver. 1. de anima t. c. 90.*

35. *Individuum vero singulare est, quod ex proprietatibus consistit huiusmodi, quarum collectio nunquam in alio eadem erit, Porphy. in Isag. c. 2.*

36. *Vnum numero negative, quod universale cum non sit, est non plura numero: hoc est, quod non includit differentiam propriam, unde habeat numerum, sed seipso est determinatum ad esse singulare, ut materia prima.*

37. *Vnum per se Universale est Univocum, vel Analogum.*

38. *Univocum est, quod pluribus ex aequo est commune, hanc Thomistae vocant Unitatem formalem large acceptam. Vide Martinum Pollichium 1. de anima, q. 2. not. 2.*

39. *Estque vel unum genere, vel unum specie.*

40. *Vnum genere sunt, quorum unum est genus subiectum differentis, Arist. 5. Metaph. t. c. 10. seu, quorum est eadem praedicationis figura. t. c. 12.*

41. *Et unum genere vel proximo vel remoto.*



Averr. 5. Metaph. 1. cap. 10. Proximum genus est, quod immediate speciei convenit. Remotum quod mediate.

42. Vnum specie sunt, quorum essentia & definitio est una.

43. Vnum secundum analogiam est, quod multis non ex æquo, sed secundum primum & posterius attributione convenit. Et est unum vel secundum relationem multorum ad unum, ut satum in prima, medicina, cibo reducitur ad sanum formaliter quod est in animali: vel secundum relationem multorum inter se, quomodo unum sunt verbi gratia substantia & accidens in Ente. Vide Cajet. de Ent. & essent. q. 3. art. 1. & Fons. 4. Metaph. cap. 2. q. 1. sect. 6.

44. Vnum per accidens dicitur, vel late, vel stricte.

45. Late acceptum complectitur unum aggregatione, & unum ratione subiecti.

46. Vnum aggregatione est, multorum vel sine ordine, vel cum ordine.

47. Aggregatio multorum sine ordine est unio plurimum ratione loci, ut acervus lapidum & frumenti.

48. Aggregatio cum ordine, est ordo multorum ad unum primum, ut exercitus ad ducem.

49. Vnum per accidens (stricte acceptum) ratione subiecti est triplex: est enim vel ordo subiecti ad accidens, ut mel est dulce: vel ordo accidentis ad subiectum ut risibile est hominis: vel duorum accidentium ad unum subiectum, ut dulce est flavum, quia mel. Arist. 5. Metaph. cap. 6.

50. In ordine unius ad multa consideratur vel multitudo ipsa, vel multitudinis affectio.

51. Multitudo est modus Entis secundum quem entia inter se sunt diversa vid. Thom. 0.

puse.

pasc. 70. quæst. 4. articul. incorpore.

52. Multitudo consideratur vel in dependentia ab Vno, vel in eiusdem oppositione.

53. Dependentia multitudinis ab Vno, est vel potentialis, vel actualis.

54. Dependentia potentialis est, qua quod est unum quid per se, intelligitur esse divisibile potentia in multas sui partes è quibus componitur.

55. Dependentia actualis est, qua unum actu in se multa complectitur, quæ secundum respectum quandam tantum unitatem obtinent, ut est Vnum per accidens.

56. Oppositio inter Vnum & multa consideratur vel abstractive vel concretionem.

57. Abstractive, considerando divisionem per unum & multa, divisio ea non est proprie per opposita: sed similis est ei, quæ est Entis in Ens & Entia. Ita enim potest fieri divisio in Vnum & Vna: ita ut multa proprie non sint Ens, sed Entia, & non Vnum, sed Vna ipsa sint multitudo ex Avic. 3. Meta. c. 6. Scotus in 4. Meta. q. 2. ¶ de secundo sic Avic.

58. Concretionem accipiendo, quadruplex inter ea potest notari oppositio: Contraria, privativa relativa, & contradictoria.

59. Contraria ut divisibile & indivisibile supponunt diversa subjecta, quorum unum excludit divisibilitatem omnem, aliud eam ipsam admittit.

60. Privative ut divisibile & indivisibile accipiuntur precise, ut divisibilitas notet separationem partium ab invicem, indivisibile disjunctionis eiusdem privationem.

61. Relativa, quando notatur unum è multitudine compositum.

62. Contradictoria quando termini exprimentur

n. un'ur per puram affirmationem & negationem, ut: Vnum non unum. Vide Franc. Suarez. disp. Metaph. 5. s. 6.

63. Affectio multitudinis est ordo: nam multa relata ad unitatem ordinem sortiuntur. Ita enim intelligitur unum esse causam ordinis, & rerum ordini subiectarum, ex Averr. destruct. disp. 3. p. 140.

64. Ordo est multorum sub uno vel simul, vel secundum prius & posterius collocatorum congrua dispositio.

65. Simul vero esse dicimus quxdam vel tempore, vel natura, Arist. in post prxd. c. 13.

66. Tempore simul, quorum ortus in eodem tempore est.

67. Natura simul sunt duplicis generis: vel enim sunt reciproca, vel eadem divisione continentur.

68. Reciproca dicuntur, quæ in argumentatione reciprocantur, ut si sit unum & alterum esse concludatur, sed neutiquam alterum sit alteri causa: ita Relata dicuntur simul natura.

69. Simul natura ratione divisionis dicuntur species, quæ sub eodem genere continentur: ut leo & homo sub animali.

70. Prius vero et posterius quinque modi dicitur 1. tempore. 2. subsistendi consequentia. 3. ordine. 4. natura, et 5. dignitate, Arist. in post prxd. c. 12.

71. Tempore prius, quod antiquius et vetustius: Posterius quod generatione ortus sequitur. Ita Abraham Isaaco prior.

72. Prius subsistendi consequentia, quo posito sequitur aliud, non contra: ita unitas prior binario, si enim erit binarius, erit unitas, non contra.

73. Ordine prius, quod in scientiis priori loco docendum, ut quod ad alterius notitiam confert: posterius contra: ita universalia priora singularibus, 1. Phys. t. c. 4.

74. Natura prius, quod alteri est causa et ratio: ita anima intellectu prior.

75. Dignitate prius, quod est perfectius, ut: Consul cive.

## COMMENTARIUS.

**P**rimam Entis affectionem statuimus Unum, eo quod dicitur absolute sine respectu: & definimus, quod unum est Ens indivisum in se, divisum ab alio. Ens esse dicimus: Unius enim consideratio duplex esse potest: altera præcisa seu radicalis, altera formalis. Præcisam dicimus eam unius rationem, qua est distinctum quid & ab Ente, & à reliquis affectionibus, seu secundum id quod enti superaddit: & ita nihil infert præter hoc ipsum, quod nos propter inadæquatum nostrum concipiendi modum, divisionis privationem dicimus, Formalem vero dicimus, qua infert hoc omne quod habet: infert autem duo: 1. realitatem, Unum enim non est purum Ens rationis, ergo & entitatem, quia sine entitate nulla est realitas. Et 2. privationem, quam super entitatem præcise consideratam addit secundum nostram designationem, seu quoad nos. Itaque formaliter consideratum unum, dicit Ens cum negatione seu privatione addita. Quando vero unum dicitur esse indivisum in se, divisum ab aliis, non importatur alia & alia unitas, ut annotavit Soneinas. 10. Metaph. quæ 5. hoc est, ut indivisum in se noter unitatem absolutam, divisum ab aliis unitatem relati-

vam: non enim est de Entis formali ratione, ut sint alia, quæ simul cum ipso stent, sed sufficit ut ipsum non sit aliorum quid, sive alia sint, sive minime Deus unus erat, cum vel maxime non essent alia ab ipso distincta. Sed indivisio in se, notat exclusionē multitudinis: divisio ab aliis, dicit consequens hujus indivisionis, quod scilicet necessario, si ponantur alia nihil eorum sit, non vero infert necessitatem ponendi alia simul cum Ente stare.

Hæc vero unius indivisio non opponitur divisioni quantitativæ, sed Entitativæ. In hoc enim vehementer erravit Avicenna in 7. Metaph. suæ, qui ut de ipso Aver. in 4. Metaph. t. c. 3. subtiliss. Joh. Duns in 4. Metaph. notaverunt, opinatus est quod unum, quod ponitur esse affectio Entis, sit idem cum eo, quod est principium numeri. Habet enim se unitas, quæ est principium numeri, ad unum hoc, quod Transcendentale dicimus, per modum inferioris ad suum superius & communius. Nam quoniam quoddam Ens est quantum, hoc ipsum Ens habens entitatem, habet unitatem quantitativam; non enim habet duas entitates inter se distinctas, sed unam habet entitatem, & huic opponitur divisio quantitativa. Unum vero in genere abstrahit ab unitate quanti & aliorum generum, ideoque non tantum quantorum est, sed & non quantorum, & opponitur ei in genere divisio entitativa, quatenus hoc quod de se est indivisum, est divisibile vel in partes ex quibus est, vel in partes quæ sub eo sunt. Et hoc unum confertur cum Ente; quoniam quando ad multitudinem deventum est, jam non Ens est, sed plura Entia, quæ & ipsa plura esse non possunt, nisi ad unitatem quandam redigantur. Ea de re elegantissima  
Scoti

Scoti verba sunt. 4. Metaph. quaest. 2. ¶ de secundo: Divisio, inquit, per unum & multa non est divisio proprie per opposita, sed est, quasi diceretur Ens aliud Ens, aliud Entia: sic potest dividi unum & una, ita ut multa proprie non sint Ens, sed Entia, & non sit unum, sed una multitudo.

Multi vero unius gradus inveniuntur, ut annotavit subtiliss. Johan. Duns in 1. Sentent. d. 2. ¶ Sed hic restat ulterior difficultas.

1. Est enim minima, unitas ea quae aggregationis dicitur.

2. Unitas ordinis.

3. Unitas per accidens.

4. Unitas per se compositi.

5. Unitas simplicitatis.

6. Unitas formalis.

Unitas aggregationis est, in qua multa Entia sine ulla unione, & sine ullo ordine congeruntur, quomodo acervus lapidum vel frumenti unum est, eaque minima unitas dicitur, quatenus congesta ea plura nihil Entis faciunt, sed tantum quod habebant Entis ante, ea quae congeruntur, id sibi quidque horum conservat, nihil vero novi Entis acquirit. Tantum vero de uno quaeque habent, quantum de Ente.

Unitas ordinis est, qua multa in unum collata nihil sibi mutuo conferunt, qua entia sunt, sed tamen qua ad unum aliquid ordinantur: atque ita exercitus non habet nisi ordinem Unitatis prout scilicet ad unum ducem ordinatur. Et Scaliger exercitatione 6. sectione secunda: Unitas universi est propter ordinem partium inter se.

Unitas per accidens eo intelligitur, quae est de subiecto & accidente mutuo informativis: habet enim se accidens ad substantiam, tan-

quam forma ad suam materiam, in qua unum compositum accidentale facit. Estque non cum apparente & Metaphorica, sed cum Physica unionem conjuncta, ex rebus tantum diversorum generum, eorumque vel generalissimorum, ut homo quantus, album quantum, vel intermediorum, ut album dulce. Vide Scorum 6. Met. q. 2. ¶ Sed hic distinguuntur.

Unitas per se composita est, quæ ex actu & potentia ex eodem genere naturaliter ordinatis constat.

Dico ex actu & potentia, quia ex duobus actibus unum per se non fit.

Dico ex eodem genere, quia & accidens & subjectum habent sese ut actus & potentia, sed tamen è diversis generibus petuntur.

Dico ordinatis, ob transcendentalem habitudinem eam, quam extrema compositi inter se habent.

Dico naturaliter, quia etsi ex natura divina & humana fiat unum per se, filius nimirum hominis, tamen ut annotavit Joh. Altegest. in vocab. Theol. pag. 240. & Constantius Sarnanus Direct. Theolog. pag. 116. Christus propriè compositum non dicitur, & Deitas, & humanitas compositionem non faciunt.

Unitas simplicitatis, quæ nec est divisa, nec divisibilis, cujusmodi in Angelis & mentibus habetur, Juxta quod notandum, quod composita dicant quid unum, quæ indivisa actu sunt, divisibilia tamen potentia; intelligentiæ vero & divisionem & divisibilitatem excludunt.

Unitas formalis est, ubi illud quod dicitur sic idem includit illud cui hoc est idem in ratione sua formali, & per consequens per se primo modo. Hic tamen sciendum, quod ut notavit Poli-

Polichius in 1. de Anima q. 2. not. 2. Unitas formalis duobus modis dicatur: vel unitas formalis simpliciter, vel cum quadam latitudine. Unitas formalis simpliciter ea est, de qua hoc loco agimus. Unitas vero formalis cum latitudine omnis ea dici potest, quæ largitur esse secundum primum dicendi per se modum. Adscribam verba Polichii: Unitas formalis inquit attenditur penes privationem divisionis formalis: (dicit autem divisionem formalem, quæ fit per essentialia principia) & habet latitudinem. Quædam enim privat divisione formali omnino causabili per principia propria & communia, & hæc est unitas formalis simpliciter. Quædam vero privat divisione formali, non simpliciter, sed taliter scil. causabili per principia communia, & hæc est unitas formalis secundum quid, & habet latitudinem, secundum quod divisio privata causabilis est à magis & minus communibus principiis essentialibus. Vide de quinque modis unitatis & multitudinis August. Niphum Sueslanum ad disp. 5. destruct. Averr. p. 173. Atq; hæc de uno dicta sufficiunt.

C A P V T. VI.

*De Vero.*

**V**Num sequitur verum: Bono prius & intellectus voluntate: est enim verum Ens in ordine ad intellectum, ut bonum Ens in ordine ad voluntatem.

2. Verum est Ens adæquatum intellectui.
3. Veri notio duplex est: Vna quoad materiale, altera quoad formale.
4. Verum materialiter consideratum est Ens cum denominatione veri.

D 5



5. For.



5. *Formalis est respectus entis ad intellectum suum, secundum quem adequate mensurari potest: & ita verum formaliter dicit nihil aliud quam ens cum connotatione ordinis ad intellectum.*

6. *Is respectus non est respectus rationis, non enim à sola mentis operatione pendet, sed fundatur à parte rei. Nec respectus prædicamentalis est: non enim potest fundamentum dicere à suo subjecto diversum. Verum Transcendentalis, ut denotet adequatam habitudinem entis & intellectus: vel ut intellectus immediate feratur super hoc quod idem sibi ipsi est, ut est veritas divina: vel ut ens dependeat ab intellectu secundum eam ideam ex qua rem esse metimur.*

7. *Et hinc in iis quæ dependent, idea potest dici essentialis ratio secundum quam quidque dicitur verum: naturalium quidem ea idea, secundum quam res dependent ab intellectu divino: artificialium vero, secundum quam dependent ab intellectu humano.*

8. *Est vero idea aliquod cognitum à principio effectivo intellectuali, ad quod activum aspiciens potest aliquid in esse reali producere. Guillelmus Ockam in 1. d. 35. q. 5. Qua de re fusè egi Antidotus mei lib. 2. c. 22.*

9. *Gradus veritatis considerantur vel secundum veritatem ejusdem rationis sive subordinata, vel rationis diverse.*

10. *Ejusdem rationis sive subordinata veritas potest considerari: vel objective, vel subjective, vel identice, vel significative. Objective in rebus, subjective intellectu, identice in conceptu mentis, significative in voce.*

11. *Hinc veritas vel est incomplexa, quæ est affectus Entis simpliciter accepti, & intellecti, alio nomine dicitur veritas in essendo, sive veritas rei: alia est complexa.*

12. *Ve-*

12. Veritas complexa est affectus orationis dependens ex significatarum rerum convenientia, ut ut docetur apud Scal. exerc. 307. sect. 27.

13. Et hæc est vel in significando, quomodo voces & conceptus dicuntur signa rerum juxta Arist. in lib. de Interp. cap. 1. quæ signa tum demum vera dicuntur, quando ipsis rebus extra in rerum natura positis respondent: vel est in cognoscendo quatenus scilicet res sunt in intellectu concipiente & componente eas. Vide F. Suarez. in disp. Metaph. 8. & Ferrar. in q. in 3. de anima.

14. Aliter in hunc modum potest exprimi, quod veritas consideretur vel fundamentaliter, vel representativè, vel formaliter, secundum Soncinatem 6. Metaph. q. 16.

15. Fundamentaliter est ipsa rei entitas: formaliter ex ordine ad intellectum: representativè significando.

16. Quoad gradus diversæ rationis: veritas est vel res, vel sermonis, vel facti.

17. Veritas rei est veritas Transcendentalis hujus loci propria.

18. Veritas sermonis est duplex: vel enim est ordinata ad rem significatam, vel ad intentionem proferentis. Bonaventura post Alex. 2. p. q. 139. memb. 1. Gabriel, in 3. d. 38. unic. art. 1. not. 1.

19. Ordinata ad rem significatam est, quæ pronunciat uti res est: hæc veritas Logica communiter dicitur.

20. Ordinata ad intentionem est veritas, quæ quod verba sonant mente persuasum habemus, hæc veritas Ethica communiter dicitur.

21. De hoc veri genere sumi elegantissima Scaligeri verba ex 2. nos, inquit, in Platonica exercitationibus non esse falsam probavimus orationem

tionem, nisi si quis volens mentiatur. Non enim falsa dicit, qui se verum putat dicere: sed falsas apprehensas, vere enunciat illas apprehensiones. Hinc definit ex adæquatione orationis cum ipsis speciebus.

22. Veritas facti est vel in iudicio vel in conversatione.

23. Veritas in iudicio est conformitas agendi secundum iustitiam.

24. Veritas in conversatione est habitus, quo quis dictis, factis & opere seipsum manifestat, ut recta ratio demonstrat ex Arist. 4. Moral. c. 7. vide Versorem 4. Eth. q. 8.

25. Veritatis in essendo affectio est reciprocatio: veritas in cognoscendo consideratur in difficultate & opposita falsitate.

26. Reciprocatio est conversio veri cum Ente, ut de quo dicitur, Ens, de eodem verum dicatur: veritas enim Transcendentalis falsitatem nullam habet oppositam.

27. Difficultas in cognoscendo est dispositio secundum quam res cognoscendæ non adæquate à nobis apprehendi & concipi possunt. Eam difficultatem præscripsit Arist. in 2. Met. t. c. 1. Speculatio, inquit, de veritate partim difficilis, partim facilis est: huius signum, quod quisque de natura aliquid dicit: illud, quod nemo eam vel totam vel maiorem ejus partem comprehenderit.

28. Difficultas ea duobus modis intelligi potest, vel penes nos, vel penes res subtiles, ut nocet Aver. 2. Meta. t. c. 1. & fortassis causa ejus non rebus, sed nobis ipsis inest, ut subtilissime disputat Scotus in 2. Metaph. q. 2. & 3. & in 1. d. 3. q. 1. & approbat Mauritius in castigat. l. 1. Met. q. 2.

29. Difficultas imperfectionis et falsitatis mater est: deficit enim quisque in eo quod non comprehendit

30. Imperfectio vero & penes nos est, & penes scientias. Nam defectus causa defectum parit in effecto.

31. Imperfectio nostra partim in inventione est partim in doctrina. Nam eandem perfectionis & imperfectionis causam suspicamur: perfectionis positive, imperfectionis privative. At duplici hac via cognitio perficitur: inventione, & disciplina.

32. Error in inventione vel ab Experientia nascitur, vel à ratione.

33. Error in experientia vel à sensu est, vel ab intellectu.

34. Error in experientia à sensu est, quando sensus decipitur circa singularia ea objecta, quorum multæ memoriæ unius experientix vim faciunt, ut colligitur ex Arist. in 1. Metaph. c. 1.

35. Error vero sensus circa objectum suum est quintuplex: Primus ab excellentia sensibilis oritur, si ea nimium organum sensus virtute sua superet, ut lux diei vespertilionis oculum. Secundus ab indispositione organi, si scilicet sit male affectum. Tertius ab indispositione medii, si alienis qualitatibus afficiatur. Quartus à distantia, si ea non sit in debita proportionem inter sensum & objectum. Quintus si sensus & objectum conformiter sese non habeant. Georg. 2. de anima.

36. Error experientix ab intellectu est, quando vel ex iis in quibus sensus decipitur, vel quæ nondum sufficiant, intellectus experimentum sibi fingit. Unde hic error intellectus duplex est: vel mediatus, vel immediatus. Mediatus is est, quando sensu mediante intellectus circa experientiam decipitur.

37. Error vero intellectus immediatus is est, quan-

quando ex iis, quæ bene sensus percepit, intellectus male experientiam concipit, quia ad experientiam faciendam nondum sufficiunt. Et hic error insufficientiæ appellari potest.

38. Insufficiencia vero experientiæ duplex est: una sit ratione temporis, alia ratione subjeclorum.

39. Ratione temporis error oritur, quando non tantum tempus, quantum debet experientiæ, tribuimus. Quod in motuum cœlestium calculo evidens est. Nam experientiam efficit temporis longitudo, inquit, Arist. 6. Ethic. cap. 8. vitæ ergo brevitæ fallacem sæpe reddit experientiam. Quod memorabili Hippocratis docetur: Ars longa, vita brevis, experientia fallax.

40. Ratione subjeclorum, quando non omnia particularia objecta nota & manifesta nobis sunt, quæ ad experientiam confirmandam faciunt. Vnde Arabiæ & Africæ sapientes quotannis scripta permutare proditum scimus, utrumque inquirentes, nam quæ experientia artium suarum rationes forte debilitavit, ut si quid subjeclorum diversitas diversum suadeat, artes ad naturæ regulam aliter informantur.

41. Falsitas à ratione nascitur, quando intellectus vel in facilioribus non satis preparatus de difficilioribus judicium præsumit ferre: vel de rebus ut adæquate cognitis judicium fert, quæ vel inadæquate, vel nullo modo ab ipso cognoscuntur, vel componendo, vel dividendo res, quæ in natura vel composita vel divisa non sunt.

42. Falsitas ratione discipline & doctrinæ accedit, quando docentis auctoritate decepti communem errorem & imbibimus & propagamus.

43. Error in scientiis est pars imperfectionis scientiæ

*scientis & docentis: quæ enim ab aliis non satis cognita scriptis produntur, falsitatem scientiis & disciplinis inferunt. Sed de his alibi fusius agere constituimus, in proprio tractatu de scientiarum imperfectione.*

COMMENTARIUS.

**S**ecunda Entis affectio est verum, posterior uno quia relativa est: prior bono, quia intellectus prior, cujus objectum verum est, quam voluntas cujus objectum bonum est. Dicitur enim quæque res vera, prout ad intellectum refertur. Quod ut melius intelligatur tria accurate notanda sunt: Primo quid sit veritas: 2. quotuplex sit veritas: 3. An habeat oppositam falsitatem. Quantum ad primum attinet, dicendum, quod sicut Ens dicitur in ordine ad esse, ita Ens relatum ad intellectum dicitur esse verum. Ac ita verum intrinsece dicit Ens: hoc vero quo verum ab ente distinguitur est habere additam relationem ad aliud, nimirum ad intellectum. Tenendum vero quod res dupliciter potest comparari ad intellectum, ut post Thomam 1. par. quæst. 16. art. 1. notarunt Fian. Sylvester Ferr. 1. de anima quæst. 10. Armandu. de bello visu tract. 2. cap. 24. & Fran. Suárez. disputat. Metaph. 3. sect. 5. nu. 1. uno modo essentialiter, alio modo accidentaliter. Essentialis ordo ad intellectum is est, quando intellectus est causa ipsarum rerum. Eo modo quo intellectus divinus est causa inferiorum. Accidentaliter vero, quando ab ipsis rebus ad intelligendum movetur intellectus, dum videlicet suam similitudinem in ipso imprimunt. Ejusmodi habendo est rerum naturalium ad intellectum

lectum Artificis, non quod ab intellectu Arti-  
 ficis fiant, sed quod ab eo cognoscantur. E qua  
 utraque habitudine veri natura aliquatenus pa-  
 tet. Priori ratione verum quid rei est, prout  
 habet esse firmum juxta eam ideam, quæ est in  
 intellectu agentis, agens enim rem producens,  
 eam vere conformem reddit ad eam ideam,  
 quam de re producenda ante concepit. Sunt  
 vero res duplicis generis: quædam necessariae,  
 quædam contingentes. Necessarias dicimus  
 res naturales, quæ ab hominis arbitrio non  
 dependent; sed vel in natura sunt, vel à na-  
 tura producuntur. Harum veritatem proximè  
 metimur ex intellectu divino. Habet enim  
 Deus omnium rerum extra in mundo posita-  
 rum ideas, ad quas comparatæ certam speciem  
 sortiuntur, & ad earum modum definitio-  
 nes habent. Juxta quod à Platone bene di-  
 ctum est: quod ideæ sint in mente divina, sint  
 in concavo Lunæ, & sint in cerebro Dei: ni-  
 hil aliud innuens, quam quod Deus seipsum  
 intrinsecè speculando ipsas res cognoscat, extra  
 agendo res ad has ideas conformet, prout res  
 in concavo Lunæ existentes conformes fiunt  
 ideis divinis. In cerebro vero Dei esse dicun-  
 tur: improprie illud quidem, Deus enim  
 cerebrum non habet. Verum interim, secun-  
 dum quod Deus habet practicam cognitionem  
 de iis in habitu, ut eleganter illud annotavit  
 Matthias Aquarius in disp. de ideis. Res ve-  
 ro contingentes dependent ab arbitrio huma-  
 no & fiunt ad conceptum ipsius artificis: ope-  
 ratum enim artifex secundum eum habitum,  
 quem ante mente concepit. Atque hoc modo  
 res dicuntur esse veræ, quatenus conformantur  
 ad intellectum; & ita mensurantur ab intelle-  
 ctu,

Au, qui earum rerum mensura est. Contra sese  
 habet in rebus accidentaliter ad intellectum or-  
 dinatis: dicitur enim veritas prout intellectus  
 habet similitudinem rerum quoad extra sunt: &  
 eo modo res potius mensurant intellectum,  
 quam mensurantur. Tantum enim de veritate  
 quidque obrinet secundum hunc modum, quan-  
 tum rebus proportionatus est intellectus. Urrin-  
 que ergo verum est, veritatem esse conforma-  
 tionem rei & intellectus: uno quidem modo, ut  
 intellectus sit mensura rerum, juxta quam res  
 vera est, si intellectui sit conformis. Alio modo  
 ut res sit mensura intellectus: ita verum esse  
 dicimus, quando rem concipimus, prout extra  
 intellectum est posita. Atque ob hanc confor-  
 mationem, quæ est inter verum & intellectum  
 fit, ut nihil charius sit intellectui, quam veritas,  
 quod eleganter admodum disputavit August.  
 Arguit. Niphus Sueffanus ad disput. Metaph.  
 1. destruct. Averrois quatuor viis id ipsum de-  
 clarando, quas videat eo loco, qui voluerit.  
 Hinc jam ut de secundo dicamus, duplex ena-  
 scitur veritas: alia rei, alia cognitionis. Veritas  
 rei rest participatio ejus essentia, quæ cuique in  
 ea specie debetur, quatenus ad intellectum seu  
 ideam suam ordinatur. Ita veritas hominis est,  
 participare esse humanum in animalitate, &  
 rationalitate: hoc enim esse homini debetur  
 secundum eam ideam, quam ab intellectu  
 divino participat. Veritas vero cognitionis est  
 conformitas intellectus ad rem secundum spe-  
 ciem, ab objecto productam. Verum enim quid-  
 que esse cognoscimus, si species rei, quæ est in  
 intellectu, respondeat objecto extrapposito &  
 constituto. Ea duplex est, vel enim est appre-  
 hensiva, vel judicativa. Veritas apprehensiva  
 est



est conceptus proportionatus rei, quo res cognoscitur prout est, nullo modo iudicium de eo ferendo.

Ea iterum duplex est: vel simplex, vel complexa. Simplex ea est, quando rem simplicem apprehendo, ut Deum esse. Complexa quando rem compositam, ut nivem esse albam, corvum esse nigrum. Veritas iudicativa est, quando rem cognosco esse veram cum adhaesione, hoc est, ut feram de veritate iudicium, an sit veritas vel necessario, vel contingenter se habens, in quo gradu necessitatis sit posita, vel etiam per medium cum discursu. Et haec veritas *veritas cognitionis* dicitur veritas cognitionis. Quo sensu apud Arist. in Categoriis scriptum est, nihil eorum, quae planè simplicia sunt, verum esse aut falsum. Quo respectu plurimi sunt qui existimant, non esse veritatem in conceptu simplici, vel etiam sine iudicio. Qui ea in re decipiuntur, sunt enim & simplicium & complexarum rerum species in intellectu, quae si respondeant rei, veritatem dicunt in cognoscendo. Et ratio veritatis non pendet à iudicio: verè enim rem ita se habere cognosco, si extremorum connexio fuit legitima, sine omni etiam iudicio.

Ac magna differentia est inter diversas has veri acceptiones. Veritas rei transcendentalis est, & omnibus rebus competit, & propria est Metaphysico: qui ut rerum naturam & essentiam in genere considerat, ita in genere considerat veritatem earum, secundum quam Ens quodque in hoc, vel illo speciei gradu, ponitur. Veritas vero cognitionis Logici est: hic enim modum rerum cognoscendarum praescribit. Unde apud Zabarellam. Logicae finis esse ponitur, verum à falso discernere. Est quidem omnibus scientiis

scientiis commune, veritatem inquirere: speculativarum enim finis veritas est. Verum hoc secundum actum exercitum intelligendum est: nulla enim earum inquit quod quid erat esse veritatis cognitionis secundum actum signarum. Hoc Logici munus esse proprium ex Arist. in 1. Periherm. luculentissime declaratur. Ac hoc modo, ut & illud obiter addamus, videtur intelligendus esse Aristot. & conciliandus, quando in Antepred. dicit: nihil eorum quæ plane simplicia sunt verum esse aut falsum. Contrarium vero dicere videtur. 2. Metaph. cap. 1. Unum quidque ut est, ita esse verum. Ut scilicet prior locus intelligatur de veritate cognitionis seu complexa: posterior de veritate Entis seu incomplexa transcendentali. Quod ipsum Fonseca etiam innuit quando dicit 4. Metaph. cap. 2. q. 6. sect. 5. Ubique Arist. ait: verum & falsum in sola compositione & divisione consistere, intelligendum id esse de vero & falso ut cognito; neque enim verum & falsum cognosci per primam intellectus operationem, sed per secundam: in qua sola possit fieri comparatio inter res & intellectum.

De tertio dicendum, quod veritati rei nulla opponatur falsitas: sed veritati cognitionis, propriè quidem complexæ, impropriè tamen & secundum Metaphoram incomplexæ. Hoc ita deducamus, cum ut veritas, ita & falsitas dicatur in ordine ad intellectum, isque vel divinus sit, vel humanus, ad horum vero nullum res comparatæ falsæ dicantur, patet inde, quod veritati rei nulla opponatur falsitas. Ut enim de divino prius dicamus, hic ipse sive in rerum contemplatione, sive in earundem actione consideretur, falli nullo modo potest. Non quoad contemplationem:

plationem : res enim quomodo sese habent ; ita divino intellectui contemplandæ obijciuntur. Quoad actionem vero : cum enim Deus agat ad præscriptum idearum, in eaque actione impediri nullo modo possit, nec errare etiam ; in comparatione sanè rerum ad intellectum divinum nullam omnino falsitatem esse apparet. Quod si ad humanum intellectum attendamus, nec hoc modo est : intellectus namque si res speculetur, aut nullo modo attingit, & hæc ignorantia potius est, quam falsitas : aut attingit ipsas, quomodo sunt. Nulla ergo ratione simplicibus ulla vel affingi, vel appingi potest falsitas. Hanc sententiam clarissimis verbis proponit Arist. 9. *Meta. t. c. 22.* Neque enim inquit, fit, ut circa ipsum quid est decipiamur, nisi per accidens, eodemque modo circa substantias non compositas, nemo enim decipitur. Quæcunque igitur sunt, id quod propriè quid est, atque actu, in eis non datur decipi, sed aut intelligi, aut minime. Sin ad humanum intellectum, res metiamur, ut ab ipso fiunt, eo respectu res naturales falsæ dici non possunt : non enim dependent ab intellectu humano. Sed nec artificiales, aut morales. Quod si enim artificiales procedunt ab intellectu, secundum modum idearum ab artifice conceptarum, veræ sunt : est enim conformitas rei & intellectus. Sin ob impedimentum aliquod extrinsecum aliquid patiuntur, id ipsum ratione intellectus non patiuntur : at verò respectu intellectus rei est veritas & falsitas. Morales verò quoniam conformantur ad dictamen à quo procedunt, falsæ propriè non sunt ; sed vel bonæ, vel malæ. Merimus enim actiones morales non ad intellectum, sed ad voluntatem. E dictis itaque patet, propriè

loquendo veritatem rei esse nullam, cum res quaecunque veritatem obtineat, secundum esse illud quod habet. De secunda parte dicendo, dicimus, quod circa veritatem cognitionis incomplexam cadere possit aliqua falsitas improprie dicta, secundum quod falsum dicimus id, quod est supposititium, corruptum, depravatum, fucatum, larvatum, adulterinum. Quomodo apud Franc. Suarez. disp. Metaph. 9. sect. 1. num. 6. scriptum est, in rebus extra intellectum non esse propriam & rigorosam falsitatem, sed vocari falsas per quandam Metaphoram, & extrinsecam denominationem, quoad scilicet non verè concipiuntur vel apprehenduntur à cognoscente facultate. Et hanc denominatio variis modis fieri potest, ut notat Thomas 1. par. q. 7. art. 1. Primus modus est, ratione similitudinis ad rem veram, quā delusi pro vero supposititium arripimus, quomodo aurichalcum supponi nobis potest. Et ita Joh. Fr. Picus Mirandula de morte Christi & propria cogitanda lib. 5. cap. 11. dicit: falsum id appellare possumus, quod idē talis rei, ejus gerit similitudinem, non quadrat; Sicut falsum aurum dicimus, quoad idē auri disconvenit. Secundus est quando concipimus objectum falsæ opinionis, quomodo idolum falsum Deum dicimus. Tertius modus fit, quando res falsa dicitur, si quando non est adæquata, vel conformis arti. Quomodo falli dicimus Medicum, quando artis defectu medicinam non satis cognitam præbet. In quo tamen genere imperfectionem potius, quam falsitatem esse cognoscimus. Et hoc sensu apud Arist. in 3. Met. t. 34. scriptum est, quod in simplicibus etiam aliquod falsum sit, quando falsa in rebus dicitur, aut ea quæ non

non sunt omninò, aut quæ non sunt ea quæ apparent. Quæ sanè cum additione, & non simpliciter esse falsa in apriço esse positum existimo.

Complexorum verò falsitas propriè dicta est, eaque tam certa, ut in dubium vocari non possit. Ea in compositione & divisione intellectus consistit, quando nimirum intellectus componit vel dividit ea, quæ naturà suā vel convenientiam vel disconvenientiam nullam habent. Ita falso dividit intellectus, quæ necessariò conveniunt, dicendo, hominem non esse animal. Et falso componit inter quæ disconvenientia magna est, dicendo, hominem esse Leonem. Vide Arist. 5. Metaph. t. c. 21. E dictis tam quoad stricte, quam quoad Metaphoricè acceptam falsitatem quatuor modi falsi ab Arist. in 5. Metaph. c. 22. propòsiti colligi possunt:

1. Dicitur falsum in propositionibus, seu in oratione. Oratio autem falsa dicitur duobus modis: una quæ ea componit, quæ non sunt composita: alia quæ significat illud componi, quod est impossibile componi. 2. Dicitur falsum de re falsa, uno modo quia non est, alio modo quia licet sit, non tamen est talis, qualis apparet: talia autem debent dici falsa, non simpliciter, sed cum additione, ut dicebamus. 3. Dicitur falsum de definitionibus. Contingit autem falsam esse definitionem tripliciter: uno modo quando una pars definitionis repugnat alteri parti: alio modo dicitur definitio falsa non simpliciter, sed respectu illius, cui assignatur, assignando se definitionem non suo definito. 4. Dicitur falsum in hominibus: & hoc contingit dupliciter: uno modo falsus dicitur qui certà intentione coram aliis falsas rationes asserit,

asserit, idque cum intentione fallendi. Alio modo homo falsus dicitur, qui rationes falsas profert, licet non ex intentione fallendi. Et ex hisce quatuor modis, quæ natura falsi sit in quocunque genere cognosci facile potest. Et hæc de vero dicta sufficiant.

CAPUT VII.

De Bono.

**B**onum dicunt. Ens in ordine ad appetitum.

2. Id consideratur vel in proprio esse, vel relativè in ordine ad malum.

3. In proprio esse consideratur, vel in genere, vel in gradibus.

4. In genere consideratur, vel in definitione, vel quoad proprietates.

5. Definitivè consideratum bonum, est Ens ordinatum ad voluntatem sibi propriam, à qua esse approbationis habet.

6. Itaque vera non est sententia Fran. Suarez disp. Met 10. §. 1. n. 14. bonum esse solum passionem Entis, prout dicit convenientiam ad alterum, seu prout est bonum alteri. Hæc enim non est transcendentiis boni natura, sed boni naturalis.

7. Nec approbo sententiam Scoti asserentis, absolutam quandam proprietatē bonum addere enti: quod enim absolutum in bono est, ipsum Ens est.

8. Nec relatio rationis tantum est: non enim entis bonitas à nostro conceptu pendet, sed nos ita conspiciamus, quia ita est.

9. Nobis denotat ordinem ad suam voluntatem, à qua esse approbationis debetur. Eiusmodi Entis bonitatem puto denotari Gen. 1. Vidit Deus omnia, et erant valde bona.

10. Quæ enim erant, eâ visione seu approbatione DEI boni denominationem sustinebant.

11. Itā

11. Itaque definimus relationem Transcendentalem, quæ realis est, non tamen extrema realem distinctionem ab invicem requirunt necessario.

12. Proprietates boni sunt: conversio, & appetibilitas.

13. Conversio est mutua Entis & boni de se invicem predicatio.

14. Itaque dicimus omne Ens bonum est, & omne bonum est Ens.

15. Appetibilitas est proprietas consequens bonum, ut appetitus quærat ens, uti sibi conveniens.

16. Itaque Arist. definitio 1. Eth. c. 1. bonum est, quod omnes expetunt, a posteriori est: non enim est ab appetitu, à quo dependet bonum essentialiter, sed à quo accidentaliter.

17. Et hinc sequitur, quod bonum & finis convertuntur.

18. Non per relationem bonorum inter se, ita enim bona quædam media, quædam ut finis: sed per respectum ad appetitum, quia à bono terminatur.

19. Gradus bonitatis sunt tres. Bonitas Transcendentalis, Naturalis & Moralis.

20. Transcendentalis est ea, quæ Ens quodque immediatè consequitur secundum eam voluntatem, à qua res immediatè vel approbatur, vel etiam dependet.

21. Naturalis verò bonitas est convenientia cujusque rei cum re alia, secundum quod quæque vel ad aliam est ordinata, vel ad ens primum refertur.

22. Hæc bonitas Relativa aliàs dicitur: quia tota est in respectu rei ad rem, et rei absoluta considerata non convenit.

23. Bonitas moralis est bonitas rationalis creaturæ propria; secundum quod à dictamine recte rationis gubernatum.

24. Bonum verò morale duplex est: bonum morale in genere, et bonum è circumstantiis. Scotus quodl. 18. art. 1. et 2. d. 40. sect. respondeo.

25. Bonum morale in genere est convenientia actus et objecti secundum dictamen rectæ rationis, et non tantum secundum convenientiam naturæ.

26. Bonum verò morale quoad circumstantias, est actus conformis rectæ rationi, et quoad objectum, et quoad aggregationem omnium circumstantiarum ad actus bonitatem pertinentium.

27. Et hic requiritur: ut actus sit voluntarius, 2. ut feratur ad debitum objectum. 3. ut finis sit bonus, 4. ut sit debita forma actionis legitimo modo susceptæ. 5. ut in extrinsecis circumstantiis ne sit error, quoad quando, ubi et huiusmodi.

28. Bonum consideratum in ordine ad malum spectatur in oppositione ad malum.

29. Hinc malum definimus, quod sit boni privatio.

30. Malum accipitur vel concretivè, vel abstractivè, Biel. in 2. d. 34. quest. unic. art. 2. concl. 1. & 2. & Tartaretus 1. Ethic. q. 3. et quest. moral. c. 6. de actib. intell.

31. Malum concretivè acceptum est res vel actus qui proficiscitur ab agente cum denominatione malitiæ, ob deformitatem eam, qua privatur bono debito inesse.

32. Hinc malum concretivè acceptum dicitur duo: materiale seu substratum, cui accedit malitia, ut est vel subiectum verbi gratia, homo quid dicitur malus, vel actio, exdes verbi gratia quæ dicitur mala: et formale, ipse sc. bonitatis defectus, qui est ratio, ob quam aliquid malum esse denominatur, ut aversio à fine



ultimo, & voluntate prima est ratio peccati apud Scotum in 2. d. 37. sect. concedo igitur.

33. Et ita malum semper est conjunctum cum bono, ut non esse quidem possit, nisi sit bonum.

34. Dicis : ergone contrarium stat cum suo contrario? Hic dico, Bonum habere oppositum malum non quodvis, sed sibi respondens : bonum stare non potest cum suo malo, sed cum malo alterius generis.

35. Nam bonum Transcendens oppositum malum nihil habet: bonum naturale habet oppositum malum naturæ seu pœnæ, et bonum morale habet oppositum malum morale seu vitium.

36. Hinc ergo bonum & malum, qua sese habent modo opposito stare simul nequeunt. Nec enim bonum morale et malum morale sunt simul: nemo simul avarus et liberalis esse potest. Et bonum naturæ et malum naturæ non sunt simul: neque enim quisquam in bona corporis valetudine constitutus simul egrotat. Verum malum naturæ & bonum entis sibi non opponuntur: et malum moris nec bono naturæ, nec bono entis opponitur. Malum ergo naturæ potest esse in bono subiecto, quod est bonum bonitate Entis: huic enim non opponitur, nam morbus non destruit ipsam subiectum; in quo est aliquid quod est in subiecto bonum bonitate naturæ, temperatur scilicet. Eodem modo vitium seu malum moris est in boni, non quod sibi habet oppositum, hoc enim destruit: sed in subiecto quod est bonum bonitate Entis, cui tantum abest ut repugnet, ut sine eo non esse possit.

37. Hinc elegans est illud Raymundi: Quam malcer pulchra superba est de sua pulchritudine, non de sua bonitate; cum bonitas pulchrior sit quam facies ejus? Solutio: nulla bonitas moralis participat cum peccato.

33. E quo nos colligimus ; non opus esse ut confugiamus ad hanc limitationem : Contraria non posse esse simul , hanc regulam pati exceptionem , in oppositione boni & mali , at quidam in hunc modum determinaverunt. Nam manifestum esse arbitror , nec bonum cum suo contrario bono posse simul subsistere.

39. Malum abstractivè consideratum est ipsa malitia , quæ nihil est aliud , quàm carentia boni debiti inesse. Unde Thom. 1. p. q. 48. & 49. & Gabr. in 2. d. 34. q. un. fuisse ea de re differentes.

## COMMENTARIUS.

**T**ertia Entis affectio sequitur, & est Bonum: Id definitur, quod omnes appetunt, apud Arist. 1. Eth. cap. 1. Ad hujus definitionis declarationem sciendum, quod bonitas non uno modo dicitur: Est enim bonitas Transcendentalis, est bonitas naturalis (relativa) & est bonitas moralis, ut videre est apud Scalig. exerc. 307. sect. 27. Bonitas Transcendentalis dicitur, quia quidque habet esse primum perfectum in ordine ad appetitum. In qua descriptione duo notanda veniunt: unum quid sit esse perfectum, alterum quis sit ille ordo ad appetitum. Ad primum sciendum, quod perfectio duplex est: una est perfectio prima, alia vero perfectio secunda, ut annotavit subtiliss. Duns in prologo Metaphys. & Tartaretus 2. Ethic. cap. 1. Perfectione prima perfectum intelligimus illud, quod habet omnia pertinentia ad primum esse rei, seu ad essentiam. Perfectionem vero secundam illud obtinet, quod habet omnia pertinentia ad secundum esse rei, hoc est, in operando. Esse perfectum hic non intelligitur de

perfectiōne secunda seu accidentali : ita enim relativa bonitas perficit quidque juxta bene esse hujus naturæ , in ordine ad actum secundum. Moralis verò bonitas perficit in ordine ad summum bonum , ad quod tanquam ad finem ultimum per virtutes contendimus. Sed esse perfectum dicit hoc loco perfectiōnem entitativam seu essendi , qua nulla omninò res destituitur , quâ est Ens : est enim nihil aliud , quam quod est apud Arist. 5. Metaph. cap. 16. Rem secundum benè in nullo definire , nec habere in unoquoque genere excessum , nec quicquam esse extra.

Ad secundum dicendum juxta Thom. 1. Ethic. cap. 1. quod quando definitur bonum esse , quod omnes appetunt , definitur à posteriori : est enim res in se perfecta , & quia perfecta est eatenus appeti potest : non enim res est bona , quia appetitur , sed quia bona est , ideo appetitur , ideoque bonum esse est causa appetitus sui , non contra. Quod ut sciatur , tenendum quod appetibile dupliciter accipitur : uno modo fundamentaliter , alio modo formaliter. Fundamentaliter acceptum nihil est aliud , quam res cui non repugnat ordinari ad appetitum , ac hoc modo bonum quidque est & appetibile , si vel maximè appetitus non sit , quia ab appetibili seu bono moveatur. Formaliter vero acceptum appetibile dicit convenientiam eam qua consideratur hoc , quod est bonum obiective esse in appetitu. Posteriori modo acceptum appetibile non infert semper bonum , potest enim esse bonum & non esse in appetitu. Priori modo appetibile dicit idem re cum bono , sed tamen cum differentia rationis : etsi enim unum ab altero semper inferatur , appetibile ta-

men primo respicit appetitum, consequenter bonum, quoniam malum objectum appetitus non est: at bonum primò respicit rationem sui intrinsecam, & consequenter infert appetibile esse, quia non est appetibile, nisi sub boni ratione. E dictis parer, quomodo bonitas ea transcendentalis juxta perfectionem suam ad appetitum ordinetur. Et hæc ea in re communis est sententia: quod si tamen rem exactius aliquantisperpendere velimus, ita mihi videtur Rem duobus modis posse dici ordinari ad appetitum. Uno modo ad appetitum ut regulam & mensuram, alio modo consequenter. Ordo boni ad appetitum ut regulam & mensuram, est ordo essentialis boni, ad eam voluntatem, unde est ratio approbationis. Et ita inferiora omnia dicuntur bona esse ratione dependentiæ à voluntate divina, secundum quod ab ea voluntate fuere approbata. Hic verò ordo mihi esse videtur formalis ratio boni transcendentalis. Ordo vero ad appetitum consequenter, est ordo accidentalis boni ad appetitum eum, à quo formalis ratio boni non est, sed qui apprehendit eam bonitatem in re quavis; quam obtinet ratione approbationis voluntatis cuique Enti primæ & propriæ. Ea vero apprehensio nihil est aliud, quam quod appetitus noster feratur naturaliter in illud Ens, quod naturæ instinctu cognoscit esse approbatum in prima voluntate. Is vero naturalis instinctus videtur esse cuique appetitui in inferioribus innatus, quia est subordinatus superiori voluntati: est enim naturale, ut inferius in quoque genere subordinetur suo superiori ejusdem generis, & ratione ejus ordinis sit signum quoad nos in inferiori gradu constitutos influxus superioris in eo genere.

Qua de te alio loco fufius agemus : nunc enim brevitatis ftudio hæc attigiffe fufficiat.

Bonitas verò naturalis feu relativa ea dicitur, quâ quidque habet ea omnia requifita, quæ pertinent ad ipfius efle benè naturale fecundum perfectionem fecundam. Quod ut melius intelligatur, fcicndum, quod perfectio fecunda rei naturalis ea fit, qua ponuntur res in efle exiftentia, ut fc. eft actu extra caufas, in ordine ad operationes conftitutum : & eo modo intellecta res, non tantum ftatuitur in perfectione prima, hoc eft, in effentialibus folis, fed præterea, quoniam, ut eft apud Philofophos paffim, plura ad rei exiftentiam quam ad ejus effentiam requiruntur, in perfectione fecunda requirit omnia, ea quæ funt neceffaria ab obtinendam operationem eam, ad quam res fuâ natura fertur : juxta quod habet ad operationem acquirenda principia naturalia, non vero ea, quæ vel funt habitu vel artificio acquifita : hæc enim ad moralem bonitatem perficiendam ftatuuntur. Breviter : bonitas naturalis eft perfectio fecunda, naturæ qua tali debita & conveniens. Ita bonitas naturalis eft homini vivere potius in aëre, quam in aqua : obtinere manus, pedes, &c.

Bonitas verò moralis eft perfectio fecunda naturæ rationali ad liberè agendū elevata conftituta. Et ea fe habet vel in ratione finis, vel in ratione mediorum. Actiones enim intermedia habent fe in ratione mediorum ad habitum generandum : habitus verò è voluntaria actionum confuetudine enati ad fummum bonum acquirendum tendunt. Ac ita ut fe virtutes habent ad finem ultimum in ratione mediorum, ita ad virtutes acquirendas tanquam ad finem intermedium actiones ordinantur.

E dictis

E dictis tria ad Boni naturam declarandam apprimè necessaria declarari possunt: 1. quæ boni in genere sit formalitas. 2. anne cum Ente reciprocetur, & 3. an bonum malum habeat oppositum?

Ad primum responderi facile è dictis potest, quod cum dicat ordinem ad appetitum, appetitus verò ad non Ens non referatur, Bonum formaliter dicat Ens cum relatione addita ad appetitum. Ordo enim non est quid absolutum, sed dicit respectum: respectus verò ante se requirit subiectum cuius sit. Itaq; Bonitas est Entis ut subiecti, & quoniam & Ens & Bonum sunt Transcendentia, inde fit ut necessariò alterum in altero includatur: non ergo excluditur Ens à Bono. Bonum vero non est sine respectu, Ens verò de se respectum non includit: inde formaliter Ens cum respectu ad appetitum dicit Bonum. Et hæc de Bono transcendentem intelligi debent: aliàs bonitas naturalis & moralis possunt aliquid inferre re a subiecto distinctum, quomodo virtutes verbi gratia homini addunt perfectionem re ab homine differentem.

De secundo dicendum, quòd aliquid esse convertibile, accipitur dupliciter: uno modo in ratione essentiz, alio modo in ratione suppositi. In ratione essentiz converti ea dicimus, quæ præcise idem sunt simpliciter secundum eundem conceptum quidditativum, non attinendo secundum confusum & distinctum. Converti verò in ratione suppositi dicimus ea, quæ æquè latè patent secundum prædicandi modum. Priori modo converti dicimus definitionem & definitum, posteriori propria cum suis subiectis. Ac ita dicimus, quod Bonum Transcendens convertatur cum Ente in ratione suppositi, non verò bonum

num pro perfectione secunda acceptum. Quod enim bonum Transcendens non convertatur cum Ente in ratione essentiz, ex eo manifestum est, quia alias non esset affectio ejus, nulla enim affectio sive propriè sive impropriè dicta dicit eundem simpliciter conceptum essentiz, cum eo cuius est affectio. Quod vero in ratione suppositi convertatur, clarum ex eo est, quia cum Deus creasset omnia, cognovit esse valde bona, qua ipsa in essentiali bonitate cum omnes res persisterint, fit inde ut nihil quod includit entitatem, omnem omnino bonitatem excludat. Bonum vero in secundo modo acceptum, nec in ratione essentiz, nec in ratione suppositi cum Ente convertitur. Possunt enim in naturalibus dari, quæ omnem naturæ convenientiam non observant: & in moralibus non semper agimus secundum rationis normam & præscriptum.

Inde iam de tertio facile responderi potest: Dicendum enim bonum transcendens non habere malum oppositum, quia nullum Ens de se malum.

Datur vero malum naturæ, & malum moris, quorum utrumque dicit privationem ejus boni, quod in esse debebat. Illud tamen accidit impedimento naturæ. Natura enim produciens intendit facere effectum, quem potest perfectissimum; impedita tamen facit quod tum potest. Non facit autem hoc omne quod debebat. Itaque juxta carentiam hujus debiti dicitur malum ipsius naturæ: ac definitur apud Joh. Altestaig, quod sit deformitas existens in aliquo Ente naturali, proveniens ex superfluitate vel diminutione naturæ, sicut cæcitas, claudicatio. Malum vero moris dicimus carentiam ejus perfectionis, quæ secundum rectam rationem, in libero agente

agente est, ac hujus mali mensuram duplicem possumus habere ex opposito bono: vel enim juxta formalitatem ejus quæ est recta ratio, vel juxta finem, quatenus ex fine actionem metiri solemus: hoc loco non immerito quæri potest, Anne omnis boni remotio malum inferat? cum enim carentia & remotio videantur esse synonyma malum utique æque per remotionem, ac per carentiam boni, definiri posse videatur. Hic dicendum secundum Thom. 1. p. q. 48. art. 3. Quod remotio boni alia sit negativa, alia privativa. Negativam eam dicimus, quæ simpliciter tollit nulla subjecti habita ratione, & hæc remotio quandoque subjectum simul tollit cum attributione malitiæ: quomodo mors dicit remotionem boni, destructionem scilicet ipsius totius quod erat: & ejusmodi remotio boni non infert malum: mala enim dici hoc modo possent ea etiam, quæ nullo modo essent, & quælibet res mala diceretur, ob carentiam scilicet cujuscunque boni, etiam alterius rei, quomodo verbi gratia, homini malum esset non certare posse cum aquila visu, cum leone fortitudine. Privata vero remotio est carentia boni, quod subjecto inesse debebat, ita verbi gratia, malum est homini, non esse præditum virtute, seu à virtute deficere. Itaque synonyma non sunt remotio boni & carentia; sed habent se ut superius & inferius, ut carentia omnis etiam removeat, sed non omnis remotio carentiam inferat. Hinc jam sequitur, quod malum non possit esse nisi in bono; cum vero non quamlibet remotionem dicat, sed tantum remotionem à certo subjecto, semper connotatur aliquod bonum, in quo inesse debitam bonitatem conveniebat, quam



non inesse inferit bono subjecto attribui boni debiti carentiam. Unde etiam est apud Lombardum in 2. Sent. dist. 14. cum dicitur homo malus, nihil aliud significatur, nisi malum bonum.

Subjungemus huc sub finem quasdam alias boni divisiones, præter eam, qua superius bonum in transcendens, moris & naturæ bonum divisimos. Sunt vero reliquæ boni divisiones usitatissimæ tres.

Primo Bonum aliud est vere, aliud apparenter bonum, ut docetur apud Tho. 2. 2. q. 23. ad 7.

Bonum verum illud est, quod quantum in se est, ordinabile est ad principale bonum, quod est ultimus finis: idque prout sua natura bonum est, ita cognoscimus & appetimus, ut qui virtutem appetit, ut ea mediante possit bene vivere.

Bonum vero apparens est, quod abducit à finali bono, hoc est quod appetitum movet non ut est in re, sed ut apparet esse, ut libido movet appetitum sub ratione boni delectabilis. Nam ut finem, ita & bonum aliud *ὄρατος* seu enter, aliud *φαρρόμινος* seu apparenter bonum esse dicimus. Qui enim se ipsum interficit mortem appetit, non quia bona est, sed quia videtur esse bona, ut seipsum eripiat è calamitatibus, vel ex alio aliquo malo, cujus respectu mortem eligit, ceu quid melius. Quomodo Cato seipsum interficit, quia videre non potest Cæsarem Romæ regnantem. Et Lucretia, quia non potest ferre stupri infamiam. Quomodo vero hoc ipsum bonum apparens appetitum moveat, egregie docuisse videtur Gabriel in 2. dist. 36. q. unic. art. 1. not. 1. quando bonum distinguit è duplici affectione iusti, & commodi. Bonum enim ex affectione iusti illud est, quod appetimus juxta conformitatem rectæ rationis, & hoc bonum  
verum

verum est. Bonum vero apparens metimur ex affectione commodi: Commodum vero dicimus latius, ut se extendit ad utile & delectabile: quidam enim ex apparentibus desideramus sub specie delectabilis, quidam vero sub specie utilis. Ita in libidines feruntur sub delectabilis, in furtum sub utilis ratione. Ac ita malum appetimus, non sub specie mali, sed apprehendimus sub specie boni.

Hinc eleganter August. Confess. lib. 2. cap. 9. cum de facinore, inquit, quaritur, quae causa factum sit, credi non solet, nisi cum appetitus adipiscendi alicuius illorum bonorum, quae infima diximus, esse potuisse apparuerit, aut metus amittendi. Homicidium fecit, cur fecit? Adamavit ejus conjugem, aut praedium, aut voluit depraedari unde viveret, &c. Nec ipse igitur Catilina amavit facinora sua, sed utique aliud, cujus causa illa faciebat.

At enim, inquis, malum est non Ens, cujus ut nulla cognitio, ita nec appetitus. Hic primo dicendum: quod malum abstractivè sumptum tamen si positivum nihil sit, ac malum concretivè acceptum etiam aliquid positivum includit. Et hoc modo furtum appetimus non ratione deformitatis ejus, quae in furto est, ea enim dicit privationem & non Ens, sed sub ratione boni ejus quod furto auferimus, quod sub specie utilis apprehenditur. Unde secundo loco dicimus cum Scalig. exerc. 307. sect. 24. Esse hunc appetitum apparentis boni, appetitum non directum ratione, qui cum rem ut apparet apprehendit absque ulla judicii discretionem, jam mala mixta bonis appetere facile potest. Tertio addamus & hoc, esse voluntatem, sed è mala intellectione ortam. Quam multis quidem, sed potiss.

potissimum tribus modis evenire posse Scalig. docet: primo enim potest appetere in genere, non autem in propria ratione, & ratiocinatur è duabus affirmativis in secunda figura: vel ponit argumentationis fundamentum super inductione. Vt qui rem honestam dicit esse appetibilem. Libidinem vero appetibilem subsumit. Alius modus est, cum ponit primo effectum impossibilitatis, ponit deinde alia, quæ non connectuntur. Vt qui impossibile esse intelligat cum infamia & dedecore vivere, vitam ergo propria manu esse auferendam colligeret. Tertius modus est, cum illud axioma pronunciat dubitanter, ideoque dat locum subeunti appetitui. Quomodo lapsum primorum nostrorum parentum eleganter depingit Magister sententiarum in 2. dist. 2. attende, inquit, ordinem ad progressum perditionis humanæ. Primo Deus dixerat, quacunq; die comederitis ex arbore, morte moriemini. Deinde mulier dixit ne forte moriamur. Novissime Serpens dixit, nequaquam moriemini. Deus affirmavit, mulier quasi ambigendo illud dixit. Diabolus negavit. Quæ ergo dubitavit, ab affirmante recessit, & neganti appropinquavit. Et in hunc fere modum intelligi debet, quod dicebamus, bonum aliud esse vere, aliud apparenter bonum.

Secunda divisio est, quod aliud est bonum simpliciter, aliud bonum alteri, seu ad aliud, ut docet Arist. in 7. Eth. cap. 12. & in 8. Ethic. cap. 7. Thomas in 2. dist. 27. quæst. 1. artic. ad primum. Scotus quodlib. 18.

Bonum simpliciter non uno modo dicitur, ut annotavit subtiliss. Duns in 3. dist. 33. Vel enim simpliciter bonum dicitur, ut distinguitur contra bonum apparens, eo modo quo superius dixi.

diximus, aliquid dici bonum vere: vel ut distinguitur contra bonum in singulari. Illo modo dicit Aristot. in 5. Ethic. cap. 2. Justum versari circa bona in quibus fortuna prosperitas & adversitas consistit, quæ semper quidem simpliciter bona sunt, quibusdam tamen non semper bona evadunt: hoc est, divitiæ non sunt bonum apparens sed quid vere bonum. Ac hujus boni certi quidam gradus statui possunt, ut docet Magister in 2. distinct. 26. dicuntur enim alia magis, alia minima, alia media bona. Quæ bonorum distinctio in magna, media & minima desumpta est, ex Aug. lib. 1. Retract. c. 9. Magis bona simpliciter ea dicuntur, quæ nunquam & nulli fieri possunt mala, ut sunt honestum, virtus, felicitas, ea enim nemini mala evadunt: bona minima, quæ in ultimo gradu bonitatis sunt, ut sunt delicix, lusus, & hujusmodi alia. Media quæ de se quidem simpliciter bona sunt, alicui tamen possunt fieri mala, ut citato 5. Ethic. cap. 2. docuit Arist. Posteriori vero modo dicimus bonū simpliciter, non quod distinguitur contra bonum apparens sed contra bonum in singulari, hoc est, dicimus bonum simpliciter bonum in universalis, ut est adæquatum objectum voluntatis. Voluntas enim non tantum in vere bonum, sed & in bonum apparens fertur: ac non est determinata ad hoc & illud singulare bonum, sed ad omne quod quoquo modo bonum est.

Potest & alio modo bonum simpliciter dici, quod est bonum per essentiam: Et ita distinguitur à bono quod est per participationem. De hoc elegans est illud Boetii: Sola Trinitas est summū bonum, quod purgatissimis mentibus cernitur, alia omnia ab ipso sunt bona per participationem.

Potest.

Potest & simpliciter bonum dici quod est summum bonum: eo quod in se eminenter tenet bonitatem, & quaecunque est aliarum rerum bonitas, ea ad summum bonum, ceu media ad finem, ordinatur. Eiusmodi summi boni divisiones variae sunt. Aristot. in 10. Eth. cap. 7. & 8. duplex facit summum bonum: civile, & speculativum: Hoc separatum dicitur & mentis est; Illud ex operationibus virtutis est. De civili bono intelligendus esse videtur Arist. in 1. Eth. cap. 7. quando definit operationem animae ex virtute, si plures sint virtutes ex optima & perfectissima. De speculativo vero Averr. in libr. de Beat. animae, quando beatitudinem animae dicit conjunctionem intellectus abstracti cum anima humana. Et de hac egit in prooemio Physico, & in digressionem 3. de an. text. 36. Hoc sensit Lud Buccaferrea lect. 3. Phys. Aristot. quando duplicem facit hominis, quia homo est perfectionem unam primam, aliam secundam. Primam dicendo, quae est in operationibus quae sunt in potestate nostra: Secundam, quae est speculatio sive operatio circa perfectissimum Ens, quod est Deus. Et Lambertus in 2. Phys. ad text. 58. quando felicitatem quandam dicit primariam & principalem, quam de sententia Arist. dicit consistere in operatione optimae potentiae, circa optimum objectum: aliam secundariam, quam ponit in operatione prudentiae, secundum quod in ea omnes virtutes connectuntur, ut docetur in 6. Eth. cap. 13. Alias hujus boni divisiones multas studio praetermisimus, partim quia ea de re disputare praesentis loci non est, partim etiam, quia ea de re in Ethicis commentariis pluribus egimus.

Tertia divisio boni est, quod aliud sit utile, aliud

aliud honestum, & aliud delectabile, quæ docetur apud Antonium 1. p. su. maj. tit. 13. cap. 2. §. 9.

Eius divisionis fundamentum docetur apud Arist. in 2. Moral. cap. 3. Ubi docet, quod tria sint quæ in electionem cadunt, honestum, utile, & jucundum. Et 7. Moral. Eundem, c. 3. dicit; bonum multifariam dici, alia enim esse utilia, alia jucunda, alia simpliciter bona. Bonum vero utile illud dicitur, quod est medium ordinatum in alterius boni consecutionem. Hoc in Platonis Hippiæ majori Socrates docet, ubi dicit ad Hippiam, nonne quod efficere aliquid potest, ad illud utile est, quod hoc effici potest. Et proponit utile ad inveniendum pulchrum seu medium. Hinc apud Marsilium in argumento ad dictum dialogum definitur Utile, quod potentiam ad aliquid faciendum habet. Ita etiam apud Arist. 1. Meta. tex. 7. docetur, cujuscunque artis inventorem admiratos homines, non solum quia inventum utile esset, verum ut sapientem & cæteris præstantem. Ac cum plures artes invenirentur, quarum alie ad necessaria, alie ad degendum essent, semper tales sapientiores illis haberi, quod eorum scientiæ non ad utilitatem essent. Hic utiles artes eas vocat, quæ ad aliquid aliud acquirendum ordinantur; in iis enim esse bonum utile, ut id ipsum fusiùs docet Averr. in Comm. ad dict. textum.

Bonum vero honestum definitur apud Averr. 1. Met. cont. 7. quod sit illud, quod queritur propter se ipsum. Hoc sensu in argumento Marsilii ad Platonis Theætetum, honestum dicitur essentialium principium ac finis, ut ad quod ordinata sint ea quæ utilia dicuntur. Unde in 1. Rhet. Arist. cap. 4. bene dictum est, honestum esse

esse quod per se eligibile est & laudabile, aut quod cum bonum sit idcirco jucundum est, quoniam bonum. Ac Cic. 1. Acad. quaest. cum multa alia egregie, tum imprimis de hoc bono agebat: Zeno, inquit, nullo modo is erat, qui ut Theophrastus, nervos virtutis incideret, sed contra, qui omnia quae ad beatam vitam pertinerent in una virtute poneret, nec quicquam aliud numeraret in bonis, id appellaret honestum, quod esset simplex quoddam & solum, & unum bonum. Et in 3. de finibus concludit, illud solum bonum esse, quod honestum sit, idque esse beate vivere & honeste. Hic tamen praetereundum non est: bonum honestum duobus modis dici apud Fr. Suarez. disput. Met. 10. s. 2. Vno modo strictè, & ita idem erit, quod bonum morale: & definitur, quod sit id, quod per se decet, & est consentaneum naturae rationali, quomodo operationes secundum virtutem dicuntur operationes humanae in 10. Eth. cap. 8. & ita excludit bonum naturae. Alio modo latius accipitur, quod sit illud, quod per se, perficit naturam etiam seclusa ratione virtutis: hoc modo satis improprie accipi videtur. Namq; & esse & vivere, & sentire eo modo in honestis bonis numerantur.

Bonum delectabile illud dicimus in quo cetero termino desiderium, & concupiscentia quiescit: ejus formalis ratio delectatio est & suavitas, qua hominem efficit, in rebus non tantum commodis & honestis, sed etiam incommodis & inhonestis. Et hoc bonum variatur pro diversitate voluptatis. In omni vero sensu voluptas est, in omni item intellectione & contemplatione, ut docet Arist. 10. Moral. cap. 4. Haec de bono in praesenti dicta sufficiant.

CAPVT. VIII.

De diuisione Entis ut æquivoci  
in æquivocata.

I.

**D**iuisio Entis est vel secundum nomen, vel secundum rem.

2. Diuisio Entis secundum nomen est, ut æquivoci in sua æquivocata.

3. Ea duplex est: 1. Ens vel est reale, vel rationis Ens 2. Ens est vel per se, vel per accidens.

4. Ens reale est: vel Ens ut distinguitur contra ens ab intellectu factum, vel ut distinguitur contra Ens non existens actu. Cajet.

5. Ens reale priori modo acceptum est, quod non tantum obiective dependet ab intellectu. Et ita Ens in potentia est Ens reale, quando est in virtute suarum causarum.

6. Et hoc sensu inter Ens reale, & Ens rationis medium nihil est.

7. Ens reale posteriori modo acceptum est Ens reuera existens in rerum natura, prout consideratur extra suas causas.

8. Et hoc modo Ens in potentia Ens reale non est.

9. Et hoc modo datur medium quid inter Ens reale & Ens rationis.

10. Ens rationis accipitur vel intransitive, vel transitive.

11. Ens rationis intransitive acceptum est Ens, quod est ratio seu intellectus, & hoc modo contra reale non distinguitur.

12. Transitive acceptum tripliciter dicitur: subjective, effective, & comparative.

13. Ens rationis subjective, est Ens quod est in intellectu, ut subiecto: quomodo entia rationis possunt dici species intelligibiles.

14. Ens



14. *Ens rationis effectivè est, opus ab intellectu & ratione productum, quomodo artificialia dicuntur entia rationis. Et hæc duo genera etiam esse reale, non purum esse rationis designant.*

15. *Entis rationis comparative est, quod objective tantum est in intellectu, factum est operatione comparativa intellectus, hoc est, cuius non est propria species intellectu à rebus accepta, sed species facta è comparatione specierum rerum in natura existentium, quomodo mons aureus nascitur è comparatione speciei montis & auri.*

16. *Et hoc postremo modo intelligitur ens rationis simpliciter acceptum. Vide Carolum Billeum Siculum de intent. secund. pag. 72, 73, 74.*

17. *Ens vero per se duplicis generis, est; Est enim per se vel in ratione entis, vel in ratione effectus,*

18. *Ens per se in ratione entis, est ens non aggregatum è diversis actu naturis, sed quod unius est naturæ & essentie.*

19. *Dico è diversis actu naturis: Et si enim per se è diversis naturis, esse potest, earum tamen una habet rationem potentia per se ordinatæ ad hunc actum, & contra.*

20. *Itaque Ens per se vel simplex, vel compositum.*

21. *Simplex expers est multitudinis naturarum: Compositum contra, ut: angelus, homo.*

22. *Ens per se ratione effectus est, ad quod producendum agens per se concurrir: Ita est ens per se quod vel à natura, vel ex intentione voluntatis est productum.*

23. *Eodem modo ens per accidens, vel est in ratione entis, vel effectus.*

24. *Ens per accidens in ratione entis, quod est res diversorum generum.*

25. *Hoc*

25. Hoc habet gradus pro generum ab invicem distantia.

26. Ens per accidens in ratione effectus est, vel Casus, vel Fortuna.

27. Casus in naturalibus: Fortuna in voluntariis.

28. Quod vero dicitur: Omne per accidens reduci ad aliquam causam per se, id dextre intelligendum est. Non enim verum est omne per accidens habere aliquam sui causam per se. Sed verum, quod vel ponatur conjunctum cum eo, quod est per se causa: vel quod ad causam primam, Deum scil. reducatur, à cuius providentia ut nulla omnino res est seiuncta, ita nihil omnino eius respectu in natura frustraneum est & fortuitum. Vide Scotum in 4. Metaph. q. 2. & Antidoti mei lib. 1. cap. 26.

# COMMENTARIUS.

Postquam de Entis principiis & affectionibus diximus, breviter etiam divisiones ejus attingemus. Potest autem Ens variis modis sub divisionem cadere, sed potissimum quatuor. 1. Dividitur in nomen æquivocum in sua æquivocata: 2. Per modos intrinsecos & differentias analogas. 3. Juxta passiones: & 4. Per quidditates.

Et hos quatuor entis dividendi modos posuit Zimara solut. Contradiet. Arist. & Averr. 6. Metaph. Contrad. 1. Commento 1. hujus 6. (Metaph.) habetur, inquit, quod ens dicitur prima sui divisione in per se & per accidens. Sed in 5. Metaph. t. cap. 14. ens primò dividitur in 10. prædicamenta 1. Phys: t. cap: 6. primo dividitur per finitum 3. Phys: t: cap: 3. primo dividitur

videtur per finitum. 3. Phys. t. cap. 3. primo dividitur per actum & potentiam. Solvitur: plures sunt divisiones entis primæ: tamen quælibet est prima in suo genere. Quædam est divisio entis in partes subjectivas, sicut est divisio entis in decem prædicamenta. Quædam est divisio entis in passionem, sicut divisio entis per unum & multa, per necessarium & contingens. Quædam est divisio entis per modos, seu analogas differentias, modo loquendi Averrois: sicut est divisio entis per actum & potentiam. Est etiam divisio entis in animam & extra animam: & ista divisio, ut peritissimis in hac arte videtur est vocis æquivocæ in suas significationes. Ita ille.

Primus divisionis modus, entis scilicet ut æquivoce in sua æquivocata, duplex est: vel enim dividitur Ens in reale & rationis: vel dividitur in Ens per se, & per accidens.

Ens reale dupliciter accipitur, ut annotavit Cajetan. de unitate naturæ. uno modo ut distinguitur contra Ens ab intellectu fabricatum: ita realia dicuntur esse omnia ea quibus non repugnat actus essendi, seu quæ sunt præter intellectus nostri conceptum. Hoc modo etiam ea, quæ sunt in suis causis, dicuntur Entia realia quatenus sunt in potestate proxima, ad hoc, ut producantur extra suas causas. Alio modo reale dicitur, ut distinguitur contra non existens actu. Et ita Ens reale hoc tantum dicimus quod existit extra suas causas. Et si vero secundum Thomam in quæst. de potentia Dei q. 3. art. 3. ad secundum: Res antequam existit, nihil est, & per Arist. in Categ. c. de subst. destructis substantiis primis, impossibile est aliquid cæterorum remanere: nihilominus tamen

men in eam prolabi sententiam non debemus,  
 ut substantias secundas, & quæ sunt alia Entia  
 habentia essentiam in potentia causarum, prorsus  
 ad entia rationis relegare velimus. Ita cum  
 definitiones, demonstrationes, & quæ sunt reli-  
 quæ propositiones necessariae, si fierent rebus  
 non existentibus, essent purum putum animi fi-  
 gmentum. Itaque dicendum, quod si Ens in  
 universum dividatur in reale & rationis, entia  
 realia ea omnia dici, quorum conceptus non est  
 tantum per puram mentis nostræ operationem,  
 & ita abstrahere Ens reale ab Ente in potentia  
 & actu. Quod si vero reale hoc tantum dica-  
 mus quod existit actu: divisionem Entis in re-  
 ale & rationis non aquare omnem Entis con-  
 ceptum sed esse intermediam quoddam ens,  
 ens nimirum in potentia, quod nec est purum  
 rationis ens, est enim in visceribus suarum cau-  
 sarum nec purum ens reale, non enim extra  
 suas causas est.

Ens rationis etiam non uno modo accipitur,  
 ut docetur apud Soncinat. 6. Metaph. q. 18.  
 Constant. Sarnan. direct. Theol. pag. 154.  
 Gerhardum de monte ad rho. de ente & ess.  
 Lambertum de monte dom. 1. de anima t. 3. Est  
 enim 1. Ens rationis ut conceptum: dicimus  
 hoc, quod in ratione seu intellectu est subje-  
 ctivè, quomodo sunt habitus, species intelli-  
 gibiles, &c. 2. Ens rationis ut factum dicimus,  
 quod est factum per rationem: & fit aut per ra-  
 tionem practicam, quatenus scil. fit juxta ex-  
 emplar hoc, quod in mente artificis est, quo-  
 modo omnia artificialia possunt dici entia rati-  
 oni, 3. aut per rationem speculativam, hoc est,  
 quod tantum objective in mente est, seu ut  
 sunt verba Johannis Alsestaig, quod terminat  
 solum

solum intellectum, nec existit in rerum natura. Quæ duobus prioribus modis sunt Entia rationis, ea non contra distinguuntur ab Ente reali: domus enim quæ fit ad exemplar artificis est quid reale, & habitus intellectuales non sunt puri conceptus. Verum tertio modo, quæ dicuntur Entia rationis, ea nunquam sunt realia; & ita Ens reale & rationis à se invicem distinguuntur, & super omnem Entis conceptum cadunt, prout ens reale dicitur, quod habet rationem communem substantiæ & accidenti. Ens vero rationis, quod non nisi per rationis conceptum est, seu quod tantum fit per comparisonem passivam, qua per intellectum Unum objectorum cognitum ad illud objectum cognitum comparatur: quomodo aureus mons est è conceptu & comparisonem montis & auri.

Ens etiam per se & per accidens dicimus duob. modis, ut post Joh. Duns in 6. Met. q. 2. annotavit Socinas 6. M. q. 13. & 7. Met. q. 34. & Fr. Suarez. disp. Met. 4. Sect. 3. num 1. & 2. dicitur enim Ens per se & per accidens, vel in ratione entis, vel in ratione effectus. Ens per se in ratione Entis, possumus cognoscere dupliciter: vel enim ad ordinem prædicamentalem, & quod hoc consequitur in ordine ad definitionem. In prædicamentis enim ea tantum reponunt, quæ ea tantum habent, quæ ad essentia perfectionem intrinsecè requiruntur. Et hoc videtur Aristot. innuere, quando in 4. Metaph. tex. 14. per se esse dicit, quæcumque significant prædicationis figuras, easq; enumerat secundum quid, secundum quale, secundum quantum, secundum ad aliquid, facere, pati, ubi & quando, situs & habitus. Per definitio-

nes vero cognosci possunt Entia per se, quia definitiones statuuntur entis, non quia est existentia cum adjunctis accidentibus, seu qua est hic & nunc, sed simpliciter qua est in tali specie: eo vero modo dicitur aliquid esse Ens per se. Possumus secundo etiam Ens per se cognoscere in ordine ad unitatem, quæ enim sunt per se unum, ea etiam Entia per se dicenda sunt: & hoc modo Ens per se est, vel simplex, vel compositum. Ut enim unum quoddam est indivisum actu, divisibile in potentia, quoddam vero simpliciter indivisibile cum exclusionem omnis potestatis ad divisionem: ita Ens quoddam statim seipso est quod est, per exclusionem omnium rerum ex quibus fit, quoddam vero per alia non tamen per alia quæ sint aliorum prædicamentorum, sed per alia, quæ ad hujus essentia complementum, & integritatem faciendam ordinata sunt. Et hoc modo intelligitur quid sit Ens per se in ratione Entis. Huic Enti per se opponitur Ens per accidentis. De Ente vero per accidentis aliter loqui Meta. aliter Logicum, docet Joh. Duns 1. Sent. dist. 29. sect. ad aliud dico. Metaphysicus enim dicit ens per accidentis, quod in se includit res diversorum generum: Logicus vero propositionem dicit per accidentis, cujus subjectum non includit rationem inhaerentia prædicati, & si ex duobus talibus fiat unus conceptus, quorum neuter est per se determinativus alterius, dicit illum conceptum esse unum per accidentis. Circa priorem modum entis per accidentis sciendum quod cum Arist. dispescat in tria genera ut videre est. 5. Met. tex. 13. quædam enim dicuntur, quoniam eidem Enti ambo insunt, quædam quoniam illud (accidens scilicet) enti

(subjecto

(subiecto scil. suo) inest: quoniam quoniam ipsum est cui inest, de quo ipsum prædicatur, hoc est, cum subiectum dicitur de accidente. Primi exemplum est, verbi gratia, dulcedo & flavedo in melle, ut dulce est flavum: secundi ex homine & virtute, v. g. Justitia, fit unum per accidens homo justus. tertii exemplum est, risibile est homo.

Circa secundum sciendum, quod etsi in creaturis semper prædicatio per accidens Logica ante se requirat prædicationem per accidens Metaphysicam, eo quod in iis quæ non se habent per modum prædicationis per accidens, semper unum est alterius determinativum. In divinis tamen putat Scotus haberi prædicationem per accidens Logicam, quæ Metaphysica est per se, quia una per se persona est, quæ est & Deus & Pater: verum Logicus qui attendit unum esse conceptum Deitatis, & alium paternitatis, considerat unum conceptum esse extra conceptum alterius, nec unum esse alterius determinativum. Pater enim non determinat Deum: Natura enim deitatis quoniam est formaliter infinita nullarum omnino determinationum est capax, sed hypostases seu supposita determinantur. Inde fit ut quoniam Deitatis & Paternitatis conceptus extra se invicem inferuntur, nec alter alterum determinat, Logico per accidens haberi possint. Qua de re tamen quid sit sciendum alio loco plenius statuemus.

Ens per se & per accidens in ratione effectus est, quando dependentia unius ab alio in ratione causalitatis est vel per se, vel per accidens. Hoc vero modo Ens per accidens potest esse Ens per se in ratione Entis. Quoniam Ens hoc modo non dicitur quia Ens, sed quia Ens in fieri

feri à tali vel tali causa. Ens ergo per se hoc modo est unum naturale, aliud voluntarium. Hoc intentione agit, agit enim cum prævia cognitione sui effectus, ad quem producendum quoniam media per se adhibet, eum propria intentione producere dicitur. Naturale vero agens, etsi non agat sine cognitione superioris agentis, à quo inclinatur ad præsentem effectum producendum: ipsum tamen ejusdem producendi cognitione dici non dicitur, sed tantum inclinatione. Inde dicitur propria virtute agere: quoniam scil. pro ordinaria ea potestate, quæ à primo agente ipsi est indita, effectum hunc producit. Dico agentis: intrinsecè enim cause non possunt per accidens ad effectum producendum concurrere, quoniam se ipsis effectum constituunt, hoc est, ex intrinseco concursu utriusque causæ necessario ac per se oritur compositum. Finis vero aliquis potest esse accidentarius, sed quoniam ab agente accidentaliter intenditur. Itaque perfectitas vel accidentalitas ipsius effectus tota ab agente dependere videtur: agens enim vel per se, vel per accidens potest concurrere, quia vel propria virtute & intentione, vel per accidens agit. Ens vero per accidens hoc modo est, quod evenit vel præter intentionem talis causæ aliud intendentis, vel ex minori parte ab ea fit, vel ei per accidens est conjunctum. Præter intentionem fit effectus fortuitus: fortuna enim in effectibus voluntariis dominatur, quibus si jungatur effectus, verbi gratia, cum fossione voluntaria thesaurus inventus, effectus fortuitus per accidens dicitur. Minori ex parte fit effectus, quando natura egit & contendit producere effectum perfectissimum, sed impedita debi-



tum cursum expedire non potest, unde monstra casu evenire dicuntur. Casus enim in naturalibus dominatur. At per accidens conjuncto dicitur dependere Ens per accidens, quando ei, quod accidit causæ, causæ denominationem attribuimus, ut Musicum ædificare. accidit enim homini esse Musicum, qui idem architectus sit, & homo architectus, per se causa domus est, per accidens vero causa domus quæ musicus est, quia non quæ musicus ædificat, sed quæ architectus. Vide Lamb. de mont. Dom. 2. Phys. ad text 37. & Armandum de Bello visu 2. tract. c. 246. Ac tantum de divisionibus Entis æquivoci in sua æquivocata.

## CAPVT. IX.

De Divisionibus Entis, è modis intrinsecis & passionibus desumptis & in specie.

## DE POTENTIA ET ACTV.

## I.

**D**IUISIO Entis secundum rem fit vel juxta modos intrinsecos, vel juxta quidditates entis particulares.

2. Modi intrinseci sequuntur vel Ens quatenus Ens vel Entis passionibus.

3. Priori modo dividitur Ens ratione potentie & actus: & juxta eas quæ hinc proxime sequuntur divisiones.

4. Ens in potentia est, vel in essendo, vel in agendo.

5. Ens in potentia in essendo est, cui non repugnat esse in rerum natura.

6. Estque vel objectiva, vel subjectiva: Vide Soncin. 6. Met. q. 17.

7. Potentia

7. *Potentia obiectiva est res, quæ est obiectum alicuius potentie productivæ.*

8. *Potentia vero subjectiva est potentia, quæ ordinata est ad formam, cui subternitur.*

9. *Ea vero potentia obiectivæ & subjectivæ ratio est, ut quandoque re convenient, quandoque separentur. In generabilibus res dicitur esse in potentia obiectiva, prout est in ordine ad agens; est vero in potentia subjectiva, quoad requirit aliquod subiectum, è quo fiat. Separari autem possunt, ut in creabili, ubi est potentia obiectiva & non subjectiva; quia ibi non subicitur aliquid. Vide subtiliss. Duns in 2. distin. 12. q. 1. sect. est igitur videndum, & Soncin. 9. Met. q. 2. Zimarum in solut. contrad. Arist. & Averr. 9. Meta. contrad. 3.*

10. *Potentia subjectiva vel est obedientialis, vel naturalis. Vide Thom. q. disp. q. 1. de pot. Dei art. 31*

11. *Potentia obedientialis est potentia in subiecto natura indispósito ad actum recipiendum nisi à superiori agente, cuius potentie activæ cedit & obedit, ut est potentia activa Dei. Eiusmodi potentia obedientialis erat in aqua ut ex ea fieret vinum Ioh. 2. Et notatur Mat. 3. v. 3. quando Ioh. ait: ne dicite intra vos: patrem habemus Abraham: dico enim vobis, quod potens est Deus de lapidibus istis suscitare filios Abrahe.*

12. *Potentia naturalis est, quæ vi & potestate naturæ ad actum potest deduci.*

13. *Ea vel est remota, vel propinqua. Averr. Epit. Met. tract. 3. p. 385.*

14. *Remota est, quæ non exit in actum, nisi priusquam acceperint propinquæ dispositiones, adveniente subiecto ultimo. Ea potentia est in puero ut fiat Doct. & in frumento, ut fiat homo.*

15. Potentia propinqua est, quæ in subiecto ultimo posita & non impedita proxime potest exire in actum: quomodo in semine potentia propinqua est homo.

16. Potentia in agendo, est vis producendi aliud in quantum aliud.

17. Ea est vel naturalis, vel voluntaria.

18. Naturalis est, quæ positis omnibus ad actum requisitis, & non impedita necessario in actum deducitur, ut est vis calefaciendi in igne. Vide Aver. 9. Met. com. 10.

19. Voluntaria est, quæ omnibus ad agendum requisitis positis, in agendo est indifferens posse agere & non agere, & hoc vel illo modo agere, Vide Aug. Niphum Sueffum dexter. Aver. disp. Met. 3. p. 80.

20. Potentiæ respondet actus: ea enim est actus descriptio apud Arist. 9. Met. t. c. 11. ut res non sit in illa dispositione, secundum quam est in potentia. Et hinc quot modis dicitur potentia, tot modis actum dici necesse est.

21. Est ergo actus qui respondet potentiæ objectivæ & actus qui respondet potentiæ passivæ, & actus qui respondet potentiæ activæ, Suarez disp. Meta. 13. sect. 5. n. 3.

22. Actus qui respondet potentiæ objectivæ est actus, secundum quem quidq; existit in rerum natura extra suas causas: alio nomine dicitur Existentia.

23. Eam describit Pererius lib. 6. de formis c. 13, quod sit modus quidam rei quo res dicitur esse extra nihilum, & suis causis producta, & actu esse in mundo.

24. Ea considerari potest vel respectu essentia, vel respectu subiectorum quibus tribuitur.

25. Respectu essentia consideratur distinctio & separabilitas.

26. In distinctione consideratur dum quaeritur quomodo differat ab essentia?

27. Et Thomae sententia est essentiam & existentiam differre realiter. Verum nos in unumversum negamus, ab ulla essentia realiter differre existentiam: in specie vero concedimus, alicujus rei existentiam sola ratione, alicujus è natura rei differre: illud de simplicibus asserimus, hoc de compositis.

28. Separabilitas consideratur, an separatim esse utrumque possit? Qua de re ita statuimus: abstrahi essentiam ab existentia posse, non contra: Separari vero non posse.

29. Respectu subjectorum existentia: 1. est vel substantiarum, vel accidentium 2. vel rei universalis vel singularis.

30. Substantiis, iisque singularibus primaria quadam ratione convenit existentia, juxta illud Arist. Sublatis substantiis primis nihil remanere reliquorum, in Categ. cap. de subst.

31. Verum nec sua deneganda est Accidentibus plane existentia, omni in existentia natura prior: & universalibus, quibus et ipsis suam existentiam tribuimus; quum enim actu sint in singularibus, existant in rerum natura necesse est.

32. Virumque enim horum suum etiam agendi modum obtinet: agere vero non posset, nisi existeret.

33. Hinc jam colligitur, Existentiam de se nec esse substantiam, nec accidens, nec universale, nec singulare quid: sed à quovis horum abstracta, esse enim quid transcendens.

34. Cum existentia coincidit actus Entitativus: quem materia denegari nulla ratione posse patamus, cum Scoto in 2. d. 12. Erronea enim est Thomae sententia, censentis, materiam esse puram potentiam.



35. Et hinc tametsi materia & forma separatum non existant: propria tamen materię est existentia distincta ab existentia formę. Tantum de actu, qui respondet potentię objectivę: sequitur actus respondens potentię passivę.

36. Actus respondens potentię passivę est forma, quę dat esse subjecto, in quo recipitur.

37. Secundum hunc actum res unaquęque determinatur ad certam speciem sub suo genere, unde actus specificus non immerito appellari potest.

38. In hoc actu spectatur unio seu informatio, & actus formalis.

39. Unio est conjunctio actus cum potentia passiva, ut ea mediante res de potentia ad actum deducatur.

40. Et hæc est causalitas formę respectu materię: de qua dixit eleganter Fr. Suarez, disput. Meta. 15. s. 11. num. 8. Verū ac propria causalitas formę nunquam est respectu compositi, nisi primò & immediate exerceatur circa aliquod subiectum, ex quo & formā compositum resultat.

41. Actus formalis est effectus immediate consequens formam unitam subjecto, à forma inseparabilis, quomodo esse humanum est actus seu effectus formalis animę rationalis.

42. Actus respondens potentię activę est actio, quę proficiscitur ab agente, secundum quod agens est potens eam actionem producere.

43. Quum vero in actione duo sint: actio ipsa, & terminus actionis: illa propriè dicitur actus potentię activę, hæc non nisi impropriè.

44. Actus vero acceptus pro operatione accipitur plerumque pro operatione interiori: unde actus pro operatione acceptus, dividitur in actum elicitum & imperatum.

45. Actus elicitus est actus, qui immediate pro-

proficiscitur ab aliqua potentia sine alterius concursu: quomodo actus voluntatis dicitur elicitus, qui à voluntate immediate proficiscitur.

46. Actus imperatus est, qui proficiscitur ab aliqua potentia ad imperium alicujus potentiae superioris: ita actus facultatis sensitivæ dicitur imperatus à voluntate. Et tantum de potentia actu.

### COMMENTARIUS.

**A**Ntequam de divisionibus Entis ex modis intrinsicis & passionibus desumptis dicamus, explicanda prius duo veniunt: alterum, quid dicamus modos intrinsecos, alterum, quomodo è passionibus divisiones quasdam dicamus. Circa prius dicendum, quod vocabulum Modi non uno modo usurpatur: quandoque enim modi dicuntur quaecunque entia determinantia rem aliqua ratione, sive se ab ea distinguantur, sive tantum è natura rei. Ita albedo & dulcedo apud Fons. modi dicuntur ejus, cui competunt. Quandoque vero & magis proprie modi dicuntur, quaecunque ita cum Ente sunt unita & affixa, ut nec quoquo modo ab Ente vel separari, vel separata conservari possint, nec aliquam à re cujus modi sunt distinctam essentiam inferant: unde non proprie & in rigore Entia dicuntur, sed tantum in latiore quadam significatione. Ita modus subsistendi de se non dicit Ens distinctum à supposito, sed dicit ipsam supposititalitatem, (ut ita loquar) quatenus est in ultimo actu non dependentiae ab alio; ac ita cum eo connectitur, ut sine supposito dato modus subsistendi nec poni nec intelligi possit. Et hi modi quoniam concipi non possunt,

sunt, nisi cum illo cujus modi sunt, dicuntur intrinseci: & definiuntur secundum Johan. Duns in 2. dist. 8. q. 4. quod ii sint, qui additi alteri vel ab illo remoti non variant rationem formalem constituti per ipsos, hoc est, de se nullam rationem formalem dicunt. Quomodo Scotus Ens dividit in limitatum, & non limitatum, ut docetur apud Johan. versic. 4. Met. quæst. 1. non quod limitatio & illimitatio sint differentie Entis, sed quod modi intrinseci: qui si tollantur maneat conceptus ipsius entis unius communis, nullo modo diversus factus, Et Ens limitatum per modos intrinsecos, esse nimirum in se & esse in alio, dividitur apud eundem in decem predicamenta, qui modi si tollantur, maneat conceptus unus & communis ad substantiam & accidens. Ex his ergo modis intrinsecis Entis divisiones peti possunt: non quod contrahant ipsum Ens, ut aliquid essentiale additum: pugnat enim hoc cum natura Entis in se, pugnat eum natura modorum intrinsecorum, & pugnat cum iis ad quæ contrahitur Ens per hosce intrinsecos modos.

Cum natura Entis pugnat: essentiale enim nihil est extra Ens indifferenter acceptum, per quod realiter contrahi possit. Cum natura modorum, quoniam, ut dictum, nihil formale dicunt, præter id cuiusmodi sunt: itaque nec per aliquam distinctam formalitatem ipsum Ens contrahere possunt. Cum natura inferiorum: contrahitur enim per modum illimitationis ad Deum, dico enim Deus est Ens illimitatum, non tamen plus rei in hac est, Deus est Ens illimitatum, quam in hac Deus est Ens, & in hac Deus est, semper n. eodem modo Deus est Ens summe simplex & simpliciter simplex, seu ut  
sunt

sunt verba Scalig. purus & purissimus actus à nullo omnino in re determinabilis.

Ad secundum, sciendum, quod ex affectionibus deductæ divisiones dicuntur ex, quæ ita ab affectionibus fundamentaliter dependent, ut quod illæ transcendentem quadam ratione simpliciter de omnibus omnino rebus dicunt, hoc ex per disjunctionem in particularibus Entibus sparsim pro varietate particulari secundum quid determinent. Ita v. g. quod Entis affectio unum transcendentem dicit de omni Ente in genere, hoc divisio Entis in universale & singulare in iis, quæ sunt unum genere & specie, per universalitatem exprimit; in uno numero per singularitatem. Et quod unum dicit in genere de omni omnino Ente absolute accepto, hoc divisio Entis in idem & diversum exprimit per unum comparative acceptum, ut scilicet quod in se unum est, per comparisonem ad aliud ab eo diversum sit; unde mediante unitate aliqua diversitas oritur. Inde itaque ut hoc obiter addamus, non multum refert, siue ejusmodi distinctiones, cum Monlorio in doctrina de universis, velimus dicere affectiones Entis disjunctas, quæ simul sumptæ cum Ente recipiuntur: siue Entis divisiones, quatenus ipsum Ens determinat ad omnia Entia particularia, pro quibus sumuntur. Nunc in specie de Potentia & Actu aliquid dicemus.

Est ergo potentia aptitudo & propensio rei ad suum actum. Hic ergo quæri commodè potest, anne cum potentia definiatur in ordine ad actum, in relatis ea sit reponenda? Hic distinguendum est, quod relatio alia sit prædicamentalis, alia vero transcendentalis. Prædicamentalis relatio dicit respectum realem duorum ex-



tremorum, ita ut eorum esse non sit positum nisi ad aliud esse, & ejusmodi relatio in potentiam & actum non cadit, ea enim facit ut relata sint simul natura. At vero, ut est apud Zabara, in libr. 1. de pri. rer. mater. cap. 9. posita potentia actus non ponitur, & posito actu non ponitur potentia; quin potius à contraria parte uno eorum posito negatur alterum. Relatio vero transcendentalis non dicit necessario certam aliquam ac determinatam habitudinem ad terminum realem seu realiter existentem, sed sufficit esse objectivum, ut possit aliquid habere rationem termini transcendentalis habitudinis. Cum enim ob id ipsum potissimum Enti conveniat, quatenus est per se ordinatum ad munus peculiare, quod potest per se intendi, per aliquam actionem: tendit quidem hæc relatio ad terminum, realiter per actionem producendum, non tamen eum, qui actu necessario fit. Ita ergo actus & potentia relatione transcendentali ad se mutuo referuntur, quoniam, etsi actu simul non existunt, nihilominus potentia per se primo instituuntur & ordinantur ad suos actus, ad eosque habitudinem includunt, ut vel ad eos ab agente deducantur, vel ipsæ eos producant.

Est vero potentia triplex: una obiectiva, alia subiectiva, alia activa. Ita enim tribus modis nos posse dicimus, vel quod possit esse quod non est; vel quod possit agere, quod non agit; vel quo possit pati, quod non patitur. Et primum quidem posse, facit potentiam obiectivam: est n. potentia obiectiva nihil aliud, quam respectus rei possibilis ad suum agens à quo fieri possit: quomodo ante creationem omnia erant in potentia obiectiva ipsius Dei, quatenus nimirum poterant esse, quæ non erant, & ipsis non repugnantibus esse à Deo.

Poten-

Potentia vero subiectiva est potentia realis, quæ ab agente mutationem suscipit: unde ab Arist. 9. Met. definitur, quod sit potentia, quæ possit ab alio transmutari in quantum est aliud, aliàs potentia passiva dicitur.

Potentia vero activa dicitur principium transmutationis in alio, in quantum aliud est. Ac differunt potentia activæ & passivæ in hoc, quod activæ non indigent cum exiverint de potentia in actum motore extrinseco, passivis autem est necessarius ut docet Averr. 4. coel. t. cap. 2. idemque colligitur 2. de anima 52. & 12. Metaph. 54.

Ac subiectiva quidem alia naturalis est alia obedientialis. Naturalem eam dicimus, quæ est in potestate proxima ad formam aliquam recipiendam: quomodo verbi gratia, semen humanum est in potentia passiva naturali ad suscipiendam animam rationalem. Obedientialis vero ea dicitur, quæ ad aliquod agens superius sese refert, à quo perfectionem suam obtineat: quomodo in potentia obedientiali lapides dicuntur esse, ut fiant filii Abraham. In eam sententiam eleganter dixit Thom. 3. p. q. 11. art. 1. potentiam passivam in qualibet creatura esse duplicem; Unam per comparisonem ad agens naturale; aliam per comparisonem ad agens primum. Et hæc dicitur, quæ potest qualibet creatura per agens primum reduci in actum aliquem altiore actum, in quem reduci- tur per agens naturale: aliàs consuevit vocari potentia obedientia in creatura.

Potentia vero activa alia est rationalis, alia naturalis. Rationalem eam dicimus, quæ ab agente cum voluntate est. Naturalem eam, quæ sine cognitione prævia est. Ac rationalis quidem.

dem alia increata est, & est potentia Dei, secundum quam libera sua potestate omnia producit quæ vult: creata vero vel angelorum vel hominum est. Naturalis vero potentia eorum est, quæ solo naturæ instinctu agunt. Vide potentiz significata & modos apud Averr. epit. Metaph. tract. 3. p. 384. & seq.

Potentiz responderet actus. Ac quoniam actus & ipse ambiguitur dicitur, non poterit ejus ratio una definitione commodè explicari. Evolvamus ergo ejus significationes per partes. Est vero actus duplex, unus purus, alius vero impurus. Purum actum eum dicimus, qui absolutus est à respectu ad materiam, seu qui est forma abjuncta à materia: ita. Deum dicimus actum purum purissimum, & intelligentias actus dicimus, non quod aliquid perficiant seu actuent, ut ita loquar: sed quod hi actus perfecti in se sint, ut in perfectione formali à nullo alio dependant, nec ad alterius formalem perfectionem ordinentur. Impurum actum eum dicimus, qui est ordinatus ad aliquid perficiendum, esque actus respectivus seu relativus dicitur, eo quod ad alterius perfectionem ordinatur: Aristoteli *ἐντελέχεια* est. Prout vero perfectio est duplex, prima & secunda, & actus duplex est, primus & secundus, docente Arist. 2. de anima. cap. 5. Primus dicitur, qui ad perfectionem primam, hoc est, ad esse rei ordinatur. Actus secundus, quia ad perfectionem secundam, hoc est, operationem. Inde actum primū dicimus formam cum materia consociatam, actum vero secundum operationem, quæ ab hac forma in hac materia proficiscitur. Actus primi exemplum est apud Arist. in 2. de ani. text. 6. quando animam dicit actum corporis organici physici, vitam habentis

bentis potentia. Actum vero secundum in-  
 jusque rei operatione quotidè animadvertimus,  
 quomodo calefacere actum secundum dicimus  
 ipsius ignis, respectu ejus, quod calefieri potest.  
 Deducamus rem eam aliquanto clariùs.

Actus non uno modo dicitur: 1. actus dicitur  
 pro quacunque natura, quæ est posita extra ni-  
 hilum. Eo sensu dixit subtiliss. Duns in 2. d. 12.  
 q. 5. sect. dico igitur, materiam primam esse  
 actu vel actum, quia non est in potentia obje-  
 ctiva tantum, sed existit in potentia subjectiva  
 extra causam suam, & est quid positivum. Et  
 hic actus vulgo dicitur Entitavus, juxta quod  
 è Gregor. Arim. in 2. dist. 12. quæ. 1. Aquar. in  
 disput. 2. de nat. matr. ad Phys. Ferr. scribit, quòd  
 actus seu actualitas possit dici quolibet Entitas,  
 quæ sub Ente transcendentem continetur, prout  
 Ens ipsum illimitatum & transcendens distin-  
 guuntur contra ipsum nihil, & ita in genere de-  
 scribitur actus, quod sit rem existere, non ita  
 quemadmodum dicimus potestate. 9. Metaph.  
 cont. 11. 2. Actus dicitur absolute, pro substan-  
 tia separata ab omni materia; & dicitur commu-  
 niter actus purus, quia non est in ordine ad ma-  
 teriam, vel etiam, quia in ultimo gradu simpli-  
 citatis: eoque actum purum dici, propriè Deo  
 competit, ut docetur apud Nicol. de Orbel, in 1.  
 d. 8. q. 1. & Lamb. de monte Domini dicit in 1.  
 Phys. t. 83. naturam divinam esse actum purum;  
 sed formam esse actum participatum. Eodem  
 sensu ratione simplicitatis actum purum unita-  
 tem vocant Pythagoræi: potentiam multitudi-  
 nem. 3. Actus accipitur pro forma informante,  
 ut docetur apud Arist. 8. Meta. cont. 6. ubi dicit,  
 manifestum, quod actus alius est alterius mate-  
 riæ. Et Scotus in quodlib. q. 2. art. 2. docet, for-  
 mam

materia dici iñd aliud principium , quod habet rationem actūs , quod cum materia constituit compositum. Et Averr. in Epit. Metaph. tract. 2. pag. 381. picit, quod materia est id , quod est in potentia ad rem , quæ est futura esse in actu & definitione , & forma: ipsa vero forma & actus , & quidditas. Et ita in specie Arist. in 2. de anim. cont. 4. animam vocat formam , eandem vero cont. 5. & 6. vocat actum corporis. Et hic communiter dicitur actus formalis & informans. Hoc sensu apud Scotum scriptum est, materiam de se non habere actum distinguentem vel dividendem , vel receptum , vel informantem & dantem sibi esse specificum in 2. Sent. d. 12. q. 1. Et apud Achil. 1. de orbibus dub. 1. forma dicitur esse in genere causæ formalis ipsi materiæ , & eam actuare. 4. Actus dicitur pro principio activo vel operativo , ut docetur apud Barth. de Usingen. 3. Phys. tract. 1. Hoc modo anima dicitur actus primus respectu suarum operationum ab ea procedentium , & habitus dicitur actus primus respectu operationum , ad quas inclinat potentiam , ut idem docet 2. de ani. q. q. 2. 5. Dicitur actus pro ipsa operatione rei , quomodo intelligere & velle sunt actus animæ. Et hoc sensu docetur in 2. de anim. t. 5. quod actus dicitur dupliciter : alius quidem sicut scientia, alius sicut speculatio , quod aliàs communiter dicitur , actum alium esse primum , alium secundum : per actum primum intelligendo potentiam seu facultatem a qua operationes proximè proficiscuntur : per actum secundum, operationes ipsas. Ita vis urendi in igne dicitur actus primus : urere vero actus secundus. Hic tamen sciendum ut annotavit Joh. Altestaig. in vocab. Theol. quod actus quando

quando pro operatione accipitur. plerumque dicitur pro actu interiori. Est vero actus hoc modo dictus duplex: Elicitus, & imperatus. Actus elicited, ut colligitur è Gabr. in 3. d. 36. art. 1. not. 1. dicitur actus qui immediate & intrinsecè à voluntate proficiscitur, cujusmodi actus sunt velle, & nolle, ut si voluntas eliciat actum volendi, eò quia est conformis dictamini rectæ rationis. Actus verò imperatus est actus à quacunque potentia alia à voluntate ortus: hic duplex est: vel enim est formaliter imperativus, vel virtualiter. Ille dicitur qui simpliciter imperat executionem ipsius actûs: ut qui imperat inferioribus potentiis mortem sustinere pro religione. Virtualiter verò imperativus, qui imperat executionem actûs cum conditione ut qui daret eleemosynas si haberet unde daret. Vide de actu in genere Fr. Suarez. disp. Meta. 13. s. 5. n. 7.

Est & alio modo actus duplex: Perfectus scil. & imperfectus, ut colligitur ex Arist. 3. Phys. cont. 15. Actus imperfectus is dicitur: qui in potentia ad formam consequendam existit. Ejusmodi actus motus dicitur; is enim actus dicitur motus respectu rei mobilis, in quam aliquam perfectionem inducit: imperfectus tamen dicitur, ut notat Averr. in comm. edid. t. 15. 3. Physic. propter communicationem ejus cum potentia, quia est in potentia, ad formam acquirendam. Et idem planius docuit in 1. de anim. ad tex. 43. dicens, esse motus est esse transmutabile, & est compositum ex esse in potentia, & ex esse in actu, & ideo existimaverunt plures antiquorum ipsum non esse. At verò anima actus perfectus est: est enim in esse perfecto de se, & alteri elargitur perfectionem, esse

esse scil. animatum. Unde contra Platonem disputabat Arist. in 1. de anima, qui dicebat animam moveri, contra quem arguit in tex. 23. quia motus est processus moti in modo sui motus, necesse est etiam ut anima procedat à sua substantia, si non movet se accidentaliter, sed motus est suæ substantiæ per se. Anima ergo actus est, sed non ut actus imperfectus, verum ut actus perfectus. Tantum de potentia & actu.

Doctrinæ de potentia & actu subjungemus doctrinam de Concretionem & Abstractionem: non quia hoc loco necessario inferenda, proximè enim videtur insequi verum, tanquam fundamentum, sed quia natura potentiæ & actus ex hac doctrina illustrari etiam potest.

## CAPUT X.

## DE ABSTRACTIONE.

## I.

**Q**uid sit Abstractio: & ordo ejus ad Divisionem et Concretionem.

2. Concretum duobus modis dividi potest: aut per naturam, aut per intellectum.

3. Abstractio duplex: realis & intellectualis.

4. Abstractio realis: alia immaterialium, alia materialium.

5. Abstractio immaterialium: Vna secundum essentiam, alia secundum indifferentiam.

6. Abstractio realis materialium: aut fit à natura, aut per artem.

7. Abstractio intellectualis: alia præcisiva, alia divisiva.

8. Quomodo intelligendus Arist. abstrahentium non esse mendacium.

9. Abstractio præcisiva tripliciter subdividitur:

1. è parte intellectus, 2. è parte subiectorum, 3. è parte ordinis.

10. Et

10. Et à parte intellectus: est vel habitualis vel actualis.

11. A parte subjecti: est vel formalis, vel totalis.

12. Hxc divisio respondet duplici modo compositionis: unde abstractio formalis quadruplex: 1. abstractio formæ substantialis à materia. 2. abstractio formæ accidentalis à subjecto. 3. abstractio subjecti à forma accidentali. 4. abstractio materię à forma substantiali.

13. Abstractio totalis variatur quadrupliciter pro varietate totius: 1. Universalis. 2. Essentialis. 3. Integralis. 4. Partium definitionis ad definitum.

14. E parte ordinis triplex est abstractio. 1. Prioris à posteriori. 2. Posterioris à priori, & 3. Eorumque sunt ejusdem gradus.

15. Alio modo dividitur Abstractio, vel à subjecto, vel à supposito.

16. Abstractio à subjecto dicitur: vel negative, vel privative.

17. Abstractio à supposito: est vel à supposito proprio, vel à supposito alieno.

18. Abstractio à supposito proprio, est vel nature à supposito, vel universalis à suo singulari.

19. Abstractio à supposito alieno eadem cum abstractione accidentis à subjecto.

20. Suppositi vocabulum in substantiis proprie, in accidentibus improprie dicitur.

21. Est & alia ratione abstractio triplex: physica, Mathematica, Metaphysica.

22. An Mathematica abstrahat tantum à materia sensibili, an vero etiam ab intelligibili: & quæ sit materia intelligibilis duæ diversæ opiniones.

23. Explicantur duo loci Arist. Priori est in 7. Met.



*Met. t. c. 35. Posterior 8. Met. t. c. 15. è quibus controversia videtur posse decidi.*

24. *Instituitur conciliatio sententiarum pro diversitate materie mathematicæ: qua est vel non necessaria, vel necessaria. Non necessaria est sensibilibus. Necessaria videtur esse vel ut subjectum, vel ut pars. Necessaria ut pars duplex: una qua est extra rationem definitionis, alia qua definitionem ingreditur.*

25. *Abstractio Metaphysica eadem est cum abstractione immaterialium.*

26. *Usus distinctionis in divisione sententiarum speculativarum.*

## COMMENTARIUS.

### I:

**A**bstractio late accipiendo prout concretioni cuicunque opponitur, est secretio unius ab altero. Nam è cuiuscunque multitudinis, siue ea realis sit, siue intellectus tantum opera fiat, divisione, abstractio oriri potest: quo ad multitudinis ejus vel partes conceptus separatim ponuntur, aut saltem cognoscuntur. Abstractio enim non nisi Concreti est: concretum vero quidque dicimus, non tam qua unum est, quam quatenus hoc unum dividi potest in ea plura, quæ vel secundum rem, vel secundum rationem in eo esse ponuntur: hinc vero abstractio nascitur. Est enim ordo quidam naturalis inter ea tria: Divisionem, abstractionem, & concretionem, ut se mutuo præcipiant, & unum sine altero non fit, ut & natura rei docet, & scriptum habetur in vetusto quodam codice, quem Raymundi esse suspicor, vel certe cujusdam ejus discipuli. Nam divisio præcedit abstractionem, ut  
causa

causa effectum : quum enim nihil abstrahat ab eo cum quo unum est, qua unum, sed ab aliquo qua diversum : necesse est, ut precedat divisio, quæ distinguat ea, inter quæ est abstractio. Et concretio esse non potest, nisi inter ea quæ possunt abstrahi ab invicem : nam concretum non dicimus, quod habet simplicem significandi modum, sed quod in iis est, quæ cum quadam multitudine sunt conjuncta.

2. Dico vero dividi posse hoc, quod concretum est duobus modis: aut per naturam, aut per intellectum seu cognitionem. Per naturam ea dividi dicuntur, quæ seipsis separatim subsistere possunt, sine eo à quo abstrahuntur. Per intellectum vero, & cognitionem quæ dividuntur, ea quandoque dividimus, quia à natura divisa cognoscimus : quandoque vero quæ per naturam separari non possunt ea sola intellectus opera ita dividimus, ut uno cognito, alterum non cognoscamus.

3. Hinc jam duplex abstractio nascitur: Una est realis, alia intellectualis, ut docet Petrus de Aquilia in 1. d. 3. q. 1. art. 1. Abstractio realis est secretio secundum substantiam unius naturæ ab altera. Hinc separationem potius quam abstractionem quidam dicere voluerunt : eò quod extrema abstractionis separata ponantur, ut videre est apud Thom. opusc. 70. quod est de Trinitate super Boëtium q. 5. art. 3. ubi dicit: in his quæ possunt esse divisa secundum esse, magis habet locum separatio, quam abstractio. Verum quum Arist. *χωρίζων* & *χωριστὸν* communiter utatur: 2. Phys. cont. 12. *χωριστὰ τῇ νόσῃ κινήσεως* abstracta intellectu à motu, Mathematicas abstractions. In 3. de anim. 1.

35. quæ antea ἐν ἀφαιρέσει λεγόμενα in abstractione dicta, nominaverat, postea & κεχωρισμένα ὡς κεχωρισμένα non separata ut separata intelligi dicat. In 3. de anim. t. 20. intellectus κορεθεὶς insit. & in 12. Metaph. eodem nomine κορεζόμενα intelligentias appellavit, ut Scal. ex 342. etiam annotavit, sive separationem, sive abstractionem dicere malis, parum interesse puto.

4. Abstractio vero ea realis pro diversitate subjectorum duplex est: ut una sit abstractio rerum immaterialium, alia materialium.

Abstractio rerum immaterialium est, separatio Entis a materia re & ratione. Dicuntur vero re & ratione a materia separari ea, quæ nec ad esse, nec ad essentiam sui requirunt materiam. Unde apud Averr. 6. Meta. comm. 2. dicuntur res abstractæ secundum definitionem & secundum esse. Nam & sine materia definiuntur, & sine materia re ipsa subsistere possunt: quo ipso a Mathematicè abstractis distinguuntur, quæ rametsi sine materia definiuntur, non tamen sunt, vel existunt, sine materia. Nam hoc vult Averr. 2 in Phys. tex. 71. quando ait: scientiam Mathematicam considerare de rebus immobilibus, sed quæ sint in mobilibus.

5. Ea vero abstractio immaterialium, quæ dicitur abstractio re, & ratione a materia duplex: Una dicitur abstractio a materia re & ratione secundum essentiam, alia dicitur abstractio permissiva, seu ut alii vocant, secundum indifferentiam. Vide Joh. Vers. 1. Met. q. 1. notab. 6. Abstractio a materia secundum essentiam eorum est, quorum essentia repugnat includere materiam, cujus modi sunt Deus & intelligentia. Ad hoc genus referuntur animæ hominum  
separa-

separata: ex enim tametsi conjuncta cum corpore conjunctione materiales dicantur; quidditas tamen earum immaterialis omni modo est. Abstractio vero permissiva, seu secundum indifferentiam eorum est, quibus tametsi non repugnat esse in materia, de se tamen separata ab omni materia subsistere possunt. Ejus generis sunt universalissima abstracta: ut Ens cum suis passionibus: quæ tametsi cum materia actu sunt in rebus corporeis, interim in separatis essentiis separatim essendi modum servant: Ens enim indivinis non participat quicquam de materia arboris, lapidis, ligni, in quibus tanquam inferioribus sibi etiâ subsistit. Vocatur vero abstractio permissiva seu secundum indifferentiam: eo quod hoc abstractorum genus indifferenter habeat sive insit in materia, sive ad ea sit separatim. Vide Aug. Niphum Sueff. ad Averr. destr. disp. Metaph. 8. pag. 242.

Unde & hoc porro intelligitur, abstrahi re & ratione a materia, non univoce, sed secundum prius & posterius dici de abstractis, secundum essentiam, & secundum indifferentiam. Nam uno modo separata secundum essentiam sunt abjuncta a materia, ut nihil communionis cum materia habere possint: at vero quæ sunt abstracta secundum indifferentiam, ceu in medio posita videntur inter pure abstracta, & sola ratione abstracta. Nam duplicem omnino conceptum participare videntur: Unum communem cum separatis, quatenus separatim sine materia subsistere possunt: alterum communem cum abjunctis sola ratione a materia, quatenus iis non repugnat esse in materia. Unde & falso quidam sola ratione abstracta a materia dixerunt. Alio etiam modo secundum prius

prius immaterialia dicuntur abstracta, eo quod quicquid immaterialitatis, ut ita loquar, habent hæc abstracta secundum indifferentiam, participant ab abstractis secundum essentiam, quoad identitatem essentiz cum iis concurrunt.

Hæc sententia recens non est, sed docuit eandem Avic. eleganter Logicæ suæ parte prima cap. 1. Adscribam verba eius: Rerum quæ possunt denudari à motu, veritas duplex est: aut est veritas necessaria, ut Deus & intelligentia; aut veritas earum non est necessaria, sed ita sunt comparata, ut non sit hoc eis impossibile (ut scil. commisceantur cum materia) sicut est dispositio identitatis, & unitas, & causalitas, & numerus qui est multitudo Et hæc aut considerantur secundum hoc quod sunt ipsæ, & consideratio earum non variatur in hoc, quod spoliata sunt, (scilicet motu & materia:) Sed erunt tunc de tota consideratione, quæ est in rebus ex hoc quod non sunt in materia, quia hæc ex hoc quod sunt ipsa non sunt in materia (hoc est, tota earum consideratio est abstracta à materia, quia secundum proprium essendi modum à materia omni sunt libera.) Aut considerantur secundum hoc, quod accidit eis non habere esse nisi in materia. Quem modum in sequentibus pluribus persequitur. Et hæc abstractio realis immaterialium est.

6. Abstractio vero seu separatio realis materialium & corporum est, quando diversa corpora ita separantur, ut quodlibet eorum diversam substantiam obtineat. Ha separatio aut fit à natura, aut per artem. Abstractio à natura est separatio corporum ab hominis vel arbitrio, vel industria non dependens, sed à natura, ejusque causis

causis facta. Hoc abstractionis modo calum dicitur abstrahere ab Elementis, quod Averr. dicit cœlum habere naturam existentem sibi propriam, aliam ab ea quæ est generabilium & corruptibilium. 1. Met. t. 22. Ejusmodi separationes sunt exhalationes, evaporationes, &c. Abstractio artificialis est separatio corporum humida industria facta, quomodo aquam à vino abstrahimus & separamus.

7. Abstractio intellectualis, quæ & Intentionis à quibusdam dicitur duplex est, ut annotavit Thom. 1. p. q. 85. art. 1. ad. 1. & Logicæ de prædicabilibus cap. 1. & ex eo Anton. 1. p. sum. maj. tit. 3. c. 11. ¶ 9. Una quæ fit per primam mentis operationem. Ea dicitur quibusdam Abstractio præcisiva, vel præcisionis, quibusdam etiam abstractio per modum simplicis & absolutæ considerationis. Ea est quando eorum quæ sunt adunata secundum esse consideramus unum non considerando aliud, Hoc docet Aver. 12. Met. com. 39. intellectus inquit, natus est dividere adunata in esse, in ea ex quibus componuntur, quamvis non dividantur in esse, sicut dividit materiam à forma, & formam à composito ex materia & forma. Ita in solut. contradict. Aver. 4. Phys. contr. 10. dicitur quum tempus non sit de quidditate motus, intellectus potest abstrahere motum à tempore, tametsi fieri non possit ut motus sit sine tempore.

Alia est abstractio, quæ fit secunda mentis operatione: ea contingit per modum compositionis & divisionis, sicut quum dicimus, aliquid non esse in alio. Hanc alii divisivam vocant, alii etiam negativam. Secundum hunc abstractionis modum dixit Aver. 12. Met. com. 29. Tempus & motus aut sunt idem, aut tempus est aliqua

aliqua passio ejus. Sine tempore enim impossibile est imaginari motum. Nam quum alia & alia sit temporis & motus formalitas, secundum abstractionem præcisivam motum contemplamur, omissa temporis ratione, ut dicebamus. Verum si per secundum mentis operationem dicere velimus, esse motum sine tempore, ut actuali negatione ea duo quæ semper sunt conjuncta separare velimus, quod fieri non potest imaginabimur.

8. Et hinc intelligitur, quo sensu accipiendum sit illud, quod apud Arist. scriptum est 2. Phys. text 18. Abstrahentium non esse mendacium. Nam abstrahentium juxta primum abstractionis modum, mendacium non est: quia quæ sunt maxime unum, eorum vere unum sine alio considerari non potest. Ita animal & homo sunt idem secundum rem, ratione seu definitione differunt: considero ergo animal definiendo illud, non considerando quod in homine. Verum secundo abstrahendi modo ab invicem se jungere, quæ secundum rem separata non sunt, parit falsitatem. Ita falsa est hæc: homo non est animal: quia animal est de necessitate definitionis hominis. At quæ sunt de definitione, et de re, in cujus definitionem ingrediuntur, negari vere non possunt.

9. Ea vero Abstractio quæ sit secundum primam mentis operationem, tripliciter potest subdividi: uno modo ex parte intellectus, alio modo ex parte subjectorum, a quibus fit abstractio: tertio modo ratione prioris & posterioris.

Ex parte intellectus duplex est: una est abstractio habitualis, alia est abstractio actualis, ut colligitur è Scoto 7. Meta. q. 18. ¶. de illo igitur, & seqq.

Abstractio

Abstractio habitualis est productio speciei intelligibilis facta a phantasmate, & intellectu agente, quæ impressa in intellectu possibili obiectum ei repræsentare, ad illudque cognoscendum immediate movere possit. Hujus abstractionis partes tres sunt. 1. Agentis intellectus illustratio, & abstractio speciei intelligibilis a phantasmate. 2. impressio speciei in intellectum possibilem, & 3. repræsentatio seu præsentia obiecti in intellectu possibili. Agens intellectus lumen est, ut phantasmata illustrentur, & species intelligibilis producat. Species intelligibilis formaliter impressa possibili intellectui, ob similitudinem quam habet cum obiecto, deducit intellectum in notitiam obiecti. Obiectum vero præsens est intellectui non formaliter, sed objective: quoad intellectus è forma speciei deducitur in apprehensionem obiecti.

Abstractio actualis est actio intellectus, qua per speciem intelligibilem cognoscitur obiectum, seu natura per speciem representata.

Ac ordo est inter abstractionem habitualement & actualem, ut actus primi & actus secundi: nam habitualis abstractio exhibet potentiam proximam, qua in obiectum cognoscendum ferri possimus: actualis vero abstractio dat, ut actu in ipsum obiectum feramur, idque cognoscamus. Illa fit per habitualement speciem, in qua etiam res repræsentatur: hæc per actualem potentia cognitionem, ut notarunt Conimbric. in præf. Proph. q. 5. art. 1. Vide doctiss. Monl. de universis c. 2.

10. A parte subiectorum abstractio iterum duplex est: Una formalis, alia totalis. Quod duplex genus abstractionis notavit Thomas opusc. 70. q. 5. art. 3. & Caiet. de ente & essentia



quæst. 1. art. 3. in procemio.

Abstractio formalis est, quâ formale abstrahitur à materiali. Quomodo accidens abstrahitur à suo subiecto: accidens enim forma sui subiecti est. Ea abstractio in Mathematicis obtinetur: nam Mathematicus considerat quantitatem, non considerando materiam in qua est, ejus enim definitiones abstrahunt à materia, sine qua tamen non sunt. Lineam definit non hanc vel illam, sed indeterminatè dicendo, quod sit longitudo latitudinis expers. Hoc est quod docet Averr. 6. Meta. com 2. Mathematicam esse de rebus abstractis secundum definitionem tantum, non secundum esse. Et in 1. post. com. 101. Mathematicos ut plurimum non considerare de existentia rerum, quæ sunt in artibus suis, hoc est, quas definiunt & quarum causas perficiunt, quoniam non est ex consuetudine artis suæ, ut cognoscant existentiam earum rerum, & adminiculentur ipsis. Vide eundem 12. Meta. com. 5. & aliis locis innumeris.

Abstractio totalis dicitur, qua totum abstrahitur à suis partibus, totum universale verbi gratia à suis partibus subjectivis. Quomodo animal consideramus non consideratis speciebus ejus leone vel bove. Et hoc abstractionis modo consideratur absolute natura quædam, secundum propriæ essentia rationem sejuncta ab omnibus partibus, quæ non sunt partes speciei, sed sunt partes accidentales.

11. Duplex hoc genus abstractionis respondet duplici modo compositionis: quorum alter est conjunctionis materiae cum forma: alter unius totius cum suis partibus. Conjunctio materiae cum forma duplex est: una essentialis, altera accidentalis. Essentialis conjunctio eorum, quæ ad

ad unum per se constituendum concurrunt: accidentalis eorum, quæ unum per accidens faciunt. Utrumque vero genus abstractioni formali opponitur. Nam tametsi essentialis conjunctio respectu totius compositi sit essentialis, quod sine iis nec esse nec definiri potest, at partibus inter se consideratis accidere videtur conjunctio. Est enim materia omnis de se in potentia tantum ad suam formam. Quod indicasse videtur Aristot. 2. de ani. tex. 6. Quando animam definit actum corporis organici, vitam habentis in potentia. Nam ut corpus est in potentia ad vitam ut formalem animæ effectum, ita est in potentia ad animam, ut formam ipsam. Nihil ergo impedit alterutrum horum considerare seorsim, alterum in ratione informabilis, alterum in ratione informativi. Distincta enim formalitas distinctum suscipit considerandi modum. Is vero modus ad hanc formalem abstractionem reducitur.

De accidentali conjunctione res est planior. Namque in iis, quæ sunt unum per accidens, ut concursus est accidentalis, ita accidere omnino videtur ea conjunctim considerare. Et quo magis accidentalis est ea conjunctio secundum cognitionem: eo facilius unum ab altero in cognitione sejungi potest. Ac difficultas nulla est in iis quæ sunt conjuncta secundum quintum genus prædicabilis: quid enim impedit, vel hominem dicere non Musicum, vel musicam definire non considerato homine in quo est, quemadmodum actu à maxima hominum multitudine separata esse animadvertitur. Difficultas de accidentibus est, quæ sunt in subjecto secundum modum proprii. Verum in iis si concretiva ratio ab abstractiva distinguitur.

guatur, res erit facilis: nam risibile quia connotat subjectum, quod est risibile, hominem videlicet, de se à subjecto non abstrahit, quia in suo significandi modo id ipsum includit. At vero risibilitas extra rationem humanitatis est: cum qua tamen si semper sit secundum existentiam conjuncta, alia tamen natura risibilitatis, alia hominis & humanitatis est, unde hac dimissa, illa sub cognitionem venire facillime potest. Hæc vero eo disputantur, ut doceamus sub hoc genere formalis abstractionis non tantum contineri abstractionem mathematicam accidentis à subjecto. Sed 1. abstractionem formæ substantialis, est enim natura posterior sua materia, potest ergo cognosci sine hac. 2. abstractionem formæ accidentalis: omne enim accidens est extra rationem sui subjecti, potest ergo unius ratio considerari extra rationem alterius. 3. abstractionem subjecti à forma accidentali: nam tamen si subjecta re a suis accidentibus propriis separari nequeant, definiuntur tamen sine iis, & ita abstrahunt a suis formis accidentalibus: & 4. abstractionem materiæ a sua forma, quam Thomas non concedit, quia putat materiam de se esse puram potentiam: at vero nos quoniam cum Scoto in 2. d. 12. materiæ actum Entitativum tribuimus, diversum ab actu specifico, & illum naturam priorem, hoc modo materiam etiam a forma abstrahere dicimus, quamquam sine forma nunquam sit, quomodo de materia considerat divinus Philosophus. Ac ita latius aliquando Formalis abstractionis limites extendimus, siue forma abstrahit, a materia, seu contra materia a forma.

12. Unio vero totius cum suis partibus variatur pro varietate totius & partium; quadruplex

plex tamen potissimum attenditur, quæ ad rem presentem faciat. et est: 1. totius Universalis cum suis partibus subiectivis. 2. Totius essentialis cum partibus essentialibus. 3. totius integralis cum partibus integrantibus, & 4. partium definitionis cum suo definito. Unio totius universalis cum suis partibus subiectivis, est coniunctio realitatis inferioris cum realitate superioris ut indeterminatio superioris determinetur ad determinationem sui inferioris. Et abstractio huic unitati respondens omni difficultate caret. Nam animal, verbi gratia, quum sit quid indeterminatum ad hominem & bestiam, nihil horum de se est: eoque abstrahit ab utroque ut indeterminatum à determinato.

Unio totius essentialis cum suis partibus, est ordo totius essentialis ad suas partes essentielles, ut ex earum coniunctione resultet tertia quædam Entitas diversa ab entitate partium, tam separatim quam coniunctim sumptarum. Et hæc res difficultate non caret. De hoc enim tertio genere docet Thom. opusc. 70. quæ. 5. art. 3. quod à suis partibus abstrahere non possit: sic enim syllaba nihil erit à suis literis separata. Ita de homine, dicit, quod ei per se competat, quod inveniatur in eo anima rationalis, & corpus compositum ex quatuor Elementis: unde sine his partibus hominem intelligi non posse putat, quoniam ponuntur in hominis definitione, & sunt partes speciei & formæ. Verum quum cognitio rei duplex sit: Una distincta, alia confusa. nos de distincta omnino concedimus, non posse rem intelligi distincte, nisi in suis partibus essentialibus. Ast de confusa secus statuimus. Nam totum habet Entitatem quandam tertiam diversam à suis partibus, ut docetur apud Averr.

3. de anim. cont. 55. & in compositis est natura addita naturæ componentium, illud scilicet quod fit ex compositione, ut est in 5. Metaph. comm. 6. Quod subtilis. Duns in 3. d. 2. & 22. q. unic. ¶ ad primum argumentum, declarat exemplo hominis: natura, inquit, humana non est partes, nec partes unitæ: humanitas enim non dicit solum respectum unionis partium ultra partes Non enim illud quo homo formaliter est homo, est relatio, est autem homo formaliter homo humanitate. Si enim homo nihil esset, nisi partes unitæ sibi, homo non esset unum nisi aggregatione: Sicut nec quinarus est unitates quinque, sed est illud totum, quod resultat ex quinque unitatibus: aliter si esset, illæ unitates essent unum sicut acervus. Dico igitur, quod homo habet unitatem quandam, & entitatem aliam ab istis partibus etiam unitis. Vide de eo an totum sit quid diversum a suis partibus Zimaram solut. contrad. Aristot. & Averr. contradist. 8. Hoc nunc ita supposito de quo alias accuratius disputabimus, Dico: ubicunque sunt duo diversi conceptus de re eadem, ibi est abstractio unius conceptus ab altero. Abstractio enim est formalis quasi effectus diversitatis & divisionis, ut dicebamus, vel saltem immediate eam consequitur. Ast vero tertia ea Entitas diversa ab Entitate partium, dicit diversitatem conceptus totius à conceptu partium Totius. Abstrahit ergo totum essentiale etiam quadam ratione à suis partibus. Is vero conceptus totius distinctus à suis partibus, non distinctus, est sed confusus.

Unio totius cum suis partibus integrantibus, est ordo totius ad partes suas materiales. Ac ab his non primam, sed secundam tantum perfectionem

Alionem obtinet, hoc est, habet non ut sit, sed ut bene sit vel operetur. Et hæ partes accidunt speciei: nam manus, pes, digitus sunt quidem partes Platonis, at non hominis qua homo est. Et ab his partibus abstrahere potest compositum: nihil n. humanitatis naturæ derogat, si vel pes, vel manus amputetur.

Unio partium definitionis cum suo definito nihil aliud est, quam explicatio quid erat esse rei per ea, quæ rei intrinsece & per se primo conveniunt. Est & hic quidam abstractionis modus, qui significatur, hoc Philosophorum est: Definitio & definitum sunt unum re, differunt ratione: quod enim definitum dicit confuse, hoc definitio explicat distincte. Nam ubique differentia rationis & diversitas conceptus est: ibi abstractio necessaria est. Quæ enim sunt inter se unum re; ea nec differre, nec diversimode concipi nisi per abstractionem possunt.

Ad hanc distinctionem abstractionis in formalem & totalem commode reduci potest ea, quæ est abstractionis a subiecto, & a supposito: de qua separata distinctione agemus, non quod ab hac sit re diversa, sed ne propter terminorum explicationem præsens tractatio nimium excreseat.

13. Sequitur tertia subdivisio abstractionis secundum primam mentis operationem ratione prioris & posterioris. Hoc modo jam triplex est abstractio: nam abstrahimus 1. prius a posteriori: 2. posterius a priori. 3. abstrahimus invicem, quæ sunt ejusdem gradus, hoc est, inter quæ prius & posterius non notatur, eo quod simul insunt in eodem. Rem Illustrabimus exemplis.

Illustre exemplum est abstractionis prioris a posteriori apud Aug. Confess. lib. 12. cap. 29.

Eo loco ut doceat quid sit prius origine adducit ordinem inter sonum & cantum. Quæ duo tempore quum sint simul: non enim priore tempore sonos edimus informes sine cantu, quos posteriori tempore in formam cantici coaptamus aut fingamus. Sed quum cantatur, auditur sonus ejus. Interim priorem sonum dicimus, ut materiam forma cantandi. Ecce quomodo abstrahamus, prius à posteriori: tempore simul sunt cantus, & sonus: interim sono tribuimus prioritatem originis, abstrahendo hoc quod sua natura indeterminatum est, ab eo quod determinat: sonum verbi gratia, à cantu, ut qui sonus possit esse sine cantu, non cantus sine sono. Hic ergo distinctio prioris à posteriori notat diversitatem unius ab alio, cum quo re idem est: ea vero sine abstractione esse non potest. At vero abstractio prioris à posteriori est, quia dimisso cantu sonum origine priorem dicimus.

Secundi exemplum apud Arist. est in 2. Phys. t. 18. Eo loco docet & Physicum & Mathematicum agere de longitudine, punctis, figura & sphæra. Sed diversimode: nam Physicū considerare ea ipsa, quoad sunt in materia. Verum Mathematicum de his negociari, sed non quatenus Physici corporis terminus, sed unumquodque: neque accidētia speculari, quatenus talibus existentibus accidunt. Quid ergo? abstrahere dicit Mathematicū. Quomodo? superficiem cognoscendo sine subjecto in quo est: accidēs, non cognito eo, cui accidit. Hæc jam abstractio est posterioris à priori: accidēs enim omne posterius suo subjecto est, ut in 7. Meta. cont. 4. docuit Arist.

Tertii exemplum est apud Arist. in 5. Meta. cap. 6. & Averr. in Epit. Meta. tract. 1. cap. de uno. Hic enim notatur unum per accidens dici.

si Coriscum Musicum dicamus iustum, vel Musicum ædificatorem. Namque ea duo quum sine ordine insint eidem, musica & iustitia, vel musica & ars ædificandi: ut non alium Musicum, alium Architectum, sed eundem & Musicum & Architectum nominemus: unum tamen ita abstrahimus ab alio, ut, si ædificet, non quia Musicus est eum ædificare, nec si canat, quia architectus est eum hoc perpetrare dicamus. Abstrahitur ergo scientia musica à scientia ædificandi in eodem qui & musicus est & Architectus, ut nec prius à posteriori, nec posterius à priori, sed ea quæ simul eidem insunt à se invicem abstrahi enunciemus.

14. Distinguitur etiam alio modo abstractio in abstractionem à subiecto, & supposito.

15. Videtur vero abstractio à subiecto duobus modis dici posse uno modo negativè, alio modo privativè. Negativè abstrahere à subiecto illud dicimus, quod nec fuit in subiecto, nec esse potest, eo quod ejus naturæ repugnat modus inessendi in subiecto. De hoc genere abstractionis intelligere videtur Averr. Arist. in 12. Metaph. com. 26. Aristot. dixerat: Quia quædam res sunt abstractæ, & quædam non abstractæ, illæ sunt substantiæ, & propter hoc inveniuntur istæ causæ, quia extra substantias non inveniuntur passionες eorum, neque motus. Hæc verba explicat Averr. hoc modo: intendit per abstracta substantias, quæ sunt subiecta novem prædicamentorum, & per non abstracta novem prædicamenta, quasi diceret, quia prædicamentorum quædam sunt abstracta, & quædam non, abstracta autem sunt substantiæ, & non abstracta accidentia substantiæ. Deinde causam dedit: nullum enim accidens existit



existit extra substantiam, sunt enim in rei veritate passionibus & motus substantiarum, & hoc dicit, quia extra substantias, non inveniuntur passionibus & motus substantiarum. E quibus nos hæc: 1. accidentia dicuntur non abstracta, quia inexistunt ipsis substantiis. 2. Substantia vero dicuntur abstracta, modo abstractionis opposito accidentium inexistentiæ: opposita enim divisionis membra secundum eandem rationem opponantur necesse est, secus oppositio nulla erit. 3. Abstracta ergo dicuntur substantia secundum modum non existentia. Hoc vero est abstrahere à subjecto 4. Hæc abstractio non est privativa: privatio enim supponit habitum, at vero substantia in subjecto nec est, nec esse potest. 5. Abstractio ergo quædam negativa: quæ negat modum inexistentiæ accidentis proprium posse cadere in substantiam. 6. Et hoc abstrahere à subjecto explicavit Aristot. in Categ. cap. de substantia, quando dicit, commune esse omni substantia non esse in subjecto. Vide Martinum Pollichium de prædicamentis, q. 7.

Abstractio à subjecto privativè dicta est eius quod inest in subjecto consideratio, non cognoscendo subjectum in quo inest. Quomodo albedinem abstrahimus à pariete, ovo, cygno, &c. quæ tamen separata à subjecto omni esse non potest. Hoc genus abstractionis accidentis proprium est. Nam accidens in subjecto proprie est: sine quo dum cognoscitur, abstrahi ab eo dicitur. Privative vero abstrahi: quia in subjecto præsupponit habitum, hoc est, quia sua natura & inest, & aptum est inesse. Hunc modum demonstravit Arist. in 1. de anim. tex. c. 17. quando inquit: ea quæ non sunt abstracta in rei veritate, sed sunt passionibus corporis & secundum

ab.

abstractionem intendit Mathematicus. Et clarius Averr. in comm. istius loci : accidentia, inquit, non abstracta à corpore & consequentia, non in eo quod est transmutabile, sed in eo quod est corpus tantum, & magnitudo, & sunt ea quæ intellectus intelligit secundum abstractionem à materia, licet in rei veritate non separentur, considerata sunt à Mathematicis, Vide & Themist. 1. de anim. c. 5. Et hoc genus abstractionis idem est, cum genere abstractionis formalis à subiecto, quod supra dicebamus.

16. Abtractio à supposito duplex est : à supposito proprio, & à supposito alieno.

Abtractio à supposito proprio est abtractio à supposito, cum quo intrinsece est idem.

17. Hæc abtractio à supposito proprio duplex est, ut potest colligi è subtilis. Duns in 3. d. 21. q. unie sect. ad primum, & in quodlib. q. 19. art. 2. vel enim est abtractio naturæ consideratæ in ultima abstractione à supposito eo, quod ab hac natura constituitur.

Ea abtractio est humanitatis ab homine, leonitatis à leone, equitatis ab equo, corporitatis à corpore, carnitatis à carne. Vel est abtractio universalis naturæ, à suo singulari. Quomodo caro in universali abstrahit ab hac carne, leo in specie, ab hoc individuo leone. Et differentia duplicis hujus generis abstractionis in prædicatione animadvertitur : abstracta enim prioris generis non prædicantur de suis coneretis. Falsa enim hæc est : humanitas est homo, equinitas est equus. At vero quæ secundum posteriorem abstractionis modum dicuntur, eorum abstractum dicitur de suo concreto. Vere enim animali in genere, dicitur de hoc animali in singulari, puta de Bucephalo.

18. Abstractio à supposito alieno, est abstractio naturæ à supposito cum quo non est per se idem, sed diversi generis; ut docet Scotus in quodlib. 19. art. 2. Et hic modus abstractionis idem est cum modo abstractionis à subiecto. Et dicitur abstractio à supposito; quia subiectum in quo terminatur dependentia, est suppositum.

19. Hic vero notandum, quod tametsi in accidentibus suppositi ratio proprie non obtinet, ut docet Durandus in 2. d. 3. q. 2. & Nicol. de Orbellis in 3. d. 1. q. 1. art. 1. in accidentibus tamen dicamuseffe non tantum abstractionem à supposito alieno, sed etiam abstractionem à supposito proprio: quomodo dicimus albedineitatem abstrahere ab albedine ultima abstractione: & albedinem ab hac albedine, ut universale à suo supposito: & albedinem à pariete, ut supposito alieno. Improprè abusi suppositi vocabulo, ut quod in substantiis suppositum proprie dicitur, hoc in accidentibus secundum proportionem dicamus. Quà de re hoc loco fusius agere noluimus, quia non exemplis tantum, sed & modis prædicandi diversis, tam in divinis, quam in creaturis rem eam declaravimus Antidoti nostri lib. 2. c. 22. quod caput legere poterit, qui usum hujus doctrinæ exposulat.

20. Est & quædam Abstractionis distinctio, quâ Abstractio secatur in tres sui quasi partes: in Physicam, Mathematicam & Metaphysicam. Hoc triplex genus coniunxit Arist. in 1. de anim. t. cap. 17. Dicamus, inquit, quod ille, qui intendit considerare de passionibus materiæ non abstractis ab ea, secundum quod sunt abstractæ, est naturalis. Ea autem quæ sunt non

non abstracta in rei veritate, sed sunt passion-  
es corporis, & secundum abstractionem, in-  
tendit Mathematicus. Ea autem quæ sunt ab-  
stracta in rei veritati intendit primus Philoso-  
phus.

Abtractio Physica est, abtractio rei à mate-  
ria singulari & non à materia universali. Nam  
unâ ex parte, Physicus totus in rebus materia-  
libus est, considerat enim res quæ dependent à  
materia secundum esse & intellectum. Quem-  
admodum in definitione etiam non solam for-  
mam adsumit, sed formam corrogat cum ma-  
teria, & ex utriusque coniunctione definit, ut  
elegantè disputat Themist. 1. de anima cap.  
9. Altera vero ex parte non potest scientiam  
habere de iis, quæ sunt in materia signata seu  
singulari: ea enim quum sint quotidianis cor-  
ruptionibus obnoxia, scientiam facere neque-  
unt. Abstrahendo ergo à materia singulari de  
universali materia differit: ut de materialibus  
differendo, scientia incorruptibilitatem simul  
obtineat.

Nam ita materia communis docet ratio-  
nem, qua materialia ab immaterialibus sunt  
discreta: Universalitas vero perpetuitatem lar-  
gitur. Tametsi enim universalia sint corruptibi-  
lia per accidens, quod corruptis singularibus  
ipsa desinunt esse: quod apud Arist. docetur  
his verbis in Categ. cap. de substantia, sublatis  
substantiis primis, nihil remanet reliquorum.  
De se tamen incorruptibilia sunt & in eo-  
dem statu semper permanent. Ac ita Physicus  
à materia singulari dicitur abstrahere quia non  
in hoc & illo individuo cognoscendo versa-  
tur: non tamen abstrahit à materia Univer-  
sali

fali, quia eam in definiendo assumit. Hoc docuit Thomas 1. pag. quæst. 85. art. 1. ad 1. Intellectus, inquit, abstrahit speciem rei naturalis à materia sensibili individuali: non à materia sensibili communi. Sicut speciem hominis abstrahit ab his carnib. & his ossib. quæ non sunt de ratione speciei: sed sunt partes individui, & ideo sine eis considerari potest: sed species hominis non potest abstrahi per intellectum à carnib. & ossibus.

Abtractio Mathematica est abtractio quæ res sola ratione, hoc est, definitione abstrahitur à materia omni sensibili tam individua & signata, quam etiam communi. Ea Mathematico attribuitur. qui quæ in definitione materie mentionem non facit, abstrahere ab ea dicitur, verum sola ratione abstrahere, quia de rebus iis agit, quæ actu semper existunt in materia. Nam Triangulum considerat, non considerando corpus in quo sit: & definit figuram tribus angulis comprehensam.

21. Hic vero dubium est, an Mathematica abstrahat tantum à materia sensibili, an vero etiam à materia intelligibili.

In hac quæstione unum est, in quo omnes conveniunt, quo scil. duplicem esse materiam, unam sensibilem alteram intelligibilem. Materiam sensibilem esse Physicæ propriam: materiam vero intelligibilem in res Mathematicas cadere. Nam hoc docuit. Ar. 7. Metaph. 1. c. 25. Quædam materia, inquit, est sensibilis, & quædam intelligibilis. Sensibilis ut cuprum, & lignum, & omnia quæ moventur. Materia intelligibilis est illud, quod est in sensibilibus, non secundum quod sunt sensibilia, ut Mathematica. Alterum est in quo disconveniunt: quæ,

quænam sit ea materia intelligibilis, quæ rebus Mathematicis propria est. Hic Thomæ sententia est, 1. p. q. 15. c. art. 2. Materiam intelligibilem esse materiam, secundum quod subiacet quantitati, abstractam ab omni qualitate. Quum enim quantitas prius insit materiæ, quam qualitates, posse figuras & dimensiones considerari absque qualitatibus sensibilibus, & hoc esse, eas abstrahi à materia sensibili. Ac hanc sensibilem materiam (huic intelligibili oppositam) definit materiam secundum quod subiacet qualitatibus sensibilibus, ut calido, humido, &c. Quam eandem sententiam docuit subtiliss. Duns in 6. Metaph. q. 1. sect. ad primum argumentum.

Aliorum ea in re contraria est sententia, qui ex Arist. in 12. Metaph. t. c. 44. omnem substantialem materiam denegant Mathematicis, Nam præter Astronomiam nullam aliam Mathematicarum scientiarum considerare substantiam. Aliam ergo materiam tribuunt Mathematicis, asserentes eam continuam esse, & partes. Eam sententiam è recentioribus docuit Piccol. de prima Mat. lib. 3. cap. 32.

22. In hac controversia explicanda, Arist. sententia notanda est, quam docet 7. Metaph. t. c. 35. & 8. Met. t. c. 35. nam his duobus locis materiam in sensibilem & intelligibilem dividit, illam Physicis, hanc Mathematicis tribuendo.

In priori loco principalem questionem enodandam sibi proponit, quæ est, num omnes definitiones partium rei sint partes definitionis: altera, quæ est de prioritatem totius & partium, huius occasione nata est. Eam solvit, ponendo duo partium genera: partes scil. formales,

males, & partes materiales, Formales partes vocat Averr. partes qualitatis, materiales partes quantitatis. Partes formales docet ingredi definitionem totius: at non partes materiales. Rem explicat exemplo. Ita in definitione circuli non poni partes circuli: sed in definitione Syllabæ poni literas seu elementa. Nam elementa inquit, rationis partes sunt formæ, partes vero circuli sunt partes tanquam materia. Verum quia partes circuli dixerat esse extra rationem circuli, iam dubium nascitur non eadem plane ratione, partes semicirculi sint extra rationem circuli, quomodo æs est extra rationem circuli facti in ære. Ad quod respondet, partes circuli esse propinquiores formæ circuli quam æs: nam semicirculos esse partes necessarias, sine quibus circulus esse non possit, at vero sine ære vel ferro esse posse. Et hinc materiam dividit in sensibilem, & intelligibilem. Illam dicendo, æs, cuprum: intelligibilem vero quæ in sensibilibus existit, non prout sensibilia, ut puta ipsa mathematica. Vide Averroen dicto loco comm. 34, 35.

Posteriori loco (qui est 8. Metaphys. t. c. 15.) quarit de unitate definitionis. Et respondet esse in ea unum, quia una partium induit rationem potentia, altera vero rationem actus. Ac quia hoc dubium poterat esse in Mathematicis, docet hoc iis cum rebus naturalibus esse commune: nam duplicem esse materiam, quandam intelligibilem, quandam sensibilem. Et semper in definitione unum sustinere rationem materia, alterum actus. Docent hoc exemplo: nam circulus definitur esse figura plana. Hic (inquit Averr. ad textum) figura est quasi materia, & plana quasi forma.

23. E quibus nos hæc sequentia deducimus:

1. Materia rerum Mathematicarum duplex est: Una non necessaria, alia necessaria. 2. Materia non necessaria est sine qua res Mathematica & esse & intelligi potest, ut sunt cuprum, ferrum.
3. Materia necessaria duplex est: Una est extra rationem definitionis, alia ingreditur definitionis rationem. 4. Materia quæ est extra rationem definitionis ea est, quæ obtinet rationem partium materialium quantitativarum, ut sunt semicirculi, & sectiones respectu circuli.
5. Materia quæ in rationem definitionis ingreditur ea est, quæ in definitione rei Mathematicæ potentia rationem obtinet. Quomodo in definitione circuli Figura eorum q. materia ratione plani, quod loco formæ vel actûs ponitur. 6. Materiam non necessariam Aristoteles vocat sensibilem. Ab ea planè abstrahit Mathematicus: nam sine ea & esse & intelligi potest res Mathematica. 7. Materiam necessariam vocat materiam intelligibilem, tam eam quæ extra rationem definitionis est.
7. Metaphys. t. 35. quam quæ in definitionem ingreditur. 8. Metaphys. t. 15. 8. propriè ergò per materiam intelligibilem Arist. non intelligit substantiam separatam à qualitatibus sensibilibus, sed partes rei Mathematicæ necessarias. Et ita Arist. intelligit in his locis Joh. Verforis 7. Metaphys. quæst. 8. not. 3. & 8. Metaphys. quæst. 4. concl. 2. Hanc sententiam expressit Arist. 3. de anim. t. 11. Et etiam, inquit, in rebus existentibus in mathesi, rectum est sicut simitas: est enim cum quanto continuo: secundum autem esse, esse recti aliud est ab eo. Hic distinguit esse rectitudinis, ab esse continuitatis, ut esse formale, ab esse materiali, continuum



tinuum in recto materiam dicendo. 9. Nihilominus secundo subjectum abstractum à qualitatibus sensibilibus etiam potest dici materia intelligibilis: materia, quia hoc subjectum est, sine quo existere non potest res Mathematica, materia scil. quàm vocant materiam in qua. Materia verò intelligibilis, quia prior qualitate omni sensibili est. 10. Nec huic sententiæ repugnat, quod apud Aristot. in 12. Metaphys. tex. 44. scriptum est: quòd præter Astrologiam ceteræ disciplinæ Mathematicæ de nulla substantia sunt. Verba Aristot. sunt: Astrologia de substantia sensibili quidem, at sempiternâ speculatur: ceteræ verò (scientiarum Mathematicarum) de nulla quidem substantia, veluti quæ circa numeros, atque quæ circa Geometriam. Quo loco Arist. non videtur ita communem planè substantiam excludere à Mathematicis, ut materia intelligibilis, quæ est substantia sejuncta à qualitatibus, materia remota seu subjectum in Geometricis dici non possit. Sed eam tantum substantiam, quam dixerat substantiam scil. sensibilem, & eam substantiam, quæ Astrologiæ est, sempiternam, cælum nimirum. Quæ sententiæ non absurdè è 2. Phys. cont. 19. & 20. colligi posse videtur. Ac hæc pro conciliatione diversarum sententiarum de abstractione Mathematica, ut probabiliter dicta, accipiantur.

24. Abstractio Metaphysica est abstractio re & ratione à materia. Et ita dicitur, quia nec ad esse, nec ad essentiam, hoc est, nec ad definitionem, nec ad existentiam sui requirit materiam. Hæc ea est, quam huius c. n. 4. abstractionem rerum immaterialium dicebamus, de qua fusè eo loco egimus.

25. Usus huius distinctionis ponunt in scientiarum speculativarum limitibus sejungendis, triplex speculativæ disciplinæ genus propriæ abstractione à materia ponentes; ut Physica ponatur iuxta abstractionem à materia signata, Mathesis iuxta abstractionem ratione à materia, Metaphysica per abstractionem re & ratione à materia, ut docet Avic, Logicae suæ part. 1. c. 1. & Thom. opusc. 70. quod est super Boëtium de Trin. q. 5. art. 1. De qua re quid sentiam, ita alicubi disputavi.

26. Quænam sit ratio divisionis Philosophiæ Theoricæ in Metaphysicam, Physicam & Mathematicam?

Communis est sententia divisionem Philosophiæ desumi è diversitate abstractionis rerum à materia, ut Metaphysica versetur in rebus re & ratione abstractis à materia: Mathematica in rebus ratione à materia abstractis: Physica in rebus abstractis à materia singulari seu signata, non tamen à materia seu communi universali? Et eam sententiam egregiè commendat nobis Thomas opusc. 70. quæst. 5. art. 1. & videtur multo antè fuisse approbata ab Avicen. Log. part. 1. cap. Rem, quia aliquanto subtilius proponit Thomas, eam ex eius opinione explicabimus Scientias distingui è distinctione obiectoꝝ omnibus jam notum est. Verùm non quolibet obiecti distinctio infert distinctionem disciplinarum: sed ea tantùm, quæ præcise è ratione obiecti dependet, seu quæ desumitur ex obiecto, quatenus est obiectum. Ea verò ratio obiecti duplex est: Una desumitur ex ordine ad intellectum, altera ex ordine ad scientias.

Obiectum ex ordine ad intellectum requirit ut sit immateriale: nam obiectum & potentia

rentia necessarium est, ut sint in proportionem quādam constituta: ea vero proportio est penes immateriale. Nam intellectus immaterialis est, obiectum ergo ut sit immateriale, necesse esse videtur.

Ex ordine vero ad scientiam obiectum requirit, ut sit immobile & immutabile: quod enim sub scientiam cadit, necessarium esse debet, ut docetur apud Aristotelem, 1. post. cap. 4. Necessarium vero esse non potest, quod est motui & mutationi quotidiana obnoxium. Immobile ergo & immutabile erit ex ordine ad scientiam obiectum: immateriale v. ex ordine ad intellectum.

Hoc ergo sensu intelligitur, quod ratio obiecti quatenus est obiectum, est posita in abstractione à motu & materiā.

Triplex vero est ea abstractio, ut antè fuit dictum: triplex ergo scientia theórica pro obiectorum eorum diversitate.

Hæc de re nostra hæc est sententia: Duobus modis scientiam & disciplinam posse dici unam: Uno modo unam secundum speciem, alio vero secundum aggregationem. Secundum speciem una esse dicitur, quæ unius speciei affectionis scientiam habet de subiecto per propria principia. Et hoc modo multiplicantur scientiæ pro diversitate demonstrationum & conclusionum. Nam unaquæque scientia suum habet proprium & adequatum subiectum & propriam causam, quæ nulli aliæ scientiæ potest esse adequata. Singulæ quoque demonstrationes suis limitibus secundum speciem circumscribi possunt. Secundum aggregationem vero ea scientia dicitur una, quæ tametsi plures specie inter se differentes

tes conclusiones complectitur, una tamen dicitur, quia inter plures eas conclusiones ordo quidam est & convenientia quædam in principiis ac modo considerandi. Et hoc modo diversæ specie demonstrationes & scientiæ concurrunt ad unam disciplinam constituentem, quatenus ordinem tantum habent ad unum aliquod subjectum, quod certo considerandi modo circumscribi potest. Hoc verò modo scientia una dici potest duobus modis: vel quod necessario ita sit, vel quod è placito & consensu authorum, qui in distinctis disciplinis erant excellentes. Priori modo valde mihi probatur Scoti sententia in 6. Metaphys. qu. 1. sect. post ergò longam inquisitionem: ubi docet, non posse haberi divisionis hujus Philosophiæ in tres partes seu scientias sufficientiam per rationem aliquam necessariam. Nam quum multa inquireret, quæ pro ejus veritate confirmanda facere videbantur, nihil tamen erat, quod suam non pateretur exceptionem. Et hoc modo si de proposita dividendi ratione juxta triplicem abstractionem, loqui velimus, non videtur ea sufficiens esse ad Philosophiæ divisionem probandam. Nam & ejus abstractionis quæ re & ratione abstrahit à materia diversitas quædam est, ut quædam abstrahant re & ratione secundum essentiam, quædam verò tantum secundum indifferentiam. Et pro hujus abstractionis diversitate alii multiplicant scientias, aliis quidem in duas partes, aliis verò in tres etiam partes seu diversas disciplinas Metaphysicam dispescentibus, nec potest sufficienter ea sententia impugnari. Ita in abstractione eà, quæ solâ ratione à materia abstrahit, cujusmodi Quantitati tribuitur,  
non

non potest unitas unius disciplinæ poni; nam quantitas æquivocè dicitur sub hac abstractione de continua & discreta quantitate: quæ verò æquivocæ sunt, eorum non potest esse unitas scientiæ. Et hujusmodi multa adduci possent. E quibus patet, quod non possit ratio esse sufficiens ad ponendam triplicem scientiarum speciem. Sin posteriori modo intelligamus triplicem poni partem speculativæ pro triplici hac abstractione è placito potius & instituto authorum, ut essent limites certi, quibus scientiæ ab invicem discescerentur, jam facile assentior, disciplinarum utilitati & commodo inservire, ponere disciplinarum terminos, ut quæque separatim addisci possit sine alia, ne in confusa disciplinarum mixturâ ingenia confundantur.

Ac hæc de Abstractione diximus.

## CAPUT XI.

*Quid sit Ens Increatum, & Creatum?*

### I.

**A**CTUM & potentiam consequuntur divisiones Entis: in Creatum, & Increatum; Ens à se, & ab alio; Ens necessarium, & possibile; Infinitum & Finitum; Independens & Dependens; Principium & Principiatum.

2. Hi termini considerantur, vel in Quid, vel in ordine inter se.

3. In quid dicimus hos terminos considerari, vel considerando quid nomen cujusque horum terminorum significet, vel expendendo eorum naturam in esse, proprietatibus, & speciebus. De singulis verò agemus.

4. Ens increatum illud dicimus, quod à nullo, alio à se, dependet in esse, quia ipsum à se ipso est ab æterno. Ejusmodi Ens solus Deus est.

5. Ens

5. Ens verò creatum est, quod de non esse ad esse progreditur.

6. Duplex verò in universum modus esse videtur, quo res à non esse ad esse procedunt: Alter è non præexistente materia est: alter verò è præexistente. Illam Creationem dicimus, hunc Generationem. Uterque verò ita se habet.

7. Creatio est productio entis è non præexistente materia, ab infinita virtute facta, ad speciem ordinata, ad individua terminata.

8. Productio est: non immanens ea. Suppositis enim produciens & productum differunt. Productio est: non per transmutationem, ea enim cum conatu est, sed medio quodam modo facta, transiens scilicet per emanationem.

9. Transiens: est enim actio productiva termini albus ab agente, quæ ita definitur apud Nicol. de Orbellis in 1. sentent. dict. 3. quæst. 8. & Const. Sarnanum direct. Theol. mihi p. 61.

10. E non præexistente materia, hoc est è nihilo. E nihilo enim dicimus, non ut è materia, sed ut à non termino subjectivo ad terminum realem: ordo potius est, quàm materia, ut docemur apud Thom. 1. p. quæ. 45. art. 1. ad 3. & Lambertum de Monte Domini 1 Phys. t. 40.

11. Itaque motus creatio non est: non enim cum successione est, quia non est subjectum, in quo sit successio. Actus, inquit Piccol. 1. de creat. c. 1. Creatio est: est actus perfectus simul & totus: actus imperfectus motus; est enim in fieri juxta prævias dispositiones per successionem ad terminum ad quem.

12. Nihil tamen impedit, quò minus mutationem eam dicamus: non quòd facta sit per reductionem è potentia materiæ: sed ut procedit de esse objectivo tantum ad esse extra, & prout quod  
antè

antè tantum esse poterat, hoc per creationem est.

13 Estque ab infinita virtute facta: non enim proportio est inter terminum à quo, & terminum ad quem, Ens scilicet & Nihil seu non Ens: nec igitur proportionata actio finita, Creat igitur non nisi Deus, infinitæ enim virtutis. Virtutis, inquam, infinita: quia virtutis universalissimæ. Oportet verò, ut est apud Thom. universaliores operationes, ad universalissimam causam reducere: universalissimus actus creatio est. Vnius igitur Dei. Vide Scal. 6. Poët. c. 4.

Hoc elegantissimis verbis expressit Tertull. in Apolog. cap. 17. Quod colimus & nos, inquit, Deus unus est, qui totam molem istam cum omni instrumento elementorum, corporum, spirituum, verbo quo iussit, ratione quâ disposuit, virtute quâ potuit, de nihilo expressit in ornamentum maiestatis suæ, unde & Græci nomen mundo  $\chi\omicron\rho\mu\omicron\varsigma$  accommodaverunt.

14 Ad speciem ordinata: quia ad mundi perfectionem. Ea verò non in individuis, sed in speciebus est: individua secundariò mundum perficiunt, quia in iis specierum perfectio, ut sint: species principaliter, quia ad speciei interitum mundi interitus est, nulla mundi imperfectio ex individuum interitu. Ad speciem igitur creatio, quia ad mundi perfectionem. Vide Tho. 1. p. q. 23. art. 7.

15 Ad individua terminata: actionis enim terminus singularis est Arist. 1. Meta. cap. 1. Sunt certe non nisi in individuis species, ac in iis solis conservantur: non quòd specierum esse ab individuis sit, sed quòd existentia speciei non est, nisi in individuis: ut patet per Arist. in Categ. cap. de substantia.

16 Creatio consideratur, vel ut activa, vel ut passiva, ut docetur apud Lambertum de morte Domini 1. Phys. t. 40. Activa dicitur, non ut  
agens

agens ipsa, sed ut agentem causam denotat: nec passiva, quod patiaturs ipsa, sed prout ad terminum, qui fit, ordinatur. Itaque creatio activa nihil aliud est, quam potentia Dei creans: passiva verò creatura creatione producta, ut nobis videtur ea probabilior sententia, salvo interim doctiorum eâ in re iudicio.

17 Itaque creatio relatio est: dicit enim actionem Dei referentem sese ad creaturas. Non tamen pura realis relatio: in Deo enim de novo per creationem nihil est, quod eum faciat vel alium, vel alio modo secundum rem sese habentem: rationis igitur. In creaturis verò alietas est, quæ enim non erant, post sunt: in iis itaque relatio realis est. Mixta igitur, ut colligitur è subtilissimo Duns 1. sent. d. 8. q. 2. sect. hîc sunt dux opiniones.

18 E dictis verum esse patet, quod est apud subtilissimum Duns in 2. sent. d. 18. sect. hîc videndum est: Creationem esse productionem, quæ excludit præter causalitatem Dei omnem causalitatem, & causæ materialis, & formalis, & efficientis creati.

19 Et hæc quidem Creatio simpliciter ita dicta est, quam & immediatam vocant. Mediata vero creatio est, quando Deus virtute sua ex materia quidem, sed per naturam in dispositâ, aliquod opus producit: quomodo ex aqua & terra viventia omnia condidit. Vide Tertull. adversus Hermogenem. Tantum de Creatione: sequitur de Generatione.

20 Generatio est mutatio totius, nullo subiecto sensibili remanente, ut eodem. Definitio Arist. est in lib. de Ort. & Int.

21 Mutatio est: non improprie dicta, sed proprie. Est enim in subiecto mutabili, quod de privatione ad formam transit, ut habetur apud Nicol.



c. de Orbel. in 1. d. 5. q. 2. Motus tamen propriè non est, nisi cum præviis alterationibus accipiat: Est enim actio indivisibilis, non enim nisi in momento forma indivisibilis introducitur; est motus omnis divisionem patitur, ut est apud Arist. in Physi.

22 Est mutatio totius: hoc enim substantiis proprium est, ut habetur apud subtiliss. Duns in 2. sent. d. 12. q. 1. sect. hic dicit una opinio, ut quemadmodum in iis totum propriè est, in accidentibus tantum secundum quid, ita totius propriè sit generatio, alteratio quæ in accidentibus fit, non sit nisi totius secundum quid.

23 Dextre tamen intelligendum est, generationem esse mutationem totius: accipendum enim non categorematicè, ut loquuntur, hoc est, de quavis parte, quòd generetur; sed syncategorematicè, hoc est, de toto, ut collective accepto, supponit enim generatio materiam, non generatur ea, & secundum plurimorum sententiam, anima humana non generatur, sed creatur. Totius tamen generatio est, eò quòd per generationem fit partium unio & conjunctio. Quemadmodum dicimus, totum hominem mori, eò quòd totius fit dissolutio, cujus tamen singulæ partes remanent.

24 Nullo subjecto sensibili remanente ut eodem: non quòd subjectum generationis destruitur, est enim materia, quam cum Scal. ex. 6. ingenerabilem et incorruptibilem facimus, ejus itaque essentia, quam Entitativam vocant, eadem semper est; nec per generationem destrui potest. Et sensui adversatur, non remanere idem sensibile subjectum: per corruptionem enim hominis generatur cadaver, remanente eadem materiâ et iisdem accidentibus. Sed intelligendum de subjecto ut eodem secundum esse specificum, ut scilicet

non tollatur Quod est, sed Quo est: corpus verbi gratia, humanum quod erat, fiat cadaver, corpus nimirum diversæ speciei, à corpore humano.

25 Hinc jam sequitur, verum esse quod Arist. scribit in 1. de Gener. tex. 17. Unius corruptionem esse alterius generationem, & contra: quòd si enim per generationem est mutatio totius, non tamen totaliter accepti, hoc enim annihilare dicimus; nec tamen subiectum remanet idem: ergo semper per generationem fit aliquid, quod est diversæ speciei à priori. Non enim fit non species; quia natura non potest annihilare: nec remanet eadem species, non enim idem sensibile subiectum, ut idem: diversa ergo species, quæ cum in necessaria concomitantia sit, perpetuitatem generationis & corruptionis mutuam inducit.

26 Hinc porro sequitur, si accuratius agamus: Generationem & corruptionem, eundem numero esse motum: quia non per alium & alium actum est generatio & corruptio, sed per eundem omnino, ut quæ actio inducit hominis corruptionem, eadem inducat cadaveris generationem.

27 Itaque hæc: Generatio est corruptio, non tantum est vera secundum concomitantiam, ut loquuntur: sed & secundum formalem sensum. Non enim effective, Generatio unius est corruptio alterius, sed formaliter: quemadmodum formaliter per corruptionem caloris gignitur frigus. Quæ de re vide eleganter differentem Zabar. in lib. de gen. & interitu.

28 Porro generatio alia est univoca, alia equivoca. Equivocam eam dicimus, quæ dissimilia specie ac formâ producuntur, ut quando Sol ranam producit. Univocam eam quæ eadem species generatur: eaque immediata est, vel mediata. Immediatam eam dicimus, quæ quid per sui ipsius

*promotionem sibi idem specie generat, ignis verbi gratia ignem. Mediatam, quando mediante semine, ut homo hominem beneficio seminis. Atque hæc breviter etiam de Generatione dicta sufficiant. At hæc doctrina de Generatione Physici propria est: quoniam verò utramque doctrinam de Creatione & Generatione Steinfurti aliquando (5. die Decem. anno 1608.) publicè conjunctim defendi, omittere alteram partem nolui.*

## COMMENTARIUS.

**E**legantissima sunt verba subtiliss. Duns in initio Quodlibetorum: rem prima sui divisione posse dividi in rem creatam & increatam, sive in rem à se, & in rem ab alio habentem esse, sive in rem necessariam & possibilem, sive in rem finitam & infinitam. Quibus quidem verbis duo voluit innuere Scotus. alterum est immedietas, ut ita loquar, alterum identitas. Immedietatem puto, quando dicit esse primam Entis divisionem: identitatem vero, quatenus unam hanc Entis divisionem variis nominibus voluit exprimere: quæ quanquam secundum nos diversitatem quandam habere videntur, secundum rem tamen idem simpliciter dicunt. In immedietate comprehensa ratio modorum intrinsecorum est: hi enim ejus naturæ sunt, ut ita connectantur cum eo, cuius modi sunt, ut non videantur rem per modum attributorum propriè dictorum attingere, ut colligi potest e. 1. sent. d. 3. Scoti, sed proprius ad ipsius rei naturam accedere, tametsi ipsum primum rei momentum, seu prima perfectio non sint. Ea itaque de causa duo circa dictam divisionem agemus: 1. Ipsos terminos explicabimus. 2. ordinem horum terminorum considerabimus.

Ac primo quidem dicemus, quid sit increatum & creatum. Increatum tribus modis cognoscere possumus, secundum Dionys. in 4. de nominibus, ut est apud Antoninum 1. p. sum. maj. tit. 13. c. 2. f. 5. 1. in ratione virtualis continentiz. 2. in ratione actualis efficientiz 3. in ratione finalis concupiscentiz. Ac in ratione virtualis continentiz quidem: quatenus est communis mens omnium producendorum, seu habet in se exemplaria & ideas creandorum: sui vero creandi Ideam non habet, sed absolutè in se actu omnes virtutes eminentissimo modo continet. Sunt vero hæ ideæ nihil aliud, quam divina essentia, secundum quod imitari potest ipsam aliquod creatum. Eo itaque modo cognoscimus increatum, ut in se continens omnia, ut ipsum à nullo alio contineatur. In ratione vero actualis efficientiz per modum independentis causalitatis. Is enim ordo rerū est, ut in causis essentialiter subordinatis in infinitum procedere nequeamus, sed demum ad aliquod ultimum deveniamus, quod unum ultimum independens Increatum dicemus, ut dependentia omnia creata, ut hoc ipsum ex Arist. 8. Phys. & 12. Metaph. deductum videmus in centilogio Wilh. Occami. In ratione vero finalis concupiscentiz, quatenus cum ferimur ad aliquod per se & ex se desiderabile, ad aliud de se non ordinatū, non possumus nos continere in creatis, sed ad aliquod creatis superius necessario appetitum nostrum conferimus. Quod ut melius intelligatur, sciendum, quod finis dupliciter dicitur: nimirum gratiā cuius, & quo. De fine cuius si dicamus, quatenus in eo boni aliqua ratio reperitur, sic omnia conveniunt in ultimo fine, qui Deus est. Est quippe Deus prima omnis bo-

ni mensura, & quatenus mensurabile habet a-  
 pritudinem ad mensuram, sequitur omninò,  
 quòd finalis concupiscentia in primo illo bono  
 terminetur, quod bonum increatum dicimus,  
 quoniam mensura ipsum est, mensurabile nun-  
 quam. Aliàs si finis nomine velimus intelligere  
 finem. Quo, quatenus non omnes omnia asse-  
 quuntur, hunc ipsum finem cognoscendo & a-  
 mando, non necessarium est, ut finalis concu-  
 piscentia eo modo ad primum illud bonum in-  
 dependens sese referat. At è dictis innotescit  
 nobis, increatum illud esse, quod in se habet ne-  
 gationem omnis dependentiæ, sed ordinatum  
 est ad hoc, ut omnia ab ipso dependeant. Entis  
 verò creati cognitio indiget cognitione tripli-  
 cis dependentiæ à primo, scilicet exemplari, ef-  
 ficienti, & fine, ut est traditum apud Fons. 4.  
 Met. cap. 2. q. 1. c. 7. eà scilicet ratione, ut quod  
 opus habet conformatione ad aliud, quod eget  
 causa à qua sit, & quod à se ipso terminari non  
 potest, hoc omne Ens creatum dicamus. Ejus-  
 modi verò omnia ea sunt, quæ sunt alia ab ipso  
 primo Ente Deo nimirum, Omnia n. habent  
 imitabilitatem, ut ita loquar, ad ipsam essentiam  
 divinam, quæ eorum causa exemplaris est: &  
 cum horum nihil à se ipso sit, causa alia opus  
 habent, à qua sint, & cum non sint sui ipsius  
 gratia, sed operentur ad majorem perfectionem  
 obtinendam, manifestum certè est, quod cum  
 Ente increato eandem naturam non obtineant.  
 Quod ut fiat clarius, per certa membra diduce-  
 mus, quomodo exemplar Entis increati partici-  
 pent, quomodo à primo efficiente sint, & quo-  
 modo in eo tanquam in fine terminentur.

Atque ad exemplar quidem quod attinet, po-  
 nimus hoc ipsum juxta potentiam obiectivam  
 rerum:

rerum : quatenus sunt possibiles fieri secundum  
 hanc formam. Ens enim increatum , non habet  
 potestatem fieri , nec habet sui exemplar . est e-  
 nim exemplar propter agens, quatenus illud ip-  
 sum nihil aliud esse dicimus , quam formam ,  
 per quam agens operatur. Creati verò quate-  
 nus habent potestatem ad fieri, requirunt etiam  
 exemplar, iuxta quod fiant secundum hanc for-  
 mam in specie. Et hoc exemplar etsi quoad no-  
 strum concipiendi modum ad cognitionem &  
 scientiam non conferat, quoniam eius ipsius co-  
 gnitionem intuitivam habemus nullam, ac rem  
 æquè in universali conciperemus, si eiusmodi  
 exemplar daretur nullum : de se tamen & in se  
 res habet ad ipsam dependentiam, quoniam di-  
 stinctio ipsarum rerum specifica à priori, depen-  
 det ab exemplari : ut enim res hæc non sit eius-  
 dem speciei cum illa, causa est, quia hæc habet  
 distinctum exemplar ab illa. Egimus verò de  
 Idea fusiùs Antidoti nostri lib. 2. cap. 22.

Finis vero dependentia manifesta est juxta  
 conclus. 4. subtiliss. Duns, quam ponit in libel.  
 de primo principio cap. 2. Quod non est finitum,  
 non est effectum. Ratio conclusionis est : cum  
 enim quicquid per se fit, temerè non fiat, neces-  
 sarium est, ut fiat cum intentione finis : unde est  
 illud Arist. 2. Phys. text. 49. 61. 75. agens per  
 se, omne agit propter finem , quia nullum fru-  
 stra. Cum vero creatorum nihil per accidens, ca-  
 su vel fortuna exstiterit, requirunt omnino ut  
 à fine dependentiam habeant. Hæc vero depen-  
 dentia finalis in iis , quæ sunt infra hominem  
 manifestè terminatur ad hominem, iuxta quod  
 apud Scalig. disputatum est exerc. 260. quod  
 omnia propter hominem facta sunt : Homo ve-  
 rò propter Deum est. E qua mutua rerum inter

se connexione clarum est, quod omnium creatorum finalis dependentia sit ad aliquod primum, quod propter se est, non propter aliud; alia vero omnia propter ipsum. Atque ita ab increato in ratione finis dependere dicuntur. Quum enim quod non est effectum, non sit finitum, ut habetur in dicto cap. 2. libelli de primo principio Joh. Duns; creata omnia in ratione finali ab increato dependeant oportet, ut ab eodem effectivè sint. Finis enim de se non est, nisi sit agens, quod intendat finem, & propter eundem operetur. Quod itaque non habet agens à quo fiat, idem nec finem propter quem ab agente fiat. Quæ ergo habent finem, necesse ut habeant agens, quod ea sub ratione finis eligat. Creata verò omnia ab increato in ratione causæ efficientis dependeant necesse est. Hæc verò ratio effectiva non tantum terminatur ad fieri, sed etiam ad esse. Et si enim in particularibus, causis ita se habeat, ut docente Scalig. exer. 22. non sit necessarium efficientes particulares simul cum suis effectibus perpetuari, sed tunc hære tantum cum efficiunt: prima tamen causa universalis, tam ad fieri, quam ad esse, & perpetuationem seu conservationem ipsius esse requiritur. Solum primum efficiens, quia ævi dominus, effectus suos comitatur: juxta quod dicimus, quod in ipso sumus, vivamus & moveamur.

## CAPUT XII.

De Divisione Entis à se, & ab alio.

I.

**E**Ns vel à se vel alio est.

2. *Ens a se illud dicimus, quod non habet ordinem ad aliud à quo fit.*

3. *Ens*

3. *Ens ab alio est; quod est ex ordine, secundum quem respicit prius, à quo dependet in esse.*

## COMMENTARIUS.

**G**ravissimus autor Seneca in exhortationibus suis, ut est apud Lactantium lib. 1. de falsa religione cap. 7. gravissimis verbis exclamat: nos aliunde pendemus. Itaque ad aliquem perspicimus, cui quod est optimum in nobis debeamus, alius nos edidit, alius nos instruxit: Deus ipse solus à seipso est. In quibus verbis duo notanda veniunt: alterum est, aliud Ens esse à se, aliud ab alio: alterum modus secundum quem illud Ens à se, & hoc est ab alio. Primum innuitur in hisce verbis aliunde, & ipse à seipso. Posterius in his: nos pendemus, Deus ipse à se est. Circa primum sciendum, quod A vel A B quandoque latius accipitur, quandoque vero strictius. Latius accipitur in genere, pro quacunque habitudine principiantis ad principiatum: quomodo Tho. in opusc. 9. quod est responsio ad M. Johannem de Vercellis q. 20. dicit, essentia divina in filio est à patre: scilicet per rationem originis, quemadmodum innuit August. in lib. de triplici habitaculo cap. 6. ut est apud Constant. Sarnanum in direct. Theol. quando dicit, quod in patria videbimus, quod pater est prior origine filio, nam ubicunque est hoc, ab hoc, illud à quo est, hoc est prius origine, & illud quod est ab eo, est posterius: sed in divinis Pater & Filius sic se habent, ut Filius sit à Patre. Strictius vero accipitur, quando A vel A B designat tantum habitudinem principii effectivi, ut est apud Thom. in 1. distin.



32. quæst. 2. art. 2. Priori significatione non accipimus hoc loco à se, ab alio : diximus enim quod divisio habeat identitatem, cum proxime præcedente in Ens increatum & creatum : at Filius qui est à Patre, non est Ens creatum, sed æque increatum ac Pater. Sed posteriori significatione in divinis ad intra non est à vel ab : sed tantum in operibus ad extra, hoc est, à divinis effective dependent creaturæ. Ea ergo ratione explicandum est, quid sit esse à se & esse ab alio. Dicendum vero, quod esse à se neget dependentiam alicujus ab aliquo effectivam, hoc est, esse à se negat requirere aliquid ad sui esse, à quo quoquo modo sit, principaliter tamen negat principium effectivum. Itaque quando Ens dicitur à se, non additur Enti quid positivum : nihil enim additur enti, quia Ens, per hoc quod a se sit, quo formaliter & positive constituitur, sed tantum negatur esse ab alio : & hæc negatio, non est privativa, quia in hoc Ente a se non est aliqua aptitudo ad esse ab alio, sed est pura negatio, quatenus repugnat Deum esse ab alio. Esse vero ab alio addit Enti aliquem respectum : dicit enim esse Ens, quod supponat seu ante se requirat aliud Ens cum habitudine ea, ut ab eo habeat dependentiam. Ideoque additur Enti modus aliquis realis positivus, isque non absolutus, sed respectivus ad Ens a se.

Circa secundum, dubius est modus, quomodo Deus sit a se, res creata ab alio. Fran. Suarez. in disp. 28. sect. 1. nu. 7. reprehendit Lactantium, quod dicat Deum ex tempore se fecisse. Error certe in se gravis, verum injuriam facere Lactantio videtur Suarez. Verba Lactantii in 1. de falsa relig. sunt hæc : retrahere se, inquit, homines ab erroribus & abjectis religionibus,

nibus, cujus nec virtus existimari potest, nec magnitudo perspicui, nec principium comprehendere, cum ad illum humanarum mentis intentio & acumen, & memoria pervenerit, quæ si subactis & consummatis omnibus suis subsistit, hæret, deficit, nec est aliquid ulterius, quo progredi possit. Verum quia fieri non potest, quin id, quod sit, aliquando esse cœpit, consequens est, ut quoniam nihil ante illum fuit, ipse ante omnia ex seipso procreatus sit, unde ab Apolline *ἀποτομὴς* à Sibylla *ἀποτομῆς, ἀγνήντος, & ἀγνῆντος* nominatur. In quibus verbis duo innuit: primo negationem principii omnis, & secundo negationem principii post aliquod eorum, quæ facta sunt. Prius in confesso est, per rationem ordinis, quia necessario ad unum primum devenimus, nisi in infinitum progredi velimus, quod dicamus principium sine principio, hoc est, esse sibi ipsimet naturam, seipso esse genitum, respicere omnem generationem, seipso esse factum. Posterius vero etiam patet ex connexione cum antecedentibus, dicit enim principium Dei non posse comprehendere, dicit, ipsum ante omnia ex seipso procreatum. Non ergo in tempore, quoniam partim omne principium secundum tempus est comprehensibile, partim etiam tempus ex ipso primo mobili metimur; at cum ipse ante omnia sit & dicatur, ipsius generationis durationem a primo mobili metiri non possumus. Ergo nec è tempore. At dicit, aliquando cœpisse. Respondeo: quod hoc intelligendum quoad nostrum concipiendi modum, nos enim metimur æternitatem & æviternitatem è coexistentia, antecedentia, & consequentia ipsius temporis, quoniam non nisi ad tempus vel concipere, vel mensurare æternitatem

tem possumus: quomodo & 2. Psal. dicitur: hodie genui te, ubi tempus definitum propter conceptum nostrum pro æternitate ponitur. Itaque ex his non videtur dicendum, quod Lactantius metiatur esse Dei à se secundum tempus: ita ut in tempore à se factus dicatur. Modus ergo Dei esse à se, est excludere omne principium tam effectivum, quam etiam durationis.

Esse vero ab alio duplici modo potest intelligi: vel formaliter, & ita nullum est Ens ab alio, sed quodque seipso per suam formam est in hac specie: vel effective, & ita creata omnia sunt ab alio. Hoc vero modo omnia ab alio intelliguntur: vel quoad speciem, vel quoad numerum. Quoad speciem omnia immediate sunt à Deo: dependent enim species a Deo per creationem: quoad numerum vero immaterialia pendent etiam immediate a Deo. Verum materialia mediate, mediante scil. generatione, hæc enim ad momentum terminatur. Ac hoc modo intelligendum, quod Ens vel sit a se, vel ab alio.

### C A P V T. XIII.

#### *De Necessario & Contingenti.*

I.

**E**Ns est vel Necessarium, vel contingens.

2. Necessarium est, quod aliter esse non potest.

3. Ejusmodi est, quod actum purum habet, exclusa omni potentia ad essendum. Ita solus Deus est necessarium Ens.

4. Necessarium vero est vel simpliciter, vel secundum quid.

5. Ne-

5. *Necessarium simpliciter est, cui repugnat vel non esse, vel aliter esse. Ita vero est quod per omnia sibi omnino sufficit, & quod secum omni ratione convenit, ut Deus.*

6. *Necessarium secundum quid est, vel sufficientiæ, vel deficientiæ, vel disconvenientiæ Bonavent. in 1. d. 6. 1. n. 5.*

7. *Necessitas sufficientiæ est, quando aliquid ex omnibus causis ad effectum concurrentibus productionem habet necessariam: hæc est necessitas causæ Physicæ.*

8. *Necessitas ratione deficientiæ: est vel indigentæ, vel inevitabilitatis.*

9. *Necessitas ratione indigentæ est, quando aliquid ad sui conservationem quibusdam indiget, quibus deficientibus deficit & ipsum, ita cibis & potus necessarius est.*

10. *Necessitas inevitabilitatis est, necessaria quadam consequentia ex defectu ortum habens, ut mors.*

11. *Necessitas disconvenientiæ: aut est violentiæ, aut coactionis.*

12. *Necessitas violentiæ, quando aliquid contra naturam agitur: necessitas coactionis, quando aliquid fit contra voluntatem.*

13. *Contingens est, quod deficit à necessario itaque aliter esse potest.*

14. *Contingens est vel absolute, vel mixtum.*

15. *Absolute contingens est, quod est indifferens ad esse & non esse, ut homini ambulare.*

16. *Mixtum contingens est, quod de necessario & absolute contingenti participat: cuiusmodi est, quod fit ut plurimum.*

17. *Et hinc Contingentium etiam quædam potest esse scientia.*



## COMMENTARIUS.

**M**agnus usus hujus doctrinæ, tam in Philosophicis, quam in Theologicis est, ideoque & hi termini accurate explicandi sunt. Est vero necessarium juxta Arist. 1. Post. cont. 194. quod non contingit aliter se habere, & explicatur ejus doctrina accurate secundum varium necessitatis modum Aristot. in 5. Metaphys. cont. 6. Solet autem fere tribus modis dividi necessitas: non modo pro diversitate causarum, ut alia sit necessitas secundum causam efficientem, alia materialis, alia formalis, alia vero finalis, ut videre est apud Bonavent. 3. Sent. Secundo modo potest explicari juxta diversa principia, a quibus necessitas dependet, qua ratione idem Bonavent. in 1. Senten. dist. 6. quæst. 1. nu. 5. metitur eam è principio disconvenientiæ, deficientiæ, & convenientiæ seu sufficientiæ. Tertio modo solet etiam explicari juxta modos absoluti & conditionalis.

Atque ad primum explicandi modum qui secundum causas est, quantum attinet, sciendum est, quod hic ipse modus non sit generalis, sed tantum dicat eam necessitatem, quæ est a priori aliquo eam necessario constituyente. Namque a causa efficiente & fine tanta nobis oritur necessitas, ut ea sufficiat ad demonstrationem conficiendam: è materia vero & forma, ut definitionis fines ea ipsa necessitate terminemus, a quo duplici instrumento, demonstratione & definitione, omnis omnino sciendi modus dependet.

Ad secundum necessitatis modum, petitur pro diversitate principii, sciendum, quod eam necessitatem è principio disconvenientiæ metiamur,

iamur, quæ contra naturæ & intentionis propensionem oritur, quomodo è movente contra voluntatem metimur coactionem. Deficientiæ vero necessitas etiam duplex est: aut enim indigentia, aut inevitabilitatis. Illa est, juxta quam res aliqua nata est compleri, quomodo cibus & potus sustentandæ hominum vitæ necessarius est, eo quod sine eo deficit, quia eo ipso nata est compleri natura. Inevitabilitatis vero necessitas ea est, quæ oritur ratione defectus incurrentis, quo sine res sustentari non potest, quomodo mors dicit necessitatem inevitabilitatis, quoniam defectus ille, peccatum scil. mortem in nobis gignit.

Ratio vero necessitatis sufficientiæ est, vel ex principio sufficiente in disponendo, aut in complendo. Illa est necessitas materiæ dispositæ, hæc vero immutabilitatis. Atque hæc immutabilitatis ratio in Deum etiam cadit, & quidem primario, juxta quod dicimus Deum esse, & esse necessario cum Scalig. 11. de caus. ling. Lat. cap. 116. seu in divinis esse necessitatem simpliciter dictam cum Zab. 1. Post. cont. 181. Et eo modo etiam solent querere doctores Scholastici, ut est videre apud subtil. Joh. Duns & Fran. Maijronis in 1. sent. d. 6. An pater necessario filium producat.

Juxta tertium modum dicimus, aliquid esse absolute necessarium, possumus accipere dupliciter: uno modo, ut tantum independens dicamus esse absolute necessarium, quomodo solus Deus dicitur habere absolutam necessitatem, eo quod simpliciter & absolute se non potest aliter habere. Aliquando vero possumus accipere absolute necessarium, prout ex hypothesi, hoc dicimus tantum esse necessarium, quod non

non ponit de se causam, sed tantum causam præstituit. Et hoc modo necessitas absoluta, non tantum independens est, sed & dependens quatenus in reipsa connexionem causarum ponit. Ex hypothesi verò quatenus non ponit causam esse in actu, sed tantum dicit, si esset causa, consecuturum affectum. Priori modo strictius usurpatur vocabulum absolutæ necessitatis, ut tantum in divinis eam ipsam dicamus: quomodo dicimus Deum esse, & Deum esse bonum, infinitum, &c. necessario ita esse. Ac ita ex hypothesi necessarium esse dicitur, quod non simpliciter, sed ex alterius, aut multarum rerum positione, non potest aliter se habere: Et hoc modo necessarium ex hypothesi dicimus dupliciter: vel ex ratione divinæ præscientiæ, vel pro ratione servati ordinis naturalis. Illo modo quatenus Deus ita futurum præscivit, necessario ita sequitur esse. Notandum verò, quod præscientiam eo loco non intelligamus puram tantum notitiam: eo enim modo verum est, non res futuras, quia Deus scivit, sed Deum scire, quia res ita futuræ sunt: sed per præscientiam intelligitur notitia cum adjuncta dispositione: quando enim Deus res disponit, præscire eas dicitur, & hoc modo dicuntur res ex necessitate dependere divina præscientia, quatenus Deus eas ita disponit, ut ita sint. Pro ratione vero servati ordinis naturalis rem dicimus ex hypothesi necessariam, quatenus ordine naturæ stante & non impedito semper effectus hinc consequitur necessario, pro coordinatione earum rerum, quæ ad hunc effectum producendum sunt necessariae.

Ac hæc varia necessitatis ratio potest considerari dupliciter; vel ut est in rebus, vel ut venit

sub propositionem. Illo modo dicitur necessitas incomplexa, hoc modo complexa. Ac incomplexa illa dicitur, prout est in ipsa rei natura, non interveniente conceptu intellectus: complexa vero quatenus intellectus fertur super res, considerans connexionem causæ cum effectu suo. Ac complexa hæc duplex est: altera materiæ seu prædicationis, altera formæ seu illationis. Illa necessitas consequentis, hæc necessitas consequentiæ communi nomine dici solet. Necessitas pro ratione materiæ tantum est inter extrema necessario inter se per causam in rei natura copulata: necessitas vero formæ in materia etiam contingenti esse potest, quatenus hæc conclusio formæ ex his præmissis necessario colligitur. De qua necessitate formæ videri potest Arist. in Prior. Analyt. Summa: Quædam necessitas est immutabilitatis, quædam necessitas est existentiz, quædam est inevitabilitatis, quædam indigentiz, quædam violentiz, quædam coactionis, quædam prædicationis, quædam illationis.

Docetur etiam apud Averroem. 2. Colliget cap. 8. alia quædam necessitatis distinctio. Res, inquit, quæ est necessaria per aliam, est duobus modis: Vnus est, ut sit essentia prima necessaria essentiz ultimæ, sicut fuit intentio consimilium necessaria propter intentionem essentiz officialium. Hoc est: prior necessitatis modus est, ut essentia prioris concurrat vel ad esse, vel ad operationem posterioris, ita ut posterior nec esse nec operari possit sine priori. Quomodo sanguis, (is enim è consimilibus seu homogeneis est) concurrat ad officialia seu heterogenea membra: heterogenea enim membra & augentur & operantur,



perantur, vi, auxilio & beneficio sanguinis. Alius est, ut non sit ex necessitate: sed est, quia meliora sunt duo quam unum, & significat nobilitatem in agente & patiente. Sic oculus datus est ob necessitatem videndi: duo vero dati sunt, non necessario ut videas, sed ob melius, melius enim est duos habere oculos, quam unum. Quem posteriorem modum etiam notavit Antonius Scaynus, interpretes Arist. doctissimus, in doctrina predicabilium. Quando enim quaeritur an doctrina predicabilium necessaria sit ad Organum Arist. docet eam non esse necessariam necessitate absoluta, sed necessitate commoditatis: seu ut sunt verba Averrois in fine commenti super predicabilia p. 19. eam non esse necessarium necessitate introductionis vel rememorationis: quia necesse est scire eum vocabula predicabilium, quid significant, qui in organo vult commode versari. Cujus responsionis fundamentum apud Porphyrium est in praefatione predicabilium: docet enim necessariam hanc doctrinam, ita ut sit utilis. Necessitatem innuit his verbis: Quum sit necessarium Chrysaori. Quod sit necessitas secundum utilitatem seu commoditatem, innuit his: & ad definitionum assignationem, & omnino ad ea quae in divisione vel demonstratione sunt *Utilia*. Et paulo post velut introductionis modo. Vide textum Porphyrii, & luculentius ea, quae diximus, patebunt.

Huc reduci possunt modi ii quibus docetur aliquid facere ad aliud: nam & ea solemus dicere necessaria, quae ad aliquid conferunt.

Aliud vero facit ad aliud dupliciter: vel essentialiter, vel dispositive & instrumentaliter.

Instrumentum duplex: necessitatis & commoditatis.

In-

Instrumentum commoditatis confert, vel dispositione posita, vel privativa.

Hac declarabimus latius. Dicimus: Aliquid facere ad aliud potest intelligi dupliciter: uno modo essentialiter, sicut id quod est essentia rei, vel pars essentiae, sicut definitio vel partes definitionis. Alio modo dispositivè seu instrumentaliter, sicut id quod disponit ad hoc, ut sequatur aliquis effectus, & hoc sive ex parte agentis; sive ex parte passivi dicitur facere seu operari ad illud instrumentaliter. Ita qualitates introductae in materiam conferunt seu faciunt ad introducendam formam, ex parte agentis qua iis mediantibus agens producit formam. Ex parte passivi, quia forma non recipitur in quacunque materia, sed in materia sibi determinata. Non enim potest introduci anima rationalis in corpus Leonis, sed in corpus dispositum dispositione humana. Instrumentum vero & ipsum duplex: Necessitatis, & commoditatis. Necessitatis, sine quo effectus sequi non potest: ita architectus non potest producere domum, si defuerit securis. Quo argumento impius Epicurus negat Deum conditorem mundi, à negatis instrumentis necessariis. Commoditatis instrumentum illud dicitur, sine quo effectus sequi potest, sed non ita prompte & expedite. Ita quaedam machinae bellicae & stratagemata sunt instrumenta commoditatis, ad facilius debellandum hostem. Hoc vero iterum dupliciter operatur; vel secundum dispositionem positivam, quomodo agrum bene colens positive bene disponit ad fruges enascentas. Vel secundum dispositionem privativam, ita qui removet impedimenta, ut qui Zizania tollit, vel qui tollit impedientia motum lapidis. De qua dispositione privativa

& positiva etiam poterit videri Zimara in quæ. de primo cognito. Vide Antonin. 4. par. sum. maj. tit. 12. cap. 4. sect. 12.

Possibile etiam non uno modo dicitur, ut est apud Thom. 9. Meta. lect. 4. uno enim modo sumitur possibile improprie, ut est commune ad Necessarium & ad contingens: alio vero modo ut dividitur contra Necessè. Juxta quod notandum, quod apud Bonavent. est in 1. dist. 42. q. 4. nu. 32. Possibile uno modo esse ad esse, alio modo possibile esse substantiæ agere, tertio modo possibile esse ad fieri. Possibile ad esse non dividitur contra necessè, quoniam n. res ita est, & potest esse: ita n. bene dicere possumus, Deum esse est possibile: ita n. dividit contra impossibile. Possibile vero substantiæ ad agere est potentia activa, & hoc modo nihil aliud denotat, quam hoc ipsum, quod est posse etiam agere, ac ita nec hoc modo possibile à necessario contradistinguitur, quoniam & hoc, quod necessario est, & hoc quod contingenter est, potest agere, & quædam substantia habet potentiam ad agendum necessario, quædam vero contingenter. Possibile vero ad fieri denotat potentiam passivam. Ita ergo si concurrit divisio Entis in Necessarium & Possibile, cum ea quæ est à se & ab alio, solum Ens increatum necessarium est; possibilia reliqua omnia, quoniam omnia fuere in potentia objectiva Dei. Communiter autem possibile idem est quod contingens, seu quod aliter sese potest habere. Et ita duobus modis solet accipi: aut enim ita dicitur, quod sese habet ut plurimum, ut sunt ea, quæ fiunt à natura: ea enim tantum dicuntur contingencia, quatenus possunt recipere aliquod impedimentum; quomodo habere quinque digitos est contin-  
gens

gens ut plurimum, nisi enim quid impediat, ira est. Alio vero modo contingens dicitur, ut indefinitum & incertum: idque dupliciter, aut raro, aut æqualiter. Raro ea dicuntur, quæcunque per accidens fiunt ratione causæ, ut sunt fortuita & casualia: ut hominem invenire thesaurum. Alias enim Rarum quod est, quoniam causa à qua dependet raro fit, contingens non dicimus, quomodo Eclypsis, fit ratione causæ raro, quoniam raro causa ponitur ipsius Eclypseos, quandocunque vero ponitur causa, effectus etiam necessario ponitur non contingenter. Æqualiter vero fieri illud dicimus, quod à libero voluntatis arbitrio dependet, quomodo ambulare contingens est, quoniam liberum est ad utrumque, Quæ de re vide Aristotelem 1. Prior, capite 13. Ac hæc contingentia incomplexa est, quatenus in ipsius rebus est; complexa vero, quando consideramus eam in ordine ad prædicationem, quatenus scilicet in ea nulla est subiecti cum prædicato essentialis connexio.

Clarius aliquanto hanc doctrinam aliquando ita proposuimus. Quoniam non universi tantum, sed & ad singularum penè rerum inter se conjunctionem & connexionem, causarumque etiam veritatem cognoscendam necessitatis & contingentiz leges scire plurimum expedit: non inutilem operam navare videbimur, si in hanc disputationem ingrediamur, ut necessitatis & contingentiz gradus evolvamus. Ita enim plurimas difficultate, evitare poterimus, quas resolvere aliis satis arduum visum fuit. Primus gradus necessitatis est is, secundum quem res dicuntur necessariæ necessitate absoluta seu simpliciter, ita ut ejus oppositum sit  
sim-

simpliciter impossibile. Ejusmodi necessitas cadit in Deum ejusque attributa, quæ ita Deo conveniunt, ut ea abesse sit impossibile. Ita Deus est, & Deus est infinitus, simpliciter est necessarium. Dicere enim Deum finitum, est dicere non esse Deum. Et hic gradus necessitatis oritur ex independentia: quoniam enim Deus à se ipso est, & nullius alterius entis arbitrio subjacet, quæcunque Deo tribuuntur, aliter ut sint fieri nequit.

Hic quaeritur, an cum hac Dei necessitate possit stare vel libertas vel contingentia? Respondit Bonavent. in 1. sententiarum distinctione 6. quæst. 1. num. 5. quod ea necessitas, quæ est in Deo non repugnat libertati voluntatis, sed solum vertibilitatis, qualis non est in Deo. Ita Const. Sarnani: in direct. theol. disputat è Scoto in 1. d. 10. quod quidem necessario producat Spiritus sanctus, quia produci- tur, productione divina ad intra; & tamen producat libere, non quidem libertate contingentia, quod Spiritus sanctus possit esse, & non esse, id enim falsum: sed libertate complacentia, ratione ejus amoris, secundum quem produci- tur, excluso omni modo coactionis.

Hæc etiam necessitas simul consistit cum libertate agendi ad extra; tametsi enim esse Dei sit esse necessarium, modus tamen operandi Dei ad extra est liberrimus, ita ut creaturas potuerit producere, & non producere, opus etiam creationis suspendere, quando & quousque ipsi placuerit creare. Et præterea in hoc universo regendo, administrando & gubernando liberrimus, ut omnia ad ipsius nutum & libitum fiant & regantur.

Et hinc eorum improbamus sententiam, qui  
exi.

existimarunt, Deum omnia agere ex necessitate naturæ; ideoque nullam inferioribus esse posse contingentiam; quam sententiam Arist. tribuit Scotus, ut videre est apud Perer, *Phys.* lib. 9. de fortuna & contingentia, cap. 1.

Secundus gradus necessitatis eorum est, quæ dicuntur necessaria necessitate definitionis & demonstrationis, ita ut si concipiatur ejus oppositum, fiat implicatio contradictionis.

Ac de definitione quidem res expedita est; quum enim definitionis ad definitum suum is sit ordo qui est inter ens & essentiam; ut essentia sublata, ens ipsum tolli necesse est, ita & definitione sublata fieri nequit, ut definitum maneat reliquum. Tolle animal rationale, & hominem ipsum è medio sustulisti.

Sub hoc vero gradu necessitatis non tantum integra definitio comprehenditur, sed & quæcunque definitionis pars: ut enim essentia ipsa abesse nequit, ita & quicumque essentialis conceptus si removeatur, esse ipsum removeri necesse est. Albedo dari non potest, si genus albedinis removeatur, color videlicet, & si esse rationale ab homine absit, non jam hominem dixeris, sed vel lapidem, vel arborem, vel rem quamcunque aliam ab homine diversam.

De necessitate demonstrationis dubitare quidam videntur: qui enim asserunt posse subiectum manere saluum, proprietatibus vel sublati, vel etiam stantibus proprietatibus subiecti oppositis ii eadem opera negant demonstrativam necessitatem sine contradictione solvi posse. Nota est disputatio eorum, qui proprietates tolli posse putarunt subiecto salvo manente; qui vero dicunt, unum idemque corpus sine contradictione diversis in locis manere posse, annon corpori

corpori tribunt proprietatem oppositam naturali corporis proprietati?

Illis oponamus clarissimam Averrois sententiam, 8. Meta. text. 5. Cum ignis aufertur per ablationem caloris, non aufertur primo neque per se, sed mediante ablatione formæ ignis. Sic quando aufertur risibilitas, aufertur homo non primo, sed mediante ablatione rationabilitatis. Quid hoc aliud; quam dicere, remota proprietate à subjecto implicari contradictionem; qui enim negat proprium subjecti, consequenter negat formam subjecti, à quo proximè fluit hoc proprium; qui vero formam negaverit, essentia destructionem eadem operâ inferat necesse est.

Posteriorum vero errori sese opponit. Scal. ex. 5. sect. 5. principio, inquit, proprio, primo, per se atque immediato prohibetur corpus esse in pluribus ubi. Est autem principium hoc: continuitas est affectus consequens immediatè unitatem; contradictiones enim sunt; unum est duo. Continuum non est continuum, corporis igitur termini, si esset in duobus Ubi, non essent continui. Audis contradicere unum corpus esse potest in pluribus locis. Et ne Scoti subtilitas tibi quicquam imponat; ejus argumentum, quod proposuit in 4. sent. d. 10. quo in loco ex professo disputat, non contradicere unum corpus esse in pluribus locis, ponit & solvit. Possunt, inquit Scot. plures respectus fundari super uno; sic ut super una albedine plures similitudines. Nihil ergo repugnat, plura ubi od idem corpus reserri. Comparationem negat legitimè procedere; esse enim aliud, multas similitudines agnoscere in eadem albedine; aliud unum corpus dare pluribus locis

cis. Idem corpus esse potest infra & supra : hunc ad modum eidem plura tribuuntur. Sin dicas, corpus & hic est, & ibi idem : non jam idem corpus manet, ipsum enim in diversa corpora distrahit, non vero plura loca ad ipsum unum contrahit. Secus ac si dicam relatione unius corporis ad plura loca, dicendo, hanc urbem ab hac vel illa distare 50. aut 100. miliaribus.

Sunt hujus farinae & ii, qui propria communicabilia esse asserunt, rei quæ non est unius naturæ & essentia, cum eo quod propria communicare dicitur : secus enim non negabimus, genus proprietates suas communicare suis speciebus, cum quibus est idem. At vero propria communicare, ei quod est naturæ & essentia diversæ, id jam necessitatem demonstrationis violat. Est enim è lege demonstrationis proprium adæquatum suo subjecto, demonstrabile : alii igitur convenire nequit. Idem enim eidem & adæquatum esse, & alii simul inesse, dicit esse adæquatum & non adæquatum.

Tertius gradus eorum est, quæ sunt necessaria necessitate Physica : ea vero nihil est aliud, quam ordo is, secundum quem mediantibus causis secundis Deus hæc inferiora regit & gubernat. Hac necessitatis lege ignis calefacit, quod grave est descendit, naturaliter homo cibo & potu sustentatur. Sol movetur. Et secundum hunc ordinem in Physicis pronunciamus, iisdem causis positis, hoc vel illud eodem modo fieri. Verum hæc necessitas tanta non est, quin possit absoluta & extraordinaria Dei potentia immutari : quia enim creaturas condidit, iisque cursum suum dedit, ita con-



didit, ut ejus tamen arbitrio subessent. Hoc modo ignis fervorem Deus inhibuit in fornace Babylonica, quo minus tres viros combuferet, Dan. 5. Ferrum narrat 4. Reg. 6. Elias per quadraginta dies & noctes sustinet jejunium, 3. Reg. 19. Solis cursus inhibetur. Jos. 10. Eaque de causa Stoicorum fatum excludimus, qui ordinem & seriem causarum secundarum tanta necessitate colligatam esse existimabant, ut nulla vi ab hoc cursu dimoveri posse crederent, eademque serie hominum etiam voluntates cogi assererent: & hanc fatalem necessitatem ita causis secundis tribuebant ut à Deo dependere negarent. Indeque tantum definit Chrysippus apud Gel. lib. 6. cap. 2. quod sit naturalis quidam ordo, seu coordinatio omnium rerum ab æterno aliis ad alias consequentibus, & incommutabili manente hujusmodi complicatione. Vide Zanch. de nat. Dei lib. 5. cap. 1. & Fran. Suarez & disput. Metaph. 19. sect. 11.

Cum hoc gradu necessitatis & ii pugnant, qui operationes naturales cum proprietatibus confundunt, tertium scilicet priorum modum cum propriis quarti modi concludentes, deicendum à ferro, urere ab igni tolli posse: proprietates ergo tolli posse. Imperitè: proprietates n. ad secundum necessitatis gradum, operationes ad tertium gradum pertinent, quæ operationes inhiberi possunt:

Quartus gradus necessitatis est, necessitas consequentis: in quo disponuntur ea, quæ secundum suam naturam quidem sunt mutabilia, ob certam tamen quandam conditionem & hypothesein aliter esse, & habere sese non possunt. Ad hunc gradum pertinent: 1. quæ sunt necessaria ratione decreti divini; tamen si enim decre-

rum

tum Dei sit liberum, ut Deus hoc vel illo modo  
 decernere possit, tamen quæ Deus semel decre-  
 vit ea aliter fieri non possunt, ratione immuta-  
 bilitatis divinæ voluntatis. In quem modum  
 necessarium est mortuos resurgere, quia Deus  
 ita decrevit. 2. Huc pertinent, quæ sunt necessa-  
 ria ratione infallibilitatis divinæ providentiæ.  
 In quem modum quæ contingenter fiunt ratio-  
 ne causarum secundarum proximarum, ea ta-  
 men secundum quid sunt necessaria, si divinam  
 providentiam respiciamus. Inde rectè Zanchi-  
 us de natura Dei lib. 5. c. 1. q. 4. p. 2. dixit: quan-  
 quam respectu causæ primæ, omnia certo pro-  
 spicientis & immutabiliter ordinantis, omnia  
 immutabili necessitate eveniunt: respectu ta-  
 men causarum secundarum non coactè, sed ju-  
 xta suas naturas operantium, alia eveniunt ne-  
 cessario, alia vero contingenter. 4. Huc refe-  
 runtur quæ sunt necessaria ratione existentia:  
 ea enim tametsi sua natura sunt mutabilia,  
 quando tamen vel sunt, vel facta sunt, aliter es-  
 se nequeunt. Nota enim est communis regula:  
 omne quod est, eo ipso quo est, esse est necessa-  
 rium. Ita è conditione terminorum contingens  
 est: Aneam vincere Turnum, cum tamen quem  
 vicit, non vicisse contradictionis sit.

Quintus gradus est necessitas coactionis,  
 quando scilicet præter & contra naturam, in-  
 tentionem & voluntatem aliquid ab extrinseco  
 quodam movetur. Quomodo Aristoteles vio-  
 lentum illud esse definivit. 3. Eth. cap. 1. cuius  
 principium extrinsecus est, nihilque confert il-  
 le, qui cogitur: quemadmodum si ventus aliquò,  
 aut homines, qui potestatem habent, nos detru-  
 serint. Hunc modum violentæ necessitatis o-  
 ptimetradidit Fr. Suarez in indice ad Arist.

*Meta. lib. 5. c. 5:* dupliciter, inquit, potest esse aliquid necessarium ex causa efficiente: Uno modo ex sola illa: alio modo non ex sola illa, sed simul ex parte passi seu recipientis. Quod hoc posteriori modo est necessarium, non est violentum, ut si lapis ab agente moveatur deorsum. Priori vero modo, si passum non repugnet effectui seu motioni, nec ea necessitas proprie est violentia, ut patet in motu ignis in orbem: verum ea necessitas proprie est violentia, quæ sit passo repugnante, ut quæ lapis sursum projicitur.

Septimus gradus necessitatis est valde levis, secundum quem idem est, necesse esse, quod melius esse. Quem modum necessitatis docuit *Averr. 9. Colliget c. 8.* rem necessariam aliquam dici duobus modis: Vnus est, ut sit essentia primæ necessaria essentia ultimæ, sicut intentio essentia partium consimilium est necessaria per intentionem essentia officialium. Alius est, ut non sit ex necessitate, sed quia meliora sunt duo, quàm unum, & significat nobilitatem in agente & pariente: sicut oculus, qui non est inventus nisi propter necessitatem videndi, sed natura ob melius dedit duos oculos. Secundum hunc modum disputavit *Anton. Scaynus* in doctrina. de prædicabilibus, quod prædicabilia sint necessaria ad perfectionem organi, non absolute, sed ob melius, hoc est, facilioris doctrinæ gratia.

Exposuimus gradus Necessitatis: breviter & contingentia gradus attingamus. Dico autem contingere & contingens, quo non existente necessario, posito autem inesse, nihil erit propter hoc impossibile, ex *Arist. 1. prior. cap. 13.* secundum aliam edit: cap. 14.

Primus vero contingentia gradus est ratio-

ne indeterminatiōis, quod est indifferens  
 ad utrumque oppositorum: quando animal  
 ambulare vel non ambulare, contingens esse  
 dicimus. Alter modus contingentiae est e-  
 orum, quae casu fiunt, ut hominem fodien-  
 tem invenire thesaurum. Et hic posterior mo-  
 dus à priori differt in eo, quod ille ex electi-  
 one vel arbitrio potius proficisci videtur: hic  
 vero fortuitus magis est, præter hominis in-  
 tentionem contingens. Utrique vero horum  
 modorum commune est, non ingredi in scien-  
 tiam: quoniam enim in scientiis requiritur  
 certitudo, & perpetuitas veritatis: prioris qui-  
 dem modi ratione determinatiōis & indiffe-  
 rentiae certitudo esse nulla potest: Posterior  
 vero modus in scientia non attenditur, quia  
 raro contingit. Dicis: Raritatem effectus non  
 excludere videri certitudinem scientiae, quum  
 & Eclipses raro contingant, quarum tamen  
 scientia vel maximè est. Hic respondendum,  
 quod eorum, quae raro fiunt, sint duo genera:  
 alia enim fiunt raro, quoad tempus solum, non  
 quoad causam; alia vero raro fiunt, quoad  
 causam. Prius genus in scientiis non exclu-  
 ditur, eo quod causam suam perpetuo conse-  
 quitur, ita ut ea posita effectus de necessitate  
 consequatur. Et sic in Eclipsi comparatum, ta-  
 met si enim non omni tempore fiant, quando-  
 cunque tamen fit diametralis oppositio Solis  
 & Lunæ, ut terra sese mediā interponat,  
 eclipsis illico generatur. Quae vero raro fiunt  
 quoad causam ita ut causa, quam aliquando  
 sequuntur, posita, non sequuntur & ipsa eorum  
 quia determinata veritas nulla est, in scien-  
 tiam ingredi non possunt. Tertium genus  
 contingentiae est, quae plerumque quidem fi-

unt, à necessario vero deficiunt, ut hominem canescere, augeri, minui. Hoc genus contingentia negat Aristot. 1. prior. cap. 13. à scientiis & disciplinis excludi: disciplina, inquit, & syllogismus demonstrativus ex infinitis quidem non est, eo quod inordinatum est medium: ex iis vero quæ nata sunt esse, penè orationes & considerationes fiunt de his contingentibus. Ita hominem generare hominem Physicus docet, & simile generare simile, ita enim fit ut plurimum: quandoque vero monstrum gignere contingit, quia naturalis causa vel deficit in agendo vel alio quadam ratione impeditur. Dicitur & alio modo contingens, sed impropriè ut non opponatur necessario & sic idem est, quod possibile: quod enim non est impossibile, sed possibile, id contingere dicimus.

De causa contingentia disputant, quænam sit? Distinguimus contingens: est enim aliud naturale, aliud voluntarium: quæ quomodo differant, vide Perer. lib. 9. Phys. de fortuna & contingentia, cap. 14. utrumque quidem indifferens est ad esse, si spectes causam remotam libertatem divinæ voluntatis, quæ ea non determinavit ad esse uno modo simplici. Sin proximas causas consideres, naturale quidem contingens esse videtur, vel ratione materiæ, quæ quia est in potentia ad plures dispositiones, pluresque formas non necessario esse uniusmodi in eam introducit; vel ratione agentis deficientis in operando, ob impedimenta quædam, quæ ipsi in agendo accidunt. Sin contingens sit voluntarium accidit ratione libertatis arbitrii, secundum quam quia voluntas potest opposito modo agere, non est determinata

minata ad res eodem modo producendas, sed vel pro placti, vel circumstantiarum conditione aliter atque aliter agit. Vide Fran. Suarez. disput. Metaphys. 19. s. 10. & Perer. de fortuna & contingentia lib. 9. Phys. c. 15.

Et hæc de necessitate & contingentia breviter in præsentī dicere volumus.

C A P V T. XIV.

De Infinito & Finito, item  
Illocali & locali.

I.

**E**Ns est vel Infinitum vel Finitum.

2. Infinitum illud dicimus, quod non habet limites & terminos, quibus circumscribatur.

3. Infinitum dicitur, vel secundum rationem formæ, vel secundum rationem materiæ, ut docet Thom. 3. p. q. 10. ad 3. Ferr. 1. Phys. quæst. 6. Lambert. de mon. Dom. 1. Phys. ad text. 41.

4. Infinitum secundum rationem formæ illud dicitur, quod est purum purissimum, infinitum simpliciter, absolutum ab omni potentia materiæ qua circumscribitur.

5. Alias dicitur infinitum. negative : eo quod simpliciter nec habet, nec habere ullum finem potest, cuiusmodi est Deus, ut docet Zanch. de nat. Dei lib. 2. cap. 6. quæst. 1. pag. 90, 91.

6. Hoc Scoto dicitur quod. 5. Infinitum in entitate in actu : & est ens, quod non potest ab aliquo in entitate excedi, & ipsum vere habet rationem Totius & perfecti. Vide ipsum accuratissime ea de re differentem. Mentionem etiam huius facit Aquarius ad Ferr. 1.

Phys. quæst. 6. in addit. Nos hoc dicemus infinitum actu.

7. Infinitum secundum rationem materiae (alii vocant infinitum privative) est, quod natum est finire & nondum habet finem. Seu: quod quidem finem non habet, sed potuit tamen, aut etiamnum potest habere. Durand. in 1. d. 43. q. 1. ad 1.

8. Hoc dicitur vel Categorematicè, ut loquuntur, vel Syncategorematicè. Gabr. Biel. in 2. d. 1. q. 3. & Lambert. 2. Phys. t. 50. illud respondere videtur infinito in quantitate (sive extensiva, sive interinsiva) actu, hoc infinito in potentia apud Scotum quodl. 5.

9. Infinitum Categorematicè, est infinitum secundum rationem in termini actu non circumscriptum, ut quantitas extensa sine termino. In hunc modum 3. Phys. c. 4. 5. & 6. de infinito disputat. Aristot. negans dari aliquod infinitum actu in rerum natura.

10. Infinitum Syncategorematicè est, quod non cognoscitur per modum infiniti, sed per modum successionis, ablationis, vel additionis: & ita æquivalet huic orationi: in continuo, non tantum, quin majus vel minus, in discretis, non tantum quin plus. Et in hunc modum disput. Arist. 3. Phys. t. c. 56, 57. & seqq. infinitum aliquod Posse denotari, secundum appositionem & divisionem. Vide pluribus de infinito Cajet. de ent. & ess. quæst. 12. art. 5. & Piccolom. de com. effect. c. 1.

11. Consequens infiniti & finiti est Illocalet locale.

12. Illocalet dicimus Ens sine ordine ad ubi.

13. Illocalet dicitur: vel simpliciter vel secundum quid.

14. Illo-

14. Illocale simpliciter illud dicimus, cui denegatur omnis locus, eò quòd ob infinitatem, repugnat ordinari ad ubi: cuiusmodi est Deus, cujus esse repugnat esse in ubi, seu loco. Impropiè tamen dicitur esse in loco Repletivè: seu ut alij loquuntur, præsentialiter: de quo dicit Mag. Sent. in 1. dis. 37. lit. N. Spiritus increatus, qui Deus est, in loco quidem est, & in omni loco, sed omninò illocalis & incircumscripibilis.

15. Illocale secundùm quid illud dicitur, quòd loco non est circumscripibile, eò quòd in loco distantiam non facit: eo modo illocales dicimus Angelos. Hinc Angelum non dicimus esse in loco circumscriptive, vel definitive. Hinc dixit Lombard, l. citat. Spiritus creatus quodammodo est localis, & quodammodo non est localis. Localis dicitur, quòd definitione loci terminatur, quoniam cum alicubi præsens sit totus, alibi non invenitur. Non autem ita localis est, ut dimensionem faciat.

16. Greg. verò Magn. moral. lib. 2. cap. 3. quando dicit: Angelorum spiritus esse loco circumscriptos, comparative loqui videtur, in comparatione scil. Dei, qui nullis sui terminis circumscribitur. Quemadmodum & paulò post comparative loquitur, quando dicit: Spiritus eos comparatione quidem corporum nostrorum esse spiritus: sed comparatione summi & incircumscripti spiritus esse corpora. Et Damasc. lib. 2. de Orthod. fide, quem citat etiam Vincensius spec. natu. lib. 5. cap. 80. circumscriptionis vocabulo late utitur, quando dicit, Angelos omnes esse circumscripibiles. Utitur enim circumscriptionis vocabulo, prout æquivalet huic: quum sunt in celo, non sunt in terra. Unde paulò post subicit: non circumterminari à parietibus, & a-  
n- & claustris. Nos vero negando Angelos esse



circumscriptivè in loco, intelligimus in loco eos non facere distantiam quandam partium.

17. Locale illud dicimus, quod est cum ordine ad Vbi.

18. Locale esse accipitur, vel late, vel stricte.

19. Late accipiendo omne illud dicimus, quod est finitum. Quo sensu laudamus verba Scaliger ex 359. §. 5. Intelligentia, si sunt entia finita, ut sunt in aliquo ubi necesse est: est enim Vbi circumstantia necessaria omnibus entibus præter Deum.

20. Locale stricte acceptum, est corpus ordinatum ad ubi, ita ut in loco faciat distantiam partium.

21. Locale denominatur, vel ratione potentie, vel ratione actûs. Hoc docuit Scotus quodlib. 11. corporeitas, inquit, est ratio fundamentalis respectu hujus etiam, quod est esse locabile, & respectu hujus etiam, quod est locari.

22. Locale ratione potentie dicimus, quatenus esse locabile immediate sequitur rationem corporeitatis, ut affectus proprius suum proprium et adæquatum subjectum, unde Scotus dicit, hanc corpus esse locabile, esse per se secundo modo.

23. Locale ratione actûs est comparatio corporis ad locum in quo actu est.

24. Esse vero in loco intelligitur, vel indeterminate, vel determinate, secundum Avicennam. in sua suffic. tractat. de loco & Thom. opusc. 70. quod est super Boet. de Trin. q. 4. art. 3.

25. Indeterminate esse in loco, est comparatio corporis ad locum, quæ consequitur esse corporeitatis sine aliquo addito.

26. Determinate dicitur esse corpus in loco, quatenus ad hunc potius, quam ad illum locum fertur ratione ejus inclinationis naturæ, secundum quam hunc sibi potius, quam illum consentaneum habet.

habet. Ita Elementa pro ratione gravitatis vel levitatis superiorem vel inferiorem locum eligunt. Tantum de Infinito & Finito: & eorum affectionibus illocali & locali.

## COMMENTARIUS.

**O**mnē Ens aut esse Infinitum aut Finitum à ratione necessaria & immediata disjunctionis est notissimum. Ac Finitum quidem illud dicimus, quod certis limitibus circumscribitur. Certos vero hos limites entis finiti metimur non è quantitate solâ, ut illud circumscribi dicamus tantum, quod certas quasdam dimensiones habet, sed omne illud in genere, quod in eam perfectionem non assurgit, quia extra id ipsum semper aliquid accipi possit. Et hanc finitudinem in essentia quærimus primum, post in essentia affectionibus: hoc est, ut omne quod est alio dependens, cum habeat certam & determinatam entitatis suæ mensuram, cum quolibet aliorum entium in certa quadam proportionē conveniat, eò quod non exhaurit omnem entis perfectionem. Ita ergo finita ea omnia dicimus, quæ sunt ab alio, seu quæ sunt creata, aut ut clariùs dicam, omne Ens aliud à primo Ente, nimirum Deo, finitum est; infinitum unum tantum, Deus sc. hic n. est extra finiri ab alio. Infinitum vero illud dicimus, quod in suo ambitu comprehendere non possumus, juxta Scal. exerc. 6. l. 2. Et si verò propriè, ut dictum, infinitum actu unum tantum, solus Deus: solent tamen admittere etiam Philosophi infinitum in potentia, quod vocant, cui semper potest fieri ablatio, vel divisio, ita ut si continuaretur talis divisio vel ablatio in infinitum, impossibile sit venire ad aliquam finem. Et hoc in-

infinitum in potentia multis modis dicunt : vel enim secundum non entitatem , vel secundum imperfectionem , vel secundum durationem , vel respectu discretionis ; vel respectu virtutis seu perfectionis & vigoris. Ac infinitum quidem secundum non Entitatem , vocamus partem contradictionis infinitantem , hoc est, partem contradictionis negativam , quæ negat ubique , ut sunt verba P. Rami : ea enim dicit infinitum omne aliud secundum indistinctum intellectum , præter hoc ens , quod infinitatur , hoc est, cui particula negativa additur. Quomodo non homo fertur supra omnem terminum , sive positivum , sive privativum , sive fictum , sive negativum , præter eum terminum , qui est homo. Infinitum secundum imperfectionem dicimus , quod est perfectibile ab infinitis terminis : quomodo appetitum materiæ respectu omnium formarum infinitum dicimus , quatenus materiæ universalis potentia non est determinata & coarctata ad certum & finitum formarum numerum , sed capax est omnis actus , qui ad eam perficiendam inducitur , Infinitum secundum durationem dicimus , cujus successionis , seu prioris & posterioris ratio sub numerum venire non potest. Ac hoc quidem in tempore est , quatenus tempori non repugnat à parte post multiplicari in infinitum usque : etsi enim quælibet pars temporis finita sit , tamen temporis in universum accepti est quædam non repugnantia succedere sibi per infinita instantanea ad infinitam multiplicationem. De æternitate verò & ævo ita dicimus , quod illius quidem mensura secundum successionum nulla sit , excludit enim antè , & post , & successionem omnem,

nem, quoad nos tamen æternitas non potest concipi, nisi secundum coexistentiam temporis, ut è tanto temporis tantum æternitatis fluxisse dicamus, & per præcisionem temporis, ab ante & post æternitatem sub conceptum revocemus; quod idem in ævo à nobis fit, nisi quod ævum tantum faciamus infinitum à parte post non verò infinitum à parte ante, determinamus enim ævo terminos principii, & finis terminos excludimus. Infinitum secundum discretionem est, vel in continuo, vel in discreto: in continuo, quatenus continuum divisibile est in semper divisibilia secundum Aristot. 6. Phys. c. 1. In discreto verò, ut in numeris: nullus enim numerus tantus est, quin unitate augeri possit. Infinitum in virtute duplex est: vel simpliciter, vel secundum quid. Simpliciter, quod in se continet omnes gradus, quomodo Deus virtute infinitus dicitur, quatenus nihil è possibilibus est, quod sub ejus virtutem non cadat. Et hæc infinitas virtutis divinæ differt aliquo modo ab infinito in actu, quatenus infinitum in actu propriè essentiam respicit, quæ actu in se tenet omnes perfectiones: infinitas verò virtutis, quatenus consideratur ea essentia non secundum momentum primum, sed secundum momentum secundum, hoc est, quatenus est relativa, respiciens omnia possibilia. Infinitas virtutis secundum quid est vigor ille, qui in iis, quæ magis & minus habere possunt, in infinitum & augeri & intendi potest: quomodo vis caloris juxta Scal. in exer. 10. ex additione quarumcumque partium ignis in infinitum augeri posse videtur. Et tantum de Infinito & Finito.

Infinitum & Finitum sequitur Illocale & Locale. Ut vero sciamus quid Illocale & Locale Entis sit, sciendum primo juxta Bonavent. in 2. distin. 2. art. 2. quæst. 1. quod locus habet triplicem comparationem ad locatum. Comparatur enim 1. in ratione continentis, 2. In ratione mensurantis. 3. In ratione conservantis.

Ac secundum triplicem hanc habitudinem sunt in loco, substantiæ finitæ, corporales, & corruptibiles. Quia enim finitæ, sunt in loco continentis, quia corporales in mensurante, quia corruptibiles in loco conservante. Hinc jam intelligi potest, quid dicamus Illocale vel Locale. Locale enim omne illud dicimus, quod est aliud ab infinito: Quum enim sit finitum, est hic & ibi; quoniam corporale, est mensurabile; quoniam vero corruptibile, est conservabile, quæ omnia ratione localitatis illi competunt. Quod vero excludit rationem continentis, mensurantis, & conservantis, hoc illocale dicimus. Ita solus Deus illocalis est, cum enim habeat simplicitatem, contineri non potest, quia quod simplex est, penetrare potest omnia. Quia vero infinitus est, continet potius, quam continetur, infinitas enim continet omnia. Nam infinitum hoc ipsum esse dicimus, quod pro ratione mensuræ includit omnia: ac quoniam extra unum infinitum, finita omnia sunt, extra omnia etiam Deus est: additum enim finitum finito, nunquam facit infinitum, sunt autem finita omnia, excedit ergo finita hæc infinitum unum.

Hinc sciendum secundo, ut est apud Magist. sent. in 1. d. 37. quod duobus modis aliqua res dicatur esse localis; vel enim quia recipit di-

men-

ensionem & facit distantiam : vel quia loci termino definitur. Ac prior ratio localitatis non potest cadere nisi in substantias corporeas : corporeum enim quod est, idem facit distantiam, ac ratione hujus distantiae accidit locato mensura. Hoc itaque localitatis modo circumscribuntur Entia finita, corporea. Posterior vero modus etiam in substantias incorporeas cadit. Ex enim etsi sunt sine distantia, determinatae tamen sunt ad hunc & nunc. At hoc dicit idem Mag. Spiritus creatos esse in loco, & transire de loco ad locum, & quodammodo esse locales, ac circumscriptibiles, sed non omni eo modo, quo creaturae corporeae. Spiritum autem increatum, qui Deus est, in loco quidem esse, & in omni loco, sed omnino illocalem & incircumscriptibilem.

Sciendum tertio, quod ubi & locus sint unum secundum rem, ratione tantum distinguantur. Ac hoc quidem duobus modis intelligi potest : vel enim ut strictè definiamus locum, quatenus apud Arist. definitur esse terminus corporis continens immobilis primo : ita enim dicere possumus, quod sese habent in ratione latioris & angustioris : omnis enim locus est ubi, sed non omne ubi locus est. Corporea enim in loco sunt, & consequenter in ubi : verum non ea omnia quae in ubi sunt, ea item sunt in loco. Spiritus enim finiti sunt in ubi, à nullo tamen termino corporis continentur. Vel etiam secundo loco potest intelligi, quomodo explicat hoc ipsum Socinas 5. Metaph. q. 40. quatenus locus ut locus nihil aliud dicit nisi superficiem ultimam corporis continens : ubi autem requirit aliquid extrinsecum, & aliquem respectum, licet ipsum non significet in recto, sed in obliquo.

quo. Nam inter locatum & locum est relatio contenti & continentis, quâ præsuppositâ, tunc locus habet rationem ubi. Quâ de re pluribus in Physicis meis egi. Tantum etiam de illocali & locali.

## CAPUT XV.

## De Independenti &amp; Dependenti.

## I.

**E**NS est vel Independentis, vel Dependens.

2. Independentis est, quod non eget priori ad suum esse, ut colligitur è Scoto in lib. de 1. princ. c. 1.

3. Independentis est vel absolute, vel secundum quid.

4. Independentis absolute, quod in nullo genere ab alio habet dependentiam: cujusmodi est, quod est Independentis à causa, cujusmodi solus Deus est.

5. Independentis secundum quid quod in certo genere ab alio non dependet, ut tamen si non sit absolutum à causa, tamen sit absolutum à subiecto & termino, Ita substantia non habent dependentiam nec à subiecto, nec à termino: accidentia absoluta sunt independentia à termino.

6. Dependens est ens, quod eget priori ad suum esse, quo essentialiter est posterius.

7. Dependens est, vel omnimodè dependens, vel in certo genere.

8. Omnimodè Dependens est, quod in nullo genere est absolutum: Cujusmodi sunt accidentia relativa, dependent enim à causa, à subiecto & à termino.

9. Dependens in certo genere, quod de dependentiâ et independentiâ simul participat. Ita substantia creata dependent à causa, non à subiecto, nec à termino. Accidentia absoluta à causa et subiecto dependent, à termino absoluntur.

COM-

## COMMENTARIUS.

**V**Num esse independens, reliqua omnia dependere apud Scal. est exerc. 61. & 307, sect. 20. Quibus verbis nihil innuere voluit aliud, quam in divinis esse rationem absolutam ab omni dependentia, à divinis vero quæ sunt alia, eorum nihil esse, quod omnem dependentiam excludat. Oritur tamen hinc triplex dubium: Primo cum in personis divinis sit aliqua præexigentia, ut loquuntur, quatenus Filius est à Patre, & à Patre & Filio Spiritus sanctus procedit, an & hic dependentiæ ratio aliqua locum habere possit. Secundo, non videtur in inferioribus una esse dependentiæ ratio, magis enim dependere videntur accidentia relativa, quam absoluta, magis absoluta accidentia, quam substantiæ: quo enim quidque eget majori abstractione, eo etiam magis dependere videtur, at iuxta subtiliss. Duns & Nicol. de Orbell. in 1. d. 5. q. 1. ¶ hæc quoniam ad realitatem, pluribus abstractionibus egent relativa, paucioribus accidentia absoluta, una contentæ videntur esse substantiæ. Tertio, videtur etiam oriri dubium circa rationem independentis & dependentis, anne nimirum independentia de se inferat perfectionem, dependentia imperfectionem.

Horum dubiorum ratio facile explicari potest, si sciamus quid sit independens & dependens, & quod non uno modo dicantur. Est vero dependentia respectus unius ad alterum, cum relatione, seu respectu ordinis posteriorum ad prius, seu ordo essentialis præsupponentis naturaliter ad suum præsuppositum, sine quo esse non potest, ut docet Scotus in libro



bro de primo princip. capite 1. & Constant. Sarnanus direct. Theolog. pag. 128. Itaque omnia ea dependere suo modo dicuntur, quæ ejusmodi aliquam præexigentiam habent, seu aliquam suppositionem prioris. Independentis vero illud tantum dicetur, quodcunque non habet ordinem ad aliquid se prius. Hæc vero dependentia tribus modis consideratur, ut est apud Gerhardum de mont. dom. ad Thom. de Ente & essentia. Est enim dependentia alia effectiva, alia subjectiva, alia objectiva. Dependentia effectiva ea est, quæcunque requirit aliquod ante se agens, à quo sit vel fiat. Et eo modo dicuntur dependere omnia ea quæ sunt infra Deum; nihil enim horum est, quod excludat causam agentem à qua sit. Dependentiam vero subjectivam eam dicimus, quæ est aliqua habitudo seu respectus accidentis ad suum subjectum. Objectivam vero eam dicimus, quæ aliquid dependet ab aliquo, non tantum ratione agentis & materiæ, sed & terminate; quomodo accidentia relativa dependentiam objectivam habent. Ea enim non tantum à substantia fiunt, & in substantia subsistantur, sed & habent dependentiam objectivam, quatenus ad terminum suum referuntur: quomodo verbi gratia filiatio terminatur ad paternitatem. Ac hæc quidem triplex dependentia ab aliquibus vocatur contracta, cui contradistinguunt aliam, quam vocant absolutam. Unde hoc modo sese habebit dependentia: Dependentia alia est absoluta, alia contracta. Contracta triplex, ut dictum, Effectiva, subjectiva, & objectiva. Et huic triplici dependentiæ, opponitur triplex independentia: ut scil. aliquid sit absolutum a fundamento, quod tamen non sit absolutum a subjecto; aliquid absolutum a subjecto, quod non.

non absolutum a causa : aliud absolutum a sub-  
jecto, ab objecto, & ab agente.

Edictis jam responderi potest ad triplex du-  
bium. In divinis enim habemus duo : Essenti-  
am, & personas. Essentia omni dubio remoto  
excludit dependentiam tam absolutam, quam  
contractum ; esse enim de se non exigit aliud,  
ergo nec de se requirit aliquod agens, multo  
minus vel subjectum, vel terminum : quod idem  
dicendum est de prima divinitatis persona. De  
secunda tamen & tertia dicunt, quod cum sit a-  
liqua in iis præexigentia, etiam dependentia  
aliqua absoluta admitti possit : quod tamen nolu-  
mus latius accipi, quam eo sensu, quo commu-  
niter dicunt Theologi, Patrem esse principium,  
fontem & originem Trinitatis, & Filium esse  
genitum a Patre, & Spiritum sanctum proce-  
dere a Patre & Filio. Qui modus originis non spe-  
ctat essentiam, sed personarum internam ab in-  
vicem emanationem. Quæ de re erudite dispu-  
tavit Zanch. de 3. Elohim. Lib. 5. cap. 7. & a-  
liis in locis. Alias in creaturis ita sese habet, ut  
nulla sit absoluta etiam a dependentia contra-  
cta, substantiæ quidem quatenus habent agens a  
quo sunt, accidentia quatenus habent subje-  
ctum in quo sunt, relata quatenus habent obje-  
ctum seu terminum ad quem sunt.

De secundo dicendum, quod major sit depen-  
dentia juxta majorem abstractionem : non quod  
abstractio sit causa dependentiæ, sed quod de-  
pendentia causa abstractionis. Ea itaque de cau-  
sa in divinis abstractio non est proprie dicta, in  
iis enim simpliciter idem est abstractum & con-  
cretum : est enim purus actus. Nulla ergo poten-  
tia, nec ergo dependentia, a qua possit fieri ab-  
stractio. In substantiis vero est una abstractio,  
naturæ

naturæ scilicet a proprio supposito: abstractio enim omnis oritur ratione ejus potentialitatis, quæ in iis est, potentialitas vero à dependentia: in compositis vero quatenus aliud est esse, aliud existere. Esse notatur per suppositum, natura vero est supposititaliter existere, existere a. à dependentia est. Accidentia vero absoluta abstrahunt dupliciter: ab alieno supposito, & à proprio individuo. Ab alieno supposito quidem ratione dependentiæ subjectivæ: à proprio vero individuo, quatenus aliud est quidditas accidentis, aliud esse accidentis. quando v. g. albedineitas dicit essentiam albedinis, quæ abstrahitur ab hac albedine individualiter existente. In re latius vero occurrit triplex abstractio: secundum proprium individuum, secundum fundamentum, & secundum subjectum; quæ triplex abstractio oritur ratione triplicis dependentiæ. Abstractio enim à subjecto, est secundum dependentiam subjectivam. Abstractio à fundamento, est pro dependentia objectiva. Abstractio a proprio individuo est juxta esse, esse vero ab agente est. Inde ergo pater, quod major dependentia juxta majorem abstractionem.

Ad tertium dicendum, quod absoluta dependentia imperfectum nihil dicit, dicit enim præexigentiam, præexigentia vero de se non potest dicere imperfectionem: est enim præexigentia in divinis, in divinis vero imperfectio nulla est. De contracta vero dependentia subtiliss. Johan. Duns in quodl. q. 19. artic. 2. quod ea dependentia est, vel formaliter imperfectio, vel omnino non habet necessario imperfectionem annexam. Ac tantum de independente & dependente. Ut vero hæc doctrina fiat clarior, subjungemus doctrinam de Absoluto.

## CAPUT XVI.

## De Absoluto.

## I.

**A**bsolutum multis modis dicitur: 1. absolutum à subjecto, 2. à termino, 3. à causa, et 4. omnimode absolutum.

2. Absolutum à causa dupliciter: simpliciter, et secundum quid.

3. Ordo absolutorum, pro diversitate rerum.

4. Vsus distinctionis in questione de Incorruptibili et Corruptibili.

5. Alia quadam ratione Absolutum tribus modis dicitur: 1. positive, 2. privative; 3. negative.

6. Quando Ens dividitur in Absolutum et Respectivum, cui generi relationum opponatur absolutum, an transcendentali, an vero predicamentali.

7. Quomodo Transcendentia abstrahant ab absoluto et respectivo.

## COMMENTARIUS.

**A**bsolutum duobus modis dici annotavit Cajetanus de Ente & ess. quest. 23. artic. 12. & de principio individuationis quest. 2. notab. 2. absolutum à subjecto, & absolutum à termino.

Absolutum à subjecto illud est, quod non est in aliquo tanquam in subjecto. Esse vero in subjecto illud dicimus, quod inest in aliquo inseparabiliter, non tamen ut pars, docente Arist. in Categoriis. Hoc absoluti genus substantiis proprium est. Quæ enim prima substantia appellatur, ea nec in subjecto est, nec de subjecto dicitur.



dicitur. Secunda vero substantia, tametsi a prima separata non sit, nontamen ut in subiecto est, sed ut quæ est de essentia individuz substantiæ, per modum videlicet eum, quo genus est in specie, qui diversus inessendi modus ab aliis est. Et partes substantiarum non insunt suis compositis, ut in subiectis, esse enim in subiecto excludit inesse per modum partis, ut ex Aristotele dicebamus.

Et hoc modo nullum eorum generum, quæ a substantia distinguuntur absolutum esse potest. Vulgatum enim est, Accidentis esse, esse inesse, in subiecto scilicet. Hoc docuit Aristot. 1. Phys. text. 39. inseparabiles esse ait, passionēs, eoque impossibilia quærere intellectum, si vere velit segregare, quod fieri non potest. Clarius vero in 12. Metaph. cont. 3. accidentium nullum esse separabile. Et Averroes in 7. Metaphys. text. 22. & 1. Phys. text. 14. impossibile esse ait, ut accidens, sit sine subiecto suo. Hoc alii dicunt Absolutum subiective.

2. Absolutum a termino illud dicimus, cujus ea habitudo non est, ut alio tanquam correlativo terminetur.

Ejus generis esse dicimus non substantias tantum, sed & ea quæ in Quantitatis & Qualitatis prædicamentis collocantur. Hæc enim duo genera tametsi absoluta non sint a subiecto, ab alio tamen tanquam a termino dependent. Essen. albedinis non est esse ad aliud, tametsi sit esse in alio: est enim albedo in pariete, ut in subiecto, non vero ut in relationis termino.

Hoc vero modo nihil eorum, quæ in septem prædicamentis reliquis ponuntur, absolutum a termino est. Relative enim ea omnia dicuntur, relatione quidem intrinsecus adveniente ea,

quæ

quæ sunt in prædicamento, quod ad aliquid dicitur Aristoteli; relatione vero seu respectu extrinsecus adveniente sex genera reliqua, ut docetur apud Scotum in quodlib. 1. artic. 4. Relativum vero omne ad terminum est: non enim nisi per terminum definiri potest, ut notavit Guilielm. Occam, in d. 30. q. 5. Absolvi ergo à termino non poterit. Hoc absolutum à termino aliis dicitur Absolutum objective.

3. Est & tertius quidam Absoluti seu Independentie modus, apud Gerh. de mon. dom. ad Thom. de Ente & ess. in tractatu de essentiis materialium substantiarum, & est Absolutum à causa. Hoc vero dicimus Ens quod non habet ordinem ad aliud, à quo fiat tanquam a causa: aliis dicitur Absolutum effective. Eo modo absolutum præter Deum nihil est. Hoc expressit Scal. ad Cardanum exerc. 307. f. 20. Omne quod est, inquit, aut est primum, aut a primo. Unum primum, alia dependent igitur. Tamen si enim sunt entia absoluta a subiecto, & a termino: tamen haud sunt absoluta a causa. Ratio ponitur apud Scotum in lib. de prim prin. cap. 3. Necessitas essendi ex se, soli uni naturæ convenit. Ea vero natura esse non potest, nisi quæ excludit a se omnem causam aliam, tam intrinsecam, quam extrinsecam. Ea vero non nisi simpliciter primum effectivum. Ea non nisi Deus. Alia ratio ponitur apud eundem quodlib. qu. 19. art. 2. cui formaliter repugnat omnis imperfectio, ei formaliter repugnat omnis dependentia: quia dependentia vel est formaliter imperfectio, vel omnino habet necessario imperfectionem annexam. At in Deum nulla cadit imperfectio. Nec ergo dependentia: est hoc absolutum simpliciter dicimus. Quamquam hæc ratio

ratio non tantum ponit modum absoluti a causa, sed & alios independentiæ modos. Nam Deus est quid Absolutum non tantum effective, ut loquuntur, sed & subjective, & objective: quia omni modo independens est.

Ac hic modus absoluti a causa soli Deo competere in genere dicitur, quoad omnes in universum causæ excluduntur ab eo, quod absolutum dicimus. In specie vero si ad diversa causarum genera descendamus, fieri omnino potest, ut in creaturis etiam quendam modum Independentiæ a causa notare possimus. Quum enim duo sint causarum genera: nnum earum, quæ intrinsecæ dicuntur, aliud vero earum, quæ extrinsecæ. Nihil quidem eorum; quæ intrinsecas causas admittunt, ullo modo ab extrinsecis absolutum esse potest. Ratio ejus ponitur apud Scotum dicti lib. de prim. princ. cap. 2. concl. 8. nam causæ intrinsecæ ex necessitate habent imperfectionem annexam, ob quam non nisi ab extrinsecis causis ad actum causandi deduci possunt. Ac ita ad rei compositæ causalitatem necessario omnia quatuor causarum genera concurrunt. Adv. causalitates causarum extrinsecarum, quum dicant perfectionem, cui non necessario adjuncta est imperfectio: fieri omnino potest, ut quæ habent dependentiam a causis extrinsecis, ea ab intrinsecis absoluta dicantur. Et hic absoluti modus Intelligentiarum proprius est. Ex enim tametsi ab omni causa simpliciter absolutæ dici nequeant; tamen quum excludant compositionem, ab iis causis quæ compositionem faciunt, cujusmodi sunt materia & forma, absolutæ quodammodo dici possunt.

At hoc modo Absolutum a causa dividimus, ut unum genus dicamus Absolutum a causa simpliciter,

placiter, quod solius Dei proprium est: aliud absolutum à causa secundum quid, quod tamen si non omnia causarum genera excludat, ab internis tamen liberum & absolutum esse animadvertitur.

4. Potest & quarta Absoluti significatio notari, cujus meminit Constantius Sarnanus direct. Theolog. pag. 46, edit. Rom. quia Absolutum esse dicatur, quod nullo modo identitatem habeat cum relatione, seu quod omni modo absolutum dicatur. Hoc differentia gratia omnimode absolutum appellemus. Hoc modo nihil omnino absolutum esse videtur. Ut eo sensu recte dixerit Mars. in Thæte: meminisse oportere, nil sui natura absolute unum aliquid esse, sed ad alterum, & alteri, & alterius esse, quicquid aliquid est. Quo dicendi modo ne Deus quidem Absolutus erit: nam & in divinis personarum secundum relationes portionum dicuntur, de quibus plurimis egere Scholastici, & videri de iis, quid sint in primis poterit sciri in quodl. 3.

5. Ordo ergo hic est: Absolutum omnimodo nihil est. Unum absolutum à causa simpliciter, Deus: hoc modo nil reliquorum absolutum est à causa, nam & substantia, & accidentia reliqua dependent omnia. Hinc absolutum à causa secundum quid, absolutum sc. à causis intrinsicis, ut Intelligentia. Absoluta à subjecto, & à termino substantia, quæ talis omnis est. Accidentia absoluta, ut Quantitas & Qualitas, absoluta sunt à termino: sed dependent à subjecto & causa. Accidentia relativa omne dependentia genus habent. Dependent enim à causa, quia non sunt à se. Dependent à subjecto; sunt enim accidentia. Et



dependent a termino, quæ sunt accidentia relativa.

6. Usus hujus doctrinæ primarius est in doctrina de Incorrutibili & corruptibili. Quæritur ratio, secundum quam quidque incorruptibile dicamus? Respondeo: Incorrutibile quidque est, secundum quam Absoluti modos participat: corruptibile vero quoad dependet.

Incorrutibilis ergo simpliciter Deus: quia omnes dependentiæ modos excludit. Incorrutibiles Angeli & Intelligentiæ, sed non omni modo incorruptibiles: tametsi enim sunt absoluti a subiecto & termino, haud tamen absoluti sunt a causa. Incorrutibiles ergo corruptione quæ secundum subiectum est: simplices. n. essentia: corruptibiles, quia non a seipsis. Corruptibiles ratione causæ secundum propriam rationem naturæ: incorruptibiles tamen a causa ratione gratiæ. Quod eleganter expressit Plato in Timæo: Quæ a me facta sunt, inquit Deus, me ita volente, indissolubilia sunt. Omne siquidem quod vinctum est, solvi potest. Quapropter quia generati estis, immortales quidem & indissolubiles omnino non estis. Nec tamen unquam dissolvemini, nec mortis fatum subibitis. Nam voluntas mea majus vobis est vinculum ad vitæ custodiam, quam nexus illi, quibus estis tunc, quum gignebamini colligati.

Corruptibilia corpora, nam & ab externa & ab interna causa dependent: non tamen cessant ad desitionem sui vel accidentis, vel relati. Quo sensu intelligendus est Porphyrius: definiendo Accidens esse quod adesse vel abesse potest sine subiecti corruptione. Non enim homo minus erit homo quoad essentiam, si

Philo.

philosophus non erit, vel si divitiæ ab eo aufe-  
rantur.

Accidentia esse desinunt per defitionem sub-  
jecti & causæ: non per defitionem termini, si  
absoluta fuerint, ab hoc enim non dependent.  
Quæ vero sunt relativa accidentia, ex ut omni-  
bus modis dependent, ita corrumpuntur de-  
structione objecti seu termini, subjecti, & causæ.  
Hæc doctrina facilius elucescet è variis modis  
Incorruptibilis, & Corruptibilis, quos sequenti  
capite proponemus.

7. Solet & alio modo distingui Absolutum.  
Dicitur enim Absolutum, vel Positive, vel Pri-  
vative, vel Negative, ut è Joh. Altenstaig. in  
vocabulario docuit, Constan. Sarnanus in dire-  
ctorio pag. 45.

8. Absolutum Positive illud dicimus, quod  
vel est absolutum Categoriz genus, vel sub  
uno absolutorum prædicamentorum gene-  
re ponitur. Hoc sensu Ens dispescimus in  
Absolutum, & Relativum. Absoluto vero  
tria suprema genera Substantiam, Quantita-  
tem, Qualitatem, & quæ sub his tribus ge-  
neribus res continentur, adscribimus. Relati-  
vo vero quæ ad aliud, seu cum respectu di-  
cuntur. Ita Leo, arbor, lapis absolute dicun-  
tur: pater vero, servus, limes, relative.

9. Absolutum privative illud est, quod ab-  
strahit ab absoluto & relativo, eo quia hac di-  
visione superius est, & ad utrumque ejus mem-  
brum indifferens. Nam quod est superius, non  
est de se unum ex inferioribus sibi subjectis  
generibus: quia ad ea est indifferens, ut ani-  
mal de se nec est homo, nec bestia, sed vel est  
homo, vel bestia. Et ita Ens in universali de se  
nec est absolutum, nec respectivum: quod si

enim esset determinatè unum horum, non pos-  
se in absolutum & respectivum distingui.  
Quemadmodum hominem falso dividerem in  
hominem, & bestiam: nam homo nullo modo  
dividi potest in bestiam. Quia nulla species est  
in potentia ad suam contrariam speciem, at ve-  
ro id, quod dividitur, est in potentia, ad ea, in  
quæ dividitur. At verò in specie, hoc vel illud  
Ens est vel Absolutum, vel Relativum, quia ad  
certam speciem jam est contractum. Dices: At  
Ens absolutum dicitur, quia privativè absolu-  
tum. Hic dicendum: Diversam esse rationem  
univocorum & Analogorum. In univocis per-  
fectè regula hæc obrinet: Superius, actu non  
potest participare rationem sui inferioris. At  
vero in iis quæ dicuntur ad unum unamque  
quandam naturam, quia analogum secundum  
prius & posterius in suis inferioribus est, com-  
muniter desumit denominationem prioris seu  
principalioris analogati. Quomodo Arist. in  
1. post. con. 9. demonstrationem definit non  
eam, quæ in communi, sed eam quæ potior est,  
demonstrationem propter quid. Et hoc sensu,  
quia omne absolutum respectivo prius est, ut à  
quo hoc dependet: Ens quod de se in commu-  
ni ad utrumque sese habet, sed tamen secun-  
dum prius & posterius, denominatur Absolu-  
tum, denominatione à principali divisionis  
parte desumpta. Et hoc est, dici quid Absolu-  
tum privativè.

10. Absolutum negativè illud, quod in esse  
suo præciso est à se, & non ad aliud. Hoc  
modo absoluta sunt, quæ dicuntur per se præci-  
se & solitarie, i. e. remoto ab eo omni alio. Eo  
modo absolute dicuntur differentie, conside-  
rata in ultima abstractione, quia ita sunt præ-  
cise

esse & separatæ ab omni alio , ut sint tantum hoc , & non aliud ; seu, ut sunt verba subtiliss. Duns in 1. d. 5. q. 1. sect. hæc quantum ad realitatem , sunt absolutissimæ quidditates , sumptæ ab omni eo , quod est quoquo modo extra rationem quidditatis. Eo sensu , quo Avic. in 5. Metaph. dixit : Equinitas est tantum Equinitas. Et hic Absoluti dicendi modus , adeo nihil extrinsecum includit , ut hæc differentia se totis objective ab aliis rebus distingui dicantur, ut in doctrina de distinctione monebimus : quod ita absolute & præcise considerentur , ut in earum objetivo conceptu nihil extraneum includatur.

II. Hic quærimus : Quando Ens dividitur in absolutum & respectivum , cui generi relationum opponatur Absolutum , an in universum Transcendentali , an vero in specie prædicamentali ? Dicendum , quod divisio hæc intelligenda sit secundum rationem prædicamentis. Nam quum Transcendentalis ea , quam vocant, relatio , tantæ sit latitudinis , ut ejus ambitum nihil effugiat ; nec enim essentia ulla est, quæ hoc relationis genere non sit affecta , adeo ut & ipsum Ens in universum sumptum ab hoc respectus genere liberum non sit , quum ordinem habeat ad suas passionem in sua inferiora : 1. absolutum non re , sed relatione sola à respectivo distinguimus : fertur enim transcendentalis respectus super inferiora , quæ absoluta dicuntur omnia, quibus quum sit superior, adeo intrinsecè in iis includi dicetur : si entis prima quædam species est , ut non nisi ratione à quocunque absoluto distingui possit. 2. Et divisio in absolutum & respectivum , ita feretur supra rem dividendem Ens nimirum , ut inferi-

ores divisionis partes de superiori diviso prædicentur. Nam Ens respectivum est respectu Transcendentali, ut diximus, quia is respectus omnem Entis universitatem ambit: & ratio absoluti, ut quæ principalis analogati rationem obtinet, ab analogo genere secludi non potest, quum analogum prioris analogati naturam actu includere semper videatur. Erit ergo Ens actu & absolutum & respectivum. Erit superius actu sua inferiora. Inferiora de suo superiori prædicabuntur. Et hoc exemplo non adeo falsa erit prædicatio hæc: animal est homo, bestia est Leo. Ut jam novam Logicam condere opus sit. Absurda hæc. Quid ergo? Dicemus divisio Entis in absolutum & respectivum non est secundum respectum transcendentalem, sed secundum respectum prædicamenti sejuncta, & instituta.

12. Hinc jam secundo loco decidi potest quæstio, quomodo Transcendentia abstrahant ab absoluto & respectivo? Quum enim omnem omnino respectum excludere non possint, nihil enim omni ex parte absolutum esse & ordinem habeant prioris & posterioris tum inter se, tum & verum bono prius est, & simplices Entis affectiones disjunctis priores censentur: tum ad particularia, quorum respectu Transcendentia dicuntur, eo quod ad nullum horum generum limitari possint. Ordo vero omnis respectum inferat. Non ergo ab omni respectu abstrahere possunt. Hic dicendum: Transcendentia non abstrahere à quocunque respectu, non enim à Transcendentali: sed ab eo qui est juxta divisionem Entis. Is vero prædicamentalis respectus est: nam ab eo abstrahere dicuntur, eo enim Transcendentia priora sunt,

sunt, quia ad nullum genus prædicamenti constantur. Infert ergo ordo prioris & posterioris, ordo superioris & inferioris respectum; sed non eum qui prædicamenti est, verum Transcendentalem. Quid vero sit relatio Transcendentalis & prædicamentalis, in doctrina de relatione dicetur.

C A P U T XVII.

De Incorruptibili & Corruptibili.

I.

**R**ationem Independentiæ, & Dependentiæ, sequitur Incorruptibile, & Corruptibile.

2. Incorruptibile est Ens, quod de esse ad non esse transire non potest: seu, quod esse non potest mutare cum non esse.

3. Estque vel simpliciter, vel secundum quid.

4. Incorruptibile simpliciter illud dicimus, quod à nulla potentia traduci potest ad non esse, eo quod à nullo dependet, à quo immutari possit. De hoc genere loquitur Averr. 1. de cælo comm. 114. quando dicit: incorruptibile esse illud, quod est Ens actu, & non habet potentiam ad corruptionem, neque est possibile, ut in aliqua hora sit corruptum. Ita solus Deus est incorruptibilis.

5. Incorruptibile secundum quid illud dicimus, quod è pluribus non constat, in quæ resolvi possit. Ita simplex omne Incorruptibile dicimus.

6. Corruptibile est Ens, cui non repugnat mutari quoad suum esse.

7. Corruptibile, vel dicitur ratione causæ, vel dicitur ratione subjecti.

8. Corruptibile ratione causæ illud dicimus, quod mutari potest ab agente voluntario, à quo dependet. Ita Angelos etiam corruptibiles dicimus.

9. Hunc modum elegantur declaravit Plato in Timæo, quando introducit patrem rerum omnium ita loquentem: Dii orti ex diis, quorum opifex ego, & pater sum, hac attendite. Quæ a me facta sunt, me ita volente indissolubilia sunt. Omnes siquidem, quod vinctum est, solvi potest. Quapropter quia generati estis, immortales quidem & indissolubiles omnino non estis. Non tamen unquam dissolvemini, nec mortis fatum subibitis. Nam voluntas mea majus præstantiusque vobis est vinculum ad vitæ custodiam, quam nexus illi, quibus estis tunc quum gignebamini colligati.

10. Corruptibile ratione subjecti, quod constans subjecto, plura simul includit, è quibus est compositum, in quæ resolvi potest. Eo modo compositum omne est corruptibile.

11. Corruptibile ratione subjecti habet potentiam ad corruptionem vel remotam vel propinquam.

12. Corruptibile potentia remota illud dicimus, quod habet in se principium corruptionis, ad quam tamen actu exire nequit, nisi prius ad potentiam propinquam reducat. Ita omnia quæ constant materia habent in se principium corruptionis, actu tamen non corrumpuntur, nisi sit agens contrarium à quo corrumpantur.

13. Corruptibile potentia proxima est, quod proximè ad corruptionem deduci potest, ut quod constet qualitatibus contrariis. Vide Scot. 3. Sent. d. 2.2. unic. sect. ad primum argumentum.

## C O M M E N T A R I V S.

**E**ste aliquid incorruptibile & corruptibile  
 Ex eo proprie est, quod est Ens à se vel ab  
 alio, seu vel est Independens vel Dependens.  
 Dicitur vero corruptibile duobus modis: uno  
 modo secundum potentiam, alio secundum  
 actum. Corruptibile secundum potentiam il-  
 lud dicimus, cui non repugnat non esse. Cor-  
 ruptibile vero secundum actum hoc, quod in  
 actuali ratione corruptionis est. Et oritur cor-  
 ruptibilitas, vel ratione principii externi, vel  
 ratione principii interni: unde aliud intrinsecè  
 corruptibile, aliud extrinsecè corruptibile di-  
 cimus. Intrinsecè corruptibile hoc est, quod  
 plura in se includit, in quæ resolvi potest. Ex-  
 trinsecè vero, quod etsi sit absolutum à subje-  
 cto, tamen non est absolutum à causa. Ut n.  
 est apud Scal. exer. 703. f. 29. Omne dependens  
 corruptibile est, si vel maxime nullam habet  
 materiam. Corruptionis vero actualis, modus  
 quadruplex est: Primus modus est juxta perio-  
 dum, quatenus nihil omnino est, quod fini-  
 tum est, quod certa periodo non definiatur. Al-  
 ter modus, ratione contrarii, qui in mixtis po-  
 tissimum obtinet, ratione contrariarum quali-  
 ratum rarum, quæ in ipsis sunt. Tertius mo-  
 dus in viventibus est, ratione assumptionis ca-  
 loris & humidi radicalis. Quartus modus vio-  
 lenitiæ est, qualis est is, qui ferro vel laqueo fit.

Incorruptibile triplici modo dicimus: vel  
 enim hoc, quod omni ex parte, tam à causa,  
 quàm à subjecto est absolutum, & est unus  
 Deus. Vel illud, quod etsi non sit à causa ab-  
 solutum, à qua dependeat, tamen gratia primæ



causæ hoc habet : ut intelligentiæ outu sunt creatæ, natu dissolvuntur ; ita tamen creatæ, ut placeat primæ causæ eas nunquam futuras dissolutas. Tertius modus incorruptibilis est, quod etsi nec à subjecto nec à causa sit absolutum, contrarium tamen non habet à quo sub mutationem veniat : quomodo coelum incorruptibile dicimus ratione sempiternæ connexionis formæ ejus cum materia, quatenus non habet aliquod contrarium, à quo hæc connexio dissolvatur.

## C A P V T. XVIII.

## De Principio &amp; Principato.

## I.

**E**Ns est vel principium, vel Principiatum.

2. Principium illud dicimus unde quidq; aut est, aut fit, aut cognoscitur.

3. Principium dicitur vel proprie, vel secundum quandam similitudinem.

4. Principium proprie dictum est, primum in quoquo, unde aliud dependet, vel inesse vel in cognosci.

5. Hinc principia alia dicuntur Essendi, alia cognoscendi principia : Illa aliàs Incomplexa, hæc Complexa dicuntur.

6. Essendi principia ea dicuntur, à quibus quidque habet ut fit.

7. Ea sunt vel Physica, vel Metaphysica.

8. Principia Physica dicimus principia que naturali rerum constitutioni inserviunt, cujusmodi principia sunt causæ.

9. Metaphysica principia dicimus conceptus rerum, qui constitutioni rationis inserviunt, ut sunt genera & differentiz.

10. Princi-

10. Principia cognoscendi sunt principia complexa; ex quibus per se notis innotescent alia, ejusmodi est: totum est majus sua parte.

11. Ea dicuntur principia cognoscendi, modo precisionis loquendo: nam in eo differunt Essendi & Cognoscendi principia, quod illa conferunt & esse & cognitionem, juxta illud: ut se res habet in essendo, ita & in cognoscendo. Verum cognoscendi principia tantum largiuntur cognitionem & non esse.

12. Horum principiorum alia sunt simpliciter prima, alia prima in suo genere.

13. Prima simpliciter ea dicuntur, quæ in nullo genere prius habent à quo dependeam: ejusmodi primum in genere incomplexorum est Deus tantum. In genere vero complexorum primum: Impossibile est idem esse, & non esse, ut superius è 4. Metaph. Arist. disseruimus.

14. Prima in suo genere dicuntur principia, quæ ut nota in certa quadam disciplina ponuntur, ut in Physicis est principium, quod Natura sit principium motus & quietis ejus, in quo inest primo & per se, & non secundum accedens.

15. Principium similitudinis dicitur principium positum in ordine sine propria ratione dependentie.

16. Estque vel originis, vel dignitatis.

17. Principium ratione originis vel ordo præsupponentis & præsuppositi, ut fundamentum domus vel temporis, vel situs, vel motus & alia hujusmodi, ut docetur 5. Metaph. t. cap. 1. & apud Averr. Epit. Met. tr. 1. sect. principium dicitur.

18. Ratione dignitatis, quod in quoquo genere est dignius, ut Consul est principium Senatus.

19. Prin-

19. *Principatum est Ens cum ordine ad principium. Hoc tot modis dici potest, quot principium ipsum. Relatorum enim una est notitia.*

### COMMENTARIUS.

**D**E principio dicendo, consideramus principium tripliciter: 1. Quomodo sese habeat ad causam & effectum. 2. Quid principium de se in genere sit. 3. Quot modis principium dicamus.

Primum ex eo dubium est, quod Aristot. dicit, Causam toties dici, quoties principium: & paulo post subjungit, Elementum quoque principium esse, 5. Metaph. tex. 1. Dicendum vero, quod ita sese habeant, ut omnem causam dicamus principium, non omne principium causam, & omne elementum causam esse, non omnem causam elementum. Verum ad rationem principii sufficit respectus anteriorum cum ordine quodam ad posterius. Sed causa superaddit quendam influxum ad esse causati. Elementum vero dicimus, ex quo componitur aliquid primo inexistente, indivisibile specie in aliam speciem. Itaque ad rationem principii sufficit, ut aliquid sit prius cum ordine ad posterius: ad causam, ut influxum præbeat, sive ea ipsa causa externa sit, sive interna. Ad elementi vero rationem quatuor requiruntur: 1. ut ex eo aliquid sit. 2. ut in constitutionem veniat. 3. ut sit intrinsecum. 4. ut sit indivisibile. Quod vero Aristoteles dicit toties dici causam, intelligendum est exclusive, non inclusive, hoc ipsum explicat Fonseca 5. Metaph. c. 1. q. 7. s. 2.

De secundo dicendum, quod est apud Arist. quod omnibus principiis sit commune esse primum, unde aut est, aut sit, aut cognoscitur. In  
qua

qua quidem principiorum ratione duo notanda veniunt: 1. Quomodo commune sit omnibus principiis esse primum. 2. Quare potius secundum copulam definire voluerit Arist. principiorum rationem.

Ac ad prius quantum attinet dicendum: Primum dupliciter dici, vel simpliciter, vel in suo genere. Simpliciter primum unum tantum est, Deus nimirum. Prima vero in suo genere ea dicimus, quibus secundum hanc determinationem prius nihil est. Aristoteles intelligendus est, non priori modo, sed posteriori.

De secundo dicendum, quod res quæ sub definitionem veniunt, non sunt unius generis: quædam enim sunt per se unum, & ea ipsa sine copula definiri bene possunt: quædam vero sunt definitiones non secundum quid rei, sed secundum quid nominis, quæ iis rebus tribuuntur, quæ non habet unam quandam essentiam. Ita ergo principium definitur distributive, ut simul in generali principiorum ratione notum ac manifestum fiat principium non uno modo dici, nec secundum essentiam unam, sed variis modis.

Circa tertium itaque dicendam, quod verbum principii multis modis dicitur apud Aristot. 1. Enim dicitur illud rei, à quo quid primo movetur: ita est principium in magnitudine, motu & tempore. 2. Unde facilius est: quomodo principium doctrinæ in specie sumimus, non à principio rei, sed unde quisque facillime discit. 3. Unde res prognerantur. 4. Unde incipit generatio ipso non existente: idque in naturalibus, civilibus & artificialibus. 5. In disciplinis, unde res primum cognoscitur. Hos quinque modos Johann. Versoris in 5. Metaph. ita comprehendit: esse principium est vel intra, vel extra.

Intra

Intra principium, unde res vel secundum situm (id est magnitudinem) & est primus modus, vel secundum tempus, idque vel ad bene esse ut in secundo modo, vel ad esse simpliciter, ut in tertio. Vel principium est extra, idque vel secundum esse rei, ut efficiens & finis, vel cognitionis, ut in disciplinis.

Principiatum vero in genere dicimus omne illud, quod respectum seu relationem ad principium habet: habent enim se principium & principiatum relative, ut quot modis alterum eorum dicitur, tot etiam dicatur alterum. In specie vero principio secundum magnitudinem, motum & tempus, opponitur ultimum magnitudinis, in quo est finis motus, seu terminus. Et communiter principiatum solemus specialiter accipere pro eo, quod ex principiis intrinsecis est, quomodo apud Scalig. exerc. 307. sect. 20. Principia dicuntur actus suorum principiatorum. Reliqua ex relatione principiatum ad principium cognosci possunt.

Quia vero doctrina de experientia multum facit ad notitiam principiorum, volui hæc opponere facilitatis gratia, quæ in libro meo de Philosophia, de experientia & principiis latius aliquando differui in hunc modum.

Philosophia constat experientiâ & ratione, Experientia est cognitio è multarum memoriarum de eadem re collatione orta. Ratio est rei per principia cognitio.

Philosophicum non esse, ad quod existimandum neque experientia, neque ratio nos ducit, eleganter differit Fr. Suarez. disp. Met. 13. s. 2. num. 5. In specie vero de Experientia Arist. 1. Meta. t. c. 5. Per experientiam, inquit, ars & scientia hominibus efficitur. Experientia enim, uti recte

recte ait Polus, artem effecit, in experientia vero fortunam. Experientia vero duobus modis sumitur: uno modo late, pro quacunque perceptione unius singularis. Quo sensu apud Cic. in orat. pro Cael. scriptum legimus. Vim veneni aiunt, Caelium esse expertum, in seruo quodam ad rem ipsam parato, cuius perceleri intuitu esset ad hoc comprobatum venenum.

Alio modo accipitur propriè: hoc modo duo ad perfectam experientiam requiruntur: unum est quasi materiale, cognitio scilicet plurium singularium, è multiplici memoria genita. Secundum quasi formale, collatio scilicet eorundem singularium inter se, ut è sufficienti eorum similitudine, eventorum similitudo habeatur; ut videri potest apud Fons. 1. met. in com. ad c. 1. & hæc experientia partim sensu constat, partim intellectu. A sensu origo est experientiae: ab intellectu vero perfectio. Nam à sensu singularium cognitio, eorundemque memoria est: ab intellectu vero iudicium similitudinis è singularium inter se collatione proficiscitur.

Duobus vero modis intelligi potest, Experientiam artem & scientiam efficere: uno modo scientiam consulam, quæ à posteriori est, seu ab effectis dependet. Et hoc modo per experientiam, & similitudinem effectorum deducimur ad similitudinem causarum. Hunc modum docuit Arist. 1. Metaph. t. c. 5. Fit ars, inquit, cum ex multis experimentalibus conceptibus, una de similibus universalis opinio fiat: Opinari etenim, quod Callix hoc morbo laboranti hoc conduxit, similiter & Socrati, & ita multis aliis singularium, experimenti est. Quod autem omnibus huiusmodi secundum unam speciem determinatis hac ægritudine laborantibus contulit,

tulit, utpote Phlegmaticis, aut cholericis, aut æstu febricitantibus, artis est proprium. Alio modo verò intelligi potest, experientiam artem efficere & scientiam distinctam, eam quæ à priori est, & per causas & per principia propria habetur, & dicitur scientia propter quod. In ea cum duo sint: Conclusio, & principia, è quibus conclusio educitur: ad conclusionem per se & immediate nihil videtur conferre experientia, cum illa vi principiorum gignatur. Nam cum sit scientia à priori, medium ex quo conclusio deducitur non est experientia, sed causa ipsius effectus, vel affectionis, quam demonstramus de subiecto. Nisi forte per accidens, quatenus facilius assentitur intellectus conclusioni, si eam particularibus exemplis viderit comprobata. Quo modo facilius assentietur demonstrationi Eclipsis Lunaribus, quàm si eam è principiis haberit cognitam, etiam per experientiam noverit, hanc & illam Eclipsin tempore oppositionis luminarium esse factam.

De principiis alia videtur esse ratio. Ea enim cum non sint unius generis: Sed 1. Alia prima & communissima, ita omnibus nota, ut in controversiam vocari non possunt: 2. Alia omnibus quidem scientiis communia, quorum tamen veritas non sit æque nota & aperta, atque primorum illorum: Et denique 3. Principia particularia, singularum scientiarum propria: omnibus quidem his principiis, experientia quædam videtur esse necessaria, ut à sensitiva experientia adjutus intellectus, iis principiis facilius assentiri possit. Nam universali huic principio: impossibile est idem esse & non esse: facilis assentietur, qui expertus fuerit, eundem ignem non posse simul urere & non urere.

Sinde perfecta experientia loquamur, jam  
 pro diversitate principiorum diversum est judi-  
 cium. Nam cum duo sint in principiis: termini,  
 è quibus constant principia, & eorundem ter-  
 minorum connexio: Si de primo principiorum  
 genere loquamur, eorum certitudo & evidentia  
 tanta est, ut cognitis illis terminis, intellectus  
 non possit eorum terminorum connexioni non  
 assentiri. Vera enim esse cognoscitur naturali  
 lumine intellectus; ut docuit Scot. 1. Metaph.  
 quæst. 4. & in 1. senten. d. 3. Qui enim noverit  
 quid sit Ens, & quid sit Non Ens, non potest  
 non assentiri huic principio: Ens non potest esse  
 Non Ens. Ad secundum vero genus princi-  
 piorum magis aliquanto necessaria esse videtur  
 experientia, nisi doctrina & disciplina prius ad-  
 discantur. Nam tamen si hoc principium: Totum  
 est majus sua parte, cuivis notum esse possit,  
 dummodo terminorum notitia accuratè expli-  
 ceretur: ob intellectus tamen imbecillitatem fit,  
 ut qui hujus principii universitatem per inven-  
 tionem acquirit, è multorum singularium indu-  
 ctione terminorum rationes necessariò prius  
 cognoscat.

Principia verò singulis scientiis propria, cum  
 non sint ita evidentia, ut assensum statim illis  
 præbere possimus: Experientia opus habent,  
 qua illorum veritas certior reddatur. Ita Natu-  
 ram esse principium motus & quietis, Physicæ  
 doctrinæ est principium, quod tùm demum ve-  
 rum esse patebit, si exemplorum multitudine e-  
 jus experientia comparetur, ut quod hujus &  
 illius generationis, hujus & illius alterationis,  
 aliorumque motuum ratio à natura pendeat. Et  
 de hoc principiorum genere intelligimus Arist.  
 in 2. Post. cap. ult. quando cognitionem princi-  
 piorum



piorum reducit ad experientiam. E dictis jam manifestum est, quid experientia ad scientiam & principia conferat. Nam scientiam confusam gignit: ad scientiam vero distinctam concurrunt mediatè, quatenus est ratio & occasio terminorum & primorum principiorum cognoscendorum. Ratio vero scientiam parit è principiis, è necessario antecedente deducens necessarium consequens. Ratio vero duplex est: Inductio & Syllogismus. Nam probatio per rationem ex his duobus est. Hoc docuit Arist. 1. Post. cap. 1. Omnis doctrina, inquit, & omnis disciplina intellectiva, fit ex cognitione præcedente. Eodem exemplo procedere dispositionem in eo, cui accidit veritas per rationem, hoc est, per syllogismum & inductionem.

In specie: Principia sunt duplicis generis: alia enim sunt principia essendi, alia cognoscendi principia. Principia essendi sunt, à quibus res habet & ut sit, & ut cognoscatur. Principia essendi sunt duplicis generis: sunt n. vel causæ, vel rationes emanandi. Causæ rei sunt quatuor. Efficiens, Materia, Forma, Finis. Ratio emanandi dicitur, quando res ab alio habet emanationem, & originem sui esse, à quo tamen non ut à causa dependet. Quomodo Ens est ratio emanandi suis affectionibus Uni, Vero, Bono. De his principiis verum est; Eadem sunt essendi & cognoscendi principia.

Principia cognoscendi dicuntur, à quibus res illativè tantum, hoc est, non secundum esse, sed tantum quoad cognitionem dependet. Ea sunt duplicis generis: sunt enim vel incompleta, vel complexa. Principium cognitionis tantum in complexum est: vel effectus ratione suæ causæ, vel accidens ratione sui subjecti. Principium

cipium vero complexum est duplicis generis, ut  
 est apud Aristot. 1. post. cont. 14. Est n. vel  
 Dignitas, vel Positio. Dignitas est principium,  
 quod sua certitudine & evidentia, fidem apud  
 omnes meretur, ut est: Totum est majus sua  
 parte: Impossibile est idem esse & non esse. Po-  
 sitio duplex est: Suppositio, & Definitio. Sup-  
 positio alio nomine dicitur Petitio, & Postula-  
 tum, quod non eget confirmatione, sed assen-  
 sum duntaxat auditoris exposcit, ne ulla sit in  
 demonstrando hæsitatio & difficultas, cujus-  
 modi est: E quovis puncto ducere lineam ad  
 quodvis punctum. Definitio est vel Quid nomi-  
 nis, vel Quid rei. Illa artis termini explican-  
 tur, ne vel ambiguitate, vel obscuritate labore-  
 mus. Hac ipsa rei natura, seu quid est esse rei  
 cognoscitur. Hæc ferè principiorum genera  
 sunt. Ad quorum meliorem notitiam sequen-  
 tia in considerationem adduci possunt.

In principio tria considerata veniunt: Sub-  
 jectum, Relatio, & fundamentum hujus rela-  
 tionis. Subjectum dicimus rem quæ principium  
 esse denominatur, ut Deus, quem principium  
 esse dicimus. Relatio vero est ordo seu respectus  
 inter principium & principiatum, cujusmodi  
 ordo est inter patrem & filium, ille enim hujus  
 est principium. Fundamentum vero huius rela-  
 tionis est consecutio & dimanatio principiatum  
 à principio, ut quod à patre filius producat  
 per vim generativam.

Fundamentum verò relationis determinat  
 modum, secundum quem principiatum ad prin-  
 cipium consequitur. Hic vero modus in genere  
 est, quod principia virtute in se continent prin-  
 cipiata: nam eorum unum non est formaliter i-  
 dem, quod est aliud, sed unum natum est ab alio  
 origi-

originem accipere In specie verò ordo principii ad principiatum multiplex est: Est enim modus quidam tantum originis, ut unum sit ab alio, si ne tamen efficientia vel dependentia, eo modo in divinis dicitur Pater esse origo Filii, quatenus Filius non est à se, sed à Patre, quoad generationem, tamen si de se habet esse divinum. Secundus modus est virtutis potestativæ, secundum communem prædicandi rationem. Et eo modo minus universalialia continentur in magis universalibus, à quibus esse genericum participant. Tertius modus est propriæ efficientiæ, quomodo effectus dependet à sua causa: Et hic modus infert non tantum ordinem & originem, sed & necessariam quandam dependentiam & causalitatem. Sub hoc genere comprehendimus omnes causarum modos. Quartus modus est illationis, secundum quem ex antecedente infertur consequens, conclusio scilicet è præmissis.

2. Vocis principii variz significationes sunt, ut docetur apud Arist. 5. Met. cap. 1. Nam. 1. Principium illud dicitur, à quo quis primum movetur, ut puf à magnitudinis & viz. 2. Unde unumquodque benè & facillè fieri potest, quomodo in disciplinis ordo doctrinæ principium facit, unde facilius rem discere possimus, à facillioribus ad difficiiliora pergendo. 3. Principium dicitur ea pars, quæ primò generatur, ut fundamentum domus. 4. A quo primò motus & transmutatio oritur, ita prolis principium sunt pater & mater. 5. Quod est dignitate primum, ut ad ejus arbitrium & electionem moveantur omnia quæ moventur, & mutantur quæ mutantur, ita civitatum principatus & magistratus principia dicuntur, quia ab his reguntur omnia in civitate. Et disciplinæ Architectonicæ sunt prin-

principia artium subservientium. 6. Est principium cognitionis, ut è quo cognito res alix cognoscuntur. Ita demonstrationum principia dicuntur axiomata & suppositiones. Ac cum toties principia dicantur, nos ea tantum principiorum genera adduximus, quæ ad Philosophiæ ac scientiarum cognitionem faciunt: cuiusmodi ea tantum sunt, quæ vel ad essentiam faciunt, vel cognitioni inserviunt: Ea enim principia Philosophiæ & scientiæ sunt necessaria.

3. Ad pleniorē intelligentiā principiorum tria dubia hoc loco movebimus: Primum est;  
An eadem sint principia rei & ordinis doctrinæ.
2. An eadem essendi & cognoscendi principia.
3. quodnam principiorum omnium sit primum?

*An eadem sint principia rei et doctrinæ?*

Prius & notius esse duplex docetur apud Aristot. 1. post. cont. 12. prius & notius naturā, & prius ac notius quoad nos. Prius & notius naturā illud dicitur, quod à sensu est magis remotum. Prius vero & notius quoad nos illud, quod sensu est magis propinquum. Hinc ergo queritur, an ordo doctrinæ & disciplinæ desumendus sit ab iis, quæ sunt notiora & priora naturā, an vero ab iis, quæ sunt priora & notiora quoad nos? Est vero ordo doctrinæ methodus disponendarum partium scientiæ & disciplinæ, secundum prius & posterius, melioris cognitionis adipiscendæ gratia instituta. Quomodo de universalioribus prius docemus, quam de magis particularibus, quia illa inserviunt horum cognitioni: ita de elementis prius docemus, quam de mixtis, quia horum cognitio ex illorum cognitione dependet. Et ita differt ordo doctrinæ à viâ doctrinæ: quod in viâ doctrinæ in-

instituitur cognitio rei per illationem, ut è re nota per discursum, in rei ignotæ cognitionem deducamur: ordo verò doctrinæ non facit illationem hujus rei ex illa, sed solum disponit ea, quæ tractanda sunt.

Hic dicendum, quod ordo doctrinæ semper desumatur ex iis, quæ sunt priora & notiora quoad nos, ut scientiarum disponendarum ratio non sit natura ipsarum rerum, sed nostra melior cognitio. Nam unde facilius discere & rerum notitiam percipere videmur, hæc priori loco collocamus: posteriori v. quæ non ita nobis sunt manifesta. Ratio ejus rei certa est: Nam ordinis doctrinæ finis est, nostra melior cognitio; ordine enim potius quam confuse res disponimus, non tam ut in rebus ipsis secundum naturam propriam consideratis ordo statuatur: Verum quoad nos, ut res certò ordine dispositas facilius & certius discere & cognoscere possimus. Quum vero è fine quidque suo metiamur, hoc potius attendendum nobis, quod ad finem eum consequendum certius nos ducit. Certior vero ratio finis ejus consequendi est, si ad nostram faciliorem cognitionem potius ordinem instituamus, quam si secundum naturæ notiora & priora progrediamur. Ordo ergò doctrinæ potius requirit, ut secundum nostram faciliorem cognitionem ordinem instituamus, quam secundum propriam rerum naturam. Hanc sententiam docuit Aristot. 3. Metaphys. cap. 1. ex opposito; inquit, aliud principium est illud, unde quodque optimè fiat ut doctrinæ, non à primo, ac rei principio aliquando inchoandum est, sed unde quis facilius discat. Et hunc ordinem observavit Arist. ut docet in 1. de hist. animal. c. 6. primum inquit  
(quam

(quam cæterorum animalium) partes hominis explicare debemus. Ut enim nummos ad id quod sibi quisque exploratum certumq; habeat probare solet; ita cæteris quoque in rebus agendum est. At homo animalium maximè omnium notus nobis necessariò est. Quam eandem sententiam iisdem penè verbis repetit in 2. de part. animal. c. 10. Et eandem docuit Averr. 1. Metaph. t. 1. Principium doctrinæ est in scientiis aliud ab eo, quod est in rei veritate principium, sicut Arist. fecit in multis libris.

At cum in ordine sapius ea præponantur, quæ naturâ non sunt notiora: quemadmodum in Physicis videmus egisse Aristotelem, prius de rerum naturalium principiis, quæ ipsis rerum naturalium speciebus natura sunt priora & notiora: hoc inde fit, quia sapius coincidunt notius natura & notius quoad nos. Nam notius quoad nos duplex est: unum notius quoad nos tantum, quod non est notius naturæ, effectus quoad nos notior est causa, non natura. Aliud est notius quoad nos, & natura notius, ut sunt universalis, è quibus singularia cognoscuntur: nam ea secundum confusam notitiam sunt notiora nobis, & sunt etiam notiora natura, quia universalis sunt de particularium essentia & natura, Quando ergò idem est notius nobis, & quoad naturam: tum in ordine doctrinæ coincidit notius & prius quoad nos, & quoad naturam. Quando vero ordo doctrinæ est tantum è notioribus nobis, jam principia rei & cognitionis sive doctrinæ differunt.

Et hoc sensu manifestum jam est, non semper eadem esse principia rei, & doctrinæ. Nam tum demum eadem sunt, quando idem est notius quoad nos, & quoad naturam, quando ve-  
rò

rò doctrina est tantum è notioribus nobis , tum principia rei & doctrinæ seu cognitionis differunt. Quod si quæstionis terminos aliquanto latius & ad viam doctrinæ extendere velimus, non opus est, ut pluribus disputemus, nam via doctrinæ jam è prioribus infert posterius, jam è posteriori prius: Priori tantum ratione principia rei & doctrinæ coincidunt, posteriori modo differunt.

Ita quando è mutatione substantiæ deducimur in cognitionem materiæ primæ, ex eo quod est natura consequens inferendo natura antecedens, ab eo, quod est notius quoad nos arguimus quod est notius naturâ. Quando vero è primo motore motum primum agnoscimus, ab eo quod est natura notius, arguimus id quod natura ignoratum.

*Hinc eadem sint essendi et cognoscendi principia?*

Hoc dicendum quod omnia essendi principia sunt etiam principia cognoscendi: Ast non contra, omnia cognoscendi principia sunt etiam principia essendi. Ita è nihilo nihil fieri, cognoscendi principium in Physicis est: sed nulli rei dat esse. Contra à forma dependent & esse rei, & ejusdem cognitio. Juxta hoc quod in communi est, dans formam dat tria: esse, cognosci, & operari. Hanc sententiam docuit Averroës 5. Metaph. t. 1. Universaliter inquit, omne principium aut est principium in arte, aut est principium in esse, & tamen quibusdam artibus accidit, ut principium essendi sit idem cum principio doctrinæ, & in quibusdam non. Vide Zabar. de nat. sci. const. c. 11.

*Quo-*

*Quodnam sit primum omnium principium?*

Primi principii naturam & conditionem nobis describit Arist. 4. Metaph. t. c. 8. 1. ut sit omnium certissimum: ejusmodi vero, circa quod mentiri est impossibile. 2. ut sit notissimum: quum n. ex ejus cognitione cetera omnia dependeant, necesse est, ut nemo in ejus cognitione decipiatur. Nam quod de principiis in genere verum est: Error in principio in initio parvus, in progressu fit magnus, id de hoc tanto verius, quo est omnibus scientiis communius & universalius. 3. Ne sit ex suppositione: Nam qui aliquid cognoscit, hoc cognoscat necesse est, quia in ejus virtute omnia alia continentur. Hanc dignitatem Arist. 4. Met. t. c. 9. tribuit huic principio: Impossibile est idem esse & non esse. Nam hujus principii certitudo tanta est, ut ne philosophari quidem sine isto possimus. Impossibile siquidem quempiam idem opinari esse & non esse, de eodem contradictorias opiniones statuendo.

De qua controversia ut statuamus, dicendum, quod scientia duplex est: una ostensiva, altera deducens ad impossibile. Est vero scientia ostensiva, scientia rei qua de subiecto per medium directè demonstratur prædicatum, ut quando de Luna demonstramus Eclipsin per interpositionem terræ.

At vero scientia seu ratiocinatio deducens ad impossibile est, cum ex contradicente conclusionis, hoc est, propositæ quæstionis ad probandum, & ex alio pronunciato manifestè vero, colligimus aliquid quod sit manifestè falsum & impossibile, quo sublato, quæstio proposita probata relinquitur. Ut: Omne animal sentit: omnis homo est animal, ergo, omnis homo



sentit. Quæ conclusio si cui falsa videatur è contradicenti conclusionis cum altera præmissarum vera deduco ad impossibile, ita: Omne animal sentit. Quidam homo non sentit, ergo quidam homo non est animal. Absurda conclusio; ergo è præmissis altera, non propositio, quia concessa: ergo assumptio, quidam homo non sentit Vera ergo ejus contradictoria, quia contradictariorum alterum necessario verum est: Ea vero, omnis homo sentit, quæ prioris rationationis erat conclusio.

His ita suppositis dico 1. Ad scientiam ostensivam formaliter & per se nihil confert hoc principium, hoc est, non potest actu poni, ut sit altera præmissarum in scientia ostensiva. Cum enim scientia ostensiva ex iis procedat, quæ directè inferunt conclusionem, nulla vero conclusio directè deduci ex hoc ipso principio possit: tota enim ejus principii via in contradictione & repugnancia sita est: ad scientiam ostensivam directè instituendam nihil conferre videtur. Hoc enim scientiæ genus, ex ipsa rerum natura petendum est: ejusque principia prima è primis rerum generibus deducenda. Ac tamen si prima rerum genera nullas ex se passiones realiter diversas, per propriè dictum causandi modum producere possint: ratio tamen emanandi iis non negabitur, ut quæ sunt natura priora, sint rationes suorum posteriorum. Et ita priora ad scientiam ostensivam suorum posteriorum conferre possunt. Hoc sensu eleganter disputavit Scotus In 2. d. 15. quæst. 2. Ens esse primum ordine ad Unum, Bonum, Verum: Hæc vero ad illud sese habere per modum passionum. Hic ergo Ens erit primum principium, è quo hæc ipsæ passio-

nes

nes profluunt : ut Ens sit primum principium primæ passionis , reliquæ v. sese mutuo sequantur, secundum rationes proprias, ut una sit ratio alterius.

Dico. 2. In scientia deducente ad impossibile, tota vis scientiæ consistit in hoc principio : Impossibile est idem esse & non esse. Quando enim Sophista per directam scientiam redargui non potest, ad absurdum deducitur, ut opinionis suæ falsitatem è contradictione seu repugnantia sui ipsius cognoscat : Ut ; qui negat omnem hominem sentire, necessariò concedit, quendam hominem non sentire, nec ergò quendam hominem esse animal, sibi ipsi ergo contradicit, quia omnem hominem & esse animal, & omne animal sentire concessit. Et ita sibi contradicendo redarguitur, quia idem esse & non esse est impossibile.

Dico 3. Primum hoc principium, tametsi non ingrediatur demonstrationem ostensivam : extrinsecus tamen omnibus scientiis & demonstrationibus inservit. Nam duobus modis principia conferunt ad scientiam : vel intrinsece, ea quæ actu in demonstratione ponuntur, cujusmodi sunt principia propria. Vel extrinsece, quæ tametsi actu non ponuntur, virtute tamen demonstrationi inserviunt, quia intellectum juvant, ut terminorum necessitatem promptius intelligat. Eo modo principia communia & dignitates omnes demonstrationi inserviunt, judicium in universalibus formando, ut sit certius in particularibus. Et ita hoc principium quia est maximè commune, omnium demonstrationum principium est : nam ejus virtute omnium conclusionum veritas nititur, ut cum certi simus de hac conclusione quæ ex

his principiis nascitur, veram ejus contradictoriam esse non posse nobis persuadeamus.

Dico 4. Hoc principium primum est simpliciter. Nam fundamentum omnium scientiarum est, ut de assensu principiorum & conclusionum certi esse possimus.

Sed in contrarium adducunt, affirmationem esse priorem negatione. Negativum esse hoc principium. Non ergo posse esse primum: necessario enim precedere affirmativum. Responderi hic potest duobus modis: 1. negando, esse hoc principium negativum. Modalis enim negatio pendet è negatione modi. Modus vero hujus axiomatis negativus non est. 2. dicendum, quod duobus modis intelligi potest affirmativum precedere negativum: Uno modo ratione terminorum, alio modo ratione evidentiae. Priori modo semper negativum ante se requirit affirmativum, quia necessarium est, ut termini sint, è quibus negativa componitur. Ratione evidentiae vero negativum potest esse prius affirmativo: quomodo hoc principium est evidentissimum, cujus virtute omnes demonstrationes ad impossibile deduci possunt. Dices: fuisse ab Heraclito negatum; non ergo esse notissimum & evidentissimum Respondet Aristoteles 4. Metaphys. non esse necesse, quaecunque quis negat, ea etiam putare. Et ejus naturae hoc esse principium, ut tamen si pertinacia ductus verbo id quis negare possit, aliter tamen sentire necessario cogatur ob principii evidentiam, cui intellectus necessario assentitur.



## CAPUT XIX.

## De Causis &amp; Effectis.

## I.

**E**ns est vel Causa, vel Causatum.

2. Causa est principium per se influens esse in aliud,

3. Causarum alia est realis, alia Intentionalis.

4. Causa realis est, cujus influxus effectum attingit nullo intellectus opere accedente.

5. Ea est vel extrinseca, vel intrinseca.

6. Extrinseca est causa, à qua manente extrinseca causati influxus ad producendum effectum nascitur: alia dicitur causa Efficiens.

7. Causa Efficiens est causa, quæ producit extrinsece aliud, cujus ipsa non est pars. Biel in 2. d.

1. q. 5. art. 1.

8. Causa alia per se agit, alia per accidens.

9. Causa efficiens per se est, quæ naturâ suâ ordinata est ad effectum producendum, ideoque virtutem realem & positivam effectui communicat: seu, quæ producit effectum virtute propriâ, ut describit Sontinas. 12. Met. q. 3.

10. Ea vel est Totalis, vel Partialis.

11. Causa totalis est, à qua sola effectus dependet.

12. Ea vel est sufficiens, vel adæquata.

13. Totalis sufficiens dicitur ea, à qua sola ita dependet effectus, ut ei non repugnet eundem effectum ab alia etiam quadam causa produci, quomodo calor ita dependet ab igne, ut simul possit esse à Sole.

14. Totalis adæquata dicitur, à qua sola ita pendet effectus, ut ei repugnet ab alia causa eundem effectum produci: quomodo Deus est causa totalis mundi.

15. *Partialis causa est, à qua sola effectus non dependit, sed quarum plures ad eundem effectum producendum concurrunt: aliàs dicitur causa socia.*

16. *Causæ sociæ sunt vel ejusdem ordinis, vel diversi.*

17. *Causæ sociæ ejusdem ordinis sunt, quarum æqualis est influxus in effectum producendo: ut duo trahentes navim.*

18. *Causarum sociarum diversi ordinis divisio, vel attenditur secundum latitudinem, vel secundum vim agendi.*

19. *Quoad latitudinem causarum alia est Universalis, alia Particularis.*

20. *Causa universalis est, quæ indifferens est & indeterminata ad plures effectus producendos, ut: cælum.*

21. *Causa particularis est, quæ ad unum effectum est determinata, ut homo non nisi hominem generat.*

22. *Secundum vim agendi causa alia est Principalis, alia Instrumentalis.*

23. *Causa principalis quatuor modis dicitur: 1. causa agens independenter, & ita prima causa sola est principalis, omnes verò secundæ sunt instrumentales. 2. Agens Quod, totum sc. suppositum à quo actio proficiscitur: ita pars dicitur causa instrumentalis, seu agens Quo. 3. Principalis dicitur cui tribuitur effectus productio: instrumentalis verò à quo dispositio ad effectum producendum fit, ut: ignis est causa producendi Ignis, instrumentum verò calor. 4. & quidem maxime propriè, causa principalis ea dicitur, quæ agit per formam propriam intrinsecam, ita ut in suo genere ab alia causa in agendo non dependeat: instrumentalis verò, quæ non agit per propriam formam,*

mam, sed tantum per motionem agentis principalis. Vide Scotum in 4. d. 1. quæst. 1. & ibid. Gabriel.

24. Causa per accidens est, cujus per se non est influxus in effectum producendo.

25. Et est Fortuna, vel Casus. Fortuna in voluntarie agentibus, Casus in iis quæ agunt naturaliter.

26. Causa intrinseca est, quæ ita ad effectum producendum concurrir, ut sit pars essentia,

27. Estque Materia, vel Forma.

28. Materia dicitur, vel Proprie, vel Impro-

prie.

29. Materia proprie dicta est materia ex qua, quæ est altera compositi pars, sustentans formam, ut ex utriusque conjunctione fiat compositum.

30. Estque immanens, vel transiens: illa è qua permanente res fit, ut corpus est materia hominis. Transiens, è qua transmutata res fit, ut è cibo sanguis & caro.

31. Improperie dicta materia, est vel materia in qua, vel materia circa quam.

32. Materia in qua est subiectum, in quo accidens inheret: ut paries albedinis.

33. Materia circa quam est objectum, circa quod vis & facultas quædam versatur, ut: color visus.

34. Forma est causa, quæ est altera compositi pars, per quam res est id quod est: & hinc à cæteris rebus distinguitur, operationesque suas obtinet.

35. Hinc à forma tria oriuntur. Esse, distingui, & operari.

36. Causa intentionalis est, quæ concepta ab intentione agentis sui amore & desideria extimulat agens ad agendum: & dicitur Finis.

37. *Finis est causa, cuius gratia res est.*  
 38. *Finis alius est  $\bar{\omega}$ , alius  $\bar{\delta}$ .*  
 39. *Finis  $\bar{\omega}$  est, cuius bono cedit finis: ut homo calcei.*  
 40. *Finis  $\bar{\delta}$ , est finis ad quem actio fertur.*  
 41. *Estque finis hic vel generationis, vel rei genitæ.*  
 42. *Finis generationis est, quo posito cessat actio: hoc modo forma dicitur finis generationis, quia eâ introductâ cessat generatio.*  
 43. *Finis rei genitæ est finis, qui rem factam consequitur: ita inhabitatio est finis domus.*  
 44. *Causatum est principiatum à causa dependens: seu, in quod causa influit suum esse.*  
 45. *Hoc dividitur in quatuor genera correspondentia causis: scilicet in ordinatum ad finem, quod est finitum, & in causatum ab efficiente, quod dicitur effectum, & in causatum à materia, quod dicitur materiatum, et in causatum per formam, quod dicitur formatum, Scotus in lib. de 1. prin. cap. 1.*  
 46. *Effectum vel est operatio, vel opus.*  
 47. *Operatio quædam est actio se ipsa terminata, ut visio: quædam tendens ad opus, ut, edificatio.*  
 48. *Opus est effectum actionem transeuntem terminans, & post actionem relictum, ut domus.*

## COMMENTARIUS.

**D**uplici ratione doctrinam causæ & effectus Metaphysicus tractandū suscipit: uno modo quia causa & effectus recipiuntur eū omni Entē: omne enim Ens vel est causa, vel effectum. Partim etiam, quia primus Philosophus tractat de primis rerum principiis, tum inquirendo

rendo eorum naturam , tum investigando numerum. Ac ex altera quidem ratione dicimus, quod unum Ens sit , quod est causa sine causa, hoc est , omnia ab eo ita pendent , ut ipsum à nullo alio pendeat : reliqua vero omnia ita sunt comparata , ut & fiant & agant, hoc est, respiciant aliquid se superius , ut causam , aliud inferius, ut effectum. Ex altera vero ratione dicendum, quod quantum ad numerum causarum attinget, quatuor numero causæ sunt: Efficiens, Finis, Forma, Materia: atque eum numerum comprobavit Arist. in 1. Metaph. asserendo, quod ex communi Philosophorum consensu pendent. Vide Fons. 1. Metaph. In hunc vero modum numerus ille quaternarius causarum probabilis ferè reddi potest : Ens aut est causa , aut causatum. Causatum aut est simplex , aut compositum. Simplex , si factum est , ab alio factum est, nec factum est temere : agens ergo , & finem ponit. Compositum non tantum ab alio est, & propter aliud, sed etiam est ex alio : non vero ex alio ut uno simpliciter, esset enim simplex: Ergo ex alio ut pluribus, non vero ex pluribus ut sine ordine, esset enim Ens per aggregationem. Ergo ex pluribus habentibus ordinem ad invicem. Ordo vero hic accidentaliter non est in eodem genere, ergo in eodem genere constituuntur per unum, quod habet rationem potentiae , & aliud quod habet rationem actus. Illud materiam dicimus, hoc formam. Inde elegantissime Scalig. lib. 2. de plantis pag. 292. qui compositi, inquit, & accidentium causas reddendas suscepisset , materiam, formam, efficientem & finem ponere debuerat. Materia namque & forma substantiæ partes sunt atque elementa. Efficiens principium , finis movens : Et Hermolaus Barb. lib. 1.



Nat. Scientiæ cap. 25. omne id, inquit, quod materia & forma constat, quatuor habeat causas necesse est. Formæ vero substantiales sine donantur & efficiente duntaxat. Idem etiam affectuæ sunt formæ substantiis adjacentes.

Videtur tamen etiam ponenda esse quinta causa, exemplaris nimirum. Verum dicendum, quod ea ipsa non sit distincta causa à reliquis: potest enim vel reduci ad formam, quatenus exemplar & forma in communi ea ratione conveniunt, ut tantum speciei Ens habent juxta formam, quantum habet in suo exemplari: vel ad agens etiam reduci potest, quatenus duo consideramus in agente: uno modo quod agat, altero modo quod agat determinate. Quorum primum ab agente de se est, posterius vero ab agente, quatenus instructum est aliquo exemplari. Quatenus igitur agere determinate non infert aliquam peculiarem relationem ad effectum alium ab activitate de se in genere, reducendum omnino exemplar ad efficientem causam videtur.

Natura verò earum hæc est; Causa uno modo dicitur, ex qua inexistente aliquid fit: alia verò forma & exemplar, hæc autem est ratio ipsius quid erat esse. Item unde principium mutationis primum. Item ut finis, hæc autem est cujus causa, ut docetur apud Arist. 2. post. cont. 48. Ac de primo quidem modo, quod dicitur causa ex qua inexistente aliquid fit, dicendum, quod hæc ipsa ratio in materiam cadat. Ea enim ab Aristot. 1. Phys. tex. 82. definitur, quod sit rei cujusque subiectum primum, è quo infit; non ex accidenti, aliquid oriatur, & in quod, si quippiam interit, ultimum abeat. In qua definitione tria notantur. 1. quod sit subiectum. 2. quod ex hoc subiecto infit aliquid fiat: 3. quod

quod in illud ultimum aliquid abeat. De primo Scalig. dicit in 1. de plantis pag. 38 35. & 2. de plantis pag. 293. 438. exer. 61. quod commune sit subjectum aliquod omnium formarum susceptivum, quod ex sese nihil ponat, sit vero omnium *παύδεχες*.

Fungitur autem materia duobus muneribus, quatenus formæ famulatur, ut est apud Zabar. de constit. Indiv. cap. 7. Uno enim modo est necessarium fundamentum quidditatis, nulla habita ratione actualis existentia: altero modo consideratur, ut actu existens extra animam sub forma, & per formam. Ac priori modo loquuntur, qui dicunt, ipsam materiam non ingredi in rationem essentia ac quidditatis rei: videtur enim essentia, prout est species, esse quid simplex, eaque ratione non potest esse ex pluribus intrinsecè, etsi prout distinguitur ab incorporeis, ordinem aliquem habet ad materiam, non ut in ea ponat essentiam, sed ut in ea ponat esse, quatenus essentia non est existens nisi in hac materia, existit autem in hac materia non ut est species, sed ut est hic & nunc, & eo modo ad speciem ordinatur tantum ut vehiculum, ad individuum verò ut id ipsum intrinsecè constituens, quatenus individuum dicimus juxta hanc formam in hac materia.

Forma vero est actus materiae, faciens ut illa sit hoc, attribuens rebus, quales, quoti, quanti gradus in ipsis sunt, ut est apud Scalig. 1. de plantis pag. 51. 45. Hinc dicitur esse *λόγος τῆς οὐσίας, ὡς δὲ μορφή, τότε ὡς ὄναι*, ut est, 1. Post. 7. Metaph. 1. de Generat. 2. Phys. & inde docuit Scalig. exerc. 307. sess. 39. Ac inde fit, ut materiam eatenus perficiat, quoad aptum sibi atque idoneum domi-

domicilium sua opera comparatum induat: ea-  
que ratione ex ejus potentia educi dicitur, non  
quod vis quaedam activa in materia requiratur  
ad hunc actum producendum, sed quod non est  
invita aut coacta, sed docilis & apta, & ad re-  
cipiendam & ad fovendam formam. Seu: ut  
sunt verba Pererii lib. 5. Ph. cap. 22. Educitur  
forma è potentia materiæ, quatenus fit 1. ab  
agente materiali. 2. per dispositiones materia-  
les. 3. in materia inhærentes, ac 4. ita pendet  
ab ea in fieri, in esse, in operari, & quidditative.  
Est verò in composito officium formæ hoc, ut  
determinet & constituat hoc aliquid, distin-  
guat & separet, contineat, uniat, & operationi-  
bus imperet, ac determinet idem, quatenus ma-  
teria de se indifferens reducitur ad hanc speci-  
em sub hac determinata forma: hoc aliquid vero  
constituit, quatenus ipsa speciei essentia ab ea  
est. Inde vero distinctio & separatio insequitur:  
quatenus iisdem res est, & distinguitur. Est  
vero primario & intrinsece res à forma. Ab ea-  
dem ergo distinctio sequatur oportet. Continere  
vero & unire dicitur, quatenus quæ plura sunt  
in uno composito unum fiunt ab una forma:  
quomodo Esse, vegetari, intelligere, homine  
uniuntur ratione unius animæ à qua sunt, &  
multæ partes materiales, quatenus ordinantur  
ad imperium formæ sub ea unum quid fiunt, ut  
est apud Scalig. exer. 346. Operationibus vero  
imperare dicitur, partim iis, quæ ab ea proficif-  
cuntur, partim etiam iis quæ extrinsecus sunt,  
determinando eas ipsas ad modum subjecti in  
quo est.

Efficiens dicitur unde principium mutatio-  
nis primum aut quietis. Ac motus quidem prin-  
cipium dicitur, non ut quidam putant, quod  
omne

omne agens agat per transmutationem rem cum motu producendo : sed objective seu terminative, quatenus semper virtute agentis terminus actionis aut alius est, aut alio modo se habens. Alias enim nota est communis distinctio efficientis, quod aliud cum actione & passione agit, ac proprie agens dicitur, aliud vero sit, quod absque ulla resistantia facientis sine ulla conatu, quasi sponte sua eum, qui ipsum insequitur effectum producat, unde & minus proprie efficiens dicitur, ut est passim apud Zabar. 1. de propo. nec. c. 10. l. 1. De motu gravium & lev. c. 11. Illud est agens per transmutationem, hoc agens per emanationem.

Agit vero efficiens causa vel per se, vel per accidens. Per se agit, quæ propria virtute & intentione agit : atque ea est vel principalis, quæ alias in agendo dirigit, alia instrumentalis, quæ à principali dirigitur. Principalis vero vel est Universalis, vel Particularis. Universalis dicitur, quæ varios effectus potest producere : Itaque est universalis in subiecto, quia ad plures effectus virtus ejus extenditur. Particularis vero ea, quæ ad unum tantum effectum producendum est ordinata. Atque è conjunctione particularium & universalium causarum oritur subordinatio : dicuntur vero quædam causæ subordinari essentialiter, quædam vero accidentaliter. Essentialiter subordinari ex dicuntur causæ, quæ ejusdem generis, ita affectæ inter se sunt, ut una ab altera ex natura sua pendeat in causando, ut est apud subtiliss. Dyns in 1. sent. d. 2. q. 1. Accidentaliter vero subordinari dicuntur ex causæ, quæ ejusdem generis ita affectæ inter se sunt, ut altera pendeat aliquo modo ab altera, non tamen in causando, ut est apud Fons. 2. Met. cap. 2. q. 1. sess. 2, Causa

Causa per accidens dupliciter accipitur, ut est apud Lambertum de monte Domin. 2. Physic. ad text. 38. & Armancum de bello visu tractat. 2. cap. 246.

Vno modo ex parte causæ, quia scilicet id quod accidit causæ dicitur causa: quomodo Musicum dicimus ædificare. Alio modo ex parte effectus, & hoc tripliciter. Vno modo, quod habet ordinem necessarium ad effectum per se, ut remotio prohibens, 2. ad effectum habet ordinem per accidens non necessarium, neque ut in pluribus, sed in paucioribus, quomodo fortuita & casualia à causa per accidens dependere dicuntur 3. quod nullum habent ordinem, nisi forte secundum æstimationem, quomodo dicimus terræ motum factum, eo quod ingressi ædes simus.

Post vero efficiens causa referri ad tria, ut est apud Piccol. in digress. 2. Physic. ad cont. 38. ad materiam, formam, compositum. Ad materiam transmutando eam, facit enim dispositiones in materia, quæ ordinantur ad hanc formam, & non ad aliam, quatenus non est forma in qualibet materia, sed in materia sibi determinata. Ad formam, educendo eam de potestate materiæ, si forma materialis sit. Ad compositum, nectendo materiam cum forma.

Finem Aristot. dicit hoc, cujus gratia: itaque pro ejus completa constitutione duo requiruntur, juxta Piccol. 2. Physic. pag. 200. 1. Ut sit vel possit esse extrinsecus. 2. ut sit in intentione agentis. Per primum excitat appetitum agentis: per alterum antecedit, dirigit, movet. Movere vero hoc, ut est apud Scalig. exerc. 254. non est movere proprie, sed ut dicunt Metaphorice: quod nihil aliud est, quam ipsum  
amari

amari ab agente, & propter ipsum sic amatum. aliud amari, vel fieri, ut docet Gabriel in 2. dist. 1. quæst. 5. art. 1. Est autem duplex finis: unus generationis; alter rei gentiæ ut docet Pererius 2. Phys. cap. 5. & Scalig. 1. de plantis pag. 149. Finis generationis vel absolute dicitur, ut est forma apud Aristot. 2. Phys. text. 81, vel generationis perfectæ, quando genitum valet sibi simile procreare, ut est in 4. Meteororum. Finis item rei gentiæ duplex est: cuius & cui, ex Arist. Scalig. 1. de plantis pag. 103. Finis cuius dicitur, cuius adipiscendi gratia agens movetur, vel operatur. Finis cui dicitur ille, cui alter finis procreatus, ut Docuit Franc. Suarez. disp. Meta. 23. Sect. 2. nu. 2. & Antonius Scaynus 2. Phys. cap. 5. Itaque finis Cuius amatur alteri, ac dicitur finis concupiscentiæ, sed solus finis, Cui simpliciter amatur amore amicitiae ut est apud Thom. 1. 2. q. 28. art. 4. & Gabr. in 2. dist. 1. q. 5. Finis cui iterum duplex est, ut docet Piccol. in digress. secundi Phys. de fine: vel proprius & proximus vel postremus & communis. Proximus is est, cui finis qui dicebatur Cuius debet competere: Communis & Postremus Deus est, cui omnia serviunt.

Notari hoc loco potest commode triplex gradus eorum, quæ progrediuntur ad finem consequendum. Primus gradus eorum est, quæ non sub boni ratione tantum finem agnoscunt, sed & proportionem mediorum ad finem obtinendum: ita est agens voluntarium. Secundus eorum, quæ secum materialiter per se concipiunt finem sub ratione boni naturaliter convenientis. Ita cervus aquam desiderat, non sub propria ratione, sed sub ratione sibi convenientis, quando sitit. Tertius eorum est, quæ

quæ nullo omnino modo cognoscunt finem, agere tamen propter finem dicuntur. quia nuntum & instinctum sui motoris semper observant, & ad illum finem tendunt, ad quem ab illo diriguntur. Ejusmodi sunt pure naturalia: quæ ea de causa dicuntur duci à superiori intelligentia non errante. Ejusmodi enim Entia deducuntur à Deo, ad ignotos sibi fines. Vide Matt. Aquar. in disp. de Ideis. Lambertum 2. Ph. tex. 86.

Atque hæc breviter dicta sunt de quatuor causarum generibus. Ordo vero inter has causas varius esse potest: vel Inventionis, ita materia prima est: vel dignitatis, ita finis: vel intentionis, ita idem finis: vel explicationis, ita internæ causæ: vel originis, ita materia, ut docetur apud Picc. 2. Phys. pag. 284. & sequen. Eleganter hac de re Gerhardus Matthæus. 2. Phys. cap. 8. Finis, inquit, antecedit proposito & cogitatione, Efficiens operis executione, Forma dignitate & perfectione, Materia subiecto & quasi generatione. Fini tamen iure suo principatus maxime debetur, eo quod iste in omni re actionis prima origo est. Ita Arist. 2. Metaph. text. 8. Nullas, inquit, inciperet agere quicquam, si non esset proventurus ad finem: unde principalissimam & honorabilissimam scientiam, & cui cæteras scientias tanquam ancillas contradicere non decet, dicit eam quæ est finis & boni: huius enim causa cæteras 3. Metaph. text. 3.

Quatuor causarum generibus quatuor effectorum seu causatorum genera respondent. Est enim aliquid ad quod finis ordinatur, quod dici potest finitum, vel forsan rectius finis in executione; est & aliquid causatum ab efficiente, quod

quod effectum dici potest: est caufatum à materia, quod materiaturum dicitur: & est caufatum per formam, quod dicitur formatum, ut docuit Scotus in libr. de primo principio cap. 1. Quæ omnia facile poffunt effe manifefte, fi ea in ordine ad quatuor caufarum genera confideremus. Nec opus ut hæc de re fuſius agamus, quum hæc doctrina ab aliis fuſè fit explicata. Egimus etiam de cauſis in Phyiſicis noſtris, & pluribus in Logicis.

C A P V T. XX.

De Ordine Terminorum diſiſionis.

I.

**D**E terminis ipſis diximus: ſequitur ordo terminorum.

2. Ordo terminorum eſt præciſio termini à termino, ratione formalis conceptus, ſecundum quam terminus eſt prior alio.

3. Ordo conſiſtit in convenientia & diſconvenientia.

4. Convenientia eſt, quod omnes re conveniunt, diſconvenientia, quod differunt ratione.

5. Ea differentia poſita eſt in eo, quod vel terminus termino eſt magis intrinſecus: vel quod terminus termino eſt generalior & ſpecialior: De quo in Commentariis plenius dicitur.

COMMENTARIUS.

**N**unc de ordine terminorum diſiſionis ad invicem dicendo: ſciendum, quod hi termini duobus modis conſiderari poſſunt, ſecundum diſiunctionem, & ſecundum abstractionem à diſiuncto. Secundum diſiunctionem  
eos



eos dicimus considerari, quando ipsius disiuncti termini inter se oppositi sub considerationem veniunt: & hoc modo certum omnino est, quod cum totum disiunctum feratur super omne Ens; & ipsi termini omne medium excludant, contradictorii inter se sint. Ita enim communiter metiri solemus contradictoria ex immedietate, infinitate, ut ea quæ non non certi & determinati subiecti, sine medio posita, ea contradicere sibi dicamus, ut colligitur ex Aristotele 1. post. cont. 13.

Abstractionem vero à disiunctione dicimus, quatenus totum divisum in divisionis terminis exponitur, verbi gratia, quomodo sese habeant invicem infinitum & finitum, ad increatum & creatum: quomodo increatum & creatum, ad à se & ab alio: quomodo à se & ab alio, ad necessarium & contingens &c. Ac hoc modo tria circa hos terminos dicenda veniunt: 1. In quo differant. 2. In quo conveniant; & 3. qui eorum terminorum sint priores & posteriores.

Differentia eorum manifesta est à ratione fundamentali divisionum: quando n. dividitur res in creatam & increatam, fundamentum divisionis est specialis dependentia, creatio scilicet. Fundamentum divisionis in rem à se, & ab alio, à generali dependentiæ ratione desumitur; inde sequitur rem esse Necessariam & Possibilem: quoniam quæ est à se, Necessaria est, potentiam vero habet ad fieri, quæ est Possibilis. Esse vero infinitum & finitum sunt prima fundamenta omnis potentiæ, tam ad esse hoc, quam ad fieri. Inde ergo sequuntur diversi conceptus: quoniam esse finitum & esse infinitum proprie videtur spectare formale essentia

essentia, juxta quod tantam perfectionis quantitatem res quæque habet, ut ea ipsa vel extra terminos sit, vel certis terminis comprehensa. Esse vero à se, & esse ab alio non videtur spectare formalem essentia rationem, sed ut essentia spectat quid extrinsecum: excludendo nimirum, vel causam efficientem, vel eam ipsam admittendo. Quod innuit fundamentum divisionis in increatum & creatum: est enim creatio specialis dependentia ad extrinsecum, quo ad hoc, quod fieri potest, & est tantum in potentia objectiva, non item subiectiva, hoc est, ut non fiat ex alio, sed tantum ab alio. Et ponitur creatio pro fundamento hujus divisionis, non quod creatura omnis immediate è nihilo sit, sed quod creationis beneficio res unaquæque speciem suam primum acceperit. Esse v. Necessarium & possibile ponit modum dependentia hujus, quod nimirum res creata sit possibilis esse ab alio, idque contingenter, quoniam se habet per modum oppositi ipsi necessario. Unde & hoc videtur posse deduci, quod res creata non sit ab alio per naturalem quandam emanationem, eo enim modo quæ dependent, necessario dependent: sed quod productæ sint res creatæ voluntarie, ea enim ratione necessitatem excludunt. Independens & dependens videtur convenire cum divisione è se & ab alio. Principium & principium videtur denotare positivum influxum principii in id, quod à principio est. Causa vero & effectum denotat varios modos dependentia effecti à sua causa.

De convenientia vero dicendum, quod res increata, incausata, infinita, independens, principium sine principio, & res necessaria  
Deus

Deus est: causata possibilis, dependens, principiatum, effectum, & res finita communi nomine, creatura dicitur. Unde conveniunt in duobus: 1. In communi subiecto. 2. In communi dependentia. In communi subiecto quidem, quatenus altera disjunctorum pars pro subiecto Deum habet, altera vero creaturas. Dependentiam vero quatenus altera pars omnem excludit, altero vero eam ipsam infert. Unde patet, quod res una est, & si tantum differentia secundum conceptum.

Ordo vero hic est, ut cum propria cuique res sit essentia, primo res sit infinita & finita. Secundo si respicias extrinsecum, res alia vel est in potestate objectiva, vel non est, ac ita secundum locum tribuimus Necessario & Possibili. Unde sequitur dependentia secundum potentiam, ut res sit à se, vel alio. Ac quoniam generalis dependentia prior & speciali, quarto loco ponimus Ens increatum & creatum: habet enim se creatio in modum speciei ad dependentiam in genere. Hinc principium & principiatum causa & causatum sequitur. Ac tantum de ordine terminorum divisionis.

## CAPUT. XXI.

## De Universali &amp; Singulari.

## I.

**D**ivisiones Entis per modos intrinsecos, qui sequuntur Ens quatenus Ens peregrinus: sequuntur ea, quarum fundamentum desumitur è passionibus Entis.

2. Earum alia insequuntur Vnum, alia Verum, alia Bonum.

3. Vnum insequuntur Vniversale & Singulare,

lare, Identitas & Diversitas, Simplex & Compositum, Totum & Pars.

4. *Universale consideratur, vel secundum nomen, vel secundum rem.*

5. *Quoad nomen universale dicitur multipliciter. Est enim universale vel in distribuendo, vel universale in representando, vel in causando, vel in prædicando.*

6. *Universale in distribuendo est signum universale denotans prædicationem vel omni, vel nulli subiecto convenire, ut sunt nota: Omnis, Nullus de quo Logicus in lib. de Interp.*

7. *In representando universale est species intelligibilis abstrahens ab hic & nunc, representans intellectui notionem convenientem pluribus individuis & singularibus. De quo Physicus in lib. de anima de specie intelligibili.*

8. *Universali in causando est causa indifferens, ad plures effectus producendos: ut: Deus, celum.*

9. *Universale in prædicando cui non repugnat inesse multis, & consequenter prædicari.*

10. *Eius consideratio quoad rem Metaphysici propria est.*

11. *Universale duo in se complectitur: Materiale & formale, à Thom. 1. part. quæst. 35. artic. 3. ad 1. Zimara in quæst. de primo cognito. & Martino Polichio prædicab. q. 4. notab. 1.*

12. *Materiale universalis est natura, quæ denominatur universalis: & est fundamentum universalitatis ratione ejus aptitudinis, quæ habet non repugnantiam ad hoc, ut multis insit. Lambert. de moni. dom. 1. de animat. c. 8. vocat universale Imperfectum. Et hoc modo universalia sunt, quid à parte rei.*

13. *Formale est ipsa universalitas denominans naturam, ut universalis dicatur.*

14. *Formale duo in se comp'editur: unitatem, & actualem respectum ad plura. Ea duo non conveniunt universali, nisi mentis operatione accedente.*

15. *Singulare illud dicimus, quod est incommunicabile multis inferioribus, de quibus dici possit. Seu: quod est definitum ad hic & nunc: quia tamen posterior descriptio in rebus tantum finitis vera esse intelligitur. Vide de Universalibus eleganter differentem doctiss. Monlorium in doctrina de Univers.*

#### COMMENTARIUS.

**E**Ns omne aut universale, aut singulare esse dicimus. Ac universalis quidem vox multis modis dicitur: Vno modo accipitur pro universali in propositione necessaria quatenus distinguitur à propositione contingenti, de omni ac per se: ac definitur apud Aristot. 1. Post. cont. 36. quod & de omni sit, & per se, & quatenus ipsum. Alio modo accipitur pro modo, seu nota, denotante aliquam propositionem esse universalem, & pertinet ad lib. de Interp. ac significatur per has dictiones Omnis & Nullus, ut est apud Zabara. 1. Post. ad cont. 31. Tertio usurpatur pro universali in causando, quod plurium causa est, licet de pluribus non prædicetur. Est denique universale in prædicando, cujus causa est natura, ut de multis prædicari possit. Et hoc iterum triplex est: ante multa, in multis, & post multa.

Ante multa sunt vel Ideæ Platonice, aut nobis in mentem divina, ad quas Deus respici-

ent

ens fabricavit ea, quæ in inferioribus hisce sunt De quibus Ideis pluribus egimus Antidoti nostri lib. 2. c. 22. Universale post multa est conceptus in animo positus, collectus ex individuis qui de multis actu prædicari potest. Universale in multis est natura communis in multis individuis, præter animi nostri cogitationem existens, ita ut habeat aptitudinem eam qua in multis esse potest: & hæc ceu fundamentum supponitur universali illi, quod post multa esse dicimus. Ac de hoc universali, quod ultimo loco diximus, tres imprimis difficultates apud Porphyrium sub in initium Prædicab. positz, sed non solutz, solvendæ sunt. Prima ea est, num genera & species subsistant extra intellectum? Altera num genera & species sint Entia incorporea an corporea? Tertia, num genera & species sint Entia separata à rebus sensibilibus, an in in solis sensibilibus reperiantur?

Ac de prima quidem dicendum, quod universale duobus modis accipitur, ut est apud Lamb. in 1. de anim. uno modo pro universali Imperfecto, alio modo pro universali perfecto. Vniversale Imperfectum dicimus, quod est fundamentum perfectæ universalitatis, juxta quod nimirum est aliqua non repugnantia, ut aliquid in multis esse possit. Vniversale vero perfectum huic fundamento addit duplicem relationem: una est relatio naturæ ad intellectum, secundum quam natura dicitur una. Alia relatio est habitudo sive aptitudo, ad plura inferiora, secundum quæ dicitur natura inesse in multis aptitudine. Ac priori quidem modo dubium non est, quin universale sit extra intellectus conceptum. Ex hoc enim fundamento oritur, ut homo homini similior, seu ad homi-

nem

nem propius accedat, quam ad truncum: & hoc sensu procedunt omnia ea argumenta, quæ à Monlorio in doctrina de universis adducuntur. Sin posteriori modo accipiatur universale, sine intellectus conceptu universale perfectum non est ut enim plures homines sub unitate conceptus sint, & hic conceptus unus de pluribus prædicetur, hoc intellectus opus est. Itaque universalitatis fundamentum reale est, hoc enim universale Imperfectum dicebamus: ipsa vero universalitas iuxta relationem & unitatem ad plura ab intellectu pender.

De secunda difficultate dicendum, quod universale possit dupliciter considerari: uno modo abstractivè, alio modo conerective. Abstractivè consideratum universale omnem corporeitatem excludit: est enim universale, si vel maximè in corpore, & cum corpore non sit. Conerectivè vero consideratum est in singularibus, & ita quadam universalia incorporea sunt, quadam incorporea videntur. Incorporea ea dicimus, quæ sunt Entium abstractorum: Corporea quæ sunt materialium: ea enim saltem connotativè rationem corporeitatis includunt.

De tertio dicendum, quod universalia separata à singularibus non sint. Idque duplici ratione: uno modo ex parte universalis, quatenus plane tollitur, sublatis omnibus singularibus ut docetur apud Arist. in categ. subst. sublatis substantiis primis nihil manet reliquorum. Alio modo ex parte singularis, quatenus universalia de essentia singularium sunt: nulla vero essentia est separata ab eo cujus est essentia.

Singulare vero hoc dicimus cum Arist. in 1. Metaph. text. 14. quod numero est unum. V.

nūm

num vero numero dicimus è 5. Metaph. t. cap. 21. cujus materia est una. Duo circa hæc singularia dicenda veniunt: Vnum, quodnam sit hujus singularitatis seu individuationis principium: alterum, anne aliquod additum ipsi universali fiat singulare? De priori videtur dubium ob sententias inter se adversas: ira enim Thomas materiam suam signatam: Scotus hæcæitatem pro principio ponit, alii solam formam nominant. Juxta hoc sciendum, quod Individua alia sunt naturæ simplicis, expertis omnis materiæ, cujusmodi sunt intelligentiæ. Hæ seipsis individuantur, quemadmodum sunt seipsis id quod sunt. Totavero controversia est de individuis compositis & materialibus. Hic jam respondendum, quod de individuo tribus modis loqui possimus: uno modo juxta productionem: alio modo juxta illationem: tercio modo juxta esse. Ac in ratione productionis dicendum, quod eo modo Individuationis principium sit materia signata. Sunt enim in materia signata tria materia, quantitas, & dispositiones. Ac materia quidem primum fundamentum est, suscipiendi dispositiones mediante quantitate: quoad ergo dispositiones sunt occasio producendi individuum, distinguimus hoc ab illo quoad nos: eaque ratione individuationis principium est materia signata. Quantum vero ad rationem illationis attinet, juxta quam nimirum hoc individuum distinguimus ab illo quoad nos ea ratione dici potest aliquo modo principium individuationis esse accidentia, juxta quod scilicet nos individua non nisi accidentibus ab invicem distinguimus. Hinc Porphyrius Isag. cap. 2. ex accidentibus describit Indi-



vidua: Individua, inquit, nominantur ex eo, quod ex proprietatibus suis quidque constet, quæ omnes in alio eadem esse nullo modo possunt. Socratis enim proprietates nunquam in alio eadem esse possunt. Quantum vero ad esse, Individuum possumus considerare dupliciter: uno modo, quod est principale in individuo, & hoc ipsum est essentia, quam à specie ratione formæ habet: & hoc modo dici potest, formam seu actum esse individui principium, Quod si vero esse individui, ut totale esse habet consideremus, ita dicemus formam in materia totum esse individui facere. Ratio hæc esse potest: Vniuscujusque rei principium hoc est, à quo intrinsece constituitur. In individuo v. intrinsecum nihil est, nisi materia & forma. Ab hisce ergo adæquate & totaliter individuum constitui dicemus. Et ab hac sententia alienus Scotus non est: cum enim hæcceitatem suam non intelligat quid aliud nisi formam totius, forma vero totius dicatur Esse essentia in abstracto consideratum: essentia vero coneretive & abstractive considerata sit eadem secundum rem, qui dicit essentiam individui esse constitutam in unione materiae cum forma, idem hæcceitatem seu formam totius individuum facere dicit. Vide Zimaram solut. contrad. Ar. & Averr. 7. Metaph. contrad. 12. & 2. de anima contrad. 1. & 2.

De secundo, quod erat, anne singulare differat ab universali ratione alicujus additi, de eo etiam diversæ sunt sententiæ, Durandus statuit, idem secundum rem esse universale & singulare, ita ut differant, ut indeterminatum & determinatum, determinationem vero facit non ratione alicujus additi, sed ratione ipsius rei,

rei, quæ vel indeterminate, vel determinate consideretur. Contra Scotus ut est in 1. Sent. dist. 28. & in 2. dist. 3. quæst. 6. statuit, non differe quidem universale & singulare ut rem, interim singulare differe ab universali secundum additum, quod additum vocat aliquam realitatem: quam eandem sententiam tuetur Nicol. de Orbell. in 2. dist. quæst. 1. Hic dicendum, quod duo in quæstione sint: unum, in quo universale & singulare conveniunt, alterum in quo differunt. Ac in eo conveniunt universale & singulare, de quo etiam inter Scotum & Durandum convenit, quod sint eadem res, seu quod eandem essentiam obtineant: non n. per aliud & aliud. Socrates est homo & hic homo: sed eadem est essentia hominis & huius hominis. In eo vero differunt, quod habent se ut indeterminatum & determinatum, quodque illud universale, hoc singulare dicimus. Ac hic dicendum, quod hæc singularis determinatio juxta Scoti sententiam oritur ratione realitatis additæ: ex eo, quia nihil seipso determinatur, sed determinatio est ab alio. Et hoc additum non differt realiter ab universali, sed tantum è natura rei, ita ut dicamus Johannem & Petrum convenire in communi essentia, differre à se invicem ratione realitatis, quæ non est una in utroque.

Ac hæc quidem diversitas in subjectis materialibus seu compositis est: nec de immaterialibus substantiis, & accidentibus controversia minor est, unde eorum sit petenda individuationis ratio. De substantiis enim immaterialibus dicendo primum, Thom. existimat, non haberi propriè individuationis rationem in iis, sed quamlibet substantiam immaterialem ab

alia secundum speciem differre, ut docet 1.  
 part. quæst. 50. artic. 4. hoc est, ut explicatur  
 apud Antoninum, non quemadmodum Marti-  
 nus & Petrus in unitate essentia conveniunt,  
 suppositis à se invicem differunt, ita Angelus ab  
 Angelo: sed quemadmodum homo à Leone,  
 ita substantia immaterialis ab immateriali.  
 Contra Scotus, Durandus, Occam, Biel aliq;  
 plurimi in 2. d. 3. sentiunt, quemadmodum in  
 materialibus, ita & in immaterialibus plura  
 secundum numerum, in unitate essentia speci-  
 fica convenire. Nos ita statuimus: speciem &  
 individuum esse plane idem in immateriali-  
 bus, nec per aliquam additam realitatem in iis  
 singulare differre à specie, nec sub una specie  
 plura esse individua. Ratio videtur sufficiens  
 ad eam rem declarandam: quia non sunt in  
 angelo plura secundum quæ essentiam speciei  
 à numero differre faciamus: ideoque nec se-  
 cundum rem in Angelis quid est, in quo con-  
 veniant, & in quo differant. At multiplicatio  
 numeri secundum speciei unitatem requirit, ut  
 secundum rem sit quid unum, in quo per reali-  
 tatem additam multiplicare possimus nume-  
 rum. Et hæc sententia Thomæ est: nec enim  
 adeo vesanus est, ut existimet esse in generali  
 speciei ratione quemque angelum, non con-  
 tractum ad singularitatem, sed hoc putat, per-  
 fectione specifica quemlibet Angelum ab alio  
 differre, nec plures eandem perfectionem com-  
 municare: eo sane modo quo de cœlestibus  
 corporibus scribit Averr. distinct. disp. Met. 1.  
 corpora cœlestia non sunt eadem specie,  
 plura vero numero, sed sunt plura specie, ut  
 individua animalium diversorum, licet non  
 reperiatur illius speciei nisi unum individuum  
 tantum.

De Accidentibus item Thomas ejusque Sectatores discrepant ab aliis Doctoribus Scholasticis. Censet enim Thomas, quod numerus accidentium dependeat à subjectis, ita ut Accidens ab Accidente numero differat, eo quod in diverso numero subjecto ab alio est. Verum hæc sententia non placet, nihil enim singulare seu individuum est per hoc quod ipsi est extrinsecum: eo quod non est aliud esse & singulare esse, ideoque per idem res est, & est singularis. Ut itaque per extrinsecum nihil esse potest, ita nec per extrinsecum singularitatem seu numerum obtinere. Itaque dicendum, ut Accidens seipso est, hoc quod est, ita seipso esse unum numero inherens. Potest nihilominus reduci ad bonum sensum Thomæ sententia, ut hoc videmus apud Fr. Suarez in doctrina de Individuatione accidentium: Si dicamus, Accidens dupliciter considerari posse: uno modo quoad produci, alio modo quoad esse. Et illo modo à subjecto obtinere rationem singularitatis: eo quod subjectum sit occasio agendi ad producendum hoc Accidens potius, quam aliud. Quoad esse vero non à subjecto dependere accidentis numerum, sed ab intrinseca sibi ratione, per quam ut est, ita & est hoc numero distinctum ab aliis. Seu: quoad nos metiri nos accidentis singularitatem è suppositis, quia dicimus numero differre accidentia, quæ sunt in diversis numero subjectis. Quoad rem: individuum esse à se ipsis petere accidentia. Tantum de universali & singulari.

## CAP. V. T. XXII.

## De Identitate &amp; Distinctione.

## I.

**I**dentitas est vel absoluta, vel relativa.

2. Identitas absoluta est, secundum quam res dicitur eadem sibi ipsi sine ordine & respectu ad aliud.

3. Identitas relativa est, secundum quam res dicitur esse eadem cum re alia, cum qua habet convenientiam.

4. Hæc identitas est vel ratione formæ, vel ratione subjecti.

5. Identitas formæ est vel secundum rem, vel secundum gradum.

6. Identitas formæ secundum rem est earum rerum, quæ eadem forma participant, vel substantiali, vel accidentali.

7. Identitas formæ quoad gradum est, quæ eodem formali conceptu communicant: quomodo homo & Leo non eadem forma, sed eodem formæ gradu conveniunt, verbi gratia, conceptus animalis.

8. Hæc est vel Generica, vel Specifica, vel Proportionalis.

9. Identitas Generica est eorum quæ genere: specifica eorum, quæ specie conveniunt: proportionalis eorum, quæ proportionem conveniunt.

10. Identitas ratione subjecti est multorum essentia diversorum in uno subjecto convenientia: quomodo sunt unum, materia, & privatio.

11. Diversitas accipitur vel late, vel stricte.

12. Diversitas late accepta definitur apud Arist. 5. Metaph. cap. 9. quod diversa dicantur, quorum

quorum aut species plures, aut materia, aut ratio substantiæ, & omnino diversum dicatur oppositè ad id quod idem dicitur.

13. Diversum vero stricte illud dicimus, secundum quod plura ita se totis distinguuntur, ut nulla in re convenient.

14. His opponuntur differentia: quæ in uno convenient, & in alio differunt: ut Leo & homo convenient in genere, differunt specie.

15. Modi diversitatis gignunt distinctionem. Est vero distinctio plurium inter se differentia.

16. Eam alii duplicem faciunt: Distinctionem Rationis, & Realem: quia Ens aliud Rationis aliud Reale. Falso.

17. Distinctionem enim non metimur ex natura extremorum, sed ex habitudine extremorum inter se.

18. Itaque nobis distinctio est triplicis generis: Distinctio Rationis, è natura Rei, & Realis.

19. Sano sensu ad bimbrem divisionem reducimus: ut distinctio rationis subdividatur in distinctionem rationis ratiocinationis, & rationis ratiocinatæ: illa ad distinctionem Rationis simpliciter pertinet, hæc ad distinctionem è natura Rei.

20. Distinctio rationis est distinctio facta ab operatione menti, quomodo dextrum & sinistrum distinguuntur in columna.

21. Distinctio è natura rei est vel virtualis, vel formalis, vel modalis.

22. Distinctio realis, est, inter rem, & rem.

23. Estque vel realis tantum, vel suppositali, vel essentialis, vel se totis objective, vel se totis subjective. De quibus in Commentariis plenius.

## COMMENTARIUS.

**D**E Identitate dubitatur, quomodo ab uno distinguitur. Sciendum ergo quod idem accipitur vel fundamentaliter, vel formaliter. Fundamentaliter acceptum idem ab uno diversum nihil est. Verum acceptum formaliter dicimus differre ab uno, non quidem re, sed per additum respectum, quatenus nimirum quod est unum in se, cum respectu quodam dicitur, vel ad se, quod sibi idem sit, vel quoad aliud; quoad plura inter se identitatem habent. Est autem Identitas duplex, alia rationis, alia vero rei. Identitas rationis est in iis, in quibus extrema non sunt re ipsâ diversa, sed ea tantum ratione distinguuntur, quia intellectus eodem utitur ut pluribus. Identitas vero rationis, duplex est: una rationis conceptæ, alia rationis factæ. Identitas conceptæ rationis modos realitatis complectitur, quatenus ut sunt ratione, ita idem esse concipiuntur. Identitas rationis factæ est, quando fundamentum reale non est in re, intellectus tamen unum ut plura concipiens relatione facta idem ad se ipsum refert. Rei vero identitas triplex est: una secundum formalitatem, alia secundum realitatem, alia secundum numerum. Formalis in iis est, quæ Aristot. eâdem dicit esse substantiâ: hæc enim formaliter & essentialiter unum sunt, ut evolutione tantum definitionis differant, alias per omnia sunt eadem. Identitas realis in subordinatis est, hæc enim in re idem esse dicuntur, quoniam sese non habent ut res & res, sed tantum ut ejusdem rei conceptus diversi. Identitas vero numerica in individuis est, & numerica

metaph. dicitur, quod unum numero sit, numerum non habens.

Distingui vero unum ab altero tribus modis dicitur: 1. Sola ratione; 2. E natura rei. 3. Realiter. Sola ratione distingui ea dicuntur, quæ Thomistæ dicunt distingui ratione ratiocinante, quando scilicet distinctionis fundamentum in re nullum est, sed est distinctio concepta solum & ratione conficta: Scotus in 1. distinct. 2. quæst. 4. vocat differentiam rationis formatam ab intellectu: Ita in iis est; quæ sunt idem, intellectus tamen utitur iis ut pluribus, dicendo verbi gratia idem sibi ipsi idem est: hic identitas illa simul infert distinctionem, ratione ejus rationis, qua idem ad seipsum refertur, non enim posset referri, nisi esset quadantenus aliqua distinctio, quia relatio semper requirit duo extrema sive secundum rem, sive secundum intellectum distincta, ut docetur apud Averr. 5. Metaphys. cap. 9. in expositione media. Alii hanc dicunt collativam, ut est apud Constant. Saranum direct. mihi pag. 4. quia fit solum per actum comparativum intellectus, ut non à re, sed præcisè ab intellectu habeat dependentiam, ut est dextrum & sinistrum in columna.

Ea vero quæ est è natura rei, Thomistis barbare dicitur secundum rationem ratiocinam distinctionem: accipiendo rationem non pro formatione intellectus, sed pro quidditate rei, secundum quod quidditas est objectum intellectus, ut est dicti primi dist. 2. quæst. 4. sect. sed hic restat. Eam triplicem facimus: virtualem, formalem, & Modalem.

Virtualem Scotus vocat illam, quando illud quod habet talem distinctionem, in se



non habet aliquid ut rem & rem, sed est una res habens virtualiter sive eminenter quasi duas realitates, quia utrique realitati, ut est in illa re, competit illud proprium, quod inest realitati, ac si ipsa esset res distincta, ita enim hæc realitas distinguit & illa non distinguit, ac si esset hæc quidem una res, illa vero alia. Ita animam & intellectum differre dicimus, non ponendo rem & rem aliam, sed unius rei quasi duas realitates, est enim emanans quasi ad intellectionem intellectus, & distinctio non est à parte animæ, sed à parte intellectus.

Formalis vero dicitur, quando una res continet duas realitates formaliter extra se invicem positas, ac si essent duæ res, licet in hoc subiecto per identitatem istarum duarum realitates sint una res. Ejus generis illa dicimus, quæ sunt unitivè contenta ut è Dionys. 5. de divinis nominibus vocat subtiliss. Duns in 1. dist. 15. sect. sed quia hæc via. Et sunt in duplici genere, quædam enim sunt de natura continentis, quædam vero sunt contenta in aliquo unitivè, quia sunt quasi passioness continentis, nec non res aliæ ab ipso continente. Ita verbi gratia differunt homo & animal: hic enim est unum formale ut animalis, & aliud formale ut differentia, qua genus ad speciem contrahitur, res tamen una est, quia non per aliam rem homo est homo, & per aliam rem animal, sed per aliam & aliam realitatem unius rei. De quibus unitivè contentis superius latius diximus.

Modalis dicitur ubi est distinctio non ut rei à re, sed vel rei & modi, vel modi & modi oppositi, vel modi & modi ejusdem rationis. Mo-  
dus

dus enim non dicit rem, nec Entitatem propriam de se, sed eam cuius est modus. Primo modo modaliter distingui dicitur Deitas & infinitas in Deo, nam modus hic intrinsecus non dicit formalem de se rationem, aliam ab ea cuius est modus: ita existentia distinguitur ab essentia, unde existentia dicitur esse modus additus essentiae. In oppositis vero notandum, quod uno modo dicuntur oppositi per aliud in quo sunt, & non distinguuntur modaliter tantum, sed pro natura, in qua sunt, rei. Ita enim curvum quod est in manu Johannis distinguitur realiter à curvo, quod est in pede Petri, quia modi distinguuntur & determinantur pro subjectis in quibus insunt: Johannes vero, & Petrus differunt realiter. Alio modo intelliguntur modi non concretive, hoc est, pro ratione subjecti in quo sunt, sed abstractivè quærendo quomodo actus & potentia de se distinguuntur, & dicimus modaliter, quia uterque modus est. Modi vero ejusdem rationis dicuntur, ut modus speciei, & modus in individuo, quærendo verbi gratia quomodo existentia universalis differat ab existentia singulari, & dicendum quod modaliter: nam existentia semper dicit modum.

Realiter differre etiam multis modis dicitur, in iis enim quædam distinguuntur essentialiter, quædam subjecto, quædam se totis objective. Essentialiter differre dicuntur quæ specie differunt, speciei enim alia & alia est essentia, ita homo & Leo, albedo & dulcedo distinguuntur. Subjectis vero differe dicimus, quæ differunt vel ut suppositum à supposito sub specie, vel ut accidens in subjecto seu supposito alio & alio ita Johannes & Paulus differunt realiter

aliter qua aliud est hujus, aliud individuum illius. Albedo vera in pariete, & albedo quæ in lacte est, ut accidens in alio & alio subiecto. Se totis subjective distinguuntur, quæ non conveniunt in aliquo toto potentiali. Hoc vero duobus modis contingit, aut quia id in quo conveniunt proxime est quid unum numero, ut sunt supposita in divinis, cujus simile rei exemplum non datur aliud: aut quia differunt toto genere, cujusmodi sunt opposita, ita corruptibile & incorruptibile differunt se totis subjective, quia in nullo genere communi convenire possunt. Distingui se totis objective dicuntur, quando extrema in nullo conceptu reali quidditativo conveniunt, eo modo ultimas differentias distingui dicimus ex enim quia præcisè dicunt hoc & non aliud, nihil præter se includunt: ita equinitas est tantum equinitas, & humanitas tantum humanitas, & differunt se totis objective, quia nullus reperitur conceptus communis objectivus qui illis respondere possit. Vide Matth. Aquarium in addit. ad 5. Phys. quæst. 3. Fr. Sylv. Ferrar. & Achill. lib. de distinctionibus multa eleganter differentem. Tantum de Identitate & distinctione.

## CAPUT. XXIII.

*De Simplici & Composito.*

I.

**S**implex illud dicimus, quod non constat pluribus in quæ resolvatur.

2. Simplex dicitur vel absolute, vel comparative,

3. Simplex absolute, quod compositionis est ex-  
per s.

4. Est-

4. *Estque vel summe simplex, vel simpliciter simplex.*

5. *Summe simplex quod nec compositum, nec cum alio componibile: ut Deus.*

6. *Simpliciter simplex, quod non est compositum, potest tamen compositionem cum alio ingredi, ut sunt ultima differentiarum.*

7. *Comparative simplex, quod non requirit tot partes sui, quot requirit aliud. Quomodo Elementa dicuntur corpora simplicia respectu mixtorum.*

8. *Compositum est quod est ex pluribus.*

9. *Compositum est vel compositione Physica, vel Metaphysica. Illud dicimus, quod constat partibus re diversis, ut quod constant materia et forma; hoc quod est partibus ratione sola diversis, ut quod constat genere et differentia. Vide Fons. 3. Metaph. in expl. cap. 3. sub finem.*

### COMMENTARIUS.

**S**implicis & compositi tractatio unitatem profundamento ponit, quatenus nimirum unam vel est indivisum & indivisibile, & ita simplex dicitur, vel est unum indivisum quidem actu, divisibile tamen in potentia, quomodo fit unum compositum, & eâ ratione divisio Entis in simplex & compositum proprie ad divisionem Entis secundum affectionem unius reducitur.

Ac de simplici quidem dicendum primum: sciendum, quod simplex non uno modo dicitur. Est enim unum simplex summum, & est unum simplex imum: illud Deus est, nullius omnino indigens, hoc materia prima, ut sunt verba Scalig. exere. 140. reliqua quæ hæc inter sunt, composita sunt: ab infima quidem simplicitate respectu potentiarum aliquid de actu partium.

icipando, ratione supremi actûs descendendo ad inferiora, ac de potentia participando. Ac inde aliquid dicitur simplex simpliciter, aliud simplex respectivè: illud dicimus, quod absolute, & in se consideratum omnem compositionem excludit, & est à parte superiori Deus, à parte inferiori materia prima. Simplex vero respectivè hoc dicimus, quod in se quidem est compositum, simplex tamen dicitur respectu ejus, quod majorem compositionem includit. Ita elementa quæ de se composita sunt, simplicia dicuntur, respectu eorum corporum, in quorum mixtionem ingrediuntur: & Angeli simplices dicuntur, per exclusionem materiz ejus, quam in se nullam habent: respectu tamen Dei ab omni omnino compositione absoluti non sunt.

Sex ferè modis fit compositio: 1. Ex materia & forma. 2. E partibus quantitativis. 3. E natura & supposito. 4. E subjecto & accidente. 5. Ex esse & essentia, & 6. è genere & differentia. Vide August. Niphum Sueff. ad disp. 5. Metaph. destruct. Averr. pag. 173. Ac prima quidem compositio, quæ est è materia & forma, facit aliquod compositum tertiam ab his, è quibus componitur, idque compositum per se unum. Secunda compositio non facit aliquid à se re distinctum: fit enim è partibus quantitativis in conjunctione consideratis non nisi materia, unde & partes materiales dicuntur, materia verò re ipsa à se non differt. Tertia compositio per mysterium incarnationis nobis innotuit: cum enim facta sit incarnatio non in essentia, sed in persona, distinctum quid esse personam ab essentia, & consequenter suppositum à natura consequitur. Ac dicimus na-  
turam

turam secundum quod res est in esse definitionis, suppositum vero juxta quod res est sub ultima actualitate, quam subsistendi modum dicimus. Quarta compositio rerum creaturarum est: nihil enim est è creaturis, quod absolutum sit à modo relationis secundum creationem & dependentiam: unde nec ab omni compositione subjecti & accidentis absolutum dicendum fuerit. Ac ea compositio non facit unum per se, sed unum per accidens. Quinta compositio, quæ ex esse & essentia est, eam dicimus, quando dicimus non esse simpliciter idem re essentiam & existentiam. Unus Deus se ipso est & hoc quod est, & hoc quo est: omnia vero reliqua & sunt, & hoc quod sunt, & sunt ab alio, ut extra hoc ipsum sint, hoc quod sunt, illud essentiam, hoc existentiam dicimus. Sexta compositio secundum genus & differentiam ea est, juxta quam rem concipimus, ut commune magis & differens ab aliis: concipitur enim quidque sub genere, ut communiori, & differentia, quæ communionem generis ad certas speciei angustias restringit. Ac hi fere omnes compositionis modi sunt: is enim qui dicitur esse ex actu & potentia per omnes hosce sese diffundit, quoad in iis aliquid notari potest, ut determinabile & determinans, & habet sese compositio ex actu & potentia in primo & tertio modo, ut realiter differat potentia ab actu, in reliquis ut ratione. Vide sex modos quibus queritur an sit compositio in Deo, apud August. Niphum Sueff. ad disputat. Metaph. 8. de struct. Averr. pag. 235. Ac tantum de Simplici & Composito.

## CAPUT XXIV.

## De Toto &amp; Partibus.

## I.

**R**ationem compositionis insequitur Totum & Pars.

2. Totum est, quod habet partes.
3. Totum est vel actu, vel potentiâ.
4. Totum actu est, quod formaliter in se continet partes, è quibus est.
5. Eiusmodi est vel proprie, vel improprie dictum.
6. Illud Totum Essentiale, & Integræ: hoc Totum perfectum.
7. Totum potentiâ quod partes suas non complectitur actu, sed tamen ratione ordinis ejus, qui est inter illud ut unum, & plura ea quâ partis rationem sustinent, totum dici solet.
8. Eiusmodi est totum Vniuersale, & potestativum.
9. Toti respondent partes, multiplicata ad multiplicationem totius.

## COMMENTARIUS.

**T**otum & Pars non uno modo dicuntur, ut patet ex Aristot. in 5. Metaphys. cap. 25. & 26. Thom. 1. par. quæst. 8. art. 3. ad 3. qu. 26. art. 8. quæst. 77. artic. 1. ad 1. 3. part. qu. 90. ad 2. Ferr. 1. phys. quæst. 5. ad eum Matth. Aquar. Fons. 5. Metaph. cap. 25. 26. Piccol. 1. Phys. contr. 4. Est enim totum perfectionis, est totum potestativum, est totum uniuersale, est totum essentiale, est totum integrale, est & totum per accidens, quibus singulis suæ respondent partes.

1. Est totum perfectionis totum improprie ac.

acceptum, prout perfectum quoque dicimus. Possumus autem totalitatem hanc metiri è quantitate virtutis, juxta quam Biel dicit in 1. dist. 19. quæst. 1. art. 1. not. 1. ex Aug. in 6. de Trinit. quod in iis, quæ mole magna non sunt, est idem melius esse, quod majus esse: & Scotus quodl. quæst. 5. tam in finitis, quam infinitis quantitatem agnoscit, quando primam Entis divisionem ponit hanc, quod omne Ens vel est quantum, vel non quantum. Unde consequitur, quod hoc totum perfectionis recte juxta quosdam dicitur, vel nullo modo in ordine ad partes, vel ad partes rationis, ut vult Armandus de Bello visu tract. 2. cap. 257. quatenus pro inadæquato nostro conceptu, non tamen falso, metimur ex perfectionibus à nobis acceptis aliquatenus ipsam Dei perfectionem. Ita de Deo scribit Aug. Niphus Sueffanus disput. Metaph. 3. destruct. Averr. pag. 93. licet Deus sit simplex, esse tamen multum in virtute & perfectione. Verba sunt: Deus non est agens simplex, sed multiplex, quoniam, licet ipsum in se sit unum in esse, & summe simplex in esse: est tamen multum in virtute & perfectione. In creatis vero Entibus potentiam & actum, esse & essentiam & actum, esse & essentiam agnoscimus. Ita docuit Averr. 1. de cæl. comm. 3. totum & perfectum esse idem, differre subjecto: Totum, inquit, & omne & perfectum significant idem, & non diversantur secundum formam, sed secundum materiam. Subjectum enim istius rei, si fuerit quantitas discreta, dicitur omne: & si quantitas continua, dicitur totum: & si in formam, & qualitibus dicitur perfectum.

2. Totum potestativum est, quod habet ordinem



dinem ad plures res, quæ ab ipso emanant. Ac ita potest esse res in se & sua natura omnino simplex, quæ tamen quoniam plures obtinet operationes, ratione quarum in ea facultates seu partes plures notare possumus, inde multipliciter aliquam de facultatum principio communi concipimus, ejusque potestates plures simul cum ipso principio collectas, totum hoc quoque potestativum nominamus constituere dicimus. Cujus generis sunt omnia ea, quæ secundum Dionys. cap. 5. de div. nominibus, apud subtilis. Johan. Duns in 2. distin. 13. qu. 2. sect. Sed quia hæc via, Continentiam unitivam quasi inferiora habere dicuntur. Hoc genere partium docuit Aristot. 1. Eth. cap. 13. & 6. Eth. cap. 2. duas esse animæ partes, alteram rationis capācem, alteram expertem. Et subjungit: nunc vero eodem modo rationis capax dividenda est, statuanturque duæ esse partes ratione præditæ: una, quæ ejusmodi res contemplamur, quarum principia aliter se habere non possunt: altera quæ ea consideramus, quæ aliter esse possunt. Ita Scalig. etiam de Plantis pag. 40. animam dicit esse simplicem, multiplicem, multipliciter. Simplicem substantiā multiplicem potestate, multipliciter obsectorum cognitione: hoc est, quod etsi quoad essentiam sit simplicissima exclusis partibus quoquo modo componentibus, pro facultatum tamen multitudine, ut sunt v. g. intellectus & voluntas, multiplicem aliquam rationem induat, & juxta eam totius naturam assumat. Ac potest huius denominationis ratio peti ex Arist. 1. Met. tex. 3. Ibi enim totum dicitur omne illud, quod continet contenta, ut unum quid illa sint. Facultates ergo ex cum contineantur.

antur in virtute sui principii & unitatem quandam inter se habeant in essentia illa, cum qua & unum sunt, possunt ea ratione totalitatem aliquam facere alicuius quasi totius, improprie scilicet dicti, totius potestativi.

3. Totum Universale est, quod habet partes subiectivas de quibus potest prædicari. Juxta quod sciendum est, quod totius universalis modus considerandi duplex est: unus absolutus, alter vero respectivus, ut post Thom. de Ente & Ess. notavit Franc. Sylvester. Ferrar. 1. Phys. qu. 3. & Fons. 1. Metaph. c. 2. q. 2. Ubi dicitur duplicem esse cognitionem rei universalis, alteram ut totius essentialis, alteram ut totius universalis. Ac illo modo non differt à toto essentiali, & dicitur juxta eas partes, quas in sese actu habet. Totum vero universale proprie dicitur juxta eas partes, non quas habet actu, sed quas in sese habet potestate. De ea universalis potestate elegantissima Ant. Scayn. verba sunt ad Isagog. Porphyrii in cap. de differentia. notandum, inquit, quod species à genere obtineat differentias: quatenus existente genere ut materia, in ipsa potentia specierum omnes differentie continentur. Et Scal. in 7. de plantis pag. 74 nos in ipso genere, dicimus esse differentiam passive: non quod specie differentiam genus exhibeat, sed quia recipere potest eam. Et secundum Joh. Verforis 5. Metaph. quæst. 13. Pars subiectiva totius universalis non dicitur integrale secundum actum, aut ejus substantiam, sed ex hujusmodi partibus potestate ejus constitui. Itaque proprie Universale hoc totum illud est, quod sub se plura habet, quibus æque suam essentiam communicat. Ac de iis ipsis potest prædicari ea ratione,

4. Totum

4. Totum essentialiale hoc est, quod constat ex suis partibus intrinsecis essentiam immediate componentibus. Ac hoc totum juxta duplicem compositionem duplex est: Aliud enim Metaphysicum dicimus, aliud vero Physicum. Ac Metaphysicum illud dicimus, quod componitur è partibus essentia sola ratione inter se diversis, quomodo definitio ex genere & differentia est. Physicum vero illud est, quod constat ex partibus essentia re inter se diversis, materia nempe & forma, quomodo homo Physicè componitur ex partibus sibi essentialibus re inter se diversis, corpore & anima rationali.

5. Totum integrale dicimus, quod divisum est juxta partes quantitatem habentes: quomodo verbi gratia dividitur homo juxta caput, brachia & pedes.

6. Totum per accidens est quod constat è pluribus, sed tamen iis, quæ ad unum quid per se, sed ad idem esse constituendum non concurrunt: quale sit è subjecto & accidens, item in aggregatis. Vide quæ supra de Uno per accidens diximus.

Diversis Totius generibus diversi modi partium respondent. Totum enim perfectionis dicitur esse integrum Metaphysicum, quatenus consideramus plures perfectiones unius ejusdemque, quæ quidem si vel maximè in Deo idem simpliciter sunt, ratione summæ simplicitatis ejus, quæ in Deo est: pro conceptibus tamen diversis à nobis ponuntur pro partibus, quæ in ipso Deo partes non sunt. Partes vero potestativæ dicuntur plures ex potestates seu facultates, ratione quarum totum illud potestativum dicitur. Ac quoniam improprie partes dicuntur, totum inde etiam improprie dici-

mus. Toti universali respondent partes subje-  
ctivæ, quæ aliàs partes dicuntur ex eo, quoniam  
non pro ratione multiplicationis materiæ, sed  
pro ratione multiplicabili ipsius essentia, quæ  
in forma priori modo consistit, partes subje-  
ctivæ multiplicantur: Toti essentiali respondent  
partes essentielles, composito Physico partes  
Physicæ reales, composito Metaphysico partes  
rationis. Toti integrali partes integrantes re-  
spondent: quæ in inanimato semper similes  
sunt; eo quod operationes inanimatarum re-  
rum pauciores sunt, quam ut in iis pluribus e-  
geant ad plures operationes obeundas. In ani-  
matis vero rebus notantur partes alix quidem  
similes seu homogeneæ, quarum quælibet na-  
turam & definitionem totius communicat;  
quælibet enim pars sanguinis est sanguis: quæ-  
dam vero dissimiles seu heterogeneæ sunt, quæ  
diversum nomen & definitionem diversam ab  
ipso toto habent. Ac ex sunt juxta quas Aristot.  
in 2. de anima tex. 6. animam definit, actum  
corporis organici Physici: esse enim organicum  
illud dicimus, quod plura organa seu instru-  
menta habet, ratione quorum plures expedire  
& exercere operationes possit. Ac ea organa  
animatorum partes dicimus integrantes, ratio-  
ne extensionis ejus, juxta quam partes illæ situ  
& figura sunt distinctæ. De his diversis partium  
modis & generibus egimus Antidoti nostri lib.  
2. cap. 2. seq. fusius. Vide de Toro actu &  
Potestate Piccol. 1. Phys. ad cont. 4. Ac tan-  
tum de Toto & Partibus.



CASET

I.

**R**atione Veri Ens, est vel Supernaturale, vel Naturale, vel Artificiale.

2. Supernaturale est quod natura vires excedit.

3. Naturale illud dicimus, cuius veritas secundum ordinariam Dei potestatem pendet ab intellectu divino.

4. Artificiale cuius veritas ab intellectu humano dependet.

## COMMENTARIUS.

**E**A quæ supra naturam sunt, cœlesti spiritu de eis fidem faciente, quando neque sensum captu, neque mentis agitu comprehendiqueunt, cum hac ipsa rerum inferiorum humilitate commiscenda non sunt, docet Scal. 6. Poët. cap. 4. Hæc itaque ut præsentī instituto altiora in præsentī non tractabimus: sed tantum de Naturali & Artificiali agemus.

Rem aliam esse Naturalem, aliam Artificialem, non potest aliqua scientia in parte considerare. Etsi enim Arist. in doctrina scientiæ Physicæ recenseat aliquo modo differentiam inter rem naturalem & artificialem, Metaphysica tamen proprie ipsum fundamentum naturalis & artificialis sibi adscribit. Itaque dicimus prout res diversimodè obtinet suam veritatem relatam ad prototypum suum, intellectum scilicet vel divinum, vel humanum, ea ratione dici vel naturalem vel artificialem. Hoc ipsum elegantissime declaravit Fr. Sylvester Ferrat. in 3. de anim. quæst. 19. his verbis: Licet res natu-

naturales in ordine & ad intellectum divinum, & ad intellectum humanum dicantur veræ: dicuntur tamen principaliter veræ per comparationem ad intellectum divinum, à quo procedunt & cuius Ideis assimilantur & conformantur, quam in ordine ad intellectum humanum. Sic & res artificiales dicuntur primo quidem veræ in quantum formæ existenti in mente artificis assimilantur: secundario vero in comparatione ad intellectum humanum, à quo non procedunt, sed tantum in quantum sibi intellectum adæquare possunt.

Differunt vero res naturales & artificiales multis inter se modis, ut hoc ipsum declaravit Peter. in 7. Phys. cap. 2. 1. Ratione denominationis, quia rei artificialis denominatio extrinseca est, naturalis vero intrinseca. 2. Quia artificialis cum agente convenit, non secundum esse sed secundum Ideam. Naturalis & secundum esse, & secundum formam. 3. Quia omnes partes rei naturalis à natura sunt: artificialis principia supponit in natura, introducit tantum formam. 4. Artificialis est in subiecto completo, 5. Artificialis res est determinata secundum formam & speciem, contingens secundum productionem: res naturalis utroque modo determinata. 6. Formæ artificiales extrinsecæ sunt, naturalis est intrinseca. 7. Materia prima habet potestatem & inclinationem ad formas naturales, non ad formas artificiales. 8. Res naturales habent in se principium internum motus vel activum, vel passivum, vel utrumque: artificiales vero ex se motum non habent, nisi eum quem à naturalibus capiunt. Vide ipsum illustrantem hæc exemplis. Vide de Arte & Natura Piccol. grad. 5. Moral.

## CAPUT XXVI.

## De Perfecto &amp; Imperfecto.

## I.

**B**onum sequitur Perfectum, & Imperfectum ;  
Complectum et Incomplectum.

2. Perfectum illud dicimus, quod à bono non deficit.

3. Perfectum est vel simpliciter vel in suo genere. Vide Cajetan. de ente et ess. q. 1. art. 4.

4. Perfectum simpliciter illud est, quod in uno-  
quodque melius est esse ipsum, quàm non ipsum. Vi-  
de Sueffan. in destr. Averr. disp. Metaph. 11.  
(in pag. 273. et Cajet. de ent. et ess. ad cap. 2. in  
com. post. q. 3. et quæst. 3. art. 1.

5. Perfectum in suo genere est, quod deficit in  
nullo eorum, quæ ipsi debentur.

6. Imperfectum illud est, quod à debita sibi per-  
fectione deficit.

## COMMENTARIUS.

**I**nter divisiones quæ sequuntur affectionem  
Bonum prima esse videtur, qua dicimus aliud  
Ens esse perfectum, aliud imperfectum. Perfe-  
ctum multis modis dicitur.

1. Est perfectum perfectione prima & perfe-  
ctione secunda ut docetur apud Scotum in prol.  
Metaph. & Tattar. 2. Eth. quæst. 1. Perfectum  
perfectione prima illud dicitur, quod habet om-  
nia pertinentia ad primum esse rei, ut ille ho-  
mo dicitur esse perfectus perfectione prima,  
qui habet omnia requisita ad esse ipsius homi-  
nis. Perfectum perfectione secunda quod ha-  
bet omnia pertinentia ad secundum esse rei, seu  
ad esse actuale. Hoc docuit etiam Averroes de-  
strukt. disp. 6. pag. 190. Perfectum, inquit,  
duplex est: perfectum in se, & perfectum at-  
tributis

tributis tribuentibus ei perfectionem, & illa attributa necesse est, ut sint perfecta in se. Ac perfectio prior est per modum formæ & habitus: posterior per modum operationis. Ita perfectum esse cuiusque rei juxta quod definitur per perfectionem primam est, ut esse hominis in animalitate & rationalitate. Perfectionem verò secundam res obtinet per ea, quæ esse constitutum consequuntur: ita ratiocinari, Vel de hominis perfectione secundâ esse dicuntur. Perfectio verò secunda iterum duplex est: una intrinseca, alia extrinseca. Intrinseca ea dicitur, quæ recipitur in perfectibili. Ita homo doctus perfectus dicitur perfectione secundâ, quia beneficio ejus habitus in rebus cognoscendis procedere potest, quæ intellectûs perfectio est. Perfectio extrinseca ea est, quæ non recipitur in perfectibili, verum perfectibile per operationem eam attingit: ita homo perficitur objecto quatenus perfectior notitia est, quæ in perfectiori objecto terminatur. Ita homo perficitur cognoscendo Deum perfectione secundâ extrinsecâ.

Eo sensu Cajet. de ent. & ess. cap. 5. & Thom. 1. pag. quæst. 6. art. 3. ponit triplicem perfectionem: primam, secundum quam res in proprio esse substantiali ponitur. Secundum, juxta quam ad proprias operationes perfecte potest exire. Tertiam secundum quam cum suo fine conjungitur.

2. Dicitur etiam perfectio simpliciter, & perfectio in proprio genere. Illa dupliciter accipitur, ut docet Guilhel. Ockam. 1. senten. dist. 2. quæst. 3. ad 12. & Gabr. in 3. distinct. 1. quæst. 1. art. 3. dub. 2. Uno modo proprie pro re perfecta, quæ nullam imperfectionem



essentialiter includit, & necessario nullam imperfectionem annexam habet, ut est essentia divina. Alio modo perfectio simpliciter dicitur large & improprie pro omni conceptu, ad quem consequentia formali non sequitur illud esse imperfectum, de quo vere pradicatur. Eo modo intelligitur definitio Anselmi Monol. 15. quod perfectio simpliciter sit, quæ in unoquoque melior est ipsa, quam non ipsa, hoc est, quod ad ejus positionem non sequatur imperfectio, semper vero ad negationem ejus imperfectio sequatur. Ita quod aliquid dicitur sapiens esse, non sequitur imperfectio: cui vero repugnat esse sapiens ad hoc simpliciter sequitur, quod sit imperfectum. Vide Cajet. de Ent. & Ess. ad cap. 2. Sed & hîc sciendum, ut subtilissime annotavit subtiliss. Duns quodl. q. 1. art. 1. fect de tertio vocabulo, quod aliud sit dicere aliquid esse perfectionem simpliciter, & aliud sit aliquid esse perfectionis simpliciter. Primum importat, quod illud essentialiter sive quidditative sit perfectio simpliciter. Secundum importat non quod essentialiter sit perfectio, sed quod tale denominative soli perfectioni simpliciter conveniat. Ipsum ergo perfectionis simpliciter est, quam requirit in illo de quo pradicatur denominative, & quam ostendit sibi inesse, utpote quam universaliter consequitur: & sic est perfectionis simpliciter triplici modo, scilicet præexigendo, ostendendo, sive manifestando, & perfectionem simpliciter consequendo. Ita divina essentia dicitur perfectio simpliciter, secundum quod in quodlib. quest. 5. artic. 1. disputat. quod Ens infinitum imperfectum sit, ut nec ipsi, nec alicui ejus desit aliquid. Perfectiones verò simpliciter dicuntur

entur predicata denominativa, quæ super hanc  
 feruntur, ut sunt relationes: ex enim non di-  
 cuntur perfectiones simpliciter formaliter di-  
 cendo, sed supponunt pro eo, quod formaliter  
 vocat perfectionem simpliciter.

Ac quum alia ratione perfectum tribus mo-  
 dis potissimum dicatur: Uno modo secundum  
 quantitatem extensivam, alio modo secundum  
 quantitatem virtutis, & tertio modo in ordine  
 ad finem: in quolibet horum modorum nota-  
 re possumus, quod aliud sit perfectum simplici-  
 ter, vel perfectum in suo genere. Ac secundum  
 quantitatem quidem extensivam perfectum  
 simpliciter dicimus hoc, extra quod non licet  
 particulam ullam quanti accipere. Quomodo  
 perfectum secundum quantitatem extensivam  
 dicimus esse infinitum, quod actu in quantitate  
 concipimus, ut docetur apud Scotum in quodl.  
 quest. 5. prout actu comprehenditur aliquod  
 quantum, nullis omnino terminis circumscri-  
 ptum. Perfectum verò secundum quid in quan-  
 titate extensiva hoc, quod habet quantitatem,  
 quæ est conveniens rei naturaliter secundum  
 speciem productæ: ita hominem perfectum di-  
 cimus secundum hanc quantitatem, quando nec  
 ad Pygmaei, nec ad Gigantis staturam accedit,  
 sed staturam habet sibi debitam. Perfectum  
 simpliciter secundum virtutem hoc dicimus,  
 quod in sese omnes perfectiones omnis gradus  
 tenet: quomodo solus Deus perfectus est, eo  
 quod omnes in se virtutis & perfectionis gra-  
 dus habet. In suo vero genere perfectum secun-  
 dum virtutem hoc dicimus, quod habet perfe-  
 ctionem sibi debitam. Quomodo quodque in  
 suo genere perfectum dicimus secundum virtu-  
 tem, quando in nullo eorum, quæ sibi debentur

tur, deficit. Perfectum vero secundum finem simpliciter dicimus hoc, quod habet omnes dispositiones, ad finem acquirendum requisitas, quomodo hominem sanum perfecte dicimus suum posse assequi finem, & hominem doctum suo satisfacere posse officio statuimus. Perfectum vero secundum quid, qui quidem finem suum assequi potest, sed tamen ut in aliquibus deficiat, ut in ægrotò & indocto videri est.

Subiungam hic elegantissimum locum Zimarae in solut. contrad. Aristot. & Averr. 12. Metaph. contrad. 101. plurimum enim facit ad huius doctrinae illustrationem. Debet scire, inquit, quod solum unum est ens simpliciter perfectum, in quo est tota perfectio possibilis reperiri in habitu entis: & istud est solus Deus, sicut scribit Commen. 5. Metaph. com. 21. & tale verus dicitur essentia, quàm ens, cum sit ens per essentiam. Alia verò sunt entia per participationem, sicut scribit Commen. 2. Metaph. com. 4. & 12. Metaph. comm. 51. omnia autem entia citra primum deficiunt aliquo gradu perfectionis possibilis reperiri in habitu entis, quia omnia emanant à primo eo modo, quo apta sunt emanare: nullum autem ens aptum natum est emanare à primo in æquali gradu perfectionis primi; cum impossibile sit dari duo prima æque perfecta in genere entium, quorum unum sit ab alio, imò nullo modo, sicut ostendit Philosophus 12. Metaph. ad finem, & etiam pulchre deducit Scotus in 1. sent. d. 2. q. 3. Ita ille. Vide eundem in solut. contrad. 2. de cælo contrad. & conter.

Imperfectum verò duobus etiam modis dicitur: aut negative, aut privative. Imperfectum negative hoc dicimus, quod in nulla specie vel

aperitur, vel existit, ut sunt verba Scalig. exerc. 106. s. 2. Eiusmodi vero imperfectum nullum est: quia omne quod est, eo ipso quo est, etiam bonum est. Ergo & perfectum. Imperfectum vero privative dicimus, quod secundum aliquid eorum quæ ipsi debentur deficit: quomodo imperfectum dicimus, quod mutilum est, eo quod non habet omnes partes eas, quæ speciei debentur. Est & imperfectum Comparative, quod alterius tantum respectu Imperfectum dicitur, cuius respectu minorem perfectionem obinet. Vide Scalig. exerc. 140.

CAPUT XXVII.

De Completo & Incompleto.

I.

**E**Ns completum dicimus, quod ad ulteriorem perfectionem ordinatum non est.

1. Estque absolute completum, vel comparative.

2. Absolute completum est, quod ultimam perfectionem in suo genere tantum habet, ut ad alterius constitutionem ordinatum non sit.

3. Comparative, quod in suo genere tametsi sit completum, non tamen repugnat ingredi in alterius constitutionem, ut sunt elementa.

4. Incompletum quod ordinatum ad aliud separatim subsistere nequit, nisi sit cum eo ad quod ordinatur, ut materia, forma, differentia.

COMMENTARIUS.

**C**um Entium quædam sint, quæ de se, & ex se completam perfectionem habent, quædam vero Entia completa non sint de se, sed tantum ad alia Entia ordinantur: illa completa, hæc vero incompleta dicuntur. Ac de completis quidem dubium non est, quin in iis ip-

sis bonum sit, quoniam entia perfecta sunt, bonum vero & perfectum convertitur. De Incompletis dubium est, anne & ea ipsa bonitatem participant, cum non videantur in perfecto entium gradu constituta. Hic primum dicendum, quot genera incompletorum entium sint. 2. Quomodo ad completa entia se habeant? Hinc enim notum erit, quæ ipsis assignanda bonitas sit.

De primo dicendum, quod completa Entia sunt in duplici differentia: quædam sunt incompleta Physice, quædam Metaphysice. Physice incompleta ea dicuntur, quæ de se & ex se non sunt, nisi quod sunt ordinata ad realem constitutionem aliorum Entium. Ejusmodi Entia materia & formam dicimus: quorum illud (materiam dico) Thom. ita incompletum esse existimat, ut nec per divinam potestatem à forma materia separatim existere possit: & de hac (forma scilicet) certum est, quod cum sit actus respectivus, de se non sit proprie Ens, nisi quia Entis est, hoc est, quia mediante actu in materia compositum facit. Metaphysice vero incompleta ea dicimus, quæ de se in prædicamentorum gradibus non sunt, tantum ad prædicamenta reducuntur, in quibus completa ea entia sunt, ad quæ dicuntur. Ejusmodi ens incompletum differentiam dicimus. Differentias enim non dicimus esse in prædicamentis, sed prædicamentis collaterales.

De secundo, quomodo scilicet ad entia completa sese habeant, dicendum, quod cum Entia completa per se subsistant, entia incompleta non nisi in completis existere possunt. Ratio certa est: cum enim finis eorum sit, ut ex iis completa entia sint, hunc finem suum tum de-

mum

num absolvisse dicuntur, quando in entium constitutionem veniunt.

Hinc tertio patet: quod cum sint in aliis, & in eorum constitutionem ingrediantur, eo vero modo principium quidque est, quo est, sunt enim principia actus suorum principiatorum, entia incompleta duplicem notionem obtineant: Unam ut sint, aliam ut aliorum sint, duplicem etiam bonitatem ejusmodi entia obtineant, alteram secundum actum Entitativum seu presentiam, quæ enim sunt, etiam bona sunt, ens enim & bonum convertuntur: alteram vero respectivam, qua ad aliud ordinantur, hoc enim ipsis bonum est esse in alio, quod per se bonum est, & assequi finem suum, in alia re constituenda, omnino bonitatem infert, cum omnis finis pro fundamento bonum supponat. Tantum de Completo & Incompleto.

CAPUT XXVIII.

DE SUBSTANTIA.

I.

**D**ivisio Entis secundum quidditates, est divisio eius in decem suprema genera.

2. Ea sunt: Substantia, Quantitas, Qualitas, Relatio, Actio, Passio, Quando, Ubi, Situs, Habitus.

3. Eorum primum est substantia, reliqua omnia accidentia.

4. Substantia est Ens per se subsistens.

5. Ea consideratur in speciebus & proprietatibus.

6. Species desumuntur, vel è diversis gradibus (species improprie dictæ:) vel è rebus.

7. E gradu substantia, vel est Universalis, vel Singularis: illa secunda, hæc si completa est pri-

ma dicitur apud Arist. in Logicis Categ. cap. de subst.

8. Substantia Universalis est substantia, cui non repugnat in esse pluribus sibi subjectis particulis, quibus totum suum esse largitur, nec ab eis separatim existit.

9. Substantia singularis est substantia pluribus sibi subjectis incommunicabilis.

10. Substantia est incommunicabilis, vel tantum in Quod, vel in Quod & Quo simul.

11. Substantia incommunicabilis in Quod tantum, est substantia incommunicabilis alicui tantquam inferiori, sed quæ tamen nata est esse in alio tantquam pars, ut anima rationalis Iohannis. Ea dicitur substantia Incompleta.

12. Incompleta substantia est pars, vel realis, vel rationis.

13. Pars realis, quæ realem compositionem infert supposito, ut materia & forma.

14. Pars rationis est, quæ conjuncta cum alio compositionem rationis infert supposito, ut Differentia.

15. Substantia incommunicabilis ut Quod & Quo est Suppositum.

16. Suppositum est Ens completum non constitutens aliquid unum, nec natum inherere, nec ab alio sustentatum Gabr. in 3. d. 1. q. 1. art. 1.

17. Estque vel suppositum tantum, ut est suppositum naturæ non intellectualis: vel persona.

18. Persona est intellectualis naturæ incommunicabilis existentia, è Richard 2. de Trin. cap. 22. Scotus in 1. d. 23 q. un. scilicet, ad questionem respondeo.

19. Etenim, substantia vel est Deus, vel Creatura.

20. Deus est substantia intellectualis infinita.

*independens, à qua, in qua, & per quam sunt, vivunt, & moventur.*

21. *Creatura est substantia à Deo dependens.*

22. *Estque vel Spiritus, vel Corpus.*

23. *Spiritus est substantia creata ex pers. corporis.*

24. *Corpus est substantia constans materiâ & formâ.*

25. *Proprietates substantiæ sunt. 1. Univoce dici. 2. Esse hoc aliquid. 3. Non esse in subjecto: 4. Non habere contrarium. 5. Suscipere magis & minus. 6. Eandem numero permanentem recipere posse contraria. Arist. in Categ. cap. de Sub.*

### COMMENTARIUS.

**T**Ametsi multa de substantia dici possunt, hoc tamen loco pauca hæc tantum movebimus.

1. Substantia à substantiando aliis dicta, quod subsistat accidentibus, non potest nisi substantiæ creatæ tribui: hæc enim accidentibus subsistat, in Deum vero accidentia non cadunt. Substantia aliis à subsistendo dicta, Deo etiam convenit, cui omnium maximè convenit per se subsistere: unde & à quibusdam *ὕπνευσία* potius, quàm *ὑσία* dicitur.

Subsistere vero dicitur duobus modis, ut docet Gabriel in 3. d. 1. quæst. 1. vel enim denotat substantiam hypostaticam, quæ suppositorum propria est: & ea tamen substantiæ communis non est, sed tantum substantiæ singulari completæ seu supposito propria est. Alio modo subsistere denotat idem quod existere, & est actu positum esse extra suas causas, & denotat substantiam communis substantiæ & acci-



dentibus est. Verum diversitas in eo est, quod substantiæ per se subsistunt sine ordine ad subiectum: accidentia vero inexistunt, seu existunt in alio tanquam in subiecto.

2. Quum vero substantiæ aliæ primæ sint, aliæ secundæ: illæ dicuntur substantiæ individua & singula, hæ substantiæ universales. De substantiis vero primis dixit Aristot. in Categ. cap. 6. quod propriè & principaliter, & maxime substantiæ dicantur. Nam substantiarum inter se & cum accidentibus quadruplex fieri potest comparatio: Prima est Comparatio substantiarum primarum cum secundis & cum accidentibus, & hoc modo substantiæ primæ propriè substantiæ dicuntur, quia sublatis substantiis primis nihil manet aliorum: sublato enim Petro verbi gratia simul tollitur, quæ in eo est humanitas, animalitas, & accidentia quæ in eo sunt omnia. Altera est; Substantiarum secundarum inter se, ut specierum cum generibus: quæ collatione facta species potius substantiæ nomen merentur, quàm genera: ea enim substantiis primis sunt propiores quam genera. Tertia est; Collatio specierum inter se, & primarum substantiarum inter se: & hac comparatione facta ex æquo nomen substantiæ participant species ejusdem generis, & ejusdem speciei individua. Quarta est; Comparatio secundarum substantiarum cum accidentibus: quæ comparatione facta secundæ substantiæ dici merentur substantiæ & non accidentia: nam & ea accidentibus subjiciuntur, eaque sustentant, ut affectiones de iis tanquam de subiectis primis demonstrari possint: & quando de substantiis primis dicuntur, prædicantur essentialiter & à priori, earumque naturam & essentiam in definitione

nitione declarant ; accidentia vero tametsi & ipsa de primis substantiis dicuntur , non tamen predicantur essentialiter à priori , sed vel à posteriori , vel contingenter conveniunt. Hinc vero intelligitur , quomodo cum dictis conveniat ea proprietas Aristotelis , qua docet , substantiam non habere magis & minus. Nam una substantia magis , alia minus est substantia si diversi earum gradus inter se conferantur ; verum substantiæ secundum eundem gradum consideratæ magis & minus non habent. Hoc docuit Averr. in Categ. cap. diff. 13. substantiæ quidem , inquit , aliz aliis digniores , particulares universalibus ; sed volo , quod non recipiant plus & minus , hoc est , quod non predicentur species ex ea , neque genus de singulari magis predicatione ipsius de singulari alio , neque predicentur de ipso magis uno tempore , quam in alio tempore ; Socrates enim non est magis animal , quam Plato : neque Socrates est magis animal hodie , quam cras.

3. Dicendum quid sit Incommunicabile , & Communicabile illud , de quo in theorematibus mentio aliquoties facta est , ut doctrina de natura & supposito melius cognoscatur. Communicabile ergo , quantum ad præsens sufficit , duobus modis dicitur , ut etiam docuimus Anrid. nostri libro primo , cap. 15. Est enim aliquid Communicabile , vel ut Quod , vel ut Quo. Communicabile , ut Quod dicitur , quod constituit aliquid cum aliquo , cum quo est realiter idem. Communicabile vero ut Quo , quod non est idem realiter alicui , sed eo denominatur aliud , ut est apud Gabriel. in 3. dist. 1. quæst. 1. Hinc Scotus in 1. dist. 2. quæst. 4. & Nicol. de Orbell. ibid. & in 3. dist. 1. q. 1. Communica-  
cabilis

bile ut Quod, vocant Communicabile per identitatem; Communicabile, ut Quo Communificabile per Informationem. Vide subtiliss. Duns in 1. dist. 23. quæst. unc. sect. ad quæst. respondeo. Priori modo dicimus superius communicari inferiori, genus scilicet speciei, & universale quodcunque singulari. Ita animal communicabile est homini. Posteriori modo communicabilis est pars toti, & omnino accidens subiecto. Per hunc modum anima Communicabilis est homini & albedo parieti.

Huic duplici Communicabilis generi opponitur duplex genus Incommunicabilis, ut docetur apud subtiliss. Duns in Quodl. quæst. 19. art. 2. dicit enim, quod aliquid sit incommunicabile, prout incommunicabile opponitur universali, quod est incommunicabile puribus. Hoc incommunicabile opponitur communicabili, ut Quod. Deinde dicit esse aliquid incommunicabile, quod excludit omnem modum communicationis, tam communis quam formæ; idque tam Formæ partis, quàm dicitur communicari materiæ informatæ, quàm Formæ totius, ut naturæ, quæ dicitur communicari supposito participant. Et hoc Incommunicabile opponitur Communicabili, ut Quo. Priori modo singulare quodvis dicitur incommunicabile: quia est in prædicatione ultimum, hoc est, inferius se nihil habet, de quo prædicari possit. Posterius vero genus Incommunicabilis Suppositis proprium est: suppositum enim est incommunicabile & ut Quod & ut Quo, deducitur apud Gab. in 3. dist. 1. quæst. 1. artic. 1. Hoc eleganter expressit subtil. Duns in 3. d. 1. q. 1. art. 3. sect. per hoc ad argumenta: Sicut dictum est, inquit dist. 2. prim. lib. & 23. incommuni-

municabile quod pertinet ad rationem Personæ  
 excludit duplicem Communicabilitatem, vide-  
 licet communicabilitatem ut Quod & ut Quo:  
 Natura creata est incommunicabilis primo  
 modo, quia singularis: singulare enim non est  
 Communicabile, ut Quod nisi sit illimita-  
 tum, ut essentia divina. At natura creata Com-  
 municabilis, ut quo unitur enim cum divina  
 natura. Persona vero nec ut Quod, nec ut  
 Quo est Communicabilis.

Ex his jam deducitur ordo horum termino-  
 rum: natura, singulare seu individuum, sub-  
 stantia, prima, suppositum, & persona. Hi enim  
 termini differunt secundum latius & angustius:  
 semper enim terminus posterior includit  
 terminum priorem; sed contra prior potest  
 esse sine posteriori. Natura enim est terminus  
 communis substantiis & accidentibus, iisque  
 tam Universalibus, quam singularibus, iisque  
 tam universalibus, quam Singularibus. Quo  
 sensu describitur Natura apud Gabr. in 3. dist.  
 1. qu. 1. art. 1. quod sit res aliqua positiva ha-  
 bens esse reale, non tantum esse objectivum in  
 anima.

Singulare vero seu Individuum est, quod de  
 nullo alio prædicari natum est, ut Cleon, Cal-  
 lias, ut describitur apud Arist. 1. prior. cap. 28.  
 Et hic terminus substantiis etiam & accidenti-  
 bus convenit, sed determinatis ad hic & nunc.  
 Substantia prima est individuum seu singulare  
 substantiale: sive incompletum sit, ut hæc ma-  
 teria, hæc forma: sive completum, ut hic Leo.  
 Suppositum est substantia prima: sed non omnis  
 verum tantum completa, & habens ex se perfe-  
 ctum subsistendi modum. Et hic terminus Com-  
 munitis est rebus inanimatis & animatis.

Persona denique omnis est suppositum: tametsi non omne suppositum sit persona. Persona enim non dicitur, nisi suppositum intellectuale. Vide Nic. de Orbellis in 3. dist. 1. q. 1. art. Durand. in d. 2. Thom. q. unic. de unione verbi art. 1. Et de hac re nos fusius egimus in singulari quodam tractatu de Natura & supposito, quem hic subiunxissemus & quidam alia de substantia, nisi brevitati studere coacti fuissetus.

## CAPVT. XXIX.

## DE ACCIDENTE.

## I.

**A**ccidens est Ens natum inherere in alio tanquam in subiecto.

2. *Accidens absolutum est, quod est independentens a termino.*

3. *Estque Quantitas, vel Qualitas.*

4. *Quantitas alia est Continua, alia Discreta: illa cuius partes communi vinculo seu termino continentur: hæc contra.*

5. *Quantitatis continuæ species alix sunt Proprix, alix Improprie.*

6. *Proprix sunt: Linea, Superficies, & Corpus.*

7. *Linea est longitudo latitudinis expers: ejus commune vinculum est punctum.*

8. *Superficies est magnitudo longa & lata. Ejus commune vinculum Linea est.*

9. *Corpus est magnitudo trium dimensionum, hoc est, quæ habet longitudinem, latitudinem, & profunditatem. Ejus terminus communis superficies est.*

10. *Quantitas continua improprie dicta est Tempus & Locus.*

11. *Tempus*

11. Tempus est connexio presentis cum præ-  
mito & futuro. Communis terminus est Instans.

12. Locus est spacium in quo corpus suam ha-  
bet distantiam.

13. Quantitas discreta est, cuius partes com-  
muni termino non copulantur.

14. Estque Numerus, vel Oratio.

15. Numerus est unitatum plurium. colle-  
ctio.

16. Oratio est sermo syllabis longioribus &  
brevioribus mensuratus.

17. Proprietates quantitatis sunt: 1. non  
habere contrarium. 2. suscipere magis & minus.  
3. esse quidque secundum eam divisibile. 4. æquale,  
vel inæquale quidque iuxta eam dici.

18. Qualitas est accidens iuxta quod quale  
quidque esse denominatur.

19. Ejus genera sunt quatuor: 1. Habitus &  
Dispositio 2. Potentia & impotentia natura-  
lis. 3. Passio & passibilis qualitas. 4. Forma &  
que circa unumquodque est Figura.

20. Habitus est qualitas rei animatæ ad-  
ventitia difficulter à subjecto mobilis secundum  
quam ad prompte, & cum delectatione agendum  
idonea redditur ad ea perficienda, quæ per  
solam naturam non poterat, ut sunt artes &  
virtutes.

21. Dispositio est qualitas adventitia facile  
mobilis ad habitus gignendos ordinata.

22. Naturalis potentia & impotentia est qua-  
litas naturalis, qua ad aliquid efficiendum vel  
patiendum, vel non patiendum quid aptum na-  
tum est: ita risibilitas & potentia loquendi est  
naturalis hominis facultas.

23. Passio & passibilis qualitas est, quæ  
vel in sensu passionem efficit, vel e passione a-  
liquæ

liqua in subiecto originem habet, ut: sonus, color: calor, &c.

24. Forma et quæ circa unumquodque est, Figura, est modus seu figuratio quædam terminorum, qui circa unumquodque quantum existunt, ut: triangulum, quadrangulum, rectum, curvum.

25. Qualitatis proprietates sunt tres 1. habere contrarium. 2. suscipere magis et minus. 3. secundum eam simile vel dissimile aliquid dici.

26. Accidens cum respectu est Relatio.

27. Relatio consideratur vel quoad nomen, vel quoad rem.

28. Quoad nomen Relatio, alia est rationis, alia realis.

29. Relatio rationis est, quæ non habet fundamentum à parte rei: et hinc vera relatio non est, nec habet proprium esse ad aliud, sed tantum ita habere fingitur seu concipitur, ac si haberet.

30. Relatio realis est, quæ habet fundamentum à parte rei.

31. Estque vel secundum dici vel secundum esse.

32. Relatum secundum dici est absolutum Ens, cui tribuitur respectus ad aliud.

33. Relatum secundum esse, quod sua natura ad aliud refertur.

34. Hoc refertur vel ratione transcendentali, vel relatione prædicamentali.

35. Relatio Transcendens est, 1. quæ terminum non respicit, ut purum terminum seu gratias, sed intuitu alicuius muneris præstandi. 2. nec advenit subiecto per modum formæ, sed essentialiter includitur in eo quod refertur. Vide Coll. Conimb.

Conimb. Categ. cap. 7. de Relat. q. 1. art. 2.

36. Relatum prædicamentale est accidens ordinatum ad terminum.

37. Relatum duplex est: relatum relatione intrinsecus adveniente, et relatum relatione extrinsecus adveniente.

38. Illud dicimus, quando respectus necessario consequitur fundamentum posito termino.

39. In eum modum relata definiuntur, quibus hoc ipsum est esse, ad aliud quodammodo se habere, Categ. c. 8.

41. Horum considerantur conditiones, et proprietates.

44. Conditiones sunt septem: Subiecta duo, Fundamentum et Terminus, Relatum et Correlatum, et respectus ipse.

42. Proprietates sunt: 1. esse simul natura, 2. dici secundum convertentiam. 3. habere æqualem determinationem quoad notitiam.

43. Relatum relatione extrinsecus adveniente illud dicimus, cui accidit respectus qui non necessario sequitur posito fundamento et termino. Ejusmodi sex reliquis generibus tribuitur apud Scotum quodl. q. 11. art. 4.

44. Ejusmodi vero sex genera sunt: Actio, Passio, Quando, Vbi, Situs, et Habitus.

45. Actio est secundum quam in id quod subicitur agere dicimur. Gil. Porret. lib. princ. c. 2. Aliter aliquanto definit Campanella de sensu rerum lib. 2. cap. 15. Actio, inquit, est propria similitudinis effusio ab agente.

46. Actio vero alia est immanens, alia transiens.

47. Actio immanens ea dicitur, quando agens et patiens supposito non differunt, ut: intellectio, est ab intellectu, et in intellectu. Vide Arist. 9, Metaph. t. c. 16.

48. Actio



48. Actio transiens quando agens & patiens differunt supposito, ut: ædificatio fit architecto & recipitur in domo.

49. Transiens est vel emanativa, vel cum transmutatione.

50. Actio emanativa est, quando actio profiscitur ab agente sine ejus vel motu, vel conatu, ut: creatio, quæ facta est solo verbo.

51. Actio per transmutationem, quæ fit cum motu & conatu agentis subjectum alterantis et transmutantis: ut generatio rei est subjecta materia.

52. Passio est influxus actionis in id quod actionem recipit.

53. Hæc duplex est: Corruptiva et perfectiva.

54. Corruptiva est, quæ passo imperfectionem quandam infert, ut, pulsatio, vulneratio.

55. Perfectiva est receptio perfectionis in subiecto passo, ut intellectio.

56. Actionis & passionis proprietates sunt duæ: Contrarietas, et suscipere magis et minus.

57. Quando est ordo rei ad durationem.

58. Duratio est essendi perpetuatio.

59. Estque vel æternitas, carens principio, fine, et successione: vel Ævum carens fine non principio: vel Tempus durationis est præsentis, præteriti et futuro continuato.

60. Vbi est ordo rei ad locum.

61. Situs est ordo corporis ad positionem.

62. Habitus est corporum et eorum, quæ circa corpus sunt adjacentia. Gilb. Porret. lib. de 6. princip. cap. 7. Et hæc de decem generibus.

## COMMENTARIUS.

**A**ccidens duobus modis dicitur, ut annotavit subtiliss. Duns in 4. d. 12. quæst. 1. sect. quæst. & 7. Met. quæst. 1. sect. responsio Nicol. de Orbell in 4. d. 12. quæst. 1. sect. 1. & 3. & Soncinas 7. Met. quæst. 1. Uno modo pro eo, quod per se significat nomen accidentis, quod est accidere alicui : & ita accidere est synonymum cum nomine inherere & notat respectum quendam additum naturæ seu essentiæ ejus, quod denominatur esse accidens in ordine ad subjectum. Alio modo accipitur pro eo, quod denominatur esse accidens, hoc est, pro natura cui tribuitur ille respectus. Albedo verbi gratia uno modo dicit essentiam denotatam per definitionem propriam, sine ordine ad subjectum in quo existit : cui additur respectus seu ordo ad subjectum, ratione cujus sortitur denominationem quandam, ut accidens esse dicatur, quod denotat non esse separatum à subjecto, sed in subjecto esse. Et priori significatione dubium non est, quin inherencia sit de essentia accidentis : inherencia enim & accidentalitas, ut ita loquar, sunt synonyma, accidentalitas vero ea est ratio accidentis, ut in propria significatione stricte accipitur. Verum in posteriori significatione quaeritur, an inherencia denominative potius, an vero quidditative accidenti conveniat, qua de re acriter inter Philosophos disceptatur, & nos eam quaestionem in praxi nostra Logica decidimus. Statuimus vero inherentiam esse modum accidentium intrinsicum, per quem à posteriori definiantur, ab accidentibus omnino inseparabilem.

Acci-

Accidens vero communiter faciunt aliud prædicamentale, aliud prædicabile. Accidens prædicabile, illud dicimus, quod à proprio contradistinguitur: & definitur apud Porphyr. in Isag. quod adesse vel abesse potest sine subjecti corruptione. Et ita esse album quando dicitur de pariete est accidens prædicabile: accidit enim parieti esse album. Et hoc duplex est: separabile scilicet & inseparabile. Separabile illud dicimus, quod indifferens est ad inesse & non inesse, ut ambulare in Socrate, potest enim æque ac non potest ambulare.

Inseparabile vero illud dicimus, quod tamen si ad essentiam non attinet, tamen ob specialem materię dispositionem actu non separatur, ut est nigredo in corvo.

Prædicamentale vero accidens dicimus, quod à substantia contradistinguitur: & ita accidens commune est ad proprium, & accidens quintum prædicabile. Risibilitas enim quæ de homine non prædicatur accidentaliter, sed per modum proprii, prædicamentale accidens dicitur, quia in genere Qualitatis proponitur. Et hoc modo in præsentia accidens accipitur.

Est vero Accidentis ad subjectum & substantiam duplex habitudo, ut annotavit subtil. Duns in quodl. quæst. 19. art. 2. & in 3. d. 1. quæst. 5. lect. Supponendo, & d. q. Nicol. de Orbell. art. 2. est enim alia habitudo informantis ad informatum, alia posterioris naturaliter ad prius à quo pender.

Prior habitudo dicit ordinem inter substantiam & accidens, ut actus ad suam potentiam: est enim subjectum in potentia & formam accidentalem, ut ex utrisque fiat unum per accidens. Eiusmodi habitudo est inter Coriscum

&amp;

& Musicam : Coriscus enim est in potentia ad addiscendam Musicam, quæ per modum habitus in eum introducta, denominat eum accidentaliter, ut dicatur Coriscus, Musicus, quod est unum per accidens, docente Arist. 5. Metaph. t. c. 7. Posteriori respicit subiectum, ut in quo est, seu à quo dependet. Dependens vero illa est in genere causæ materialis : subiectum enim ad accidens se habet ut materia in qua est. Ea dependentia infert posterioritatem in accidente ad subiectum in quo est. Vnde omnis substantia accidente prior esse dicitur. Eam prioritatem annotavit Arist. 7. Metaph. t. cap. 4. substantiam primam dicendo definitione, cognitione, tempore & natura. Quæ tamen in re difficultas est, ut docet Zabara in 2. de prim. Mat. cap. 11. Falsum enim esse videtur substantiam tempore præcedere accidentia : risibilitas enim cum homine tempore simul est, & quantitas cum materia & corpore. Verum dicendum est hoc intelligendum non esse, quod quæcunque substantia prior sit accidente omnibus iis modis. Aristoteles enim non determinare voluit in specie modos prioritatis qui singulis accidentibus competere, sed in genere modos præscripsit quibus accidens posterius substantia est. Omne accidens (omne accipiendum non distributive, sed collective) substantia posterius est modis his vel omnibus, vel quibusdam saltem ex illis. Alia enim accidentia in particulari natura tantum posteriora sunt non tempore, alia & tempore & natura sunt posteriora : in universali vero accidens consideratum ad substantiam hos posterioris modos omnes complectitur.

Elegans circa accidens subiectum est canon

non apud Aristot. 4. Metaph. r. cap: 14. 'Accidens non est accidens, nisi ambo accidunt eidem. Ad quem clarius explicandum, sciendum, quod accidentis subjectum est duplex, secundum Scotum & Nicol. de Orbell. in 4. d. 12. Vnum ut primo in se recipiens, aliud ut ultimo terminans, hoc vocant ultimum. Ultimum illud dicitur, quod ultimo terminat accidentis dependentiam, ita ut nihil ulterius terminet. Et hoc modo non potest terminari accidens nisi à substantia: quia nullum accidens potest esse sine substantia. Ergo nec accidens ab accidente sine substantia terminari potest. Non ultimum illud dicitur, quod quocunque modo proxime terminat accidentis dependentiam: & ita multa accidentia terminantur ab accidentibus. Color non recipitur in corpore nisi mediante superficie. Corpus ergo est subjectum ultimo terminans & colorem & superficiem. Verum superficies est, ut proximum coloris subjectum, quia mediante superficie color in corpore recipitur. Hoc sensu apud Arist. scriptum est in 5. Met. c. 6. Justum & musicum dici unum secundum accidens, quoniam uni substantiæ accidunt, Corisco nimirum.

Accidentia sunt duplicis generis: alia enim absolute dicuntur sine ordine ad animam: alia vero consequuntur res cum ordine ad animam. Prioris generis ea esse dicimus, quæ ex se & sua natura habent esse perfectum, ejusmodi sunt color, superficies, linea & ejus generis alia. Quæ v. cum comparatione ad animam dicuntur ea sunt, quæ quum in rebus sint potentia, suæ quidditatis actum & formalitatem recipiunt ab anima, eaque sine anima esse completum non habent: ejusmodi sunt esse sensibile,

ibile, intelligibile, comparabile, numerabile. Et sensu apud Themist. scriptum est in 2. de anim. c. 22. ad text. 67. quanquam subiecto idem est color & visibile, tamen considerationis & rationis discriminibus differunt. Nam visibile obnoxium visui est, ad quem refertur: color impromiscua & absoluta res est. Item: visibile vi-  
 lu abjuncto non consistet nisi potentia: at color etiam nunquam conspectus semper est color. Ita tator. solut. contr. Averr. in 4. Physic. contra-  
 sic. 27. docet: numerum formalem non esse ac-  
 cidens absolutum distinctum à rebus, quod  
 subjective sit in rebus extra animam: sed nu-  
 merum dici in rebus, per denominationem ex-  
 trinsecam, quia ex quo anima per numerum  
 abstractum in ipsa existentem numerat illas  
 res, ea de causa illæ res denominantur numera-  
 re. Et hæc de accidente in genere:

Singula prædicamenta in specie quædam tan-  
 tum strictim attingamus.

De quantitate notabile hoc est; Quantita-  
 tem de continua & Discreta Quantitate dici,  
 non in modum generis Univoci, sed ut æqui-  
 vocum de suis æquivocatis. Hanc sententiam  
 docuit Averr. in quæstis post. Anal. qu. 4. di-  
 tens: quod & quantitas sit nomen æquivocum  
 & æqualitas, quæ quantitatem consequitur sit  
 nomen æquivocum. Eam vero duobus diversis  
 argumentis inter quæ unum hoc est: Si enim  
 Quantitas esset unum genus necessario partes  
 ex, quæ speculantur de partibus Quantitatis es-  
 sent partes unius artis: & esset ars quæ conside-  
 raret orationes, & quæ eduntur de numero, &  
 ars tractans de tempore et loco quæ est ars na-  
 turalis, omnes essent partes unius artis, nam hæc  
 omnes essent species contentæ sub uno genere.

Quia

Quia vero absurdum unam artem omnium harum esse speculativam, partes ex diversarum unius generis esse non possunt. Et hanc etiam sententiam probat Zabbar. in 1. post. contr. 74. Hinc cum Arist. in Categ. Quant. noluimus Quantitatem in genere definire: definitiones enim non æquivocis, sed univocis conveniunt.

In Qualitatis prædicamento aliquid de habitu dicemus. Habitus consideratio duplex est: Una ad obiectum, altera ad subiectum. Consideratio habitus ad obiectum est, circa quod versatur habitus, cuiusmodi est ordo scientiarum ad scibile. Et hoc modo Habitus est in prædicamento relationis, ut scientia & scibile. Consideratio vero habitus, ad subiectum est, quaremus habitum metimur è subiecto, quod habile & promptum redditur ad operandum cum delectatione ut docet Arist. 2. moral. cap. 3. Et ita hoc loco in qualitatis prædicamento collocatur. Primam habitus considerationem dicunt esse Formalem: metimur enim formaliter habitum è suo subiecto: alterum causalem esse dicunt, quatenus habitus aliquid operatur in suo subiecto in quo est.

Sunt vero habitus multiplices: 1. habitus alii sunt acquisiti, alii infusi. Acquisiti dicuntur habitus ex crebris actionibus comparati. Quo sensu dixit Scalig. exer. 307. s. 4. ex actionum crebritate, aut ex paucis bene validis habitus creatur: & in 7. de c. ll. c. 141. ex frequentibus actibus habitus. Hinc Aristot. 2. Eth. cap. 1. morales virtutes dictas vult ex more, quod ex assuetudine acquirantur: & docet virtutes non acquirere, ubi prius fuerimus operati: quemadmodum etiam in aliis artibus. Quæ enim, inquit, ubi didiceremus facere oportet, ea facien-

do discimus. Sicut enim ædificando ædificato-  
res, cithara canendo citharædi: ita quoque ju-  
stus agendo justus, temperantia temperantes, for-  
tia fortes evadimus.

Habitus vero infusi dicuntur, quos nostra o-  
pera non aquirimus, sed qui à superiori agente  
dependent. Hinc Thomas 3. p. q. 9. ad 4. nota-  
vit differentiam habitus acquisiti & infusi his  
verbis, quando ait: aliam esse rationem de habi-  
tu acquisito & de habitu infuso. Nam habitum  
scientiæ acquiri per comparisonem humanæ  
mentis ad phantasmata: sed habitum scientiæ  
infusæ esse alterius rationis, utpote, qui à su-  
periori descendat in animam, non secundum  
proportionem phantasmatum.

Porro Scotus in 3. d. 34. quæst. unic. S. ad  
istam quæstionem, utrumque habitum & aqi-  
situm & infusum dividit per esse intellectuale,  
& esse in appetitu. Habitum vero intellectu-  
alem, qui dirigit intellectum, in speculativum &  
practicum: Speculativi finis veritas, practici a-  
ctio. Speculativum subdividit per realem & ra-  
tionis. Realis qui circa Ens reale versatur: & di-  
viditur in 6. Metaphyl. r. cap. 2. in Theologiam  
Naturalem, & Mathematicam. Speculativus  
vero rationis est, qui circa Entia rationis, seu  
notiones secundas versatur: cujusmodi habitus  
à quibusdam dicuntur esse habitus Logici. Pra-  
cticus dividitur per agibile & factibile: ille cir-  
ca operationem, hic circa opus est. Vide Arist.  
1. magn. moral. cap. 33. Habitus vero appeti-  
vus dividitur, quod sit vel in ordine ad se,  
vel in ordine ad alterum. Ejusmodi habitus è  
sententia piccol. sunt virtutes morales, quas in  
appetitu sensitivo esse dicit: Fortitudinem &  
Temperantiam in ordine ad seipsum; Justiti-  
am



am in ordine ad alterum. De reliquis Qualitatum generibus legi poterit doctissimus Commentarius viri Clariss. Zachariz Ursini in Organon Aristotelis.

De Relatis hoc notabimus. Relata sunt vel realia, vel rationis. Ad relationem realem tria requiruntur, ut annotavit Nicol. de Orbell. in 1. d. 31. art. 1. 1. ut & fundamentum & terminus sit quid reale. 2. ut extremorum distinctio sit realis. 3. ut è natura rei insit. extremis ipsis relatio sine opera intellectus interveniente. Relatio vero rationis vera relatio non est, nec habet proprium esse ad aliud: sed tantum ita habere fingitur seu concipitur, ac si haberet: & definitur, quod sit ejus fundamentum reale non est. Ejusmodi relatio est inter dextrum & sinistrum in columna.

Et ita strictè accipitur Relatio rationis. Accipitur vero nonnunquam in latiori significatione, ut rationis relatio esse dicatur, in qua deficit vel una vel plures earum trium conditionum, quas ad relationem realem requiri dicebamus, ut annotavit Tartar. in comment. ad prædic. Relat: vide Averr. in Comment. Metaph. cap. 9. Datur vero tertia quædam species mixta ex utroque genere, quæ est realis ab uno extremo, rationis vero relatio ab altero extremo. Et hinc docetur apud Thom. 3. p. quæst. 2. ad 7. omnem relationem, quæ consideratur inter Deum & creaturam realiter quidem esse in creatura, per cujus mutationem talis relatio innascatur, non autem esse realiter in Deo sed secundum rationem tantum, quia non innascatur secundum mutationem Dei. Et hoc sensu Martinus Polychius prædicam. quæst. 14. not. 4. relationes docet esse in triplici differen-

1. quasdam enim esse reales in utroque extremo.  
2. alias esse reales in uno extremo, & rationis in altero. 3. & alias esse relationes rationis in utroque extremo.

De prædicamento Actionis hæc tantum trademus. Actio ut definitur à nobis è libro sex. princ. cap. 2. quod sit secundum quod in id, quo subicitur agere dicimur: proprie denotare videtur actionem effectivam. Et est sententia subtiliss. Duns in 4. d. 13. quæst. 1. sect. ad solutionem huius quæstionis non competere cum omni in universum actioni, sed ei tantum, quæ est cum respectu transmutantis ad transmutatum. Quæ tamen in re secus sentio: est enim in immanente etiam actione ordo quidam ad subiectum, ut in intellectione videre est, quæ in intellectu recipitur: intellectus vero recipiendo pati aliquid dicitur, passione scilicet perfecta

Ut vero intelligatur distinctio Actionis in immanentem & transeuntem, sciendum, quod cum docuit Arist. 9. Metaph. t. cap. 16. quando sit: quorundam quidem ultimum est usus, ut visus visio, ut nihil præter hanc à visu fiat opus: à quibusdam vero fit aliud, ut ab ædificativa domus præter ædificationem. Quorumcunque itaque aliud quoddam præter usum est id quod fit, horum actus in eo quod fit est, ut ædificatio in domo, & motus in moto. Quorum vero non est opus aliud præter actionem, in ipsismet actio est, ut visio in vidente, speculatio in speculante.

Prius genus actionem transeuntem dixere, posterius immanentem. Verum hæc actionis distinctio difficultate non caret, quia modo non uno intelligitur, ut docetur apud subtilis. Duns

in quodl. quæst. 13. art. 3. Uno modo intelligitur distinctio Actionis in immanentem & transeuntem, non ut divisio quædam generis in species, sed ut distinctio vocis in sua significata. Actio n. Transiens proprie actio est: est enim productiva termini in passio alia ab agente, ut calefactio actio est productiva caloris in ligno ultra ipsam actionem, scilicet ultra calefieri. At actio immanens, dicit tantum formam absolutam, seu qualiteratem aliquam in eo, in quo est. Et convenit cum actione proprie dicta in duplici conditione: quarum prima est, quod est in continua dependentia ad suam causam: altera, quod operatio transit in suum subiectum tanquam in terminum suum, licet ipsi non der esse, sed eum in suo esse præexistentem supponat. Quæ duo & ipsa in actione transeunte sunt: nam & ipsa 1. à causa sua pender & 2. terminatur in subiecto. Verum addit conditionem tertiam, quod ipsa suum terminum producit. Et ita Actio transiens diceretur, quia ipsa est productiva termini alterius à se, ut calefactio producit calorem: actio vero immanens non quod sit in causa tanquam in subiecto, sed quia sibi ipsi immanens, hoc est, quod non deducitur ad terminum à se diversum: quomodo visio sibi ipsi dicitur immanens, id est non ordinata ad opus à se diversum. Quam sententiam etiam proponit Nicol. de Orbell. in 1. d. 3. q. 8. Et hanc sententiam Scotus magis putat esse de intentione Aristotelis.

Alio vero modo intelligitur, quod Actio dividatur, ut superius in sua inferiora. Hoc modo actio immanens dicitur, quæ est res producta subjective manens in ipso agente, ut intellectio in intellectu. Videtur enim illa forma no-

esse terminus alicuius actionis, quum ante non fuerit, post vero fuerit producta. Et hanc esse rei veritatem vult Confit. Sarnanus direct. Theol. edit. Rom. pag. 61. Et ita actio Transiens erit, quæ est in subiecto ab agente diverso: quomodo actio architecti non terminatur in ipso, sed in subiecto ab architecto diverso actionis termino, opere scilicet architecti ut domo. Et hoc modo nos superius actionem in immanentem & transeuntem definimus. Vide Sordani. 9. Metaph. quæst. 20. Thom. contra gent. lib. 2. cap. 1. & Hier. Zanch. 2. de nat. Dei c. 8. q. 1. n. 5.

Unum hic notandum de divisionibus in actionem in immanentem & transeuntem, per emanationem & transmutationem, quod sint intelligendæ secundum præcisionem: nam omnis actio immanens est etiam per emanationem sed non omnis actio per emanationem est immanens: & actio per transmutationem est etiam transiens, sed non omnis actio transiens est per transmutationem quia quædam per emanationem solam est, ut Curatio.

Explicandum hoc loco est tritum illud axioma; Actiones esse suppositorum. Sensus hujus essendi duplex est: Unus est, quod circa singularem actionem sit, ita ut actionis objectum non nisi singulare ponatur. Quo sensu Arist. 1. Metaph. c. 1. scripsit, actiones ac generationes esse circa singulare omnes; non enim hominem nisi per accidens sanare, qui medetur, sed Calliam aut Socratem, aut alium quempiam eorum, qui sic dicuntur, cui accidit hominem esse.

Alius vero sensus est, quod omnis actio sit à singulari effective, nec à quocunque singulari, sed tantum à supposito. Hic dicendum, quod

agendi principium duplex est: Agens ut Quod, & Agens ut Quo. Agendi principium ut Quod non est nisi singulare suppositum: actus actionis principium ut Quo, seu ratio agendi, qua mediante agit suppositum, non suppositum tantum est, sed & partes & accidentia, & universalia ea, quæ sunt in supposito. Ita Johannes scribit, ut agens Quod, sed manu, ut principio Quo. Ignis calefacit, sed mediante calore. Homo intelligit mediante anima rationali, anima enim intelligere non dicitur. Johannes cadens è fenestra fertur deorsum, non quia homo, sed qua mixtum in quo prædominatur elementum grave. Petrus sentit, quia est animal. Ita ex Averroë 2. Phys. docet August. Niphus Sueffanus in disp. Metaph. 1. distinct. Averr. p. 35. licet operatio sit primo suppositi, ratio tamen operandi primo inest naturæ. Et Zimara solut. contrad. Arist. & Averr. & de anime contrad. 21; actio tribuitur composito, ut quod, formæ ut quo.

Hic ergo notanda est Scoti sententia in Quodl. quest. 8. art. 1. ubi docet. nullum suppositum agere nisi sit actu per illud, quod ipsi sit formaliter ratio agendi. Et intelligit sic: vel ut habeat illud tanquam formam informantem ut est in rebus naturalibus. propter quod Arist. 2. de anim. t. cap. 26. concludit, animam esse actum & formam corporis: quia est principium, quo conveniunt ei operationes corporis animati. Vel ut illud, quod est principium agendi sit omnino idem supposito agenti, ut est in forma simplici subsistente, quæ sc. statim est quod est, ex 8. Metaph. text. cap. 13. & ita se tota agit.

Solet & alia agitari questio an actio sit in agente,

agente, an vero in patiente. Et de actione immanente quidem res est expedita: quum enim in ea agens & patiens sint idem subiecto, actio sive subjective esse dicatur in agente, sive in patiente quoad rem coincidit. Quæstio est de actione transeunte. Hic sciendum, quod duobus modis aliquid alicui dicatur inesse: vel effective & virtualiter, & subiectivi. Priori modo quæstio locum non habet: est enim in agente vis & virtus producendi effectus, & ita secundum quid, effective scilicet actio est in agente, quatenus ab agente nascitur & oritur. An vero subjective sit in agente, an vero in patiente dubium. Et denominatio quidem arguere videtur, actionem esse in agente, non enim patiens, sed agens agere dicimus. Verum à denominatione firmum argumentum peti non potest. Est enim docente Gab. in prol. sent. q. 3. & in 2. dist. 34. q. unic. art. 1. not. 3. & Sonc. in 5. Metaph. q. 40. denominatio multiplex; ita ut denominatio alia sit privativa, quando aliquid denominatur, non ab eo quod habet, sed ab eo quod non habet, ut cæcus denominatur à carentia visus; alia positiva quando aliquid denominatur à re quam habet. Quæ iterum duplex est; vel intrinseca, quando denominans est in denominatione; vel extrinseca, quando denominatio fit ab eo, quod non est formaliter in eo quod denominatur, sed etiam loco & subiecto distat, ut dives denominatur à divitiis, quæ non inhaerent. Intrinseca itidem duplex est; Est enim denominatio alia absoluta, sine connotatione alicuius termini; quo modo omnia prædicamenta absoluta denominationem faciunt; idque dupliciter, vel denominando essentialiter, ut quando denominatio vel à forma, vel à proprio; vel accidentaliter,

ter, ut quando accidens denominat suum subiectum ut docet Scorus in 2. dist. 12. q. 1. s. ad argumentum primum dico. Alia vero denominatio est intrinseca, sed cum connotatione termini extrinseci, quomodo pater denominat hominem, sed cum ordine ad filium. Quantum ad præsens attrinet; Pererius Phys. lib. 13. c. 8. statuit, agens denominari ab actione non intrinseca, sed extrinseca denominatione, non quia sit in ipso, sed quia sit ab ipso. Mea sententia est; actionem esse subjective non in agente, sed in patiente. Hanc docuit Aristot. 2. de anima tex. 139. Si igitur, inquit, motus & actio & passio est in eo quod movetur & patitur, necesse est & sonum, & auditum, qui est secundum actum in auditu, qui secundum potentiam esse. Activi enim & motivi actus in patiente sit, unde non necesse est movens moveri. Vide pluribus Perer. d. lib. 13. cap. 7. & 8.

Et hæc nos breviter; qui pluribus volet, consulat Fonssecam, & Franciscum Suarez abunde habebit. De intelligentiis & ordine hujus scientiæ ad inferiores alias seq. lib. agemus.




JOHAN. COMBACHII

WETTERANI

METAPHYSICORUM

LIBER SECUNDUS.

P R Æ F A T I O.


 Vm studiorum gratia Anno  
 Christi 1609. essem in An-  
 glia, in celeberrima Acade-  
 mia Oxoniensi permissu supe-  
 riorum de Mentibus Separatis,  
 Prasente Insignissimo Dn. Vice Cancell-  
 rio Dn. Iohane King, post Episcopo, vere pio,  
 Londinensi, & gravissimo Theologo Dn.  
 Hollando, viro multiplici lectionis, aliis-  
 que Doctoribus, Magistris & magno  
 studiosorum numero, (vivebant enim eo  
 tempore, ut communis vox erat, in hac  
 O. 5. Univer-



## PRÆFATIO.

*Universitate circiter tria studiosorum millia ) quatuor lectiones publicas se potius discursus, in auditorio Theologico habebam. Sapius de iis edendis cogitavi: Sed inciderunt impedimenta alia atque alia, quo minus quod proponebam perficere potuerim. Ac ne nunc quidem opera mea divisa sat otii mihi concedunt ad hoc opus ex voto absolvendum. Nolui interim doctrinam hanc plane omittere. In eum finem hunc qualemcumque tractatum subnectere visum est, donec meliora tempora plura eaque meliora exhibeant. Et erit hic Liber secundus dictus nomine Lectionum Oxoniensium, quarum summam complectitur, in memoriam beneficiorum, qua in me contulerunt ejus Academia tum proceres, tum viri alii boni.*

META.



# METAPHYSICORUM

## LIBER SECUNDUS.

### C A P. I.

De Separatis secundum essentiam, & in  
specie de D E O.

#### THEOREMA PRIMVM.

**V** Niversalis Metaphysica pars hæc fuit: Par-  
ticularis sequitur.

2. Ea docet naturam Entis quatenus Ens,  
secundum conceptum Separatorum per essen-  
tiam.

3. Separata per essentiaro sunt, quæ ita ab-  
strahunt re & ratione à materia, ut eam nec in  
definitione, nec in existentia sui includunt, Ejus-  
modi sunt spiritus.

4. Spiritus est substantia omnis materia, &  
corporeitatis expers.

5. Estque vel increatus, vel Creatus.

6. Spiritus Increatus Deus est.

7. Notitia de Deo vel supernaturalis est, in  
quantum cognoscitur ratione Essentia, Persona-  
rum & gratuitæ voluntatis: hæc soli Ecclesie in  
Scripturis revelata est. Vel naturalis gentibus  
etiam nota, tum e principis naturalibus, tum  
e libro naturæ & opere creationis.

3<sup>o</sup> Deus

8. Deus est expers principii perfectum & omni ex parte absolutum universorum principium ut describit Clemens Strom. lib. 4.

9. Ejus considerantur tum attributa, tum operationes.

10. Attributa sunt nomina, quae de Deo per modum proprietatum praedicantur, ita tamen ut substantiae ejus non sint addita. Averr. destruct. disp. 3.

11. Ea tametsi multa sunt in Deo tamen compositionem non faciunt; sunt enim in Deo non formaliter, sed eminenter. Unde pluralitas ea non est in Deo formaliter, sed ratione nostri inadequati conceptus, ut sub ratione pluralitatis concipiamus, quod à posteriori è respectu & ordine ad nos non nisi per similitudinem & ἀναλογία quandam imperfecte cognoscimus. Vide Thom. opus. 72. quod est de concordantiis sub initium.

12. Eiusmodi attributa tria potissimum secundum Philosophos Deo appropriantur: quod sit Sciens, Excellens, & Potens Averr. destruct. disp. 11. Metaph.

13. Scientia Dei est Scientia in ultimitate perfectionis, qua scit omne illud, quod emanat ab eo vel mediate, vel immediate. Eaque scientia non est eiusdem naturae cum nostra, quoniam scientia nostra est diminuta & posterior scita. Averr. eadem disp. Metaph. destruct.

14. Excellentia seu nobilitas DEI apud Averr. juxta sententiam Augusti, Niphi Sueffani ad eum locum est Dei voluntas.

15. Dicitur vero voluntas, ut & scientia, de Deo æquivoce ad nostram: absit enim, inquit Averroes, ut sit Deo appetitus, ex eo quod deficere, et substantiae eius aliquid, adeo ut sit causa

causa motus & actionis aut ex se aut ex alio: sed non intelligitur per voluntatem, nisi ordinatio operationis copulata scientiæ. Ibid.

16. Potentia Dei est vis Dei secundum quam omnia agere potest.

17. Ea distinguitur in ordinariam & absolutam. Scal. ex. 365. sect. 2.

18. Illam exerit agendo secundum ordinarium naturæ cursum: hæc ea etiam agit quæ sunt præter & supra naturæ cursum. Hinc commune est factum est Scholasticorum: posse eum omnia, quæ non implicant contradictionem. Vide Lombard. 1. sent. 42. 43.

19. Hæc verò tria attributa Averrois, quia ab ipso dicuntur esse in ultimo seu summo gradu perfectionis, præsupponunt Attributum Infinitatis.

20. Est verò Deus Infinitus in essendo, quia complectitur omnes gradus perfectionis: in operando, quia non agit, quin possit plus & ultra: & duratione; hinc æternitas ei convenit, quæ est duratio carens principio, fine & successione.

21. Operatio verò Dei est tum creatio, tum conservatio. Illa res omnes de non esse ad esse sunt productæ; hæc earundem rerum esse & operatio & conservatur & ad debitos fines dirigitur. Unde providentia Deo tribuitur, qua omnia conservantur, ut docet Chrysost. hom. 10. ad pop. Antioch. & de provid.

## COMMENTARIUS

Prioris Metaphysicæ partis quatuor membra exegimus: agendo [de Metaphysicæ subiecto, principiis, affectionibus & universalissimis Entis divisionibus. Ad alteram nunc accedimus,

mus, quæ agit in particulari de Entibus incorporeis & ab omni materia sejunctis ac separat-  
tis. Et si vero sunt, qui judicant hanc doctrinam  
Separatorum aliam & diversam disciplinam fa-  
cere, ab ea quæ est de conceptibus generalissi-  
mis & universalissimis: alia tamen Aristotelis  
fuit hac de re sententia, qui eodem volumine  
complexus est & doctrinam, quæ est de Ente  
quatenus Ens est, & doctrinam horum Entium  
ab omni materia separatorum. Et Zabarella in  
lib. de ordine intelligendi disputat adversus Ma-  
Anton. Genuam: si ipsam rerum naturam spe-  
ctemus, quatenus nobis considerandæ & co-  
gnoskendæ proponuntur, oportere de abjunctis  
à materia per essentiam & de abjunctis per in-  
differentiam, non duas esse disciplinas, sed  
unam & eandem. Ac omnino videtur esse ne-  
cessarium, ut quia Ens non est quid univocum,  
prout docet Aristot. 4. Metaphys. 1. cap. 2.  
*πρὸς τὴν ἡ ἀπ' ἐνός*, seu ut loquuntur, analo-  
gum; & verò analogum non potest intelligi sine  
principali analogato: principale illud analogu-  
tum in eadem scientia doceatur & tradatur cum  
suo analogo. Est verò principale Entis analo-  
gatum in doctrina Separatorum positum. Hæc  
itaque doctrina ab Ente, quatenus Ens est, se-  
jungenda non est. Quæ sententia defendi faci-  
lius potest, si dixerimus, Ens quatenus Ens  
esse, in quo non differt quod à quo, sed in quo  
quod & quo sunt idem realiter. Constat enim  
in Separatis à materia idem esse quod & quo,  
seu in iis essentias non habere aliquas causas es-  
sendi è quibus sint: sed essentias stare seipsis, ut  
loquitur libellus de causis.

Porro quia Spiritus vocabulum Deo com-  
muniter & aliis Intelligentiis tribuitur, an uni-

vocè

vocè dicatur, an analogice, an vero æquivocè considerandum? Dicendum hic, nihil posse esse Deo commune univocum cum creaturis. Id disputatum ab Algazele & Averroë destruct. disp. 7. quod enim duo talia habet, scil. quod communicat cum aliquo, & quod differt ab eo, est compositum. Quod si ergo Deus communicat cum aliquo in genere, & differt ab eo in differentia: Ergo Deus est compositus. Et respondet Averroës: jam dixi, quod sequitur hoc propter communicationem, quæ reperitur ex parte generis dicti univocè, non autem ex parte generis dicti secundum prius & posterius. Philosophi autem non concedunt de ente antiquo aliquam communicationem in genere omnino. Hoc est, ut explicat Augustin. Niph. Suesanus in comment. ad hunc locum: Averroës limitat dictum, dicens: non dicimus, quod hoc, id est, Deum esse compositum, sequitur communicationem necessario ratione generis univoca prædicatione, non autem analogicè. Unde bene valet, hoc communicat cum aliquo in genere univoco, & differt ab eo differentia univoca: Ergo est compositum. Sed non valet de genere & differentia analogicè dictis. Ad propositum, modò Deus & Entia mundi communicant in genere & differentia æquivocè dictis: & ideo non sequitur, Deum esse compositum.

Hinc jam porro sequitur, Spiritus vocabulum non posse Deo & Spiritibus creatis ex æquo convenire. De quo antequam dicam, notabo, quod est apud Damasc. de Orthod. fide lib. 1. cap. 18. quod Spiritus intelligatur multipliciter: Spiritus s. virtutes etiam Spiritus s. dicuntur Spiritus, & Angelus bonus Spiritus, & dæmonum Spiritus & anima, quandoque etiam

etiam mens Spiritus dicitur, & ventus Spiritus; & Spiritus aer. Quod sigillatim è diversis Scripturæ locis demonstravit P. Victorius Commentator Damasc. ad hunc locum. Locus quia non est indignus qui observetur verba ejus huc transcribam; Octo, inquit, enumerat autor Spiritus acceptiones, quarum apud sacras literas non infrequens est usus. Siquidem Spiritus pro Spiritu Sancto sumitur Psalm. 142. Spiritus tuus bonus deducet me in terram rectam. Pro virtute Spiritus Sancti Jud. 14. Irruit autem Spiritus Domini in Sampson, & dilaceravit leonem: ubi donum Spiritus S. scil. fortitudo atque robur, Spiritus nominatur. Pro Angelo bono Psal. 103. qui faci Angelos suos Spiritus, & ministros suos ignem urentem. Pro Demone 1. Reg. 18. post diem autem alteram, invasit Spiritus Dei malus Saul. Pro anima Gen. 7. universæ aves omnesque volucres ingressæ sunt ad Noë in arcam, bina & bina ex omni carne in qua erat Spiritus vitæ. Pro mente, Paulus 1. Cor. 2. quis enim scit hominum, quæ sunt hominis, nisi Spiritus hominis, qui in ipso est? Pro vento, Ecclesiast. 43. Vox tonitru ejus verberavit terram, tempestas aquilonis, & congregatio Spiritus. Demum pro aëre, Psalm. 118. Os meum aperui & attraxi Spiritum. Ita ille.

Præter has v. significationes etiam Physicus agit de Spiritibus, ut sunt Spiritus naturalis, vitalis & animalis: quæ de re in Physicis nostris egimus. Sed hæc significationes propriæ præsentis instituti non sunt. Hoc loco Spiritum intelligimus, substantiam omnis materiæ & corporeitatis expertem: quo sensu in genere quidem Spiritus vocabulum Deo & Intelligentiis.

gentiis tribuimus, sed non eadem simplici-  
 ter ratione. Deum esse Spiritum Joh. 4. scri-  
 ptum & à Damasc. lib. 1. de orthod. fid. cap. 4.  
 probatum, esse eum incorporeum: quo pacto  
 enim corpus fuerit infinitum, interminatum,  
 infiguratum, intrangibile, invisibile, sim-  
 plex, incompositum? quomodo immurabile,  
 si circumscriptum, si passionis injuriæ ob-  
 noxium? Et Averroës destruct. disput. 10. di-  
 sputat contra opinionem Orientalium, tenen-  
 tium, quod Deus sit corpus cœlestē: & con-  
 cludit, Deum nec esse corpus omnino, nec  
 potentiam in corpore. In disp. v. 6. asserit,  
 quod hæc substantia sit principium mundi, &  
 quod sit simplex & separata à materia & ha-  
 beat quidditatem, quæ est simpliciter. Et Tho.  
 1. p. quæst. 3. art. 1. Deum absolute non esse  
 corpus tripliciter ostendit. 1. quod sit primum  
 movens immobile, 2. quod necesse sit pri-  
 mum Ens esse in actu, & nullo modo in poten-  
 tia 3. quia Deus id, quod est nobilissimum in  
 Entibus: quæ omnia corpori convenire nullo  
 modo possunt.

Esse verò & Angelos natura incorporeos  
 Cyrillus docet in Joh. lib. 4. c. 10. & Damasc.  
 lib. 2. de Orthod. fide cap. 3. scribit, Angelo-  
 rum factorem & opificem esse Deum, qui i-  
 plos ex nihilo ad esse deduxerit ad propriam  
 illos creans imaginem naturam incorpoream,  
 ut Spiritum quendam, aut immaterialem i-  
 gnem. Idque disputavit Toom. 1. p. q. 50. art. 1.  
 Quod verò citato loco Damascenus dicit: In-  
 corporeus & immaterialis dicitur Angelus,  
 quantum ad nos: nam omne ad Deum colla-  
 tum (qui solus incorporealis est) crassum & ma-  
 teriale comperitur: sola enim vere immateria-  
 lis.



lis & incorporea divinitas. Id non nisi comparative & secundum quid intelligendum, explicat Thom. dist. qu. 50. ad 1. dicendum, inquit, quod substantiæ incorporeæ (intelligitur de Angelis) medium sunt inter Deum & creaturas corporeas: medium autem comparatum ad unum extremum videtur alterum extremum: sicut tepidum comparatum calido videtur frigidum. Et hac ratione dicitur, quod Angeli Deo comparati sunt materiales & corporei: non quod in eis sit aliquid de natura corporea.

Ex his jam facile intelligitur esse spirituale & incorporeum non ex æquo Deo & creaturis convenire: fieri enim nequit, ut sit natura causæ & causati una genere, nisi in causis individualibus, quemadmodum disputat Averr. destructi disput. Metaphys. 7. Fieri ergo nequit, ut Deus qui est causa creaturarum, in aliquo genere univoce conveniat cum creaturis. Non ergo Spiritus ii creati à Deo genere & natura cum Deo convenire possunt. Spiritus ergo & esse incorporeum Deo & creaturis ex æquo non conveniunt. Patet: Est enim Deus Spiritus expers omnis & materiæ & potentiæ: Spiritus vero Angelici tamen si excludunt materiam, non tamen excludunt omnem potentiam: dependent enim; dependentia vero omnis conjuncta est cum potentia. Vide de hac proportionem prioris & posterioris propter ordinem à prima ad primam Scal. exerc. 359 sect. 14. Ut vero pluribus aliquanto in divinis contemplationibus nos oblectemus, sequentes decem quæstiones ordine discutiendas proponemus.

*Quæ & quotuplex significatio DEI sit?*

**O**Portet prius vocis ipsius usum cognoscere, à quo sæpenumero provehimur in rei perceptionem, quemadmodum Plato in Cratylo, multis in locis Aristot. ostendit, inquit Scal. exerc. 1. sequamur ejus consilium, inquiramus quid nominis primo loco: quid Dei nomen sibi velit, quæque huic nomini sint annexa videamus. Tertullianus libr. 1. adversus Marcionem ita scribit: Veritas Christiana districte pronuntiavit, Deus si non unus est, non est. Quia dignius credimus non esse, quodcumque non ita fuerit, ut esse debeat. Deum autem ut scias unum esse debere, quæro quid sit Deus, & non aliter invenies. Quantum humana conditio de Deo definire potest, id definitio, quod & omnium conscientia agnoscat, Deum summum esse magnum in æternitate constitutum, infinitum, sine initio, sine fine. Hunc enim statum æternitati ascendendum, quæ summum magnum Deum efficiat, dum hoc est in Deo ipso, atque ita & cætera, ut sit Deus summum magnum, & forma & ratio, & vi & potestate. Ita nimirum de nomine statuendum, ut qua de re sit agendum videamus. Nominis hujus originem si spectemus, Dancæ sententia est derivari illud à græco *θεός*: *θεόν* dictum Plato putat, quasi *θεόντα*, id est, currentem, quia omnia pervadit: alii à verbo *θεῖν* videre, quoniam omnia videt. Sextus Pompejus à voce *θεός*, quod timeatur. A Græca enim voce *θεός* Latini suam hanc vocem deduxerunt. Ita scribit lib. 1. Isag. Christ. cap. 1. Et de græca voce Damascenus scribit lib. 1. orth. fidei, cap. 12. sequens nomen est Deus, qui  
græce

græcè *θεός*, vel à *θῆν*, id est, currere & disponere universa : vel ab *αἶθην*, id est urere (Deus enim ignis est, omnem malitiam consumens) vel à *θεῖσθαι*, id est intuendo omnia. Nam nihil eum latere potest, imo omnium inspector est. Intuetur enim omnia, priusquam deducantur ad ortum, intemporaliter intelligens unumquodque secundum voluntariam ipsius intemporalem intelligentiam. Aliam ex Phurnuto originem adducit Lud. Czl. Rhodest. antiq. lib. 21. cap. 24. Deum, inquit, esse appellatū prodit Phurnutus, ἀπὸ τῆς θεσιως, quoniam creduntur *θεοὶ θετῆρες καὶ ποιηταὶ γινόμενων ὄλων*. Quod si quis ab Hebræo *יְהוָה* quod sufficientiam & abundantiam denotat unde *יְהוָה* inter nomina Hebraica Dei referatur derivare velit, non repugnabo.

Nomen hoc absolute sumptum summum magnum denotat : aliis tamen etiam rebus in sacris & profanis attributum legimus. Indeque ejus ambiguitatem, in quantum Theologo est necessaria, eleganter exponunt Zanch. de tribus Elohīm part. 1. lib. 6. cap. 1. qui locus quoniam elegans est, non gravabor eum hac adscribere. Nomen Dei, inquit, de alio prædicatur aut propriè, aut impropriè. Propriè, ut de Patre, Filio, & Spiritu sancto. Impropriè, ut de aliis præter Patrem, Filium, & Spiritum sanctum. Rursus impropriè bifariam : aut vere, aut falso. Vere, ut quos sacræ literæ hoc appellant nomine propter aliquam cum Deo verisimilitudinem, aut propter dignitatem, aut propter officium. Ut Moses Deus Pharaonis Exod. 7. 1. Magistratus Dii Psal. 82. 6. Falso, ut quos ita appellarunt, & ut Deos voluerunt homines, ipsi falsa opinione

nione decepti *Jes. 44. 10. idola 2. Cor. 4. v. 4.*  
 Venter *Phil. 3. 19.* quorum Deus venter est.  
 Proprie bifariam : absolute, & distincte. Scholastici dicunt, Essentialiter, & Personaliter. Absolute & Essentialiter, pro divina essentia, seu pro Deitate, quæ nihil est aliud quam Deus, prout dicitur de tribus personis simul sumptis, Patre, Filio, & Spiritu sancto. Distincte seu personaliter, ut cum de una persona, vel Patris, vel Filii, vel Spiritus sancti dicitur. Aliàs in profanis aliter etiam Dei vocabulo utuntur. Ita bona animi cupido vocantur Deus apud Virgilium : apud Astrologos Deus & Dea nomina usurpantur in quibusdam locis genituræ. Deum intelligunt ab horoscopo signum tertium, cui per diametrum objectum vocant Deum, id est, ab horoscopo nonum signum. Ita dæmonium Socratis Deum appellavit Apuleius, ut ea de re videri potest Cælius Rhodig. lect. antiq. lib. 2. cap. 10. Nos de Deo, divinisque nominibus secundum scripturæ præscriptum rectius loquimur. Descendit à vocabulo Dei, Deitas & divinum. Deus & Deitas habent se in modum abstracti & concreti : quæ duo tamen si, si essentiam simplicissimam in se spectes, unam eandemque rem denotant : tamen si modum loquendi observes, imprimis in doctrina de persona Christi, concreto tribui animadvertes quæ de abstracto dici & predicari nequeunt. Deus passus est carne, & sanguine suo redemit Ecclesiam, divinitate impassibili manente, ut in Concilio Chalcedonensi definitum. Divinum vero etiam non uno accipitur modo : Est enim divinum per essentiam, & divinum per participationem. Illud de iis, quæ in Deo sunt & inveniuntur dicitur, ut divina sapientia, bonitas & potentia ; hoc donis, quæ

quæ effective à Deo sunt, & ad nos proficiunt  
tribuimus.

2. *An sit Deus.*

**D**Eum esse notum est tum è libro scripturæ, tum è libro naturæ. Clarior & manifestior esse divinum, ejusque voluntas è scriptura petitur, quæ est doctrina è revelatione, in qua comprehenduntur omnia ea, quæ de Deo ad salutem nostram sunt cognitu necessaria: E libro vero naturæ patet esse Deum, ut à quo dependent omnia quoad esse, conservationem & gubernationem. Ita enim Apostolus docuit Rom. I. v. 20. Invisibilia Dei à creatura mundi, per ea quæ facta sunt intellecta conspiciuntur, sempiterna quoque ejus virtus & divinitas. Indequè Thom. I. p. q. 2. art. 3. quinque vias proposuit cognoscendi Dei è lumine naturæ: 1. è ratione motûs. 2. è ratione causæ efficientis. 3. è ratione possibilis & necessarij. 4. è gradibus, qui in rebus inveniuntur. 5. E gubernatione rerum.

1. E ratione motûs: quia motus inferiores, necessario reducuntur ad unum primum motorem, qui est Deus. 2. E ratione causæ efficientis: quia in genere causarum necessario devenitur ad primum causam, quæ est Deus. 3. E ratione possibilis & necessarij: quia contingentia necessario reducuntur ad aliquod primum, quod necessario habet esse à se & per se, & est Deus.

4. Quia Ens unumquodque excedit aliud gradum perfectionis: hinc necessario deveniamus ad summum quendam gradum perfectionis, qui non nisi Deo convenit. 5. E gubernatione rerum: quia enim omnia diriguntur ad debitum finem, necessario primum quoddam est intelligens, à quo dirigantur ad eum finem, quod non est aliud, nisi Deus. Hinc vulgatum est apud

Scholasticos, triplicem esse viam cognoscendi Dei: 1. per viam causalitatis; 2. per viam eminentiæ, & 3. per viam negationis. 1. per viam causalitatis: ut ex opere creationis & universi cognoscamus creatorem & conditorem universi. 2. per viam eminentiæ: ut quæ in his inferioribus designant perfectionem, ea Deo eminenter & nobilissimo modo inesse docemus. 3. per viam negationis, ut quæ in his inferioribus designant imperfectionem, ea Deo tanquam perfectissimo bono convenire negemus. Vide Gregorium de Valentia fuscè disputantem an sit Deus, & quomodo probari possit, esse Deum, commentat. Theolog. tom. 1. q. 2. Fr. Patrium de Monarchia: & Fr. Suarez in Metaph.

### 3. *Quid sit Deus?*

**D**E Essentia & quidditate Dei duobus modis possumus loqui: vel absolute & per se, vel in ordine ad nos. Absolute & in se considerata essentia Dei est perfectissima, ut quæ omnes perfectionis gradus in se complectitur: unde & infinitus Deus dicitur, infinitus scilicet infinitate Entis, quod omnia Entia longissime perfectione sua excedat, nec sit Ens aliud, quod sibi vel æquiparari, vel ullo modo cum eo in comparisonem venire possit. Hic enim locum habet regula: Infiniti ad finitum nulla est proportio. Sed si ea perfectissima Essentia consideretur in ordine ad nos, & nostrum intellectum, universi in se sit perfecta, a nobis tamen perfecte cognosci & definiri nequit. Hoc ex infirmitate intellectus nostri provenit. Ita enim de sempiternis rebus pronuntiavit Scalig. ex. 1. quod ad earum intellectionem, mentis nostræ directa acies tam imbecilla sit, quam ad Solem

lem intuendum Nycticoracis oculus.

Aliqua tamen de Deo haberi potest, five descriptio five imperfecta definitio. Possunt enim de Deo haberi, ut disputat Fons. Metaph. lib. 2. cap. 1. q. 2. s. 3. etiam in hac vita conceptus proprii & peculiare, quique in rem aliam convenire nequeant: cujusmodi sunt conceptus Entis infiniti simpliciter, actus puri, causæ primæ, & ejusmodi similes. Hæc attributa Deo propria quando cognoscimus, suam Deo, quandam descriptionem assignamus.

4. *An sint Dei quædam attributa, & an ea pugnent cum simplicitate Dei;*

**I**N genere multa Deo convenire nomina, quæ vere ipsi tribui possint, è sacris constat: in quibus vocatur Bonus, Sapiens, Æternus, Justus &c. Hæc nomina attributa Dei vocantur, quod ipsi in modum affectionum & proprietatum assignentur & attribuantur: non quod accidentia alia ab Essentia Dei convenient Deo, sed quoniam pro ratione nostri inadæquati & imperfecti conceptus more humano de Deo dicamus, quæ divinam perfectionem variis nominibus quodammodo exprimere & explicare videntur. Namque aliàs locum habet communis regula: Quidquid est in Deo, est ipse Deus: & Fr. Suarez disp. Metaph. 30. s. 6. differit, omnia attributa esse de Essentia Dei, neque inter se distinguui actualiter in re ipsa, neque à Dei essentia. Indequè communem patrum sententiam esse docet: non solum non esse in Deo accidentia, sed & hæc nomina, quæ in nobis significant accidentia, in Deo significare essentiam ejus: eamque quod causam non solum concreta, sed  
etiam

niam abstracta taliū nominum de Deo prædica-  
 Et adducit sententiam Leonis dicentis: nemo  
 hominum veritas, nemo sapientia, nemo iustitia  
 est, sed multi participes sunt veritatis, sapientiz  
 neque iustitiz: solus autem Deus nullius parti-  
 cipationis est indigens, de quo quicquid digne  
 atque sentitur, non qualitas est, sed Essen-  
 tia. Extat ea de re notabilis sententia Scal. ex.  
 165. l. 6. Quoniam Deo multa attribuuntur ut  
 omnipotens, omnisciens, misericors, pius, ju-  
 stus, vindex, sanctus, fortis, immortalis, bonus,  
 primum Ens: haud recte extorsit usus, ut sic lo-  
 queremur. Si enim denominative de eo quippi-  
 am prædicaretur: abstractum esset, tum aliud ab  
 ipso, tum ipso prius. Quod sane impium est.  
 Quare neque ens est, sed essentia, neque bonus,  
 sed bonitas: neque sapiens, sed sapientia: neque  
 omnipotens, sed omnipotentia. Quæ ita in ipso  
 sunt, ut sint ipsum. Ita insunt: ut nihil antece-  
 dat, nihil subsequatur.

Hæc vero attributa Dei non sunt unius mo-  
 di: quædam enim attributa conveniunt Deo ab  
 æterno, absolute, & sine ordine ad creaturas,  
 alia vero non nisi in ordine ad creaturas conve-  
 niunt. Ita infinita sapientia, voluntas, omnipo-  
 tentia Deo absolute conveniunt sine ordine ad  
 creaturas. Bonus enim, sapiens, infinite perfe-  
 ctus esset Deus, si vel maxime creatura non es-  
 set. At vero ut dicatur creator, esse ubique &  
 ejusmodi attributa Deo conveniunt in ordine ad  
 creaturas: creator enim dicitur cum respectu ad  
 terminum, quia condidit & creavit omnia de  
 non esse ad esse producendo. Ubique esse dici-  
 tur in ordine ad locum: qui enim ab æterno est  
 infinitus & immensus cum non esset locus &  
 spatium ullum: is in tempore dicitur ubique,



seu omnipræsens, quatenus omnibus locis in tempore factis est præsens, & cælum ac terram sua præsencia implet & replet. De his nominibus quæ Deo tribuuntur ex tempore per relationem ad creaturam, vid. Fr. Suarez disp. Metaph. 47. s. 15. n. 15. & seq. Alia attributorum divinorum habetur distinctio apud Theologos, quam etiam attingit Zanch. de nat. Dei lib. 1. cap. 1. & est, quod attributa Dei quædam ita sunt propria Dei ut neque creaturis ullâ possint ratione attribui, nec ullum ad eas habeant respectum, ac proinde meram duntaxat Dei naturam dicant, qualis est in se: ejusmodi sunt immensitas, æternitas, summa simplicitas. Alia vero sunt quæ licet simpliciter & eadem ratione creaturis non conveniunt, ex parte tamen & secundum quandam similitudinem creaturis etiam tribuantur. Ut summa sapientia omnipotentia, solius Dei est propria: sed & creaturis quædam sapientia, quædam potentia tribui recte poterit. Vide Zanch. de variis divinorum nominum & attributorum generibus de natura Dei lib. 1. cap. 4.

Ubi tamen hoc observandum, attributa divina de Deo prædicari jam in abstracto jam in concreto: in abstracto, ut tum simplicitas & perfectio divinæ naturæ, tum etiam quod sit fons omnis vitæ, bonitatis & sapientiæ, hinc intelligatur. In concreto vero subsistens & ὁμοειδὲς inde cognoscatur.

Annon vero, inquis, ea attributorum multitudo pugnat cum simplicitate Dei? absit ut dicamus. Essentia enim Dei maxime simplex, est libera ab omni compositione tam essentiali & substantiali, quam accidentali. Substantiali:

ali: concurrerent enim alias necessario ad esse  
hoc constituendū partes, è quibus constat com-  
positum. Esset ergo aliqua causa Dei: non ergo  
prima causa Deus: alia ergo causa prior: alius  
ergo Deus, hoc Deo prior. De quo quia simili ra-  
tione quaeretur, fieret tandem processus in in-  
finitum. Subsistamus ergo necesse est, in prima  
causa absoluta & independente absolute & sim-  
pliciter: quæ cum Deus sit, non potest habere  
causam vel à qua sit, vel è qua sit & constet.  
Simplex ergo erit secundum substantiam, quod  
causa non sit è qua constaret. Sed nec accidentia  
Deo possunt convenire: quod in Deo nulla sit  
mutatio. Ea vero accidentium est ratio, ut ade-  
re & abesse possint: quod mutabilitatem sub-  
ehti designat. Vide de Dei simplicitate Thom. 1.  
q. 3. & è nostris Theologis Zanchium de na-  
tura Dei lib. 1. c. 2. pluribus differentes.

Dices: multitudo attributorum importat  
multitudinem rerum: multitudo rerum sine  
compositione esse nequit. Respondet Zanch.  
de nat. Dei lib. 1. q. 4. Causa multorum & vario-  
rum nominum in Deo nostra fuit imbecillitas.  
Non enim ideo imposita sunt, ut significaretur  
ipsa multas in Deo esse virtutes (est enim una  
duntaxat ad omnia idonea & sufficiens) sed  
propter nostrum caput ut scilicet quod uno  
non poteramus nomine, variis id nominibus  
possemus percipere. nempe quis, & qualis sit  
Deus. Nam si essentiam Dei, ut se habet, posse-  
mus uno intuitu seu uno actu intellectus perci-  
pere, non multis & variis opus fuisset nomi-  
bus ad eam nobis utcumque indicandam: sed u-  
num duntaxat nomen satis fuisset nobis. Dices:  
Deo convenire partes, & affectus: quarum illæ  
sunt argumentum compositionis essentialis

accidentalis. Ita deo tribuitur anima, oculi, brachium: ira, odium, amor, poenitentia. Responderetur partes Deo assignari per *ἀνθρωπωμα* *θεῶν*, tradit enim nobis sacra scriptura spiritualia & divina sub similitudinibus corporalium. Ita partes corporeæ attribuantur Deo in scripturis ratione suorum actuum, secundum quandam similitudinem: sicut actus oculi est videre, unde oculus de Deo dictus significat virtutem ejus ad videndum modo intelligibili non sensibili. Sic anima Deo tribuitur, per similitudinem actus: quo enim volumus aliquid, nobis ex anima nostra est: unde illud dicitur placitum esse animæ Dei, quod est placitum voluntati ipsius. Heb. 10. v. 38. Eadem aliarum partium est ratio. Ita Epiphanius hæres. 69. dicit: si pater carnem non induit, dixit autem hoc, Quem dilexit anima mea, figurate hoc esse Deum dicitur, ut ratificaretur veritas & ut ostendat erga filium ingenuitatem. Et sicut hic dicit: Dilexit ipsum anima mea: Sic dicit, Juveni David filium, esse virum secundum cor meum, & cor meum longe abest ab ipsis. Si itaque eo quod figurate dictum est, Quem dilexit anima mea, accipimus hoc de anima: ergo etiam de corde figurate dictum est, & nimirum omnibus intelligentia præditis clarum hoc fuerit. Vide Cornel. Agripp. de membris Dei de occult. Philosoph. lib. 3. cap. 13. De affectibus respondemus, iram, poenitentiam, & similia affectuum nomina Deo convenire non secundum affectum, sed secundum effectum: non enim in ira divina est motus ille sanguinis circa cor, & quæ aliz in nostris affectibus sunt perturbationes & commotiones. Hinc in addit. ad Lyram cap. 6. Genes. docetur: Poenitentia & cæteræ passionēs, in quantum de-  
fectum

fectum important, non dicuntur esse in Deo, nec secundum rem, nec secundum similitudinem. Unde verius & tutius dicitur, quod huiusmodi passiones dicuntur de Deo secundum similitudinem effectuum, scilicet quod à Deo producuntur effectus similes effectibus à poenitente productis. Inde 1. Sam. 15. v. 11. Deus Samueli dicit, poenitet me quod constituerim Saul Regem. Et tamen postea eodem cap. v. 29. De Deo dicit Samuel, neque enim homo est, ut agat poenitentiam. Aperte hinc pater, Deo non tribui poenitentiam ejusdem generis & rationis cum poenitentia, quæ homini convenit.

Dices: quod in uno est accidens, in alio non potest esse substantia. Regula vera est de iis, quæ ejusdem sunt generis & rationis. At vero aliter sese habet sapientia & bonitas divina, atque humana: illa enim est bonitas & sapientia essentialis, hæc non nisi per quandam similitudinem & imitationem. Ita Thom. 1. p. q. 3. art. 6. ad 1. dicit: virtus & sapientia non dicuntur univoce de Deo & de nobis: unde non sequitur, quod accidentia sint in Deo, sicut in nobis. Apponam huc quæ eleganter ea de re sunt disputata ab Augst. Nipho Sueffano distruct. Averr. disp. 6. (mihi) pag. 215. Sed dices, quod vere est nulli accidit, & è contra, quod alicui accidit nulli est substantia. Sed scire est accidens homini, ergo non potest esse substantia in Deo. Dicendum, quod scire cum est homini accidens, illud idem numero, vel specie, vel genere nulli est substantia, attamen illud metæquivoce, vel analogice, potest esse in Deo substantia: quoniam scientia non dicitur univoce de scientia nostra & ipsius Dei, ut bene dicit Averr. im-

mò nostra causatur à rebus, ideo est accidens. Illa est causa rerum, & ideo est substantia. Sed dices, saltem habet modum accidentis. Dicendum, quod accidens secundo (iudico legendum, *duplex*) habet esse. Est enim non de intellectu eius, cuius ponitur, & adventitium & superaddens aliquam perfectionem illi. Primum habet, prout non est pradicatum essentialē & quidditativum. Secundum habet, prout subiectum est imperfectum & limitati generis. Substantia enim cum sit limitati generis, id est, non continet accidentis perfectionem totaliter secundum omnem modum, ut sic accidens advenit ei. Dico ergo quod accidens sc. scientia, prout est accidens in Deo habet primum modum: quoniam, non est de formali intellectu essentia & quidditatis primi, cum non sit pradicatum primi modi de Deo, ut etiam concedit Averr. 12: Metaph. com. 39. vide ibid. Ut res secundo modo consideratur, sic transit in essentiam Dei cum essentia illa sit velut pelagus omnem perfectionem continens, ut perfectio est: ideo ibi accidens non habet rationem adventitii, & sic patet qualiter aliquo modo habet modum accidentis, & alio modo non.

Dices denique: Relationes esse in divinis, quæ tum accidentia sint, tum compositionem inferant. Dicam: Relatio in divinis non pradicamentalis sed transcendentalis: ea vero accidentalis non est, ut quæ non infert esse aliud à suis extremis, extrema enim immediate ad invicem inferuntur, non per accidens à subiecto diversum. In genere vero de relationibus pronunciavit Zanchius de natura Dei lib. 2. cap. 2. qu. 1. Nullam relationem componere, sed tantum distinguere.

5. *An aternitas soli Deo conveniat?*

**D**urationis genus triplex est: Aternitas, Aevum, & Tempus. Horum generum unumquodque existentiae suae conditionem sequitur: eo quod duratio nihil aliud est, quam essendi continuatio. Existentia vero Essentiae comes immediatus est: eo quod supra essentiam nihil addit aliud, quam modum essendi rei cuiusque extra nihilum, seu extra suas causas. Quemadmodum itaque Essentia & Existentia cuiusque generis ita est comparata ut sit incommunicabilis: ita & duratio: eo quod duratio non designat esse aliud ab essentia rei cuiusque. Itaque Aternitas, quae est interminabilis vitae tota simul & perfecta possessio, ut definit. Boët. de consol. lib. 5. convenit soli Deo: huius enim soli vitae ejusmodi est conveniens, ut quae caret principio, fine & successione: ea infinita vita est, infinitae Essentiae respondens, nulli creaturae consentanea, ut quae durationis aequae, atque essentiae finibus est circumscripta. Angelis aevum convenit, fine carens & successione: at non principio. Tempus vero corporibus tribuitur, quibus principium, finem & successionem pro naturae cuiusque conditione assignamus. Dices: circumcisionem foedus aeternum dici, & possessionem aeternam terrae Cananae promitti Gen. 47. quorum neutrum vel sit Deus, vel sine successione & principio careat. Respondet Bonaventura in 4. dist. 3. nu. 46. Dicendum, quod, quando circumcisio legitur data in foedus aeternum, non oporteat intelligi ita aeternum, quod careat fine. In eadem enim litera Dominus dicit, quod dat eis terram in possessionem aeternam, & tamen con-

stat Abrahami posteros Judæos terram promissionis non possidere : & propterea distinguendum est Æternum. Dicitur æternum tripliciter : aut quantum ad durationem , aut quantum ad finis indeterminationem , aut quantum ad significatum. Primo modo dupliciter : aut quia caret principio & fine : Eccl. 18. qui vivit in æternum creavit omnia simul. Aut quantum ad privationem termini : Psal. Statuit ea in æternum. Similiter secundo modo dupliciter : Aut quia non ita fit semel , quin oporteat fieri pluries : & sic dicitur , serviet æterno , qui parvo nesciet uti. Aut quia non determinatur terminus : & sic dicitur Sacerdotium Aaron æternum , quia non determinavit Dominus , quando cessaret. Tertio modo dicitur dupliciter : aut quia significat æternum , & sic est terra promissionis data in possessionem æternam Gen. 17. Aut quia significat & ducit in cognitionem vitæ æternæ : & sic dicitur circumcisio æterna. Ita illa Æternitas propriè & simpliciter sumpta , quæ scilicet caret principio , fine & successione soli Deo est propria : sed quæ dicitur per quandam similitudinem & comparisonem , ut vel longitudinem temporis , vel ejusdem indeterminationem designet , ea æternitas vocatur non nisi secundum quid : hæc aliis etiam rebus tribui & assignari poterit. Vide Zanchium de nat. Dei. lib. 2. cap. 3.

6. *An Ubiquitas soli Deo conveniat ?*

**R**erum & Entium in universum ordo seu respectus ad locum triplex est : Quædam enim dicuntur esse in loco circumscriptivè , quædam definitive , tertius modus est esse in loco , ut aiunt , repletivè. Circumscriptive in loco esse

esse dicuntur, quæ sunt ad certum locum determinata, ita ut spaciū occupent, & habeant partem extra partem. Hic modus essendi in loco corporibus convenit: quæ propter finitudinem essendi, non nisi uno loco esse possunt ipsis adæquato, propter quantitatem vero & extensionem spaciū & intervallum quoddam faciunt, & occupant, & partem habent extra partem. Definitivè in loco esse dicuntur Angeli: de quorum Ubi notum est essatum Scal. exerc. 359. c. 5. quando ait: Ubietas est affectus Entis cuiusque necessarij præter Deum. Dicuntur ergo esse, in loco æquivocè, atque etiam plusquam æquivocè: quia sunt in suo Ubi: non per circumscriptionem, quemadmodum mea manus in aëre, sed per designationem. Et paulo superius: Angelus diceretur ibi: sed per definitionem, per definitionem hunc ad modum, inquam: ibi est: hic non est. Hoc vero Ubi determinatum Angelorum sequitur naturæ finitudinem: quoniam enim Entia sunt finita, non possunt esse simul hic & alibi: quia vero spiritus sunt, quibus extensio non convenit, inde fit, ut loco circumscribi propriè non dicantur. Repletivè esse in loco soli Deo convenit: quia ita est in loco, ut sit præsens in omni loco. Intra omnia, ut dicit Scal. in carmine addito ad finem exercitationum: sed tamen non inclusus in ipsis. Extra omnia: sed non tamen exclusus ab illis. Hic modus essendi in loco, & quidem omni loco, naturæ infinitatem & immensitatem sequitur: fieri enim nequit, ut infinita & immensa natura ad certum aliquem locum & Ubi redigatur, quo definiatur & circumscribatur. Aliquando aliter, eodem tamen sensu, hanc rem tradidit



Magister sententiarum lib. 1. dist. 37. cap. quibus modis. Duobus, inquit, his modis dicitur in Scriptura aliquid locale, sive circumscriptibile, & è converso, sc. quod vel quia dimensionem capiens longitudinis, altitudinis & latitudinis distantiam facit in loco, ut corpus: vel quia loco definitur ac determinatur, quoniam cum sit alicubi, non ubique invenitur: quod non solum corpori, sed etiam omni creato spiritui congruit. Omne ergo corpus omni modo locale est. Spiritus vero creatus quodammodo est localis, & quodammodo non est localis. Localis quidem dicitur, quia loci definitione terminatur, quoniam cum alibi præsens sit, totus alibi non invenitur. Non autem ita localis est, ut dimensionem capiens, distantiam in loco faciat. Divina ergo sola essentia omnino inlocalis incircumscriptibilis est, quæ nec locis movetur aliquo modo, scil. vel determinatione finita vel dimensione suscepta, nec temporibus, scil. affectu & cognitione.

Hic vero duæ occurrunt opiniones, exque oppositæ: altera ubiquitatem corpori Christi cum divinitate vult esse communem. Altera Deo etiam Ubiquitatem denegat. Prior opinio pugnat cum veritate corporis, & veritate Scripturæ. Requirit enim veritas corporis, ut certis terminis & limitibus circumscribatur, & corpus humanum, quia diversis partibus & membris constat, quorum non tantum unum sit specie ab aliis membris, sed & situ diversum, ut superiori quidem parte caput, infimo pedes, intermedio partes reliquæ collocentur, hæc situs ratio cum ubiquitate consistere nequit. Nec enim vel fingere licet, quomodo & situs cuique parti conveniens, & certa membrorum propor-

no in ubiquitate conservari possint. Dices: Esse hoc argumentum philosophicum. Ita quidem, et sacris literis est conveniens, quæ docent, quod quemadmodum pueri communicaverunt carni & sanguini, & ipse similiter participavit eisdem: quodque debuerit per omnia fratribus similari, excepto peccato, Heb. 2. ac vero perit in totum similitudo ea, nedum per omnia locum habeat, si quidem nostra corpora loco sibi æquali astringere velimus, corpore illo ubique futuro. Et certus assignatur locus nativitatis, motus de loco in locum, negationis quod fuerit hic vel illic, certus locus passionis, & quæ sunt ejusmodi alia: quæ omnia falsa sunt, si quidem corpus ubique dicere velis: In ubiquitate enim certitudo & determinatio loci tollitur. Dices: pugnare cum unione hypostatica duarum naturarum inter se, & sessione ad dextram Dei, localem illam determinationem ad ubi. Absit, ut hoc dicamus. Unio enim consideratur vel ad intra, vel ad extra. Ad intra, respectu naturarum inter se, quæ sibi invicem sunt necessario maxima & indissolubili unione conjunctæ. At vero ad extra, hoc est, respectu creaturarum necessarium non est, ut ubi est una natura, ubi quoque sit altera, eo quod unio non tollit proprietates naturarum, ut definitum in Synodo Chalcedonenfi: finita vero est natura una, infinita altera, ratione finitudinis certum locum requirit natura humana/Deitate omnibus locis & creaturis præsentæ, intimè etiam præsentæ, & natura indissolubili unione cum natura humana. Sessio vero ad dextram non legitur facta esse ubique, sed in coelis, docente Apostolo Hebr. 8. v. 1. Talem habemus pontificem, qui consedit in dextra sedis magnitudinis.

rudinis in cœlis : & v. 4. negatur amplius esse super terram , si esset super terram , dicit Apostolus nec esset sacerdos. Dices : saltem diversus iisque pluribus in locis simul ac semel hoc corpus esse. At vero ea loci pluralitas pugnat cum unitate corporis unius ejusque continui & individui. Principio proprio , primo & per se atque immediato prohibetur corpus esse in pluribus ubi. Est autem principium hoc. Continuitas est affectus consequens immediate unitatem. Contradictiones enim sunt, unum est duo. Continuum non est continuum. Corporis igitur termini, si esset in duobus ubi, non essent continui, docet Scal. ex 3. s. 6.

Obijciunt in contrarium. Qui sedet ad dextram Dei est ubique, Christus homo in quantum homo , seu secundum humanitatem sedet ad dextram Dei. Ergo Christus homo in quantum homo , seu secundum humanitatem est ubique. Vitiosus syllogismus est & quoad formam , & quoad materiam. Quoad formam adversatur regula syllogismorum reduplicatorum , quæ est apud Aristotelem 1. prior. cap. 30 secundum distinctionem Averrois, vel cap. 36. secundum distinctionem aliorum. Verba sunt *Τὸ ἐπὶ τῇ ἀρχῇ καὶ ἐν τῇ ἐσχάτῃ πρὸς τὸ πρῶτον ἀκρῶ δεξιόν* : id quod in pronuntiatis iteratur extremo priori conjungendum est ; seu ut habet versio Averrois , reduplicatum in propositionibus ad primam extremitatem ponendum. Et eandem doctrinam repetit ad hunc locum è Græcis Alexander Aphrodisæus, & ex Arabibus Averroes : è recentioribus vero Joh. Regius disput. Log. lib. 4. probl. 8. pag. 214. tertio, inquit, huc pertinent Syllogismi reduplicativi , in quibus scil. majori extremitati re-

duplica-

duplicatio quædam additur. Hoc itaque modo,  
 quando quæstio est, an Christus homo in quan-  
 tum homo seu secundum humanitatem sit u-  
 bique, quæstionis subiectum erit Christus-ho-  
 mo, prædicatum vero an secundum humanita-  
 tem, seu in quantum homo sit ubique. Et ita  
 jam è lege Syllogistica propositio in hunc mo-  
 dum erit formanda: Qui sedet ad dextram Dei,  
 in quantum homo seu secundum humanitatem  
 est ubique. Christus homo sedet ad dextram  
 Dei; ergo Christus homo in quantum homo  
 est ubique. Hic jam vero secundo loco, ani-  
 madvertitur vitium in maiori: est enim petitio  
 in principio: Eum, qui sedet ad dextram Dei  
 secundum humanitatem esse ubique: ultro enim  
 largimur, Christum ad dextram patris sedere  
 secundum utramque naturam, sed negamus,  
 inde humanitatis ubiquitatem sequi: nec e-  
 nim sessio ad dextram Dei est propria ratio ubi-  
 quitatis, sed naturæ infinitas & immensitas.  
 Atque adeo Christus, qui sedet ad dextram  
 Dei, recte ubique esse dicitur: ita ut ratio ubi-  
 quitatis non sit sessio illa, sed naturæ immen-  
 sitas, quia est Deus, qui nullis loci terminis  
 circumscribitur. Quando vero ad humanam  
 naturam transfertur: jam respondemus ex E-  
 pist. ad Hebr. 8. v. 1. talem habemus Pontifi-  
 cem, qui consedit in dextra sedis magnitudinis  
 (non ubique, sed) in coelis. Et argumentatio-  
 nem in hunc modum esse instituendam quæ-  
 stionis ratio postulat: nec enim dubium  
 est an Christo homini conveniat esse ubique;  
 sed determinate quæritur, an Christo ho-  
 mini conveniat esse ubique determinate, seu  
 cum adiectione, secundum humanam naturam.  
 Ac ita necessario formandus erit Syllogismus  
 secundum

secundum præscriptum modum. Quod si ita  
formetur Syllogismus integer: Qui sedet ad  
dextram Dei & secundum divinam & secun-  
dum humanam naturam, is non tantum se-  
cundum divinam, sed & secundum humanam  
naturam est ubique: jam parer manifeste,  
quia non jam cryptica est argumentatio, ut  
prius illud & secundum divinam & secundum  
humanam naturam ut conjunctim, ita &  
quando divisim in eorum argumentatione po-  
nitur, pertinere ad prædicatum, non ad subje-  
ctum. Ita vero denuo negabitur propositio,  
quia fundamentum ubiquitatis non in unctione  
ea, sed in naturæ immensitate ponimus. Illo-  
rum vero argumentatio non erit ab similis ab  
hoc modo argumentandi: Qui est homo est  
mortalis, Johannes secundum animam ratio-  
nalem est homo. Ergo Johannes secundum  
animam rationalem est mortalis. Negari non  
potest propositio: hominem esse mortalem:  
ita enim testatur experientia. Sed nec assump-  
tio in dubium vocari: individuis enim o-  
mnibus & singulis competit esse specifice  
ratione, formæ adeoque esse humanum ratio-  
ne animæ humanæ rationalis. Falsa tamen  
est illatio: quia propositio, quæ erat accipien-  
da limitate & strictè, indefinite sumitur: ita  
enim erat formanda: qui est homo mortalis  
secundum animam rationalem, hoc enim  
erat prædicatum questionis seu conclusionis  
ponendum in majori. Et subsumentum: Jo-  
hannes est homo. Ergo Johannes est morta-  
lis secundum animam rationalem. Falsa con-  
clusio, illata è propositione falsa: quæ jam  
erat. Hominem esse mortalem simpliciter,  
hoc est, secundum corpus pariter & animam.

Corri.

Corrigenda vero 1. 2. Qui est homo, est immortalis secundum id, quod est capax immortalitatis. Non vero simpliciter, secundum id omne quod est in homine, id est, secundum animam simul & corpus. In hunc itaque modum corrigenda est & prioris Syllogismi argumentatio: Qui sedet ad dextram est ubique, non simpliciter, sed limitate secundum id quod est capax ubiquitatis. Capax vero ubiquitatis non est natura humana, quia finita: sed divina tantum. Secundum eam ergo qui sedet ad dextram Dei, ubiquitatis etiam est particeps. Perpetua enim veritatis est regula Cyrilli in Iohan. (cap. 16.) libr. 10. cap. 38. nullus ambigit (nisi forsan in hoc deficiat regula, quia nun inventi multi, qui ambigant) cum ad coelos ascenderit, quamvis virtute Spiritus semper adfuerit, praesentia tamen carnis ipsam abfuisse. Vide eund. lib. 11. cap. 3. 10. 19. 21. Theodoret. dial. 2. qui inscribitur Inconfusus. Fulgent. lib. 2. ad Trasimundum. Vigil. lib. 1. & lib. 4. contra Eutychem.

Est & altera ex parte inventus hodie, qui infinitatem negavit, ut negaret ubiquitatem: haec enim ex illa sequitur: utrumque vero in dubium revocat. Infinitatem negat, quod 1. in Scripturis non doceatur. 2. quod ab Angelis videatur. 3. quod ad impossibilia non extendatur. 4. quod sit hoc aliquid. At vero primum falsum in Scripturis non doceri. Ita enim Ps. 144. v. 3. scriptum est. Magnus Dominus & laudabilis nimis, & magnitudinis eius non est finis. 2. Videtur ab Angelis non secundum omne quod est: ita enim non nisi a se solo cognosci & videri potest: sed secundum gradum beati,

beatitudinis, qui Angelis convenit. Infinitatem non metimur ex imperfecta creatura vel cognitione vel visione, sed ex proprio essendi modo. 3. Et objectum omnipotentia non est impossibile: quod ut fiat est contradictorium. Potentia enim objectum est possibile, & omnipotentia objectum non est impossibile. Impossibilia vero ea esse dicimus, quæ contradictionem inferunt vel à parte Dei, vel à parte rei: quod à parte Dei imperfectionem inferant, cujusmodi sunt mori, mentiri, hæc enim in divinum esse non cadunt, eo quod non potentiam, sed defectum notant, qui in divinum esse non cadit. A parte rei, quæ tollunt esse rei, ut homo est irrationalis: prædicatum enim tollit subiectum, quia homo per essentiam est rationalis. 4. Hoc aliquid excludit infinitatem numeri non infinitatem essendi & perfectionis. Unus numero Deus est, non infiniti numero Dii: sed hic ipse omnes Entis gradus & perfectionis in se complectitur, & excedit omnia, à nullo vero exceditur: quin addam, nihil ratione esse & perfectionis in comparisonem cum eo posse venire. Elegantia sunt verba Scalig. exer. 140. omnia, inquit, hæc, non dico singula: sed omnia, inquam, atque etiam cuncta & conferta ita, ut ex iis fiat unum, si cum Deo conferantur non solum mutila ac manca, sed etiam nihil, atque sive liceat, sive non liceat dicere, minus quam nihil. Ubiquitatem negat: quod in cœlis legatur esse Deus, sed ita in cœlo Deus, ut tamen cœlo non contineatur. Cœlum & terram ego impleo, dicit Dominus Jerem. 23. v. 24. Et Salomonis effatum est. 1 Reg. 8. v. 27. Cœlum & cœli cœlorum te capere non possunt, quanto magis hæc domus, quam ædificavi.

edificavi tibi. In cœlo vero esse dicitur, tanquam in throno & sede magnitudinis suæ, ubi se clarius & efficacius revelat, quare vide Zanch. de natura Dei libro 2. capite 6. quæstione 3.

7. *An divina providentia imponat rebus necessitatem?*

**D**ivina providentia omnia regi & gubernari Theologi pariter & Philosophi agnoscunt. Ea vero tria in se complectitur. Præscientiam, Voluntatem, & Directionem. Præscientia in Deo dicitur, non à parte Dei, ita enim præsens coram omnia intuetur: sed in ordine ad res, quantum quia una est posterior altera in fieri, inde præsentia vocatur, quæ in Deo simplex est scientia quatenus eorum quæ scit Deus quædam adhuc sunt futura, & collatione facta ad res alias longo post tempore futura. Hinc Scalig. dixit exer. 363. f. 8. ne verbum quidem illud prævidere. Dei convenit omnipotentia: nisi quod mutila nostra intellectio nemetimus infinitatem: nobis quidem, quibus est futurum, prævisio illa est: Deus cui nihil futurum est, non prævidet, sed videt simplicissimè, quod est præsens. At omnia præsentia. Est vero hæc scientia conjuncta cum voluntate, non enim est scientia contemplativa & otiosa, sed quæ est ordinata ad actionem & opus. Nihil vero contra & præter divinam voluntatem fieri potest: hæc quippe prima regula & mensura omnium agendorum est. Inde sequitur directio & gubernatio, tunc respectu finis in quem scilicet Deus æterna & immutabili lege omnia, quæ ad suum debitum finem ordinat & dirigit; tum respectu



respectu mediorum, in quantum omnia, quæ ad finem consequendum sunt necessaria, media præparat, secundum regulam: qui destinatur ad finem, destinatur ad media: finis enim non excludit, sed necessario includit media. Inde vero quaeritur, cum divina præscientia falli non possit, & vero prævidet omnia, eo quo futura sunt modo, annon providentia rebus imponat necessitatem? Hic respondendum, de effectu unoquoque nos loqui posse duobus modis vel in ordine ad causam proximam: quemadmodum causa agit vel natura, vel consilio: ita effectus vel necessario, scilicet necessitate naturæ producit; vel libere & contingenter, quando causa agit vel consilio, vel effectus posita causa non necessario sequitur. Et hoc sensu proprie intelligimus, quando effectum vel necessario vel contingenter fieri dicimus. Rem enim unamquamque communiter ratione suæ existentie solemus metiri à causa proxima. Hoc modo sol necessario lucet, & non potest non lucere: quia lucere est effectus solis ab eo naturaliter resultans. At proficisci de loco in locum, contractus & commercia exercere, sunt effectus, qui possunt aliter atque aliter sese habere, quoniam à voluntate libera dependent. Et hoc modo effectus causarum secundarum non immutat causa prima: nec enim vel cogit vel destruit influxum causarum secundarum, sed eum ipsum influxum conservat & juvat, concurrendo prout id ipsum conditio causarum secundarum requirit. Quod vero prima causa est infallibilis, id importat necessitatem non consequentis, ut loquuntur, sed consequentis, hoc est, necessitatem secundum quid: quæ scilicet est necessitas ex hypothese seu conditione, & non sequitur immediate conditionem

tionem causæ & effectus inter se relatorum & consideratorum; sed respectum ad primam causam, quæ omnia ut jam præsentia ut existentia intuetur. Vide Perer. in phys. lib. 9. c. 13. Dices: Si Deus omnia intuetur prout sunt in se, ergo & mala prævidet; quæ quum fieri non impediatur, annon causa erit peccati? Et quomodo is, qui electorum suorum videt mala, non liberat suos à malo? De priori dicit August. in Buchr. ad Lau. capite 164. hæc sunt magna opera Dei exquisita in omnes voluntates ejus. Et tam sapienter exquisita, ut eū angelica & humana electura peccasset; id est, non quid ille, sed quod voluit ipsa fecisset, etiam per eandem creaturæ voluntatem, quæ factum est, quod creator noluit impleret ipse quod voluit. bene utens & malis inquam summe bonus, ad eorum damnationem, quos iuste prædestinavit ad poenam; & ad eorum salutem, quos benigne prædestinavit ad gratiam. Quantum enim ad ipsos attinet, quod Deus noluit fecerunt; quantum vero ad omnipotentiam Dei, nullo modo id efficere valuerunt. Hoc quippe ipso quod contra voluntatem Dei fecerunt, de ipsis facta est voluntas ejus; propterea namque magna opera Domini exquisita in omnes voluntates ejus, ut miro & ineffabili modo non fiat præter ejus voluntatem quod etiam contra ejus sit voluntatem; quia non fieret si non sineret; nec utiq; nolens finit, sed volens. Nec sineret bonus fieri malum, nisi omnipotens etiam de malo facere posset bene. Sensus est: Deus non facit mala; id enim repugnat summo bono: permittit tamen mala fieri, quia e malitia novit eruire bonum.

8. *An Deus sit causa peccati?*

**Q**uestionem alias formant generaliter, an Deus sit causa mali? Et distinguunt malum in malum culpæ & malum pœnæ. autorem faciunt Deum, tanquam justum judicem. Non mali culpæ. Differunt vero malum pœnæ & culpæ in hoc, ut annotavit Zanchius in Tom. 4. operum lib. 1. cap. th. 8. 1. quod propriè culpa malum est in ipsa hominis actione: pœna autem in ipsa substantia. 2. quod culpa est ex voluntate, pœna contra voluntatem. Denique quod culpa propriè in agendo est, pœna in patiando. Jam mali pœnæ author potest esse Deus: nec enim malum est absolute & sua natura, sed actus justitiæ distributiæ malis actibus debitum suum reddens, ad bonum universi, vel ad emendationem singulorum. Infigitur enim pœna, vel ut sit exemplo aliis, ne in eadem peccata incurrant: vel ut sit castigatio, ut peccata in posterum vitemus, & ab iis abhorremus. Pœna ergo est malum secundum quid, respectu nimirum ejus, cui infertur, huic enim infert disconvenientiam, eo quod est corruptiva & destructiva naturæ.

In malo culpæ tria distinguunt: actiones seu motus impiorum. 2. malitia actionum seu motuum, & 3. judicia occulta, quæ Deus per malas illas actiones seu motus vel ad puniendos impios, vel ad beneficiendum piis exequitur ut videre est apud Parzum in Irenico cap. 28. art. 3. Motus seu actio ipsa naturalis est, & à principiis naturalibus oritur: quomodo visio oritur ab anima mediante organo oculi. Hæc a-

ctio

actio sua natura bona est, vel saltem indifferentis,  
 morale actionis spectare velis, ea enim & be-  
 ne & male uti possum. Tendit enim visio ad  
 bonum corporis. si recte utamur: at scandalo  
 est & offendiculo, si ad vanitatem attendat.  
 Quod Christus dixit Matth. 6. v. 22. & 23. Lu-  
 cerna corporis est oculus: si igitur oculus tuus  
 fuerit simplex, totum corpus tuum lucidum e-  
 rit: si autem oculus tuus fuerit nequam, totum  
 corpus tuum erit tenebrosum. Ad hanc actionem  
 sua natura bonam concurrat Deus: nec enim ac-  
 tio vel motus nullus fieri potest, sine Dei con-  
 cursu, dicente Paulo Act. 17. in ipso movemur.  
 Malitia vero est *ἀνομία* seu defectus à lege, seu  
 privatio bonitatis debita in esse. Ut motus  
 manus sua natura bonus est: sed si motus ille fi-  
 at contra dilectionem proximi, ut ipsi nocea-  
 mus, malum vel eadem inferamus ex odio ad-  
 versus ipsum concepto, hæc jam malitia est: ea-  
 que est formale peccati, ut quæ adversatur pri-  
 mæ regulæ seu mensuræ omnium actionum  
 nostrarum, quæ est voluntas divina. Quando  
 enim actio nostra est conformis primæ volun-  
 tati, jam bona est: quando ab ea dissentit & est  
 disformis, iam hæc privatio seu defectus, seu dis-  
 formitas & deformitas actioni confert peccati  
 denominationem. Hæc malitia non potest ca-  
 dere in Deum: sed creaturæ propria est. Defec-  
 tus enim & privatio bonitatis in Deum cadere  
 non potest: pugnat quippe cum excedente bo-  
 nitate in bono deficere & carere aliquo bonita-  
 tis et perfectionis gradu, eo quod infinite bo-  
 num esse non potest, cui aliquis bonitatis gra-  
 dus deest. At creatura, cujus bonitas deter-  
 minata; quæque et labilis est sua natura, et la-  
 psæ est, huic non adversatur et agere bene, et à  
 malo

malo deficere, & cadere gradu bonitatis debite inesse. Itaque hoc formale totum ad creaturam refertur. Denique tertio assignari rectè possunt Deo occultas judicis, quæ in hominum peccatis iustissime exercet Deus, ea ad bonum finem dirigendo & ordinando. Ita scriptura in venditione Iosephi coniungit actionem fratrum Iosephum vendentium, & actionem Dei ordinantis hanc venditionem ad finem bonum, ut fieret Dominus Ægypti. Quod Iosephus ipse docet Gen. 50. v. 19. & 20. nolite timere, num Dei possumus voluntati resistere? vos cogitastis de me malum: sed Deus vertit illud in bonum, ut exaltaret me, sicut in præsentia cernitis, & salvos faceret multos populos. Mala erat actio fratrum, quia nascebatur ex odio adversus fratrem concepti: at intentio Dei bona erat, per minorem vendi Iosephum, ut ita in Ægyptum descenderet, eiusque fieret Dominus. Dices: non esse facienda mala, ut veniat bonum. Ita non faciendum, ut des elemosynam. Concedimus: sed Deus non facit malum, verum malum in quod inclinat & fertur sua natura homo, quodque volens & sciens committit, Deus permittit, & è malo non à se, sed ab homine facto, pro sua sapientia & potentia bonum eruit.

9. An creatio actio sit soli Deo  
conveniens?

**A** Non omnia cognoscendum est, quid creatio sit & dicatur, ut de hoc admirando genere actionis rectius statuerere possimus. Tho. 1. p. quæ 65. art. 3. creationem ita describit. Creatio est productio alicujus rei secundum suam totam substantiam, nullo præsupposito

posito, quod sit vel increatum, vel ab aliquo creatum. Sensus est: Creari dici illud, quo de non esse ad esse simpliciter producit, nulla præjacente materia, è qua fiat. Hæc descriptio immediate tantum creationi convenit, quæ nullam plane materiam præsupponit. Sed recepta est distinctio creationis in Immediatam, & Mediatam. Illam dicunt, quando fit creatio nulla præjacente, vel præsupposita materia. Mediatam vero, quando fit è materia quidem, sed non disposita naturaliter ad hoc opus, quod producit. Ita dicitur Deum creasse hominem, Gen. 1. v. 27. quem tamen formavit limo terræ. Gen. 2. v. 7. Ita quando Christus ex aqua fecit vinum, hæc creatio mediata, à nullis dicitur. Inde alii generalius describunt, quod scilicet creatio sit actio Dei, qua immediate per se, res à non esse ad esse sine alteratione, pro sua libera voluntate producit: idque aut ex nulla prorsus præexistente materia, aut à materiâ jam à se creatâ formam è nihilo creatam introducendo.

Hæc vero actio Dei, creatio nimirum differt à actionibus naturalibus & artificialibus: Quod ejusmodi actio non fit, nisi è præjacente materia; actio vero divina etiam non præjacente materia locum habet. Nam de actione naturali & artificiali verum & tritum illud: E nihilo nihil fit. Natura siquidem & artifex necessario materiam prærequirunt, è qua opus suum producant; eo quod horum actio est determinata & definita, ut non fiat è quovis quidvis, sed è determinata materia. Actio vero potentia Dei est infinita, nullis legibus, & terminis circumscripta, indeque fit ut è quovis quidvis possit producere; è lapidibus etiam

etiam suscitare filios Abraham, Matth. 3. versic. 9. Sed non ita naturalia, quæ et requirunt materiam et quidem materiam determinatam. 2. Generatio omnis est cum prævia alteratione, et ita fit cum motu et successione: quod patet in productione rerum, quæ certum definitumque tempus, et certas dispositiones requirunt, per quas de potentia in actum deducantur. At vero Deus dicendo, hoc est, verbo solo produxit omnia: dixit Deus, et factum est. Quo ipso docetur et productionis facilitas, quæ est sine conatu, motu, et successione: et esse completum ejus, quod productum est: quia factum esse notat complementum ejus, quod factum esse dicimus. Bonaventura in 2. d. 5. nu. 41. in eo dicit differre: quia generatio non est secundum totum, imo aliquid præexigitur de generando cujus est *ἡ γενεά* ipsa generatio natura præcedens ipsam formam: ac per hoc diversitatem notat. Non sic creatio, secundum quam fit tota rei substantia à vertute divina immediate, quæ rem creat, volendo eam primò esse cum non sit. Hanc vero vim et facultatem creandi esse creaturæ incommunicabilem statuimus. At vera est et certa doctrina de facto nullam creaturam aliquid creasse: solum enim Deum omnium Creatorem fides agnoscit, et sancti omnes docent, inquit Suarez. disp. Metaph. 20. sect. 2. Et ex eodem principio, inquit, eadem fere certitudine colligitur nullam creaturam de facto habere potestatem creandi, quia non est verisimile, dedisse Deum alicui creaturæ hanc potestatem, et non concedere seu permittere illi usum ejus: quia alias frustra esset talis potentia in natura rerum. Incommunicabilem vero creaturæ hanc esse creandi potentiam, ex

manifestum est : Potentia creandi est potentia infinita : eo quod infinita distantia est inter Ens & non Ens : eam infinitam distantiam conungere, non nisi à virtute infinita fieri potest, Infinita potentia est incompassibilis cum creatura, quæ quemadmodum habet essentiam finitam, ita non nisi finitam potentiam potest admittere. Põsse enim sequitur esse : fieri, ergo nequit, ut esse finitum habeat potestatem infinitam. Esset enim potentia nobilior principali agente, essentia scilicet, quæ potentiam deducit in actum. Vide multis de hac quæstione ex professo differentem Fr. Suarez. loco jam citato.

10. *An termini Logici etiam  
Deo convenient?*

**L**ogicam universalem esse disciplinam docent Philosophi, eamque Enti & non Enti convenire Ramzorum est effatum. Hinc non immerito poterit dubitari, an termini Logici Deo etiam recte possint tribui, quodque hinc sequitur, an in rebus divinis rationibus etiam & argumentis Philosophicis aliquis concedendus sit locus? 1. Hic primo distinguendæ sunt quæstiones, quæ in controversiam veniunt; aliæ sunt quæstiones puræ, aliæ mixtæ. Quæstiones puræ sunt in quibus nec subiectum, nec prædicatum habet terminum Philosophicum, sed uterque è Theologia est desumptus ut Christum esse incarnatum, in mysterio Trinitatis unam Essentiam ex æquo convenire tribus personis divinitatis, & quæ eiusmodi quæstiones aliæ. Aliæ sunt mixtæ, in quibus subiectum vel prædicatum est terminus Phylosophicus: ut an corpus Christi, quod videbant & palpabant discipuli



puli, fit phantasia, nec ne? De priori quæstionum genere, Philosophia nihil potest statuere demonstrative, sed universam veritatem petit & depromit è Theologia, ut quæ divinorum mysteriorum revelationem sola in se complectitur, & qua tacente mysteria illa nobis plane essent ignota & abscondita. Nihil tamen impedit, quo minus similitudinibus è natura desumptis, & è Philosophia depromptis, hæc mysteria declaremus & illustremus, propter intellectus nostri infirmitatem: qui quia non potest divina cognoscere prout sunt in seipsis, similitudine quadam à nobis concipiuntur. De his mysteriis intelligimus illud Apost. 2. Cor. 10. in captivitatem redigendum esse intellectum in obsequium Christi: ut ne scilicet è nostro cerebro & ingenio mysteria divina metiamur: sed in totum è scriptura decidamus, & secundum ejus præscriptum de iis agamus & loquamur. Quando vero de veritate ipsa jam constat, similia adhiberi nihil impedit, per quæ veritas jam cognita illustretur. Alia vero est ratio quæstionum mixtarum, de quibus quando jam constat è scriptura, quod quæ in ea de terminis dicuntur, secundum communem naturæ cursum & usum dicantur, non opus est miracula fingere, ubi scriptura nulla miracula agnoscit. Indeque fit ut rationes & argumenta dextre adhibere possimus, dummodo scriptura contrarium ne doceat, verbi gratia, quæritur, an corpus Christi ubique? scriptura docet esse hoc corpus ejusdem rationis cum corporibus nostris. Ita enim scriptum est Hebr. 3. ubi ex eo quia fratres dicimur, & ego ac pueri mei mecum, in scriptura de Christo legitur, argumentatur: quia ergo pueri communicaverunt carni & sanguini, & ipse

ipse similiter participavit eisdem &c. debuit per omnia fratribus similari. Constat ergo è Scripturis Christum habere carnem & sanguinem ejusdem naturæ, rationis ac conditionis cum nostra carne ac sanguine, & ita ex identitate naturæ recte possumus statuere de corpore Christi, non esse illud ubique, quia nec nostra corpora nisi certo loco esse possunt. Ita Christus hanc veritatem suæ carnis allegat Luc. 24. v. 39. Videte manus meas & pedes quia ego sum: palpate & videte, quia Spiritus carnem & ossa non habet sicut me videtis habere. Hic Christus veritatem sui corporis docet testimonio sensuum, ut qui arguant carnem & ossa, quæ phantasmati non convenient. Ita ergo quando è Scripturis constat de termino è Philosophia desumpto, quod sit & dicatur de re in Theologicis proposita secundum cursum naturæ, rectè de eo poterimus philosophice argumentari & disputare, Scriptura non adversante.

2. Duplex est modus secundum quem versamur in rerum cognitione: aut περ ἀναγωγῆν aut κατὰ σκοπὸν, hoc est, jam rationibus & argumentis nostram sententiam & opinionem astruimus & confirmamus, jam aliorum argumenta, & rationes destruimus seu solvimus & refutamus. Posterior modus maximè est necessarius etiam in rebus divinis, ut quando Philosophi suas rationes & argumenta è natura desumpta & deprompta mysteriis in Scriptura revelatis opponunt: hic n. necessarium est Logicæ & sanioris Philosophiæ beneficio docere, quousq; principia & rationes sese extendant, quodque locum & veritatem obtineant, si intra limites & terminos sui generis sese contineant, non vero ita, si rebus altioribus & diviniorebus opponantur.

nantur. Ita quando Samosatenus disputat : ubi est generatio, ibi est mutatio. In divinis non est mutatio. Ergo in divinis non est generatio. Respondet Junius de Trinit. defens. 1. propositionem esse intelligendam de generatione physica : in ea est mutatio, motus, successio, terminus, diversitas naturæ. At vero aliam esse rationem generationis divinæ, ubi generatio non fit per potentiam superadditam, sed per naturam, sine ulla mutatione, principio, fine. Hic Logica agit quod suum est : audit Philosophum naturalem differere de generatione quadam corporum : audit & Theologum differere de quadam generatione divinæ : comparat inter se subjectum, & discernit & iudicat de iis, quæ sunt toto genere diversa non esse idem ferendum iudicium & sententiam. Et ita hæreticum refutat, qui de genere diversis, eodem vult argumentari modo. At vero alia est ratio mysteriorum è Philosophia probandorum, quod non licet : præcedat Theologia subsequatur Philosophia. Itaque placet mihi iudicium Fr. Junii de Trinit. defens. 3. sect. 4. Iudicium & sensum fidei non negamus juvari exemplis & documentis à natura sumptis : at iudicium naturæ ex rebus naturalibus, infirmis, variis, obscuris, incertis fallacibus, de rebus divinis potentissimis, immutabilibus, perspicuis, certis, veris primo & per se iudicare, & regulam esse iudicandi, nemo homo, si sanus est affirmabit. Res Metaphysicas Physicis iudicari nunquam concedes oportere ; & divinas ex eis affirmes iudicandas ?

3. Quod vero in specie attinet ad terminos Logicos, de iis non indifferenter est statuendum : nec enim eorum una est ratio. Alii enim

nim

nim eorum denotant, perfectionem, alii imperfectionem designant, quidam ab imperfectione & perfectione abstrahunt. Qui perfectionem denotant, Deo eminenter conveniunt: qui imperfectionem designant, Deo non tribuuntur: qui ab utroque abstrahunt, quando Deo tribuuntur non univocè, sed per quandam analogiam & proportionem conveniunt. Causarum notio Deo convenit eminenter: est enim prima causa, causa sine causa, à qua sunt omnia, & in quam tanquam ultimum finem tendunt omnia. Accidentis notio Deo non competit: est enim pura essentia expers omnis mutabilitatis. At vero accidens mutabilitatis radix est. Relatio abstrahit: à perfectione & imperfectione: hinc relationes Deo conveniunt. Sed relatio divina non est prædicamentalis, hoc est, per additamentum, sed transcendentalis, secundum quam personæ immediate referuntur. Sic quaeritur, an notio generis Deo conveniat? Dicendum, cum Deo cum creaturis commune nihil univocè assignari possit: Essentia enim ideptitas infinito & finito competere nequit: inde genus univocum tribui Deo nequit. Quod si tamen quidam communes conceptus tribuuntur, ii analogiam & proportionem quandam referunt: indeque hodie dicitur Deo genus analogum, seu ut alii loquuntur, genus imperfectum convenire, hoc est, conceptus eos communes Deo convenire eminenter, creaturis per participationem. Ita substantia Deo tribuitur non ejusdem rationis cum substantia creata: indeque ὁμοῖος ἰσὶν substantiam Dei nominant, & ὁμοῖος ἰσὶν esse Deum asserunt.



## CAPVT. II.

## De Angelis.

## Theorema secundum.

**S**piritus creatus est Spiritus à Deo dependens.  
2. Estque vel Completus, vel Incompletus.

3. Completus est, qui non est pars alterius, sed se solo constituit suppositum: & vocatur à Philosophis Intelligentia, ita dicta à perfectione illa, qua ducitur in amorem primæ causæ, cui præsto semper est, ut vult Scal. ex 359. s. 1.

4. Intelligentiarum duo sunt ordines primarii apud Scholasticos: cælestes, & supercælestes. Scal. ibid.

5. Cælestis officium est movere suum cuiusque orbem. Ita enim Peripatetici volunt, intelligentiam esse formam cæli assistentem, quæ ipsi motum & operationem largiatur. Vide Archang. Merccn. dilucid. sect. quæ sit cælestis corporis forma pag. 93. & seqq.

6. Supercælestis assistit primæ causæ, ut ejus jussu etiam res hæc procuret inferiores, earum rectioni præfecta atque conservationi. Quæ fuit causa ut à Græcis Angeli vocarentur, quia mitteret eos Deus Scal: cit. exerc. 359. Ac hæc descriptio proprie convenit Angelis vel secundum primum creationem, in quantum omnes boni creati sunt: vel tantum bonis, qui in veritate perstiterunt.

7. Sunt vero præter hos Angeli mali, qui non servaverunt principatum suum, sed dereliquerunt suum domicilium, in judicium magni Dei vinculis æternis sub caligine reservati, ut docetur in Epist. Iudæ.

8. Angelorum considerandi affectus, & functiones.

9. Affectiones sunt vel communes, vel speciales.

10. Commune cum omnibus creaturis est esse finitum: adeoque esse in certo ubi, ut cum sit hic, non sit alibi Angelus. Vide Scalig. exerc. 359. sect. 3. et 5. et dependens quod sequitur esse sua natura corruptibiles: non corrumpuntur autem Angeli, quia non vult. Idem ex. 307. sect. 20.

11. Affectiones quas habent communes inter se sunt: *Ævum*, simplicitas, et esse Intellectuale.

12. *Ævum* est duratio Spirituum creatorum propria tempore nobilior, secundum quam propriam essendi continuationem habent. Scal. exerc. 359. s. 7.

13. Simplicitas est affectio, qua compositionem excludunt, ut non habeant ullam suæ substantiæ partem alia priorem.

14. Esse intellectuale est, secundum quod et seipsum, ac quæ sunt ab ipsis alia cognoscendi: et quod hinc sequitur, agendi facultatem, et arbitrii libertatem obtineant.

15. Specialis honorum Angelorum affectio est status in bono, et inde consequens amor Dei, et beatitudo: malorum vero contra perseverantia in malitia, et consequens odium Dei, et summa miseria.

26. Functio bonorum, est vel à parte Dei, vel à parte hominum: illa est assistentia Dei ejusdemque glorificatio: hæc est tum administratio Ecclesiæ, regnorum et provinciarum tum in specie ministerium, quod exercent propter salutem electorum Heb. 1.

17. *Malorum functio contra describitur mendacio et homicidio - Ioh. 8. accusat enim electos, eorundemque perniciem desiderat, ac querit, quos devoret leo ille rugiens. Ioh. 1. Apoc. 2. 1 Pet. 5.*

## COMMENTARIUS.

**T**homas Bentius in elegantissimo illo commentario Marsilii in Conviv. Platonis orat. 6. c. 15, 16, 17. præclarum admodum discursum instituit de ordine corporis, animæ, Angelorum, & Dei inter se: quo demonstrat supra corpus esse animam, supra animam Angelum, & supra Angelum Deum. Corpus enim seipso non moveri, sed propter animæ præsentiam & moveri & vivere. Anima vero propriæ vim seipsam movendi possidet. Supra mentem animæ quæ mobilis est, quæ pars, quæ intermissa, quæ dubia, ponendi est Angeli mens stabilis, tota, continua atque certissima. Sed enim Angeli mentem rerum illud principium, summumque bonum, quod in Parmenide Plato ipsum unum vocat, necessario supereminet. Hunc ordinem eam ob causam notare volumus, ut constaret esse Intelligentias seu Angelos inter Deum-nostramque animam naturæ cuiusdam mediæ: ut quantum ab infinita Dei perfectione recedunt ipsæ: tantum ratione complementi & perfectionis ab ipsis videatur recedere anima, videantur ex hac lege, quod esse quoddam suppositale seu personale obtinent Angeli, quod animæ, sive sit cum corpore conjuncta, sive ab eodem sejuncta & separata, quæ suppositum nunquam est, sed vel actu cum corpore conjuncta, alteram homi-  
nis

nis partem constituit, vel separata aptitudinem nihilominus retinet, ut cum corpore denuo jungatur. Ut vero de Intelligentiarum natura & conditionibus, quantum in hac ingenii nostri infirmitate & imbecillitate licet, aliquid dicamus, sequentes quaestiones examinabimus, quæ potissimum circa hanc doctrinam proponi & disputari solent.

1. *Angelus quid sit?*

**Q**uid est Angelus, quemadmodum & aliarum rerum potest considerari tum secundum quod nominis, seu quoad vocem, tum secundum quid rei, seu quoad substantiam & definitionem. Angelus secundum quid nominis græcum censetur esse vocabulum, designans non tam quidditatem & essentiam Angelorum, quam munus & officium: à missione enim vox ducitur, quod Angeli nuncii ministratorii in ministerium missi propter eos, qui hereditatem capient salutis. Indeque aliis etiam tribuitur hoc vocabulum. substantia à Spiritibus Angelicis diversis. Ita Matth. 11. v. 10. Christus Johanni Baptistæ applicat illud Malac. 3. v. 1. Hic est de quo scriptum est: Ecce ergo mitto Angelum meum ante faciem tuam qui præparabit viam tuam ante te. Et in universum de Sacerdotib. vox ea dicitur. Malach. 2. v. 7. labia Sacerdotis custodient scientiam, & legem requirunt ex ore ejus: quia Angelus Domini exercituum est, Quo sensu multi explicant illud 1 Cor. 11. v. 10. mulier debet habere velamen super caput propter Angelos. Nam vox sua natura generalis est, & in genere nuncium denotat: *αγγελος* vero nuncio Dei tribuitur, ut

Q 5

Henr.



Henr. Stephanus annotavit in thes. Observatu dignum est, quod Aug. Iustinianus Genuensis de hac voce annotavit in Psalt. quinq; linguarum ad Psal. 50: Angeli, inquit, nomen prius Chaldaicum, quàm Græcum fuisse suspicati sunt nonnulli, quod plurib. in locis apud Chaldaeos legatur, ut liquet 14. & 21. linea hujus Psalmi, ubi vice (duabus vicibus) Chaldaeus interpretes dixit, Angeli. Usus noto: vocem prius fuisse caldaicam improbo, à Græcis Chaldaeos eam vocem accepisse non dubito. Diabolo vero etiã hanc vocem tribui è Scriptura notum est 1 Cor. 6. 3. nescitis quoniam Angelos judicabimus. At non judicabimus Angelos bonos. Clarius Mat. 25. v. 41. Discite à me maledicti in ignem æternum qui paratus est Diabolo & Angelis ejus. Angelus Satanæ. 1. Cor. 12. v. 7. Hinc Zanch. de operib. 6. dierum, scripsit de Angelis bonis & malis libr. 3. & 4. Quantum ad quid rei attinet Sadduczorum erat opinio, Angelos & Spiritus non esse, quemadmodum Act. 23. 8. scriptum est: Sadducæi dicunt non esse resurrectionem mortuorum, neq; Angelum neq; Spiritum: Pharisei autem utraque consentiunt. Nos contra Sadducæos docemus, Angelos etiam esse non tantum bonas & malas inspirationes & cogitationes, sed vera ὁψις αἰθέρα, vere existentiam in natura, ita ut significant essentiam, naturam & subsistentiam, non tantum distinctam & diversam, sed & ab aliis rebus separatam. Id manifestum est, non solum ex iis descriptionibus & appositionibus, quæ in Scriptura proponuntur, ubi dicuntur apparuisse in forma virorum, locuti esse & conversati cum hominibus, discessisse, aliaque opera quæ non nisi veris ὑποστασί-

his conveniunt edidisse: sed & natura ordo idem postulat; ut præter naturas & substantias corporeas, sint incorporei quidam Spiritus, à substantia corporum diversi, & ita Entia ordine hoc quoque inter se distincta ad universi complementum concurrant, ne quid in Spirituali gradu deesset & deficeret. Hanc veritatem etiam gentiles lumine naturæ agnoverunt, qui propterea de Intelligentiis Separatis et de mentibus multa dixerunt & scripserunt, ut apud Platonem et Aristotelem videri potest. Ea vero Angelorum natura et substantia non à priori à nobis cognoscitur, sed à posteriori, quemadmodum Spiritualia et incorporea omnia: scil. tum ex actibus et operationibus, tum è remotione naturæ corporeæ, et similitudine ad animam nostram. Indeque perfecta quidditas et definitio nobis est incognita: nec nisi descriptione seu imperfecta quadam ratione nota nobis sunt quæcunque de Angelis cognoscimus.

Solet vero Angelus non uno modo describi. Biel in 2. d. 3. q. 1. art. 1. not. 1. refert descriptionem Damasceni: ea vero ponitur orthodox. fid. l. 2. cap. quod Angelus sit substantia intellectualis, semper mobilis, suæ potestatis arbitrioque libera incorporealis, Dei ministra, per gratiam non natura immortalitatem consecuta. Quæ ut plenius intelligatur sequentes quæstiones instituemus.

2. *An Angeli sint Spiritus seu naturæ incorporeæ?*

**A**ngelos esse corporeos multorum est sententia, in lib. dogm. Eccl. cap. 10. et 11. ita legitur.

legitur. Nihil incorporeum & invisibile natura credendum, nisi solum Deum, id est, Patrem, Filium & Spiritum Sanctum. Qui ideo recte incorporeus creditur; quia ubique est, & omnia implet atque constringit. Ideo & invisibilis omnibus creaturis, quia incorporeus est. Creatura omnis corporea est, Angeli & omnes cœlestes virtutes corporeæ, licet non carne subsistant. Eadem sententia iisdem pene verbis docetur in lib. de Spirit. & anima c. 18, qui Augustino adscribitur. Esse vero hanc Augustini sententiam docet Lud. Vives ad lib. 15. de civit Dei c. 23. Eandem sententiam multis tuerur Bonavent. in 2. d. 3. Contrà communis est sententia Scholasticorum, eaque in scholis pene recepta, Angelos esse substantias ab omni materia & corporeitate separatas: quam sententiam etiam tuerur Thom. 1. p. q. 50. art. 1. & 2. In hac sententiarum diversitate. 1. Certum est esse aliquos Spiritus comparative ita dictos, hoc est, non quod sint expertes omnis materiæ & corporeitatis, sed quod habeant corpora tenuissima, quæ visum, tractumque effugiunt: quomodo in Physicis vitales & animales Spiritus nominantur. 2. Certum est Angelos non esse expertes omnis omnino compositionis. De quo genere compositionis disputat Scal. exerc. 359. f. 2. ubi quaerit de Angelo, an sit purus actus? Et respondet, Non, solus Deus causa est sine causa: & Ens absque Ente. Mera namque essentia. Intelligentia vero tamen si non est composita ex materia & forma: tamen constat ex aliquo tanquam potentia, & aliquo tanquam actu. Potentiam illam dicimus, ejus esse: actum vero ejus essentiam. Est autem essentia, qua est, id quod est. Esse ve-

io eius est, receptivitas essentiae: quae non est in prædicamento relationis, sed substantiae: neque in ullo prædicamento materiali: sed neque in prædicamento intelligibili qualitatis: sed in prædicamento substantiae supernaturali. His concedit Scalig. compositionem eam, quae est ex potentia & actu: negat vero eam, quae est ex materia & forma. At contra Bonaventura, ex ea potentialitate sumit argumentum materiae: quod ubi est potentia, ibi sit necessario aliquid materiae analogum. Quod si latè disputetur, non contendam: sin proprietatem exactius rueri velimus, latius se extendit potentia, quam materia. 3 Video utrinque rationes adduci, non nisi Topicas & probabiles. Potissimum argumentum Bonaventurae est mutabilitate, & potentialitate est desumptum. Thomas vero argumentatur è perfectione universi, quae deficere videtur, si nulla sit substantia creata incorporea. Sed neutra est necessaria. Potentialitatem & mutabilitatem concedunt Scholaastici alii: eamque à dependentia et accidentalitate oriri statuunt, nec eam cum materia reciprocari censent. Contra perfectio universi in eo est, ne quod Ens deficiat: at vero id non è nostra pendet imaginatione, sed à rebus ipsis, et divina voluntate: non enim ita universum est perfectum, ut non liceat imaginari Ens aliquod, quod in universo non habeatur. Disputat enim Scalig. exerd 249. posse Deum facere, si eius potentiam spectes, aliquid melius quam fecit, quam quomodo fecit. Quae disputatio locum non habet, si non licet imaginari Ens, quod in universo vel non habeat, vel saltem non eo modo, quo nunc est. Itaque perfectionem universi ex eo metimur, quod viderit omnia,

nia, & fuerint valde bona, hoc est, quod ita esse voluerit & approbaverit omnia, non vero ex eo, quod omne Ens imaginabile sit in universo. Quod si ergo Deo visum fuerit primam creaturam vel facere materiam expertem vel tenui materia præditam, ex ejus voluntate id universum pendet, an hoc potius quam illo modo condiderit: sed neutrum adductæ rationes certo evincunt. Licet ergo in re ambigua sine hæreseos suspitione alterutram sententiam tueri & defendere. 4. Placet Zanchio eorum sententia, qui statuunt Angelos quadantenus esse corporeos. Probabilior, inquit, videtur esse sententia Augustini & reliquorum, Angelos omnes non esse prorsus & simpliciter incorporeos: quam Scolasticorum, qui eos prorsus corpore spoliant; cum tamen neque ipsi recusent verbum Gregorii: eos scilicet comparatione quidem nostri, esse Spiritus, comparatione autem Dei esse corporeos. 5. Mihi semper visa est probabilior eorum sententia, qui Spiritualis esse naturæ dicunt Angelos. Quod vero Dei respectu aliquid potentialitatis sapiunt, id non infert ilico esse incorporeos: sed quid medium inter pure simplex, & corpus compositum: de quo supra egimus. Nec displicet Caroli Bovilli decisio quæstio. Theol. lib. 2. q. 4. An Angeli sint simplicis essentia quærir. Et responder: Si contuleris Angelos Deo: tum per potentiam & actum finiendi sunt: utpote qui prius fuerunt in potentia essendi, quam in actu essendi. Nam ex non esse, & è nihilo in esse prodierunt. Sin autem illi cæteris creaturis conferentur, cum sint primus actus creaturarum, & primordium, satque initium avi earundem, tunc merito simplicium essentiarum nomina recipiant. Sunt enim puri actus absque priori

priori potentia. Paulus vero Cortesius 2. Sent. q. de Angelis concludit: Fieri nullo modo potest, ut coelitem generi ullum sit materiae genus admixtum. Siquidem qualiscunque rei munus naturae suae modo constituitur. Cum autem percipere, munus sit ab omni materia secretum: intelligi potest omnem intelligentem naturam materiae concrezione vacare. Itaque ob eam causam dicemus, coelites corporibus suapte natura vacare: quanquam non negemus ab his quandoque varia esse corpora suscepta, ut est vatum e-logiis & memoriae mandatum.

### 3. *De Hierarchia Angelorum.*

**S**cholastici Doctores certam quandam Angelorum hierarchiam à Dionysio Areopagita, ut aiunt, descriptam nobis exhibent, in qua Angelorum chori in triplicem hierarchiam, singulae vero hierarchiae in tres ordines, & ita in universum in novem ordines coguntur. Qui sunt.

Seraphim, Cherubim, Throni.

Dominationes, Virtutes, Potestates.

Principatus, Archangeli, Angeli.

In hac doctrina 1. certum est, quod quemadmodum in rebus quibuscunque aliis ordo pulcherrimus animadvertitur, ita in tanta multitudine divinarum mentium aliquis sit ordo. Quae enim perfectio in rebus materialibus & corporeis cernitur, eam quis dubitabit in Spiritualibus & coelestibus inveniri. 2. Certum & hoc est, inveniri in scripturis ea nomina, quae Angelis assignantur. Coloss. 1. v. 16. nominantur Throni, Dominationes, Principatus, Potesta-

tes. Jes. 6. Seraphim, Cherubim in scripturis passim. Michaël Archangelus dicitur in Epistola Judæ: & in voce Archangeli scriptum est 1. Thes. 4. v. 16. Angelorum vox hinc inde in scripturis sæpissimè occurrit. Virtutes cœlorum leguntur Matth. 24. v. 29. Itaque non est questio de vocibus & nominibus, an ex in scripturis inveniantur. 3. Id vero à scripturarum simplicitate alienum dicit Zahchius, certas hierarchias, certosque in singulis hierarchiis ordines, & tales dignitatum gradus, quibus perpetuo alii aliis præmineant, alii vero aliis subiecti inserviant inter Angelos constituere c. 14 lib. 2. 1. partis de operibus Dei. Nam è solis vocibus firmum argumentum ejus hierarchiæ periri non potest. Audi quid Origenes dicat de loco Coloss. 1. in lib. 1. Periarchon cap. 7. Manifeste, inquit, in Christo & per Christum facta esse omnia & creata pronunciat, sive visibilia, quæ sunt corporalia, sive invisibilia, quæ non alia etiam arbitror quam incorporeas, spiritualesq; virtutes. Horum autem quæ corporea vel incorporea generaliter, dixerat, ut mihi viderur, in sequentibus enumerat species, id est, sedes, dominationes, principatus, potestates, virtutes. Hæc autem nobis prædicta sint volentibus per ordinem ad inquisitionem solis & lunæ, vel stellarum per consequentiam pervenire, utrum inter principatus haberi conveniat, pro eo quod dicuntur in principatum diei facta vel noctis: an puranda sint istum solem principatum habere diei ac lunam noctis? Hic Origenes in dubium vocat, an voces illæ solis Spiritualibus, an vero etiam corporeis creaturis tribui possint? non ergo certum per hujusmodi voces aliquam hierarchiam angelicam designari. Et Aug. in lib. ad Oros.

Oros. contra Priscil. & Orig. cad. 11. dicit cer-  
 te ait Apostolus: sive sedes, sive dominatio-  
 nes; sive principatus, sive potestates. Et esse ita-  
 que sedes, dominationes, principatus, potestates  
 in coelestibus apparatibus firmissime credo, &  
 differre inter se aliquid indubitata fide teneo,  
 sed quo me contemnas, quem magnum putas  
 esse doctorem, quznam ista sint, & quid inter  
 se differant nescio. Nec ea sane ignorantia pe-  
 riclitari me puto, sicut inobedientia, si Domini  
 praecepta neglexero. Vides voces esse notas  
 Augustino: incognitum dogma illud triplicis  
 hierarchiae. 4. Præterea dubium satis, quod  
 circa hanc doctrinam inferunt: Esse scilicet An-  
 gelos in hac hierarchia quosdam assistentes, qui  
 secreta divinorum ministeriorum immediatè  
 recipiant à Deo: alios ministrantes qui dicuntur  
 mitti, illi scilicet qui instruuntur ab ipsis assi-  
 stentibus de secretis. Ex illo genere dicunt esse  
 quatuor ordines superiores: ex hoc vero quinque  
 inferiores. Nam Jes. 6. mittitur Seraphim ad  
 Propheam, sicut expresse scriptum est, v. 6. & 7.  
 & volavit ad me unus de Seraphim, & in manu  
 ejus calculus, quem forispe tulerat de altari, &  
 tetigit os meum, dixit &c. Itaque mihi placet  
 Scaligeri decisio ex. 359. f. 1. ubi Angelos dici  
 notat, quia mitteret eos Deus. Subiungit: An  
 vero quorundam modò sit hoc ministerium, an  
 omnium? De hoc inquit, scriptum non est. Sed  
 fides sit penes præscripta religionis.

4. *De intellectu & cognitione  
 Angelorum.*

**A**ngelum esse naturæ intellectualis constat.  
 Id enim est necessariū tum ratione naturæ  
 ejus,



ejus, tum ratione officii. Ratione naturæ: Cùm enim sit naturæ inter Deum & hominem media, & ita secundum naturam homine superior, quæcunque perfectio simpliciter homini convenit, eadem Angelo conveniat necesse est. Ratione officii, ut quæ à Deo ipsi perficienda demandantur, ea convenienter expedire possit. Is vero intellectus angelicus, quemadmodum & intelligere ipsum, non est vel substantia vel esse Angeli, sed quemadmodum dicit Dionysius 2. c. angel hierar. Angeli dividuntur in substantiam, virtutem & operationem, itaque nec in angelo, nec in quacunque alia creatura virtus vel potentia operativa, idem est quod sua essentia. Cùm enim potentia dicatur ad actum, oportet, ut secundum diversitatem actuum sit diversitas potentiarum: propter quod dicitur, quod proprius actus respondet propriæ potentie. In omni autem creato essentia differt à suo esse, & comparatur ad ipsum sicut potentia ad actum: actus autem, ad quem comparatur potentia operativa est operatio. In angelo autem non est idem intelligere & esse: nec aliqua alia operatio aut in ipso, aut in quocunque alio creato, est idem quod ejus essentia. Unde essentia angeli, non est ejus potentia intellectiva, nec alicujus creati essentia, sed ejus operativa potentia. Vide Tho. 1. p. q. 54.

Vis vero ea intellectiva Angelorum longe est nobilior & perfectior quacunque notitia humana. Quia enim intellectus is est separatus ab omni materia: non habet impedimenta, quæ in intellectum hominis cadunt. Testis enim est quotidiana experientia materiæ copiâ & multitudine obrui & obtundi, intellectus subtilitatem: Plenus enim venter non studet libenter, ut  
habet

habet communis regula, & qui cibo ac potu sunt obtriti, non sunt ad intelligendum accommodari. Purior ergo intellectus, quo à corporeitate magis est abjunctus. Hinc de morte Philosophica elegans Socratis apud Platonem in Phædone extat disputatio, quæ vult verum Philosophum esse à corpore separatum, ut animo vacare possit rectius. Non possum, quin ob summam elegantiam quædam huc transferam è Platone: Putamusne, inquit Socrates, aliquid esse mortem? Aliquid certe, inquit Simmias. Nunquid aliud, inquit, quam animæ à corpore solutionem? esseque id mortuum esse, scilicet solutum ab anima corpus per se seorsum esse? seorsum quoque à corpore animam solutam, ipsam per se ipsam existere? Nunquid mors præter hoc aliud est? Nihil aliud, inquit Simmias. Hoc posito, postquam definivit, Philosophi officium esse, non sectari voluptates epularum, poculorum, venereorum, non corporis cultum: & hujusmodi hominis studium, haud ad corpus quidem declinare, sed quantum fieri potest ab illo discedere, atque ad animum se convertere: descendit ad studium sapientiæ, & subjungit: Quid autem circa sapientiæ ipsius acquisitionem? Inquit Socrates. Utrum impedimentum est corpus, si quis ipsum socium ad investigandum assumpserit, necne? Disputat vero decipi à corpore animum in attingenda veritate; ratiocinari autem tunc optime, quando horum nihil eum perturbat, neque auditus, neque visus, neque dolor, neque voluptas: sed quam maxime seipsum in se recipiens, deserit corpus, neque quicquam quoad fieri potest cum illo communicans, neque attingere ipsum quod vere est, affectat. Et tandem post multa concludit: Cæterum nobis revera demonstra-

tum

tum est, si quando sumus purè aliquid intellectu-  
sturi, recedere à corpore oportere, atque ipso  
animo res ipsas considerare. E quibus omnibus  
videtur evadere manifestum, esse intellectum  
puriorum, & ita in cognoscendo perfectiorem,  
qui est ab omni corporietate maximè abjun-  
ctus. Quod ex eo etiam constat: Intellectus  
perfectioris est, qui ad esse divinum magis acce-  
dit. Perfectior ergo is est, & ita in intelligendo  
& cognoscendo vegetior, qui à materia maximè  
abunctus & separatus.

Cæterum modus intellectiōis in angelicis  
iis spiritibus explicatu difficilis est. Eam ob cau-  
sam, quid aliis hac de re visum fuerit potius in  
medium adducemus, quam ut certum quid è  
propria sententia hîc definiamus.

Cognitionem angelicam alii duplicem, alii  
triplicem esse dicunt: illi cognitionem aliam  
esse vespertinam, aliam matutinam faciunt; hi  
præter duplicem illam addunt tertiam meridia-  
nam. Angeli, inquit, Gerson summa lib. 6.  
cognitionem habent matutinam, hoc est, cog-  
nitionem rerum in verbo. Item cognitionem  
vespertinam, id est cognitionem rerum in se.  
Item meridianam, i. e. apertam Dei visionem.  
Est etiam alia cognitio, quia majores Angeli in-  
dicant minoribus illa quæ per divinas *Scripturas*  
receperunt. Ita ille. Aliter aliquanto rem de-  
clarat Melchior Flavius in resolut. Scoti 2. Sent.  
d. 3. q. unic. Angeli, inquit, cognitio vesperti-  
na, cognitio rerum in proprio genere: matuti-  
na naturalis per species inditas: & beatifica in  
verbo, alias meridianam. Tho. 1. p. q. 58. ar. 6.  
hanc doctrinam ita declarat. Dicendum, quod  
hoc quod dicitur de cognitione matutina & ve-  
spertina in angelis introductum est ab Aug. qui

sex dies , in quibus Deus legitur fecisse cuncta, Gen. 1. intelligi vult non hos usitatos dies , qui solis circuitu peraguntur, cum sol quarto die factus legatur, sed unum diem scil. cognitionem angelicam sex rerum generibus præsentatam. Sicut autem in die consueto manè est principium diei , vesperè autem terminus, ita cognitio primordialis esse rerum dicitur cognitio matutina, & hæc est secundum quod res sunt in verbo : cognitio autem ipsius rei creatæ, secundum quod in propria natura consistit , dicitur cognitio vespertina , naturâ esse rerum fuit à Verbo, sicut à quodam primordiali principio , & hic effluxus terminatur ad esse rerum, quod in propria natura habent.

Nos ita : cognitio angeli non una est: alia per visionem , alia per revelationem , alia per species. Per visionem est cognitio beatifica , qua cognoscit Deum , non tantum cognitione speculativa , sed fruitione , ita ut Deum videat , in eaque visione acquiescat , tanquam in summo bono. Cognitio per revelationem est, qua Deus de voluntate sua, & rebus aliis Angelis manifestat quæcunque ipsos vult scire. Tamen si enim Deus in se omnia contineat, non tamen videns Deum, necessario videt omnia : sed visio rerum aliarum pendet ex revelatione. Est enim representatio illa rerum omnium non formalis, sed eminentiæ , & non naturalis, sed manifestationis voluntariæ. Indeque fit , ut tamen si omnia sint in Deo : non tamen videantur omnia ab Angelis , nec Angeli sciant omnia , nisi præcedente revelatione. Cognitio per species duplex est: vel per species innatas, vel per species è rebus acceptas. Et Suarez disp. Metaph. 35. s. 4. n. 20. hanc ponit assertionem ad cognoscendas res alias

lias indigere intelligentias speciebus intelligibilibus, eas tamen habere cum natura congenitas, saltem respectu naturalium rerum. Cum enim in homine sit facultas naturalis primorum principiorum cognoscendorum, ut post lapsum etiam illico iis assentiatur; primi etiam parentes habuerint eam sapientiam, ut sine doctrina omnium rerum habuerint notitiam: Angelis certe denegandum non est, eos naturalem & sibi congenitam omnium rerum, saltem naturalium, habere notitiam & cognitionem. Quoad contingentia vero, quia ea aliter atque aliter se habere possunt, dicendum videtur, ea cognosci ab angelis per experientiam, & ita per species à rebus acceptas. Quo tendit illud Bielii, qui dicit cognitionem vespertinam angelorum esse partim infusam, partim acquisitam. Infusam eam dicit, qua per species concreatas res cognoscuntur; acquisitam vero, quæ fit per species à rebus receptas. Vide pluribus ad hanc doctrinam Scholast. & Suarez. citatis superius locis.

5. *An Angelis convenit libertas arbitrii.*

**A**ngelis voluntatē convenire qua & velle & eligere possint dubiū non est. Ex eius cum intellectu concursu fuisse liberum arbitrium in angelis ad bonum & malum patet ex angelorum lapsu; quorum, quia alii lapsi, qui in veritate non perstiterunt, & principatum suū dereliquerant, alii vero statum suum conservarunt, & à bono non defecerunt, argumento est, potuisse eos ad bonum & malum inclinari, alterutrum vel eligendo vel reprobando, quemadmodum & homo ad utrumque ante lapsum fuit liber; & ita constat arbitrium liberum simpliciter

simpliciter ita dictum in angelis fuisse. Inde Lomb.  
 dicit in 2. d. 5. habebant, inquit, omnes libe-  
 rum arbitrium, quod est libera potestas, & ha-  
 bilitas voluntatis rationalis. Poterant enim vo-  
 luntate eligere quodlibet, & ratione judicare,  
 id est, discernere: in quibus constat liberum ar-  
 bitrium. Nec creati sunt volentes averti vel con-  
 verti, sed habiles ad volendum hoc vel illud, &  
 post creationem spontanea voluntate, alii ele-  
 gerunt malum, alii bonum. Constat ergo in li-  
 bertate arbitrii conditos esse & creatos angelos.  
 Sed id nunc quaeritur, postquam & boni sunt  
 confirmati in bono, ut non possint male agere,  
 & mali indurati in malo, ut non possint bene  
 agere, an aliquod sit in iis liberum arbitrium re-  
 liquum. Quod Lombardus in 2. d. 7. ita expres-  
 sit. Cum nec boni peccare possint, nec mali be-  
 ne velle, vel bene operari, videtur quod jam non  
 habeant liberum arbitrium: quia in utramque  
 partem flecti non possunt, cum liberum arbi-  
 trium ad utrumq; se habeat. Qua in re id scien-  
 dum est, arbitrii libertatem non in eo consistere,  
 ut ad bonum pariter & malum aequè simus li-  
 beri, & deflectere possimus: ita enim nec in  
 Deo vel esset, vel esse posset libertas, eò quod  
 cum summe bono malum consistere nequit. Is  
 tamen suam agendi libertatem in eo nobis ma-  
 nifestavit, quod & mundum condidit, quando  
 & quomodo voluit, & unicuique nostrum dat  
 quod & quantum ipsi visum fuerit. Et cum ar-  
 bitrii libertas sit perfectio simpliciter, Angeli  
 certe in gloria constituti ea carere non pote-  
 runt: ii tamen malum amplius nec velle nec a-  
 gere poterunt. Id Augustinus docuit in Enchi-  
 rid. ad Laur. cap. 105. de homine: sic, inquit,  
 oportebat prius hominem fieri, ut & bene velle  
 posset

posset & malè, nec gratis, si bene, nec imponè, si malè: postea vero sic erit, ut male velle non possit, nec ideo libero carebit arbitrio. Multo quippe liberius erit arbitrium, quod omnino non poterit servire peccato. Neque enim culpanda est voluntas; aut voluntas non est, aut libera dicenda non est, qua beati sic esse volumus, ut esse miseri non solum nolimus, sed nequaquam profus velle possimus. Sicut ergo nunc etiam anima nostra nolle infelicitatem, ita tunc nolle iniquitatem semper habitura est. Quod de homine constituo in gloria dicimus, eum liberum futurum à servitute peccati, sine amissione liberi arbitrii: idem de Angelis dicendum, cum liberi sint à coactione ad volendum bonum, quod Spiritus faciunt, & bonum præ bono eligere, actiones etiam vel perficere vel non perficere possint, salvam bonis Angelis permanere arbitrii libertatem. Quemadmodum mali etiam Angeli, tamen si in malo sunt indurati; tamen quia malo delectantur, in malum consentiunt, malum præ malo eligunt, malum inferre possunt, & ita voluntatem ab omni coactione habent liberam, libertatem arbitrii in malo etiam perpetrando habent reliquam. Quod si vero libertas servituti opponatur: jam quemadmodum homo servus peccati est, ut propriis viribus ex ejus servitute sese eximere nequeat, ut servum arbitrium hominem habere Theologi graves dixerunt: ita mali Angeli, qui sunt in malo obdurati, non possunt bene, sed tantum malè agere. Quo sensu si quis libertatem arbitrii ad bonum, scilicet, ipsis etiam denegare velit, non repugnabimus. Convenienter his scripsit Carolus Bovillus quæst. Theolog. lib. 2. quæst. 91. an qui excide-

runt,

rant, (loquitur de Angelis eo loco) post casum suum libertatem amiserunt? Sicut, inquit, permanserunt in bono, post confirmationem sui, naturali libertatis dono non sunt spoliati: ita & qui à bono prolapsi sunt, post infelicem sui ruinam nequaquam privati sunt liberè arbitrio. Nempe ut diximus, nec virtus, nec vitium, aut bonorum aut malorum Angelorum naturam substantiamque immutare potuerunt aut ad dentes aut adimentes illis naturalem aliquam facultatem. Æterno tamen Chao ac profundo bonos à malis deduxerunt, hos in malo sistentes, illos vero in bono confirmantes.

6. *An sint Intelligentiæ cœlestium orbium motrices?*

Scaligeri exere. 359. s. r. verba sunt: Intelligentia dicta est à perfectione illa, qua ducitur in amorem primæ causæ: cui semper præsto est. Græcæ vocatur *νῦς*, Latine mens: quia est actus quidam. Earum duo sunt ordines primarii: Cœlestis, & supercœlestis, Cœlestis officium est, movere suum cujusque orbem. Supercœlestis assistit primæ causæ: ut ejus jussu etiam res hæc procuret inferiores, earum rectioni perfecta atque conservationi. Quæ fuit causa, ut à Græcis Angeli vocarentur: quia mitteret eos Deus. In his verbis extra dubium est, quod de supercœlestis intelligentiæ officio dixit: id vero satis certum est, an sunt quædam intelligentiæ cœlestium orbium motrices, cum nec satis constet, an sint ejusmodi orbis, etsi sint, an ejus modi Intelligentiis motricibus indigeant, & non propria ac interna potius



vi & virtute moveantur, quàm intelligentiarum assistentium opera.

Dux enim in hac causa sunt opiniones: altera est, esse in cœlo orbes quosdam reales, realiter inter se diversos, ita ut alia sit Sphæra Saturni, alia Jovis, alia aliarum planetarum, alia etiam stellarum fixarum, quibus orbibus stellæ sint affixæ, ut moveantur ad motum suorum orbium, orbes vero non habere vim quandam internam motricem, sed ab intelligentia tanquam forma assistente, ut loquuntur, motum suum accipere. Contrà vero Tychonis Brahe, & aliorum quorundam recentiorum est sententia, non esse in cœlo reales ejusmodi orbes & Sphæras, sed cœlum esse unum quoddam corpus continuum, nulla orbium inter se divisione reali constans, in eoque astra & stellæ liberè motum sibi proprium vi quadam interna ipsis insitum perficere, nec esse eas stellæ vel orbibus affixas, vel intelligentia opus habere ad motum hanc ipsis naturalem conficiendum; haud aliter atque quoque corpora vi quadam interna sibi & naturali propria, non adscita extrinsecus ejusmodi quadam Intelligentia moventur & agitantur.

Ac prior quidem opinio tum Peripateticorum, tum Scholasticorum est, qui in ea fere consentiunt, esse ejusmodi Intelligentias formas assistentes orbibus cœlestibus, à quibus non quidem esse habeant, sed motum omnem recipiant. Elegantissimis verbis hanc sententiam retulit Paulus Cortesius 2. Sent. sect. de creatione corporum: At Apollo Christianorum b. Thomas, inquit, scientiùs genus hoc rotum ratione astringit. Probat enim divisione operum animæ, nullam corporum cœlestium animæ

animæ consentaneam esse operam, præter Intelligentiam & motum. Dicitque animam corporibus cœlestibus, non ut formam annecti: sed virtutis appulsu, ut mobili agitatore applicari, quemadmodum silagena in prono, vi pedum impulsâ moveatur. Alii etiam lumen ad intelligentiam referunt, & influxum omnem in hæc inferiora. Ita Archang. Mercenar. ad sect. quæ sit cœlestis corporis forma in dilucid. disputat. contra Thomam, qui dixerat; cœlum seclusa intelligentia agere in ista inferiora: eamque assertionem dicit esse falsam. Nam cœlum non agere in ista inferiora nisi mediante lumine & motu. Jam vero, inquit, cœlum seclusa intelligentia non movetur, nec lumen habet, cum ista habeat ab intelligentia: igitur seclusa intelligentia non agit in ista inferiora. In quibus verbis Archangeli duo noto: Primum est, non videri consentaneum veritati, cœlum lumen habere ab intelligentia: est enim lux indita syderibus in prima creatione, unde & luminaria dicuntur. Itaque lux non nunc primum ab Intelligentia illa assistente vel cœlo, vel astris extrinsecus advenit. Alterum est, quod annotavit Joh. Dez in canonibus suis: cœlum non tantum agere mediante vel lumine, vel motu, sed & occultis qualitatibus: nec enim vel lumen vel motum transire in intima terræ viscera propter objecti densitatem & soliditatem: esse verò occultas cœli syderumque qualitates, quæ nulla objecti soliditate impediuntur, quo minus transeant, & ejusmodi occultas vires plurima in his inferioribus perficere certum est quæ nec motu, nec lumine peragantur. Verba ejus sunt in aphor. 25. duplices sunt stellarum omnium radii: alii sen-

sibiles sive luminosi, alii secretioris influentiz. Hi omnia quæ in hoc mundo continentur penetrant : illi ne adeo penetrarent quodammodo impediri possunt.

Quoad motum vero mihi placet magis eorum sententia , qui orbis ejusmodi reales in coelestibus improbant : qua de re in Physicis pluribus disputavi. Et hinc judico astris & sideribus proprium quendam motum esse intitutum & inditum , ut ejusmodi Intelligentia assistente opus non sit. Cum enim inferioribus omnibus Deus suos motus indiderit , ut non tantum Elementa , & quæ ex his sunt mixta omnia , pro cujusque natura vel sursum , vel deorsum , moveri possint : locomotivam , secundum quam in partes omnes moveantur , animantibus : avibus etiam volatum , verisimile esse non videtur , adeo nullum astris motum esse datum , ut absque ejusmodi speciali Intelligentia assistente motu nullo ferri possint. Et quid impedit ejusmodi motus principium internum ? non uniformitas , sunt enim uniformia corpora Elementa , & tamen suum habent motum. Nec motus ratio & conditio , quod sit motus circularis : cum enim corporibus specie diversis inditi sint motus etiam contrarii , ut ignis æquè sursum ferri possit vi ingenita , atque terra deorsum : quidni circularis etiam motus suum quoddam corpus naturale habeat , à quo primo perficiatur. Itaque mihi probabilior eorum videtur esse sententia , qui nullum ejusmodi Intelligentiam assistentem agnoscunt.

7. *An Angeli sint immortales & incorruptibiles.*

Πάν κτιστὸν καὶ τραπετὸν, μόνον δὲ τὸ ἀκτιστὸν ἀτραπετὸν, Omne creatum veribile, solum autem increatum invertibile, inquit Damasc. de Orthod. fide lib. 2. cap. 3. Et subtilis est apud Scalig. exerc. 307. f. 20. disputatio, & ut ipse dicit, ardua, & quæ non nisi à doctis percipi queat. Omne quod est aut est primum principium, aut à primo principio. Unum est primum, alia dependent igitur. Ergo sua natura omnia, præter unum corruptibilia. Tamen si enim sunt Entia absoluta à subjecto & termino; tamen haud sunt absoluta à causa. Sunt igitur per aliud, & ab alio. At omne dependens ab eo à quo dependet, si est voluntarium principium, mutari potest. Ergo ipsæ quoque mentes immateriales, etsi ponuntur à Peripateticis cæternæ Deo: tamen ut à primo pendent à primi nutu deponi possunt ab ea essentia, in qua sunt ab illo constitutæ. Si enim non possent, haberent in se aliud principium resistendi illius infinitati? Non igitur illud esset primum principium. Ita ille: eleganter sanè. Nam ita esse immortale Deo propriè tribuitur. 1. Tim. I. v. 17. At vero contrà constans est omnium sententia, non esse Angelos corruptioni & mutationi obnoxios: cum enim sint naturæ simplicis & incorporeæ, adeoque nec è multis constant, in quæ resolvi possint: nec è contrariis, quorum unum alteri repugnet, è qua pugna totius corruptio & destructio primum sequitur: rectè hinc concluditur, naturalem & Physicam corruptionem & mutationem Angelis non competere.

Dicendum tamen. 1. dici aliquid vel incorruptibile & immortale absolute & simpliciter, *κατα τι* seu secundum quid, certo scil. & determinato quodam respectu. Simpliciter & absolute Divinae essentiae repugnat corruptibilitas & mortalitas. Est enim hoc primum illud & summum principium, à quo sunt & dependent omnia, ipse solus independens aliunde, omnimodo immutabilis. Indéque ipsius esse, & anni eius non deficere dicuntur Psal. 102. Et hoc sensu solus est immortalis, & ipsi uni & soli hoc Epitheton vere convenit. Ac hoc privilegium ipsi tribuitur præ aliis Diis gentium: ut recte Lyra dixerit ad locum 1. Tim. 1. immortalem nominari, ad differentiam Jovis, & Saturni, & hujusmodi, qui sunt homines mortales. Et hoc sensu jam disputat Scalig. ne quidem mentes immateriales esse ab omni mutabilitate liberas: eo quod dependent à voluntario principio, ad cuius nutum & arbitrium sunt factæ & creatæ, & quicquid habent ejus unius beneficio habent: ut propterea ejus infinitati resistere nequeant. Hic itaque recte asserimus: Angelos esse incorruptibiles gratia. Quod citato superius loco ita effert Scalig. Non corrumpuntur, autem quia non vult. Et in lib. de plantis pag 55. scite admodum: neque vero, inquit, finem habebit, quia principium habuerit anima: nisi quomodo mentes illæ cœlestes. Nutu creatæ, nutu dissolventur, si libuerit. At libuit, ut ne liberet, voluit, ut noller. In quem modum in Timæo scripsit verba omnibus jam fere nota: Postquam morti sunt omnes, (loquitur vero de Diis Gentilium, è quibus Terræ, Cœlique filii Oceanus & Tethis fuisse traduntur. Ab iis Phorcys, Saturnus & Rhea.

Ex Saturno & Rhea Jupiter & Juno) tum ad  
eos mundi genitor ita fatur: Dii orti ex Diis  
quorum opifer ego & pater sum, hæc attendite.  
Quæ à me facta sunt, me ita volente indisso-  
lubilia sunt. Omne siquidem quod vinctum  
est, solvi potest. Sed mali est, quod pulchre  
compositum est, seque habet bene, velle dissol-  
vere. Quapropter quia generati estis, immor-  
tales quidem & indissolubiles non estis. Nec  
tamen unquam dissolvemini, nec mortis fatum  
subibitis: Nam voluntas mea majus præstan-  
tiusque vobis est vinculum ad vitæ custodiam,  
quam nexus illi, quibus estis tunc, cum gigne-  
bamini, colligati. De qua tamen prosopopœia  
videatur Cyrillus contra Julian. lib. 2. tom. 2.  
pag. 529. edit. Paris. anno 1572. Manifestum est  
ex his omnibus, Intelligentias & mentes illas  
coelestes relatas ad primum illud principium,  
non esse simpliciter incorruptibiles & immor-  
tales: sed secundum quid, ejus scil. gratia, vo-  
luntate, nutu, & arbitrio. 2. Sin mentes illæ  
coelestes referantur ad causas vel internas, vel  
externas Physicas & naturales, earum respectu  
plane sunt incorruptibiles & immortales. Nec  
enim causæ vel internæ sunt è quibus consistit:  
vel contrariæ qualitates, quæ in ipsis litem &  
pugnam excitent, unde destructio sequatur:  
quomodo mixtorum corruptio perficitur. Sed  
nec agens externum est ejus virtutis & poten-  
tiæ, quod sit aliud à Deo, quod simplicem  
hant Intelligentiarum essentiam in nihilum  
possit redigere. Eiusdem enim potentiæ est è ni-  
hilo facere aliquid, & ens aliquod annihilare,  
seu in nihilum redigere. Itaque secundum  
quid, seu respectu causarum secundarum rectè  
incorruptibiles etiam dicuntur intelligentiæ.

Concludam eleganti Cyrilli sententia quæ habetur thesaur. libr. 3. cap. 2. Etsi, inquit, Angelus immortalis quædam res est, propter voluntatem & gratiam salvatoris: sed tamen quoniam ortum habuit, & esse cœpit, occidere quoque potest, & non esse. Nam quæ naturis præcipue insunt, ea respectu Creatoris Dei nihil sunt. Quare sicut ignis combustivus quidem, sed non Deo: sic & Angelus immortalis quidem est, sed non Deo. Solus enim Deus proprie immortalis est, quia naturaliter id habet, cætera per gratiam, sicut creatura. Vide Thom. 1. q. 50. art. 5.

3. *An omnis plane compositionis sint expertes Intelligentiæ?*

**N**ON unum compositionis genus & est, & reperitur: inde fit, ut quæ certo respectu dicuntur simplicia, alio respectu composita esse deprehendantur. Ita enim in genere corporum simplicia esse dicuntur Elementa, quoad ex aliorum Elementorum coalitione non concresecunt, eorūque respectu mixta dicuntur esse corpora, quæ ex Elementorum concursu resultant. Eadem vero Elementa collata ad materiam & formam expertia compositionis non sunt, sed ex earum partium inter se unione nascuntur: nec enim ut in Physicis disputavit Aristoteles, possent invicem transmutari Elementa, nisi esset commune quoddam alterationis & transmutationis subjectum, quod materiam dicimus: sed nec inter se Elementa specie differrent, si non uno tantum subjecto constarent, omnibus Elementis communi: forma ergo cedere ad materiam necesse est, secundum quam

quam à se invicem Elementa discernantur & distinguantur. Itaque certum hinc est, quod uno modo simplex esse dicitur, huic non repugnare dici alio modo compositum.

Hoc vero privilegium unius Dei proprium est esse summe simplicem, ut, ab eo omnia genera compositionis excludantur. Idque inde fit, quia nec ab alio est, nec ex aliis est, nec cum alio habet naturæ convenientiam, nec deficit in aliquibus. Primum excludit eam compositionem quæ est ex actu & potentia: & consequenter eam, quæ est ex esse & essentia. Alterum eam, quæ ex partibus vel essentialibus, vel integrantes est. Tertium eam, quæ est ex genere & differentia. Quartum eam, quæ est ex positivo & privativo: ut & eam, quæ est ex subiecto & accidente. Quod vero in Deo multa concipiuntur: non tam notat compositionem in essendo, quam multitudinem in operando. Quod notavit August. Niphus Sues. ad disp. 3. destr. Averrois: Deus, inquit, non est agens simplex, sed multiplex: quoniam licet ipsum in se sit unum in esse & summè simplex in esse: est tamen multum in virtute & perfectione. Vide de hac Dei simplicitate Scal. ex. 140 & quod nullus modus compositionis ipsi conveniat apud Algaz. Averr. & August. Niph. Sues. destr. disp. 5. Metaph.

Intelligentiæ vero quæ sunt naturæ mediæ inter Deum & corpora seu res naturales, simplices quidem dicuntur, sed non summe simplices. Est enim compositio alia Physica, alia Logica vel Metaphysica. Illa est ex partibus realiter inter se diversis, cuiusmodi sunt vel materia, vel forma, quæ essentiam rei immediate constituunt, vel integrantes, quæ ad operationes



perficiendas porissimum sunt institutz. Hoc sensu simplex est omnis Intelligentia: nec enim multa in se complectitur, in quæ vel dividi, vel resolvi possit. Logicæ vero vel Metaphysicæ compositiones experies intelligentiæ non sunt.

1. Convenit iis compositio ea, quæ est ex sub-  
jecto & accidente. Quum enim mutabilitas conveniat Intelligentiis, ut de bono in malum converti possent, quod è Diaboli lapsu manifestum est: constat hinc manente eadem substantia mutationem quandam iis convenire: ea vero quia accidentalis est, accidentia quædam intelligentiis tribuantur necesse est: secundum quæ ea mutatio accadat.

2. Convenit compositio ea, quæ est ex actu & potentiâ. Quod notavit Scal. ex. 359. f. 2. An vero sit purus actus, inquit? Non intelligentia tamen non est composita ex materia & forma: tamen constat ex aliquo tanquam potentia, & aliquo tanquam actu. Ratio certa: quod enim de non esse in esse producitur, est in potentia suæ causæ, à qua producitur, accipit vero actum essendi seu existentia, quando ponitur extra suas causas. Sunt vero Angeli de non esse in esse producti? designari ergo in iis potest aliquid per modum potentia & actus.

3. Indeq; notari potest in Angelis compositio ex esse & essentia: abstrahit enim essentia Angeli ab omni causa, & denotat præcise quidditatem stantem per seipsam: at existentia ejus non potest definiri, nisi mentione supremæ causæ à qua sit: existentia enim definitur ex ordine ad causas extra quas producitur id ipsum, cui tribuitur existentia.

4. Sed nec ea quæ à genere & differentia est compositi denegari potest angelis. Omnis enim conceptus prædicabilis in quid de plus quam  
numero

numero differentibus certam proportionem inter se, & si non sit pars alterius, est conceptus generis, dicit Ockam in 4. d. 8. At vero nihil repugnat dari ejusmodi quendam conceptum in Angelis, cui omnes hæ conditiones conveniant. Nec ergo potest Angelis denegari genus. At vero ut superius ex Averroë disputavimus destr. disp. 7. quæ conveniunt genere univoco, oportet ut dividantur ab invicem aliqua differentia, & erit quodlibet eorum compositum ex genere & differentia. Quod si itaque Angelis non repugnat ratio generis univoci; nec ergo ratio differentia; nec ergo compositio quæ est è genere & differentia. 5. Denique quia solus Deus est, qui omnes perfectionum gradus complectitur: sequitur inde, quicquid aliud est à Deo, in eo concipi, aliquid per modum positivi & privati. Nam & habet positive perfectionem sibi debitam, & non attingit gradum infinitæ perfectionis divinæ, à qua deficit. Sed hic ultimus modus est valde improprie dictus: quod enim non debetur id si desit, privationem proprie non infert. Et si vel maxime inferret privationem, non tamen inferret compositionem: quod enim non inest, id ne quidem potest componere; nisi tantum quoad nos, in quantum nos concipimus, id quidem convenire, aliud vero non convenire. Voluimus tamen hujus etiam modi compositionis mentionem injicere, quia vulgo etiam hoc referri solet.

## CAP V T. III

*De Anima Humana.*

Theorema tertiam.

**S**piritus Incompletus est Spiritus ordinatus ad  
 Esse alterius, cuius ejus sit pars.

2. Indequè

2. Indeque se solo non constituit Suppositum vel Personam : sed unitus & conjunctus cum corpore. Ejusmodi est Anima humana.

3. Anima humana est Spiritus ex inspiratione divina in prima hominis creatione factus ut fieret homo in animam viventem.

4. Ejus consideratio est vel absoluta, vel respectiva.

5. Absoluta, Metaphysicæ propria, est consideratio quidditatis & predicatorum quidditativorum animæ, in quantum, à corpore vel contradistinguitur, vel separatur.

6. Et ita est substantia quædam incorporea & immortalis, multo intervallo corpus excellens, & tanto quanto corporeis præminent incorporea, homini data ad operationes humanas exercenda. Vide Chrysost. in Gen. hom. 13.

7. A Paulo Scalichio in concl. 1. de anima ita describitur: Anima humana est lux quædam divina ad imaginem verbi causæ causarum, primi exemplaris creatæ, substantia Dei sigilloque figura cujus character est verbum æternum. Quæ descriptio dextre accipienda.

8. Ea immortalis est: adeoque à morte hominis separatim existit cum aptitudine & spe, ut in futura resurrectione corpori denuo uniatetur & coniungatur.

9. Ea intellectualis est: in corpore quidem res per species à phantasia ad se delatas cognoscens & percipiens. Modus vero intelligendi in anima separata explicatu difficilior. Sententia Thomæ est: animam separatam non intelligere per species innatas, nec per species quas tunc abstrahat, nec solum per species conservatas: sed per species ex influentia divini luminis participatas, quarum anima fiat particeps, sicut & aliæ substan-

itz separata i. p. 89. art. 8. ad 3. vide Franc. Suarez. disp. Metaph. 55. s. 2. n. 6.

10. Respectiva anima consideratio est in ordine ad corpus, cuius forma est & actio: indeque ad multiplicationem corporis multiplicatur & ipsa. Sed hæc consideratio Physici propria est.

COMMENTARIUS.

**A**ristoteles i. de anima t. c. i. commendat nobis scientiam de anima, ut quæ excedat omnes alias scientias nobilitate subiecti & certitudine demonstrationis excepta divina. Sed meminisse nos decet ejus, quod ab Averroë scriptum destruit. disp. 2. phyl. sermo de anima est nimis profundus, sed Deus appropriavit eum sapientibus profundis in scientiam: & ideo dixit Job; Simplex ego sum, scio animam meam. Tamen si vero quamplurimis idem accidit, ut ob intellectus infirmitatem, & sermonis profunditatem ad animæ notitiam assurgere nequeamus: pulcher tamen est in re difficili etiam conatus. Conabimur itaque in hoc etiam genere nos exercere. Animæ consideratio non unius est generis: Est namque vel Physica, vel Metaphysica. Prius de anima declaratum ab Aristotele & Averroë i. de anima, t. c. 59. Posterior docuit Averroës 3. de anima t. 5. his verbis: & ideo scire de Anima necessarium est in sciendo primam Philosophiam. Considerationis diversitas ex eo: quia anima secundum substantiam est immaterialis conjunctione tamen materialis: hinc fit, ut prior considerandi modus totus sit Metaphysicæ proprius, cuius officium est, tradere ea, quæ sunt ab omni materia separata. In quantū vero animo habet ordinem ad corpus & ita & est, & agit ac operatur in materia & cum materia:

teria : hactenus jam Physici officium animi cognitionem suscipere, quod in libris de anima præstitit Aristoteles. De ordine animæ ad corpus fusè in Physicis, & in libro de homine egimus; jam ut pauca de anima degustamus in quantum à corpore est seiuncta, præsens institutum videtur requirere. Agemus vero hic.

*De animæ humanæ origine.*

**M**ULtas circa animæ originem esse sententias apud Hieronymum legimus in epist. ad Marcell. & Anaplych. tom. 3. cuius init; tandem ex Africa; Super animæ statu, inquit, memini vestræ quæstiunculæ, imo maximè Ecclesiasticæ quæstionis; utrum lapsa de cælo sit, ut Pythagoras Philosophus, omnesque Platonici & Origines putant: an à propria Dei substantia, ut Stoici, Manichæus & Hispaniæ Priscilliani hæreses suspicantur; an in thesauro habeantur Dei olim conditæ, ut quidam Ecclesiastici stulta persuasione confidunt. An quotidie à Deo fiant, & mittantur in corpora, secundum illud quod in Evangelio scriptum est: Pater meus usque modo operatur, & ego operor. An certe ex traduce, ut Tertullianus, Apollinarius & maxima pars occidentalium autumat, ut quomodo corpus ex corpore sic anima nascatur ex anima: & simili cum brutis animantibus conditione subsistat. Ita ille varias circa animæ originem opiniones refert. De his quantum ad præsens nōs ita:

**¶** Animæ humanæ origo duobus consideratur modis: vel quoad primam creationem, vel quoad eiusdem propagationem. In prima creatione animam immediate à Deo originem accepisse creando dubium non est. Ita enim expresse

preſſe Moſes Gen. 2. v. 7. de hominis creatione ſcribit: formaffe Dominum Deum hominem de limo terræ, & inſpiſſe in faciem ejus ſpiraculum vitæ, & factum eſſe hominem in animam viventem. Ac ita immediate quemadmodum corporis formatio, ita & animæ inſpiratio & creatio Deo uni & ſoli adſcribitur. Quod quid ſit expoſuit Chryſoſt. in Gen. hom. 13. quid eſt, inquit, inſpiravit, ſpiraculum vitæ? Voluit & imperavit, ut hoc corpus haberet vitalem vim, quæ facta eſt animali in animam viventem; hoc eſt, efficaciter operantem, & ſuam artem motu oſtendere valentem. Et Magiſter ſententiarum in 2. d. 17. cap. de creatione animæ: non, inquit, carnaliter putemus Deum corporis manibus formaffe corpus, vel faucibus inſpiſſe animam: ſed corpus formavit jubendo, volendo, id eſt, voluit & verbo ſuo juſſit, ut ita fieret: & inſpiravit in faciem ejus ſpiraculum vitæ, id eſt, ſubſtantiam animæ, in qua viveret, creavit non de materia aliqua Corporali vel Spirituali, ſed de nihilo.

An vero ipſa vel ſubſtantia Dei ſit, vel de ſubſtantia Dei creata anima? Fuerunt enim hæretici Manichæi, qui nihil aliud dicunt eſſe animam, quam ipſam Dei ſubſtantiam, ut docet Auguſt. lib. 7. de Genef. ad lit. cap. 11. Et Lombardus in 2. d. 17. cap. opinio quorundam hæreticorum, tradit, putaffe quosdam hæreticos, Deum de ſua ſubſtantia animam creaſſe, verbis ſcripturæ pervicaciter inhærentes, quibus dicitur inſpiravit vel inſuſflavit &c. Cum fiat, inquit, vel ſpirat homo de ſe flatum emittit. Sic ergo cum Deus dicitur flaſſe vel ſpiſſe ſpiraculum in faciem hominis, ex ſe ſpiritum hominis emiſiſſe intelligitur, id eſt de ſua ſubſtantia.

tia Et Cicero Platoniorum sententiam usurpans saepe dicere solet, animos humanos ex divina natura esse libatos, haustos, tractos, & decerptos. Vide Perer. in Genes. libro 4. num. 104.

Verum accurate monet August. epist. 146. ad Consentium quæst. 4. maximè esse cavendum, ne anima non à Deo facta natura, sed ipsius Dei substantia tanquam unigenitus filius, quod est Verbum ejus, aut aliqua ejus particula esse credatur, tanquam illa natura atque substantia qua Deus est quicquid est, commutabilis esse possit: quod esse animam, nemo non sentit, qui se animam habere sentit. Argumentum est hoc: Nihil mutabile potest esse substantia Dei. At vero anima est mutabilis, ipsa experientia id testante & conscientia cujusque distans. Anima ergo substantia Dei esse non potest. Aliud argumentum adducit Mag. sent. citatio superius loco: Non sunt, inquit, audienti, qui putant animam esse partem Dei. Si enim hoc esset, nec ab alio decipi posset, nec ad malum faciendum vel patiendum compelli, nec in melius vel deterius mutari. At vero hæc omnia accidere animæ. quis est qui dubitet? Pars ergo substantiæ divinx anima esse nequit. Quod vero ad argumentum in contrarium attinet, flatum provenire ex corpore flantis, atque propterea animam hominis ex Dei esse substantia ridiculum esse dicit Pererius: nec enim inspiratio illa Dei fuit corporalis, sicut nec locutio fuit corporalis, cum Deus dixit: fiat lux, fiat firmamentum: sed tropicæ locutione id dictum. Flare enim est flatum facere, flatum facere est animam facere. Quo sensu Augustinus interpretatur epistola 146. illud Esaia 42. & 57. omnia flatum ego feci: quod vel flatus ipse anima

anima sit, vel ipso anima facta sit. Vide August. de anima & ejus origine lib. i. quomodo in genere contra Vincentium Victorem disputet de hoc argumento.

Ceterum quod ad animæ propagationem attinet, de ea fusius in physicis nostris, & in libro de homine disputavi, ut opus non sit eandem doctrinam hoc loco repetere. Id tantum notabo, quod ab Hieronymo dictum durius aliquanto, vel saltem ambigue, traducem, (quam alias defendo) id inferre, ut anima simili cum brutis animantibus conditione subsistat, Quod si enim substantiam spectes, ex simili propagandi modo, eadem substantiæ ratio inferri recte non potest: quemadmodum enim plantis & animantibus communis ea vis est, ut simile possit generare sibi simile: nec tamen secundum substantiam eadem naturæ conditio recte inferitur, quin & plantæ & animantia inter se, & hæc ab animantibus natura & specie differant: ita similis propagationis modus hujusmodi cum animantibus communis naturæ & conditionis substantialis identitatem non infert. Nec enim propagandi modus, sed propagationis, quemadmodum motus omnis terminis naturæ & substantiæ diversitatem importat. Non si alia ratio est Adami in creatione, alia Evæ, alia nostra in propagatione: naturæ propterea inferri potest diversitas. Sin propagandi modus spectetur, ita semper judicavi: cum divina benedictio & plantis & animantibus eam vim in prima creatione indiderit, ut crescere & multiplicare sese possint: non esse eandem vim homini denegandam, qui ut vi quadam insita crescere potest, ita etiam sese multiplicare;



triplicare non secundum partem tantum, sed se-  
totum possit. Quod tantum abest, ut quidquam  
detrahat humanæ, vel nobilitati, vel perfectioni:  
ut hoc opus naturalissimum eandem potius sta-  
biliat, & confirmet. Qui solutionem argumen-  
torum contra traducem e sacris adductorum vi-  
dere petit, legat Augustinum de anima, & ejus  
origine ad Xenatum.

Atque hæc de anima strictim hoc loco perse-  
qui volumus: quæ enim de animæ immortali-  
tate & aliis circa hanc doctrinam sunt dubia  
fusè in Physicis tradidimus.

DEVS OPTIMVS MAXIMVS  
Angelos sanctos suos custodes nostrarum ani-  
marum clementer esse velit, omnem Satanæ  
malitiam depellant, & ipsius nomen à nobis  
sanctificetur, ad ipsius gloriam & nostram sa-  
lutem. Amen.

REGI SECVLORVM, IMMOR-  
tali, Invisibili Soli, Deo honor &  
gloria in secula seculorum.

A M E N.

I N D E X



I N D E X  
Q U Æ S T I O N U M,  
S E N T E N T I A R U M  
& rerum, quæ in complexu primi  
Libri obveniunt.

A

<b>A</b> <i>Vel Ab.</i>	153
<i>A se esse, &amp; ab alio.</i>	152
<i>Absolutum à causa, à subiecto, à termino.</i>	193
<i>Absolutum positivè, privative, negative.</i>	195
<i>Abstractio</i> 114. <i>actualis &amp; habitualis</i> 121. <i>formalis &amp; totalis</i> 122. <i>à subiecto &amp; supposito</i> 129. <i>negative et privative.</i> 129. <i>Physica Mathematica, Metaphysica</i> 132. & <i>seqq.</i> <i>secundum essentiam et indifferentiam</i>	117
<i>Abstrahentium non esse mendacium.</i>	120
<i>Accidens ante se requirit substantiam.</i>	21
<i>Accidentia absoluta et non absoluta</i> 197. <i>quomodo desinant esse</i> 195. <i>quomodo fiant singularia</i>	245
<i>Actionis terminus singulare.</i>	144
<i>Actus tot modis dicitur quot potentia</i> 100 et 101	
<i>Actus entitativus</i> 101. <i>specificus</i> <i>ibid.</i> <i>formalis</i> <i>ibid.</i> <i>elicitus et imperatus</i> 111. <i>purus et impurus</i> 108. <i>primus et secundus</i> 108. <i>multiplaciter dicitur</i> <i>ibid.</i> <i>imperfectus</i>	111
<i>Æternitas et ævum.</i>	282
<i>Agens omne agit propter finem.</i>	151
<i>Aliquid tripliciter dicitur</i>	39
<i>Analogum quid</i>	50
<i>Annihilare quid.</i>	147
<i>Bonum</i>	

# I N D E X.

## B.

<b>B</b> onum ens in ordine ad appetitum	71
Bonitas transcendentalis naturalis, moralis, 72. moralis in genere et ex circumstantiis.	73
Boni remotio negativa et privativa.	81
Bonum verum et appatens.	82
Boni affectio duplex ratione iusti et commodi	83
Bonum simpliciter, et bonum alteri 84. illud dupliciter.	85
Bona magis, media, minima	ibid.
Bonum summum civile et speculativum.	86
Bonum honestum, utile, delectabile.	86, 111

## C

<b>C</b> ausa quid 221. realis et intentionalis. Item intrinseca ib. quæ imperfectionem habeat 192	
Causa efficiens per se et per accidens. Illa totalis et partialis: totalis sufficiens, adæquata 221	
Causa universalis, particularis, principalis, instrumentalis, 222. instrumentalis quadrupliciter	222
Causarum subordinatio essentialis et accidentalis.	224
Causatum vel operatio vel opus	224
Causa exemplaris.	226
Causa toties dicitur quoties principium.	204
Causa per accidens in quibus,	90, 97, 223.
Cognitio increati tribus modis	149
Cognitio duplici via perficitur inventione ei disciplina	61
Cognitio confusa et distincta	125
Cognitionis difficultas.	60
Compositio sextuplex	254
Conceptus obiectivus et formalis	3
Concretum	115

Con-

# I N D E X.

Contingens quid & quoduplex.	157, 165
Contingentia gradus.	172
Contingentia causa	174
Continuum quid	49
Contradictoria oppositio unius	51
Contradictio ad inferiora	22
Convertibile ratione essentia & suppositi	79
Corruptibile 207. multis modis dicitur	201
Creati entis cognitio eget cognitione triplicis contingentia.	268

## D

<b>D</b> efinitio & definitum sunt unum re, differunt ratione	127
Definitio materialium. 28. per copulam	205
Denominatio multiplex	295
Deus an Ens recte dicatur	29, 31
Deus an in loco 177. simpliciter absolutus	192
Dependens quid	183
Dependentia absoluta & contracta	185
Hæc effectiva, subjectiva, objectiva	ib.
Distinctio rationis, è natura rei, realis	143
Diversum 105. late & stricte	246
Divisio Entitativa & Quantitativa	54

## E

<b>E</b> ffectus perseitas & accidentalis tota ab agente dependere videtur.	97
Effectum quod non est, non est finitum	152
Efficientes causas particulares non est necesse cum suis effectibus perpetuari: sed primam perpetuari oportet.	223
Efficiens causa quid 211. duplex 229. per accidens multis modis	230
Elementum quid 204. ad hujus rationem quatuor requiruntur	ibid.
Ens in universali abstrahit ab absoluto & relativo.	195
	<b>Eps</b>

# I N D E X.

<i>Ens reale &amp; rationis.</i>	92.	<i>Illud duplex.</i>	89
<i>En rationis multipliciter.</i>		<i>ibid. &amp; seq.</i>	
<i>Ens per se in ratione Entis &amp; effectus</i>			90
<i>Entis divisiones ex affectionibus.</i>	105.	<i>divisio in universale &amp; singulare : in idem &amp; diversum</i>	<i>ibid.</i>
<i>Entia materialia &amp; immaterialia differunt.</i>			8
<i>Enti an unus quidam communis conceptus tribui possit.</i>			29
<i>Essentia, natura, forma, &amp; quidditas conveniunt</i>			25
<i>Essentia variat pro diversitate subiectorum</i>			26
<i>Exemplar propter quid &amp; quid sit</i>			15
<i>Existentiæ natura</i>			101
<i>Experientiæ imperfectio</i>			61, 62
<i>Experientia quid &amp; quotuplex</i>			206, 207
<i>Experientia quomodo gignat artem &amp; scientiam</i>			207

## F.

<b>F</b> <i>alsum</i>	60.	<i>non opponitur veritati Entis, sed cognitionis</i>	67
<i>Finis quid</i>	204.	<i>alius &amp; , alius &amp; ibid. generationis &amp; rei genitæ. ibid. triplex gradus eorum quæ ad finem progrediuntur</i>	331. ὄντως, & παρὰ φύσιν.
<i>Finitum quid</i>			179
<i>Forma quid</i>	223.	<i>tria ab hac, esse, distingui, operari</i>	174. dicitur actus
<i>Formæ ordo ad materiam</i>	227.	<i>ejus officium in composito. ibid. conjunctio cum materia essentialis &amp; accidentalis</i>	121
<i>Formalitas distincta distinctum suscipit considerandi modum.</i>			122
<i>Fortuna est in voluntariis</i>			91, 97, 223
		<i>Gene-</i>	

# I N D E X.

## G.

- G**eneratio quid 145. univoca et equivoca 147  
 Generatio unius alterius corruptio & con-  
 tra. 147  
 Generatio & corruptio idem numero motus 147  
 Genere quæ sunt communia, in iis nihil est pri-  
 mum, quod sit causa alterius 22.

## H.

- H**abitus 288  
 Habitus actus primus 110  
 Honestum quid. 87.

## I.

- I**dea quid 149  
 Idem 105. simpliciter, re, subjecto, formâ 246.  
 & seq.  
 Illocale quid & quotuplex 177  
 Incorruptibile 199  
 Increatum quid 142. quot modis cognoscitur 148.  
 &c.  
 Individuum 49. de principio individuationis 240  
 Independens quid et quotuplex 184  
 Indivisio quid notet 54  
 Informatio quid. 102  
 Infinitum quid et quotuplex 75  
 Instrumentum duplex 162  
 Intelligibile quid 2. an sit passio cuiusque entis 3  
 Intellectus non est quid re diversum ab anima 41  
 Intelligentiæ ad quod genus abstractionis refe-  
 rantur 116. earum doctrina non est diversa à  
 transcendentium doctrinâ 6. compositio earum  
 non est intrinseca, sed extrinseca. 27

## L.

- L**imitatio et illimitatio 105  
 Lineam quomodo definiat Mathematicus 120  
 Locale et illocale quid 177. Esse in loco repletivè,  
 definitivè et circumscriptivè quid differunt. ib.  
 Loci

# I N D E X.

<i>Loci triplex comparatio ad locatum</i>	132
<i>Locus et Vbi differunt</i>	132
<i>Logicæ finis verum à falso dividere, secundum Zabar.</i>	66

## M.

<b>M</b> <i>Alum quid 73. Concretive et abstractive dicitur 73. formale et materiale mali. ib. quomodo bono opponatur</i>	ibid.
<i>Malum num quid positivum includat</i>	83
<i>Materia proprie et improprie dicta</i>	223
<i>Materiæ natura tria complectitur 226. ejus muneræ duo 227. Materia sensibilis et intelligibilis 134. Materiæ actus entitativus 101. In materia signata tria</i>	241
<i>Metaphysica quid 1. dividitur in tres partes 2. de Metaphysicæ subjecto opiniones diversæ conciliantur. 2. et seq.</i>	2
<i>Metaphysica an sit disciplina à disciplinis aliis, et in specie à Logica diversa</i>	10
<i>Metaphysica an sit scientiarum omnium prima</i>	11, 15. et seq.
<i>Metaphysicæ subjectum indirectum et directum</i>	19
<i>Modi</i>	155
<i>Momentum primum et secundum</i>	34
<i>Multitudo quid</i>	50
<i>Multa relata ad Vnum ordinem sortiuntur.</i>	52.

## N.

<b>N</b> <i>Natura abreactio à supposito</i>	188
<i>Natura non potest annihilare</i>	147
<i>Naturale agens an agat cum cognitione</i>	97
<i>Natura quomodo dicatur essentia</i>	29
<i>Necessariæ res naturales</i>	64
<i>Necessarium quid et quotuplex</i>	156. et seq.
<i>Necessitatis septem gradus.</i>	165
<i>Nihil et Entia rationis quomodo consideret Metaphysicus</i>	90

è Nihilo

# I N D E X.

de Nihilo producere quomodo intelligendum 143  
 Notio Entis ex omnibus terminis primo se offert  
 intellectui. 37

## O.

**O**bjectum intellectui quomodo sit præsens. 121  
 Oppositio inter unum & multa varia 51  
 Ordo realiter distinctorum est idem quando eadem  
 res sunt unitivè contentæ. 42

## P.

**P**assiones in duplici differentia. 40. quatuor  
 earum conditiones ib.  
 Partes quot modis dicantur 260  
 Potentia quid & quotuplex 98. & seq.  
 Perfectio multis modis dicitur 263  
 Principia Metaphysica 33  
 Principium multipliciter dicitur 203  
 Propria cum suis subjectis, quomodo convertan-  
 tur 79  
 Proprietates & affectiones subjecto solent addere  
 aliquam novam perfectionem in subjecto non  
 contentam 42

## Q.

**Q**uiditas quomodo conveniat cum essentia  
 & natura 23  
 Quantitas & Qualitas quomodo absoluta 190

## R.

**R**erum 165  
 Rerum ordo 149  
 Res an sit affectio Entis 39. tripliciter accip. ib.  
 Relata simul natura 52  
 Relatio prædicamentalis & transcendentalis. 106  
 Relatio realis, rationis & mixt. 145  
 Relatorum dependentia à termino. 214. multi-  
 plex abstractio 188  
 Simplex.



# I N D E X.

## S

<b>S</b> implex 47. 252. Simul.	52
Singulare quid 238. quomodo differat ab universalis & quo cum ipso conveniat.	143
Singularia quomodo existant.	101
Subjectum multiplex.	2
Substantia.	271

## T

<b>T</b> empus non est de quidditate motus. à tempore intellectus potest abstrahere motum. 120	
Totius cū partibus unio variatur pro varietate totius & partium 124. quadruplex potissimum attenditur Universalis, essentialis, integralis, definitionis.	ib. et seq.
Totum quid & quotuplex	256
Transcendentia quid 9, eorum primum Eius	23.
quomodo relativa & absoluta.	198

## V

<b>V</b> bi et locus quomodo conveniant et differant.	183
Verum quid 64. quodo se habeat ad intellectum. 58	
Veritas incomplexa et complexa 58. complexa quotuplex.	ibid.
Veritas subordinata quatuor modis potest considerari	58
Veritas est vel rei, vel sermonis, vel facti 59. Logica, et Ethica.	59
Veritati quomodo opponatur falsitas	67
Veritatem inquirere est omnibus scientiis commune secundum actum exercitum, non secundum signatum	67
Vnum quid 46. consideratur dupliciter, ib. eius formalitas.	47
Vnum quoddam est indivisum et indivisibile, quoddam indivisum, sed divisibile.	ib.
Vnum summe simplex et simpliciter simplex ib.	
Vnum per se et per accidens.	48
	Vnum.

# I N D E X.

<i>Vnum numero ib. unum genere, et unū specie</i>	49
<i>Vnum aggregatione duplex</i>	50
<i>Vnitatis sex gradus, aggregationis, ordinis, per accidens, per se compositi, simplicitatis et formalis.</i>	55
<i>Vnio quid</i>	102
<i>Vnio totius cum suis partibus potissimum quadruplex</i>	124
<i>Vniversale, 105. quomodo abstrahat à suis inferioribus.</i>	125
<i>Vniversale consideratur vel secundum nomen, vel secundum rem.</i>	306
<i>Vniversale secundum nomen dicitur multipliciter, vel in distribuendo, vel representando, vel causando, vel prædicando</i>	ib
<i>Vniversale in prædicando triplex, ante multa, post multa et in multis.</i>	338
<i>Vniversale perfectum et imperfectum</i>	239
<i>Vniversale quomodo sit extra intellectum</i>	ib.
<i>Vniversale consideratur abstracte, et concrete.</i>	240
<i>Vniversale quomodo sit corporeum et incorporeum</i>	ibid.
<i>Vniversale non est separatum à singularibus</i>	ib.
<i>Vniversale quomodo differat et conveniat cum singulari.</i>	142.

## I N D E X



# I N D E X.

go hæc duobus consideratur modis; vel quoad primam creationem, vel quoad ejusdem propagationem. ibid. & seq.

## B.

Bonitatis defectus & privatio in Deum cadere non potest, 333. infinite bonum esse non potest, cui aliquis bonitatis gradus deest. ibid.

## C.

Compositio alia est Physica, alia Logica vel Metaphysica 369. hæc convenit intelligentiis quinque modis. 370. & seq.

Creatio quid 334. est duplex: immediata & mediata. ib. an sit actio soli Deo conveniens. ib. differt hæc actio Dei, creatio nimirum, ab actionibus naturalibus & artificialibus, duobus modis ib. & 336. vis facultas et potentia creandi est incommunicabilis creatura ib. ejusdem potentie est è nihilo facere aliquid, et ens aliquid annihilare, seu in nihilum redigere. 366.

## D.

Dei attributa & operationes 300. attributa ea quid ib. et quicquid est in Deo, est ipse Deus. 312. Deo attributa potissimum tria secundum Philosophos appropriantur 300. attributa multa Dei in sacris habentur 312. attributa Dei non sunt unius modi 313. attributa divina de Deo prædicantur jam in abstracto, jam in concreto; et quare 314. attributorum divinorum multitudo non pugnat cum simplicitate Dei ib.

Dei potentia ordinaria et absoluta 301

Deus omnia potest, quæ non implicant contradictionem 301. Dei operatio quid 301. Deum absolute non esse corpus tripliciter ostendit Th. 305. Dei quæ & quotuplex significatio 307. origo nominis Dei ibid. etiam aliis rebus in sacris & pro-

# I N D E X

& profanis attribuitur ib. de Deo notitia vel  
 est supernaturalis è libro scripturæ, vel natura-  
 lis è libro naturæ 300. de essentia et quidditate  
 Dei duobus modis possumus loqui 311. Deo ac-  
 cidentia non possunt convenire 315. Deo af-  
 fectuum nomina conveniunt non secundū affe-  
 ctum, sed secundum effectum 317. Deus an sit  
 causa peccati 332. Durationis genus triplex:  
 æternitas, ævum, & tempus. — 319

## I.

Intelligentiarum duo Ordines primarii apud Scho-  
 lasticos cœlestis & supercœlestis 342 an fini  
 cœlestium orbium motrices 361. an ejusmodi  
 intelligentiis motricibus indigeant, &c. 362  
 Intelligentiæ seu Angeli inter Deum nostramque  
 animam naturæ cujusdam sunt mediæ 353

## L.

Logici termini an etiam Deo conveniant 337. Lo-  
 gicorum terminorum non una est ratio 340

## M.

Malum duplex: culpæ & pænæ 232. quomodo  
 differant ib. in malo culpa tria distinguuntur ib.  
 Modus est duplex, secundum quem versamur in  
 rerum cognitione. 339

## O.

Opiniones duæ, eaque oppositæ: altera Vbiuita-  
 tem corpori Christi cum divinitate vult esse  
 communem, altera Deo etiam Vbiuitatem de-  
 negat. 322. & seq.

## P.

Providentia divina tria in se complectitur: præ-  
 sentiam, voluntatem, & directionem. 330 et seq.  
 an imponat rebus necessitatem. 330

## Q.

Quæstionum Theologicarum, quæ in controver-  
 siam veniunt, alix sunt pure, alix mixtæ. 337  
 Rerum

# I N D E X.

## R.

*Rerum et Entium ordo seu respectus ad locum est triplex: quædam dicuntur esse in loco circumscriptivè, ut corpora; quædam definitivè, ut Angeli; quædam repletivè, ut Deus* 320

## S.

*Separata metaphysica per essentiam quid sint* 299

*Spiritus quid* 299. *duplex vel increatus, vel creatus.* ibid.

*Spiritus vocabulū intelligitur multipliciter.* 303

*Spiritus de quibus Physicus agit, quinam.* 304

*Spiritus vocabulum Deo intelligentis tribuitur, sed non eadem simpliciter ratione.* ibid.

*Spiritus creatus est spiritus à Deo dependens* 342  
*estque vel Completus & incompletus* ibid.

## T.

*Tempus corporibus tribuitur, quibus principium, finem & successionem pro naturæ cujusque conditione assignamus.* 319

# F I N I S.